





2 v ~~2400-~~

511


40427/A

Vol. 1

~~1788~~

~~1588~~







JAC. PERIZONII  
O R I G I N E S  
B A B Y L O N I C Æ  
E T  
Æ G Y P T I A C Æ

TOMIS II.

*Quorum Prior*

B A B Y L O N I C A , & T U R R I S

IN TERRA SINEAR EXSTRUCTÆ, AC  
DISPERSIONIS HOMINUM EX EA, RA-  
TIONEM AC HISTORIAM CONTINET.

EDITIO SECUNDA.

CUI PRAEFATIONEM ET ALIA  
QUAEDAM ADDIDIT

CAROLUS ANDREAS DUKERUS.



TRAJECTI ad RHENUM.

Apud J U S T U M R E E R S.

MDCCXXXVI.

JAC. PERINONI

O. R. I. G. I. N. A. L.

BABYLONICA

EGYPTIACA

Tomis H.

Tomis H.

BABYLONICA, & TOMIS

IN TIBIA SIBIA EXISTENS

IN TIBIA SIBIA EXISTENS

IN TIBIA SIBIA EXISTENS

IN TIBIA SIBIA EXISTENS

IN TIBIA SIBIA EXISTENS

IN TIBIA SIBIA EXISTENS



WELLOOMB HISTORICAL MEDICAL LIBRARY




*Excellentissimo atque Amplis-  
simo Viro,*

J O H A N N I  
VAN DEN BERGIO,

CIVITATIS LUGDUNENSIS CON-  
SULI IV. ET EX FOEDERATA  
HAC REP. NOMINE CAROLI III.  
HISPANIARUM REGIS, BRA-  
BANTIAE, FLANDRIAE, HAN-  
NONIAE, &c. EPHORO, ET AD  
RES EARUM ORDINANDAS  
CONSTITUENDASQUE DELE-  
GATO.

*S. P. D.*

JAC. PERIZONIUS.

ingularis est illa benevo-  
lencia, qua me comple-  
xus es omni illo tempo-  
re, quo ex Frisio in Batavum

## DEDICATIO.

evocatus Athenaeum, fixam hic  
mearum habui fortunarum sedem.  
Ea vero multo mihi gratior etiam  
accidit & honestior, quod prae-  
cipuo quodam amore ac studio  
totam Te Academiam, eosque in  
primis, qui bene de ea meren-  
tur, prosequi cernebam. In illis  
abs Te, Viro Elegantissimi Ju-  
dicii, & in Academicas res sem-  
per intento, censeretur non poterat  
non esse mihi iacundum valde &  
honorificum. Sed & quod Tuam  
in amicitiam ultro me & constan-  
ter adeo recepisti, qui nullas cer-  
te in ea mecum constituenda pro-  
priae utilitatis spectare potuisti ra-  
tiones, honori id mihi apud alios  
vel maximo fore duxi, quum in  
Tuae existimationis praejudicio at-  
que



## DEDICATIO.

que ornamento partem haud exiguam publicae laudis repositam arbitrarer. Nec temere me ita putasse, laetus & lubens sensi, quando ipsam quoque Remp. Tuo quamplurimum tribuere Judicio, Tuasque Virtutes, &, quae in Te possidebat, Bona agnoscere vidi, dum in tanto armorum strepitu, atque ambiguo rerum statu, Te potissimum ex Hollandia nostra delegit, quem ad Brabantiam, Flandriam, Hannoniam in mutuae amicitiae foedere & officio continendam praecipua cum dignitate & auctoritate mitteret. Duram enimvero provinciam tuis impositam humeris fateor, quippe ad quam recte administrandam summa requiritur prudentia & fortitudo,

## DEDICATIO.

summa industria & sapientia, summa denique abstinentia & vitae integritas. Verum tanto major Tua est gloria, quo rectius partes adeo difficiles semper egisti, atque etiamdum agis. Ipsi Bruxellenses & Brabantini omnes, aequae ac Nostri Ordines, praedicarunt, publicisque declararunt Honoribus, Tua merita, Tuam constantiam, Tuum consilium in toga simul & in sago conspicuum, quum illa istius Gentis Metropolis & Urbs Urbium gravissimo quateretur belli tumultu, atque acerrima premeretur obsidione. Potuisses Te periculis tunc subtrahere salva existimatione Togatus, & com metu a Patriae Patribus dato, sed maluisti Te tuamque vitam praesentissimo objicere discrimini.



## DEDICATIO.

discrimini, & Patriae, si opus sit, impendere, quam, subducendo Te, eam periculo exponere. Et grande tulisti tunc tuae curae & perseverantiae pretium ac fructum, quando, Servatis Bruxellis, non Brabantia modo omnis Hostium, qui jam jugulo ejus incumbabant, faucibus est erepta, sed & ab Reip. nostrae Finibus longe remota manserunt tristitia belli atrocissimi mala. De hisce, & ceteris, quae publico cum Batavorum, tum communis Foederatorum causae, bono, hic & illic jam praestitisti, ut Tibi ex animi sententia gratulor & applaudo, ita Te vicissim nunc rogo, ut publicum hoc amicitiae nostrae monumentum, quam per hoc opusculum Tuo Nomini inscriptum constare


\* 4

## DEDICATIO.

stare omnibus volui, benevole accipias. Servet Te Deus O. M. Patriae, ac Foederatis, tum Lugdunensi Civitati, denique Tuæ Familiæ & omnibus, qui Te colunt & amant, quam diutissime sospitem & incolumem. Vale, Vir Illustrissime, & Tuam simul ac publicam Rem feliciter, ut adhuc fecisti, etiam deinceps gere. Lugduni in Batavis a. d. III. Nonas Majas CIO IDCCXI.



JACOBI PERIZONII  
PRÆFATIO  
AD LECTOREM.

iu jam est, quod *Babylonicas* has *Origines* Dissertationibus aliquot, quales ad exercendam Academicam pubem in Disceptationem mitti solent, per partes ediderim. Quum vero non displicuisse viderentur Lectoribus, certe ex Officina omnes brevi identidem fuissent distractæ, jamque dudum haberi amplius non possent, atque ideo sæpius & a variis essem rogatus, ut in unum volumen collectas in publicum darem, visum fuit faciundum tandem, ut eas denuo recenserem, & hic illic auctas variis accessionibus omnium oculis & judicio permetterem. Sed dum in rebus antiquissimi temporis investigandis versor, quæ spissis undique tenebris sunt obsitæ, nec idoneis semper probari, quantum fatis est, testibus

\* 5

## JAC. PERIZONII

stibus possunt, accidit sane, ut, dum omnia diligenti meditatione, & secundis ac sæpe tertiis curis, circumspicio, multam quoque *Addendorum* segetem extremo Libri demum adjece-  
rim, aliquando etiam priorem mutaverim sententiam: id quod tantum abest, ut mihi vitio versum iri ab æquis Lectoribus augurer, ut e contrario palam & ultro profitear. Secus arbitrentur Homines, qui, quod semel se clare & evidenter perspexisse autumant, sub examen denuo revocare abnuunt, ne videantur suo ipsorum judicio aut perspicaciæ diffisi. Vereantur illi ac refugiant suos agnoscere errores, dissimulent immo eos, vel tueantur etiam mordicus, atque agant omnia, ne humani quid comperiantur passi. Mihi alia sedet mens, alia est ratio, & longe laudabilius duco, de mei ipsius Judicii & Doctrinæ existimatione detrachere quid sponte mea, quod veritati donem, quam uni servire gloriæ apud imperitos rerum arbitros, eique Verum post-



## P R Æ F A T I O.

posthabere, quod tamen, etiam si in tenebras abdatur, a peritis facile plerumque agnoscitur. Neque tamen eo præfari hæc volui, quod sæpius in hisce, in quibus ceteroquin, in ultimam quippe antiquitatem reconditis, *fas est obrepere somnum*, priora mea expunxerim, & alia substituerim; sed quia multi hodie ejus sunt generis, ut quidvis potius fingerent, & aliis obtruderent, quam ut sua retractarent, admoniti licet & omnium consensu convicti. Quin aliis illi, magis ingenuo candore præditis, illudunt insuper & insultant palam, si homines se ultro agnoverint, quum interim ipsi tam negligenter & festinanter sua scribant & publice edant, ut libri ipsorum erroribus scateant, & tamen, qua sunt fronte penitus perfricta, varia tractare, magnoque cum supercilio, quæ forsan intelligunt, & quæ certe non intelligunt, docere alios non vereantur. Sed relinquamus hos suo Genio, quo nati sunt arrogantissimo. Ego  
dignam

## JAC. PERIZ. PRÆFAT.

dignam & justam rebus quibuscumque, quæ in publicam emittuntur lucem, adhibendam cenſeo curam, & ſi forſan hac non ſatis ſucceſſit via, tentandam aliam quoque. ut ita, quod Verum eſt, inveniatur tandem. Quam animi ſententiam dum ſequor, ſicuti mea ipſius vineta cædere non erubeſco, ita nec aliorum opinionibus aut interpretationibus me addico indecoram in ſervitutem, atque ideo etiam in hiſce juſta libertate uſus, quidquid mihi videtur veriſſimum, reſutatis, quæ opponi poterant, aut qui contrarium quid tradebant, diligenter aſſerui, quod ut æqui bonique conſulas, quiſquis eris, Lector, etiam atque etiam rogo, inprimis quum nihil ceteroqui detractum Ego velim Doctiſſimorum Hominum meritis ac ſtudiis, quæ digno æſtimare pretio, in quocunque reperiam Homine, Tros Rutuluſve fua, nunquam ceſſabo. Vale.


CARO.



# CAROLUS ANDREAS DUKERUS,

S. P. D.

## LECTORI.

on est mihi animus longa oratione ad commendandos hos Viri Clarissimi, *Jacobi Perizonii, Babyloniarum & Aegyptiacarum Originum Libros* apud Te uti. Nam quum ipsi, ut cetera illius scripta, in quibus omnibus conjunctum cum excellenti doctrina magnum & acre judicium elucet, sua se bonitate satis commendent, non magis illis aliena commendatione, quam vino vendibili, quod dici solet, hedera suspensa opus est. Itaque hoc potius agam, quod & expectare Te arbitror, ut de iis, quae ad novam hanc Originum illarum Editionem pertinent, dicam, ac simul, quod fortassis non expectas, Auctorem earum adversus

## C. A. DUKERI.

fus reprehensiones & contumelias quorundam defendam. Publicavit ipse hos Libros Lugduni in Batavis Anno c1610ccxi. qui quam avide, quantisque omnium studiis excepti sint, hoc indicio est, quod & dudum vix ulla eorum exemplaria in tabernis Librariorum inveniuntur, & quae in auctionibus publicis venalia sunt, calore licitantium plerumque immodico pretio vendi cœperunt. Has ob causas quum eos rursus edendi se consilium cepisse mihi significasset, meumque ad id exsequendum auxilium expetiisset Librarius, non modo consilium illius probavi, verum etiam haud difficulter, ut conatus ejus adjuvarem, a me impetrari passus sum. Primum omnium igitur curavi, ut, quae Auctori addenda & emendanda in mentem venerant, & in fine utriusque voluminis legebantur, suis quaeque locis ponerentur. Deinde, partim eorum, quae de quibusdam capitibus adversus illum disputata in  
noti-



## P R A E F A T I O.

notitiam meam venerant, addenda putavi: in primis ea, quibus sententiam illius de Efarhaddone, Sennacheribi Filio, & occupata ab eo Babylone, deque Sesostris ac Sefaco, in *Spicilegio Antiquitatum Aegypti atque ei vicinarum Gentium* stilo interdum satis horrido, & acerbioribus, quam res postulabat, verbis impugnavit *Gulielmus Jameson, Praelector Historiarum in Universitate Glasguensi*: quae inde descripta huc transferenda duxi; quod Librum in Scotia editum neque vulgo trans mare notum, neque in multorum manibus esse credebam. Cetera, de quibus aliter senserunt Viri Clarissimi, *Campegius Vitringa in Commentario in Esaiam*, *Franciscus Sevinus in Dissertatione Gallice scripta*, qua emendationem loci *Pliniani in Capite I. Originum Babyloniarum* confutare conatus est, & *Jo. Fridericus Schroederus* in Libro, cui Titulum fecit *Imperium Babylonis & Ni-*  
*ni,*

## C. A. DUKERI

*ni*, prudens omisi; quod molem librorum non nimis augeri volebam, & quum scripta eorum obvia sint, sufficere arbitrabar id hoc loco verbo indicasse. Vitringae quidem responsurus erat, si vixisset, quod ex ipso audiui, Perizonius. Sed hoc & *Assyriacas Origines* scribendi consilium mors illius interpellavit. Sevinii Dissertationem & argumentorum pondera eodem sermone examinavit *Anonymus Auctor Articuli I. Tomi IX. de l'Histoire Critique de la Republique des Lettres*. Eorum autem, quae Schroeerus disputat, etsi quaedam consideratione digna videntur, tamen ea non excutere, nec multa a me addere volui, cum obeam, quam dixi, causam, tum quod mihi laborem difficilis, & non paucarum horarum, sed multorum dierum, inquisitionis harum rerum suscipiendum non putabam.

Sed praecipuum huic Editioni ornamentum accessit Viri plurimum Venerandi ac Doctissimi, *Hieronimi*  
*van*



## P R A E F A T I O.

*van Alphen*, SS. Theologiae in Academia Trajectina Professoris Celeberrimi, *de Annis Judicum Hebraeorum Dissertatio*. Incideramus forte in sermone familiari in mentionem de sententia Perizonii, qui *Cap. XVI. Originum Aegypt.* ab exitu Israëlitarum ex Aegypto usque ad quartum annum Salomonis, non *quadringentos octoginta* annos, quibus hoc intervallum *1. Reg. VI. 1.* definitur, sed *quingentos octoginta* effluxisse, & ita in loco illo *Libri I. Regum* scribendum putat. Eam quum sibi non probari, seque Auditoribus suis nihil ibi mutandum esse demonstrasse, diceret, statim & ipse eum hortari, & postea per Librarium cum eo agere coepi, ut ornandae hujus Editionis causa, quae intra domesticos parietes disseruerat, in publicum exire pateretur; quod putabam tam laudabilis laboris potius omnes, quam paucos, fructum debere capere. Nam praeter summam rerum

## C. A. DUKERI

Theologicarum scientiam, de qua inter omnes constat, etiam in controversiis Chronologicis ex Sacra Scriptura inter Doctos ortis studiosissime versatum esse, ex absoluto omnibus numeris illius *Commentario in Caput IX. Danielis de LXX. annis Captivitatis Babylonicae, & LXX. Hebdomadibus* apud Danielelem dudum intellexeram. Nec ille, quae est ejus humanitas, & hanc quoque partem studiorum adjuvandi voluntas, recusandum quo minus, quod paucorum erat, in commune conferretur, existimavit, & conscriptam de hoc argumento Dissertationem, quam *Originibus Aegyptiacis* addidimus, ad me misit; quod ego cum mihi perhonorificum esse judico, ut certissimum illius erga me amicitiae testimonium, tum omnibus harum rerum penitus cognoscendarum studiosis gratissimum fore confido. Nam quum tam speciosae sint rationes Perizonii ut iis etiam, qui in hoc genere

nere

## P R A E F A T I O.

nere studiorum exercitati sunt, moveri possint; annos Judicium non modo aliter atque ille fecerat, ordinari posse docet; verum etiam, quod ei firmissimum videbatur emendationis suae fundamentum in verbis Pauli Apostoli *Actor. Apost. XIII. 20.* ita, quantum ego de his rebus judicare possum, subruit, ut nihil in iis praesidii ad mutandum in *I. Reg. VI. 1.* numerum annorum cuiquam reliquisse videatur.

Quibus de rebus quum Viro Clarissimo adsentior, non ideo minus, quam ille, ingenium ac doctrinam Perizonii suspicio, nomenque & memoriam in honore habeo; sed pro ea, quae in Republica, quam literariam vocant, omnibus conceditur libertate, quod mihi tam de hoc, quam de aliis quibusdam, quae in his libris ab eo scripta sunt, verius videtur sequor. Nam & recte, mea sententia, Vir Clarissimus, Jacobus Gronovius in *Notis & Ob-*



## C. A. DUKERI

*servationibus ad Herodotum pag. 896.*  
 censet non esse in Herodoto II. 140.  
 delendam totam illam periodum,  
 ταύτην τὴν νῆσον -- Ἀμυρταίῃς, in qua si-  
 bi fastidiosam tautologiam deprehen-  
 disse *Cap. XI. Origin. Aegypt. pag.*  
*202.* videbatur Perizonius. Etsi enim  
 hoc locum illum primum intuenti  
 non improbable videri potest, &  
 narratio Herodoti de insula illa etiam  
 alia obscuritate laborat, tamen hu-  
 jusmodi conjecturae contra fidem  
 omnium librorum scriptorum recipi  
 non possunt; eo magis, quod hoc  
 genus tautologiae Herodoto, ut o-  
 stendit Gronovius, non inusitatae  
 sunt. Nec facile admiserim alteram  
 Perizonii in eodem Herodoti loco  
 conjecturam, si periodus illa reti-  
 neatur, in ea pro ἔτεα πλέω ἢ ἑπτα-  
 κόσια, legendum esse ἔτεα πλέω ἢ τρια-  
 κόσια. Nam in his verbis Herodoti,  
*Reges Aegypti ante Amyrtaeum sep-*  
*tingentis, & amplius, annis non po-*  
*tuisse invenire insulam illam, nihil*  
 est,

## P R A E F A T I O.

est, unde intelligi possit eum tantum id tempus voluisse designare, quod inter Sabaconem & Amyrtaeum interjectum, & ex Perizonii rationibus trecentorum annorum fuit; sed numerus ille *septingentorum annorum* etiam ad priores Sabacone Reges proferri potest. Et hoc fortassis est, quod eodem loco scribit Gronovius, *se alia, quae hic tam licenter deciduntur* (a Perizonio) *dedignari tangere*. Hoc quoque rationem habet, quod *ibidem* contendit, non esse mutandam summam annorum *undecies mille trecentorum & quadraginta*, quam ex CCCXLI. *generat̃is*, quarum tres centum anni sunt, colligit Herodotus II. 142. pro quibus *undecies mille trecentos & sexaginta* malebat Perizonius pag. 201. Quum enim CCCXLI. generationes neutram harum summaram exacte conficiant, non major ratio est hoc modo legi, quam illo, & *sufficit*, ut ait Gronovius,

## C. A. DUKERI

*postremam harum generationum procedere & currere.* Denique in Herodoti *Lib. III. cap. 5.* ubi de Cadyti agitur, verisimilior mihi videtur conjectura Gronovii pro ἡ ἐστὶ Συρίων legentis γῆ ἐστὶ Συρίων, quam Perizonii, qui molestum illud ἡ delendum, & πάντα, vel χάρα supplendum putat. Nam & omnes Manuscripti ἡ habent, & ellipsis illa, etsi alioqui satis usitata, in tali verborum positura plane insolens, & vix tolerabilis est.

Verum quemadmodum haec a Clarissimo Gronovio bene animadverta sunt, ita ceterorum, quae Eisdem in *Originibus Aegyptiacis* cum tanta verborum acerbitate, ut etiam doli insimulare Perizonium non dubitaverit, notanda visa fuerunt, dispar ratio est: quippe quum eorum alia ejusmodi sint, ut ea vel retulisse idem sit, quod refutasse; alia adeo levia, ut nemini, qui modo paulo aequior sit, in iis quidquam



## P R A E F A T I O.

quam nota dignum videri possit.

Scribit nimirum *in principio Capituli secundi Origin. Aegypt. Perizonius: Herodotus denique Regibus post Deos, Semideos, & Heroas tribuit Lib. II. cap. 142. annorum 11340. usque ad Sethon. Nam ab Hercule, qui secundis Diis adscribitur, usque ad Amasin XVII. milia numerari tradit Lib II. cap 43. at a Dionysso, qui inter tertii Ordinis Deos exstitit, usque ad eundem Amasin computat Cap. 145. XV. milia, idque Aegyptios jactare ait certo se scire, quum semper numeraverint & annotaverint annos. Et Cap. V. pag. 71. Quia, ut diserte tradit Herodotus II. 4. Menes primus ex Hominibus regnavit. Ac denique ibidem pag. 74. Quod Menes iste ab Herodoto dicitur primus Rex. Haec arripit in iisdem Notis & Observationibus pag. 859. & in Ad-dendis ad illam pag. & ad pag. 870. 896. 897. Gronovius, & Perizonium*

## C. A. DUKERI

nium arguit, ut qui Lectoribus persuadere voluerit Herodotum priscis Regibus ac regno Aegyptiorum aliquot myriadas annorum tribuentem, & Menem primum ex Hominibus in Aegypto regnasse tradentem, ea omnia ex sua, non Aegyptiorum, sententia scripsisse; quum *Herodotus nihil tribuat; nec jactet se inspexisse ipsos Annales (Aegyptiorum) & hinc numerari tradat; nec sua fide quidquam hujus generis dicat, sed eorum, ex quibus inquisivit, & modo referat, quid ex nonnullis in Aegypto audiverit.* Et his omnibus epiphonematis modo denique injuriosam clausulam addit: *Dolose haec scripta.* Sed injustam esse hanc accusationem facile per se quilibet, qui *Originum Aegyptiacarum* librum legendo modo percurrere volet, videbit. Verum est Perizonium, quum ab Herodoto testimonium harum rerum sumit, interdum non addere eum illas fide Aegyptiorum referre.

## P R A E F A T I O.

ferre. Sed profecto semper & ubique locum habere debet, quod in Jure Civili observari vult Pomponius *Ictus: non oportere calumniari Jus Civile, nec verba captari, sed qua mente quid diceretur, animadvertere convenire.* Quum igitur Perizonius pag. 156. 205. 257. & alibi, diserte scribat Herodotum ac Diodorum Siculum *omnia*, quae de priscis rebus & Regibus Aegyptiorum tradiderunt, *a Sacerdotibus Aegyptiis accepisse*, cur quisquam aequo animo Origines has legens aliis locis, quibus de eo Lectorem non monuit, verba captabit, & literas sequetur potius, quam mentem scribentis inspiciet? Utitur saepe eadem ratione in iis, quae ex Diodoro describit, ut interdum illum *ea tradere*, interdum *ab Aegyptiis habere* dicat, nec tamen hoc vituperat Gronovius. Cur ergo illi eodem modo in Herodoteis referendis versanti *doli* notam inusitam voluit? Sed illud vel maxime



## C. A. DUKERI

miror, quomodo ei in mentem venire potuerit, ut etiam in his verbis Perizonii, HERODOTUS XVII. *millia annorum* NUMERARI TRADIT, & IDQUE AEGYPTIOS JACTARE AIT *certo se scire*, reprehensionis suae firmamentum poneret, quae id funditus everunt. Nam qui ita loquitur, eum apertum est neque dicere, neque sentire Herodotum ipsum sic numerare, & jactare se ipsum Annales Aegyptiorum inspexisse, sed omnia illa Aegyptiorum, non sua, fide referre, & ab his accepta scribere.

Quae praeterea Idem Vir Clarissimus tam vehementer, tamquam falsa & Herodoto repugnantia, insectatur, ea omnia perquam minuta, &, si quis non iniquus judex esse velit, extra culpam & reprehensionem posita sunt. Hujus generis est, quod ad ea, quae de deminuta post Aprien regni Aegyptiaci potentia agens *pag. 553.* scribit Perizonius ex Herodoto

to

# P R A E F A T I O.

to III. 1. *Amasin ipsum se Persis imparem prorsus duxisse, & Cyrum ab eo, tanquam qui obsequi sibi deberet, praestantissimum oculorum Medicum, qui esset in Aegypto, postulasse, haec pag. 901. adnotat: An id fecerit Cyrus ut postularet ab eo, tanquam qui obsequi sibi deberet, habeat sibi ille, qui scribere sustinuit, Aegyptum fere ad nihilum redigens. Nam cur id non fecit ex aliqua alia regione sibi subjecta? Immo, quia constabat non esse alibi meliores. Credibile fane est hoc non ignorasse Cyrum, nec id negat, & tamen nihilo fecius habere sibi, quod scribere sustinuit, potest Perizonius. Horrebat nempe, ut ibidem auctor est Herodotus, potentiam Persarum Amasis: hoc autem quum non magis, quam quae de peritia artis Medicorum Aegyptiorum ferebantur, ignorare posset Cyrus, facile quoque Amasin sibi obsequi debere, id est, non ausurum postulanti, quod volebat,*  
recu-

## C. A. DUKERI.

recusare, quae Perizonii mens est, scire poterat. Nec recte eo nomine notatur, quod divinarum praedictionum, quam mendacissimorum Aegyptiorum, fidem sequi maluit, & Aegyptum post necem Apriae humile ac debile regnum fuisse dixit: nam qui hoc negare sustineat, viderit, quomodo, quae de ea re in libris sacris praedicta sunt, exitum habuisse demonstraturus sit.

Illud quoque nullo negotio dilui potest, quod *pag. 897. Not. & Observat. in Herodotum* dicit, *mera falsa esse*, quae *pag. 441.* scribit Perizonius, *Nihil majus & operosius in Aegypto, atque ejus Historia, inveniri exstructione Pyramidum*: quia Herodotus II. 148. scribat, ὁ δὲ δὴ λαβύρινθος καὶ τὰς πυραμίδας ὑπερβάλλει, *labyrinthus pyramidas quoque antecellit*: nam non posse haec verba fallere. Ita est: clara ac dilucida videntur esse haec verba. Et tamen non dubium est, quin, si quis putet iis signi-

gni-



# P R A E F A T I O.

gnificari *nihil majus & operosius in Aegypto esse labyrintho*, is se ipse, non eum verba Herodoti fallant. Nam si haec ratio Gronovii valet, etiam *mera falsa sunt*, quae de labyrintho prodit Strabo *Lib. XVI. pag. 8 II.* ἡ τῆ λαβυρίνθου κατασκευὴ πάρισον ταῖς πυραμίσιον ἐστὶν ἔργον, *labyrinthi fabrica opus haud impar pyramidibus est*: non enim πάρισον, sed ὑπερβάλλον τὰς πυραμίδας, *superans pyramidas*, dicere debuisset. Et quae de pyramidibus Ammianus Marcellinus *Lib. XV. Cap. 22. ultra omnem omnino altitudinem, quae humanis confici potest, erectae*: nam hoc quoque labyrintho, non pyramidibus,tribuendum fuisset. Quid ergo est, quod dicit Herodotus, *labyrinthus pyramidas quoque antecellit*? Manifestum est haec verba non de mole labyrinthi, nec de labore in illo exstruendo exhausto, ac ne quidem de diuturnitate temporis illo perficiendo absumti, verum de varietate, ele-

## C. A. DUKERI

elegantia, & artificio totius operis ac structurae, & singularum illius partium accipienda esse. Hoc ostendit Diodorus Siculus *Lib. I. pag. 39.* de labyrintho hunc in modum scribens: Τὸν ὀνομαζόμενον λαβύρινθον ἔχ' ἔτω κατὰ τὸ μέγεθος τῶν ἔργων θαυμαστὸν, ὥς πρὸς τὴν φιλοτεχνίαν δυσμίμητον, *non tam mole operum admirandum, quam artificio inimitabilem.* Et de pyramidibus *ibid. pag. 41.* ὁμολογεῖται δὲ ταῦτα τὰ ἔργα πολὺ προέχειν τῶν κατ' Αἴγυπτον, ἢ μόνον τῷ βάρει τῶν κατασκευασμάτων, καὶ ταῖς δαπάναις, ἀλλὰ καὶ τῇ πολυτεχνίᾳ τῶν ἐργασαμένων, *in confesso est haec opera ceteris per Aegyptum longe praecellere, non tantum structurarum mole, & impensis, sed etiam industria artificum.* Atque hi tres, aequae ac Herodotus, labyrinthum & pyramidas in Aegypto coram inspexerunt.

Quod denique nomen illius, qui primus ex Hominibus Rex Aegypti fuisse dicitur, a Perizonio perperum  
in

# P R A E F A T I O.

in casu recto *Menes* efferrī arguit in *Addendis ad pag. 859.* quum non ita dicatur Herodoto, sed unisyllabicum sit, id non magis ad hunc, quam ad Bochartum, Marshamum, & alios pertinet, qui, si quid in hoc culpaē est, in eandem reprehensionem incurrunt, quod & ipsi *Menes* in nominativo dixerunt. At cur hoc illis non licuit? An, quia Herodoto hoc nomen est monosyllabum Μῆν, Μείν, vel Μίν? At Diodoro Siculo *Lib. I. pag. 28. 29. & 56.* est dissyllabum Μηνᾶς, & Eusebio in *Chron. pag. 14.* haud dubie ex Manethone, Μήνης; qui &, ne quis in eo errorem esse putaret, hoc aliter apud Herodotum scribi his verbis monet: Μήνης Θεϊνίτης, ὃν Ἡρόδοτος Μῆνα ὠνόμασεν. *Menes Thinites, quem Herodotus Μῆνα* (a recto Μῆν) *Menem vocavit.* Et sic ad verbum, qui se hoc ex Eusebio descripsisse fatetur, Syncellus *pag. 55.* Sed quoniam Viro Clarissimo visum fuit etiam levissima quaeque



## C. A. DUKERI

que ita acriter persequi, quasi in iis  
 salus literarum sita esset, hoc loco  
 vicissim ex eo quaeri possit, quo ar-  
 gumento probet, scriptum Herodoti  
 codicem Mediceum, qui solus *Lib. II.*  
*cap. 4.* habet  $\text{Μεῖνα}$ , omnibus aliis,  
 in quibus  $\text{Μῆνα}$  est, praeferendum  
 esse? Nec non, cur deinde II. 99.  
 inconstantiam scribarum sequutus ex  
 eodem  $\text{Μίνα}$  &  $\text{Μινί}$ , ubi alii omnes  
 ex suis  $\text{Μῆνα}$  &  $\text{Μηνί}$ , ediderit? Apud  
 Plutarchum quidem in libro de *Iside*  
 & *Osiri* in prima hujus nominis syl-  
 laba est diphthongus  $\epsilon\iota$ , & in Euse-  
 bii *Chronico* pag. 17. & Syncello pag.  
 91. vocalis  $\iota$ : sed tamen non facile  
 cuiquam persuadebit utramque scri-  
 pturam ab ipsius Herodoti manu  
 profectam, & plerique magis credent  
 alteram earum, si non utramque,  
 scribis deberi, & ex eadem pronun-  
 ciatione vocalium  $\eta$ ,  $\iota$ , ac diphthon-  
 gi  $\epsilon\iota$  ortam esse Verum haec, ut-  
 pote ab instituto meo aliena, praeter-  
 mitto. Nec necesse arbitror multa  
 de

## P R A E F A T I O.

de eo dici, quod passim Perizonium infectatur, qui *Chronologiam Herodoti incertam ac falsam esse* dicat, &, quod ad pag. 475. adnotavi, *multa de Cadyti & Magdolo verba faciat, sed nihil promoveat.* Nam frustra alios reprehendas, si ipse meliora ac certiora non doceas. Sed hoc non perinde factu facile, atque in proclivi est, sententiam & inventa aliorum, si non semper certissimis, at tamen probabilibus, quod plerumque in tam densa caligine antiquitatis solum praestari potest, argumentis confirmata verbo rejicere, & quasi uno spiritu diffilare.

Invitus, fateor in hanc disputationem ingressus sum, & jam dudum taedet me his tam ingratis immorari, vellemque aut Viro Doctissimo, & de literis praeclare merito, ista non excidissent, aut mihi dicendum, quod res est, non fuisset. Sed non poterant ea hoc loco sine praevaricatione praeteriri, & prae-

\*\*\*

stan-

## C. A. DUKERI

standum erat officium Perizonio mortuo, quem vivum ob singularem eruditionem, & alias eximias animi atque ingenii dotes semper colui, mihiq; & meis amicis multis rebus expertus sum. Quo minus mirum cuiquam videri debet, si hic quoque confutandos suscipiam alios, qui post excessum illius vel inconsiderate ac temere quaedam ei parum honorifica divulgaverunt, vel prudentes & iniquo, ut videtur, animo eum pro ridiculo publice traducere non veriti sunt.

Res est mihi cum V. A. Jo. Burcardo Menckenio, & duobus Anonymis Gallis. Horum ille in *Declamatione I. de Charlataneria Eruditorum* de Actione injuriarum, quam ante annos plus XL. Perizonio intendit Huberus, pag. 93. Edit. Amst. cl. lcccxxvii. haec narrat: *Cum Perizonius illius (Huberi) Historiam Civilem paulo attentius considerasset, & prope mille errorum*  
*reum*



## P R A E F A T I O.

*reum egisset autorem, tum Huberus, cum esset praeterea liberioribus verbis subinde laceffit, rem deduxit in forum, eoque, ut erat in agendis causis exercitissimus, adegit adversarium, ut culpam deprecari ac pro illatis injuriis mulctam fisco inferre juberetur.* Ex his alia parum accurata, alia perspicue falsa sunt. Non repetam hic altius initia & causas irarum ac simultatum inter eos, unde mox graves inimicitiae, & ad extremum lites apud judicem natae sunt: sed qui litigiosa illorum scripta legerunt, sciunt eas non primum inde ortas fuisse, quod Huberus *liberioribus verbis subinde laceffit* fuerat a Perizonio. Nec Perizonius prior Huberum publice adgressus est, quod credidisse videtur Menckenius, sed hic illum, opposito *Dissertationi illius de Praetorio Commentario ad Titul. Dig. de Offic. Praef. Praet. seu Digressione de Praetorio.* Ita abrupta amicitia quum Huberus An-

## C. A. DUKERI

no c1010cxii. *tres Tomos Historiae Civilis* emisisset, de integro bellum literarium inter eos ortum est, cujus signum, publicato *Specimine CXX.* non *prope mille*, etsi deinde ad illos *CXX.* plures accesserunt, *errorum ex primo Historiae illius Tomo*, sustulit Perizonius. Hoc quum aliquamdiu magnis animis, & editis utrimque non sine verborum contumelia duobus brevibus libellis, gestum fuisset, & Perizonius jam tertium ad arma venisset, Huberus aliam sibi illius finiendi rationem ineundam ratus adversario grandem dicam injuriarum apud Senatum Curiae Frisiae scripsit. Ea lite pendente Perizonius Anno c1010cxiii. Lugdunum abiit, &, quum ibi esset, sententiis majoris partis Judicum, ut tum fama erat, condemnatus Hubero pecuniam, quanta injuriae aestimatae fuerant, solvit, non *culpam deprecari*, nec *multam fisco inferre* jussus est. Erat enim judicium privatum, in quo neque

## P R A E F A T I O.

que Fisco quidquam petebatur, neque ullae Patroni, aut Procuratoris Fisci partes erant. Haec ita gesta esse ex ipso Perizonio saepe audivi, ac deinde ex Fratre illius, Viro admodum Reverendo ac Doctissimo, *Gerardo Perizonio*, Ecclesiae Briellano, intellexi, & ex actis & instrumentis illius litis facile probari potest. Nec satis intelligo quid sit, quod dicit Huberum *in agendis causis exercitatissimum fuisse*; quasi caudicum scilicet, qui causas aliorum apud Judices agere solitus fuerit; quae usitatissima, & forsitan sola, hujus phraseos significatio est. Etsi enim ille tam patrii, quam Romani Juris, & rerum forensium peritissimus erat, multumque de Jure respondebat, tamen, quod satis certo ex Oratione, qua defunctum laudavit Clar. *Vitringa*, colligitur, vel nullas, vel admodum raras in foro causas egit, nec multum in patrociniis suscipiendis ac tuendis versatus fuit.



## C. A. DUKERI

Illud quoque parum verum est, quod sibi ab homine fide digno relatum esse ad hunc locum Declamationis Menckenianae scribit Interpres Gallus, *non damnatum fuisse Perizonium, nisi quod in Politica quadam scissione contrarias secutus fuisset partes, ut Arminius quoque.* Si is, a quo hoc sibi relatum dicit, id ab alio accepit, potuit cum fide narrasse, quae audierat; sin autem ipse narrationis illius auctor fuit, non aegre ferre debet, si dicamus eum in hoc fide dignum non esse. Quid illum, qui sibi primus hoc tantum arcanum detexisse visus est, in errorem ducere potuerit, facilius est divinare, quam dicere. Sed nemo praeter illum, ut puto, id resciscere potuit, nec aut mihi, qui eo tempore in Frisia egi, aut cuiquam alii, ni valde fallor, umquam fando auditum est, eam tum in factiones civiles, certe non quales olim aetate Arminii, & aliquanto post, in Belgio

# P R A E F A T I O.

gio Foederato fuerunt, scissam fuisse, iisque Perizonium se immiscuisse. Nihil aliud ergo relinquitur, quam ut hoc eodem numero, quo superiora illa de exitu litis inter Huberum & Perizonium, habeamus, & ita existimemus neutrum horum sibi inquisita & explorata retulisse, sed utrumque fabulas vulgi, aut vanas conjecturas, non veritatem rerum gestarum, sequutum esse.

Anonymorum Gallorum, quos dixi, alter est Scriptor immensi Operis, *Memoires pour servir à l'Histoire des Hommes Illustres*, alter Auctor *Articuli XVI. Tomi IX. de l'Histoire Critique de la Republique des Lettres*. Ex his ille, quum *Tomo I. strictim de Vita & Morte Perizonii* dixisset, de illius Tabulis Testamenti pag. 24. *Ed. Paris. MDCCCXXVII.* ita scribit: *Il y avoit marqué le linge qu'on devoit lui mettre après sa mort, suivant une coutume assez ordinaire en Hollande, &*

*il or donnoit en même tems qu'après qu'il seroit expiré, on l'habillât, qu'on le mît sur son séant dans une chaise, & qu'on lui fit la barbe ; SOIN RIDICULE ET INDIGNE D'UN HOMME D'ESPRIT.* Quae

hic literis capitalibus expressa sunt, illius judicium de hac parte ultimorum mandatorum Perizonii continent, cetera ad verbum ex *Historia Critica Reipubl. Literariae* descripta sunt: quae jam tot annos tam patienter lecta, nec quemquam interrim fuisse, qui ea falsi argueret, mihi monstri instar videtur. Uterque eorum tota via aberrat, sed in eodem errore versantium dispar culpa est. Nam hujus peccatum nullam excusationem habet; illi falsa ab hoc summenti venia dari haecenus potest, quod non facile suspicari potuit eum, qui haec in media Batavia scribere sustinuit, non idoneum auctorem esse. Quis enim crederet quemquam de re recentissimae memoriae (nam



# P R A E F A T I O.

*Tomus IX. Historiae Criticae* proximo post obitum Perizonii anno editus est) & in omnium oculis, ut ita dicam, gesta, ea prodere ausurum, in quibus certissimis argumentis falsi convinci posset? Et tamen, etsi hoc incredibile videtur, nihil nisi somniis similes fabulae sunt omnia, quae ille narrat. Nec quidquam moror auctoritatem illorum, a quibus haec secum communicata testatur. Benignum quidem est credere eum ab aliis accepta scripsisse: sed hi, quiqui illi fuerunt, vani ac futiles auctores fuerunt, nec ea, quae Testamento Perizonii comprehensa sunt, sed inanes & falsos rumores ad eum retulerunt; quibus quum credulitatem suam tam temere addixit, inconsideratissimae levitatis atque imprudentiae accusari merito potest. Cur enim, si primam Historiae legem, ne quid falsi diceret, observare volebat, non eos consuluit, a quibus facile, quid verum esset,

## C. A. DUKERI

intelligere poterat? Cur non Fratrem Perizonii, penes quem authenticæ Tabulae Testamenti sunt, aut, si hoc commodo suo non poterat, aliquem ex Professoribus Academiae Lugdunensis, in cujus tabulario exemplum illarum adservatur, adiit, & ex eo, quid in iis scriptum esset, sciscitatus est? quum praesertim ipse, quo tempore haec scribebat, Lugduni, vel certe in propinquo esset. Hoc si, quod debuerat, fecisset, melius de Perizonio, quem alioqui justissimis laudibus ornat, meritus fuisset, nec plura falsa de aliis illius Testamenti capitibus retulisset. Sed de his, quoniam ab argumento, in quo versor, sejuncta sunt, dicere supersedeo. In iis, quae mihi hic confutanda proposui, nihil omnino veri esse ne quis dubitare possit, hoc unum dixisse satis erit, Perizonium *nec de linteis, in quibus sepeliri vellet; nec de radenda sibi, quum exspirasset, vestito,*

## P R A E F A T I O.

*to, & in sella erecto corpore posito, barba quidquam vel verbo, vel scripto, cuiquam mandasse.*

Nec verius est, quod iidem illi vaniloqui homines ad fidem posteriori fabulae faciendam commentifunt, causam tam novi & insoliti mandati ei fuisse, quod imaginem suam, cui manus extrema nondum accesserat, perfici vellet, ut ea in Bibliotheca Academiae Lugdunensis supra armarium, in quo libros Bibliothecae legatos collocari voluerat, poni posset. Nam ita narrare pergit Historicorum curiosissimus: *Ce dernier soin pourroit paroître ridicule & indigne de Mr. Perizonius, si on ne faisoit attention au dessein qu'il avoit, qui étoit que Mr. de Moor, qui avoit déjà commencé son portrait, achevât de le tirer; afin qu'on pût mettre son Tableau au haut du Cabinet de livres qu'il léguoit à la Bibliothèque, comme il l'avoit souhaité.* Hacc est vere Pergula pictorum,



## C. A. DUKERI

*rum*, & ut sine circuitione dicam, mendacio tectum mendacium, ne perplueret. Voluerat sane se a celebri Pictore *Carolo de Moor* pingi Perizonius, eaque imago jam vivo illo, & nondum quidem in morbum, e quo obiit, implicito, sed jam infirmo tamen & languente, inchoata, & jam plus quam delineata, vultusque ita plane expressus erat, ut ab omnibus, qui eum norant, agnosci statim posset; sed claritas colorum, & ea, quae vivos quodammodo vultus faciunt, ad perfectionem operis deessent. Deinde ingravescente morbo Testamento cavit, *ut, si illa post mortem suam perfici posset*, de quo eum nonnihil dubitasse haec verba ostendunt, *Pictor manupretium ex primo redditu legati acciperet, SI EAM INTRA ANNUM A MORTE SUA PEREGISSET.* Ex his quis non videt falsa esse omnia, quae in *Historia Critica* de hac re publicata, & haud dubie a plerisque pro veris habita sunt? Nam

## P R A E F A T I O.

Nam quid opus erat addita illa in Testamento conditione , si statim postquam exspiraverat, & antequam sepeliretur , absolvi illam voluisset ? Erat enim domi Pictoris , apud quem eam demum aliquamdiu post sepultum Perizonium , qualem illo vivo inchoatam dixi, vidit illius Frater , qui quum Fratri complures ante obitum dies adfuerit, & mortuo funus fecerit, gravissimus ac certissimus horum omnium testis est, & esse debet.

Quamquam autem, qui hoc primus in publicum effudit, notam inconsultae ac temerariae credulitatis, ut levissime dicam, effugere non potest, tamen malum animum ab eo abfuisse hoc argumento est, quod Perizonium magnis ac meritis laudibus extollit, & cavere voluit ne ultima illius mandata, quae ridicula videri poterant, labem existimationi tanti Viri adspargerent. Non eadem mens videtur fuisse Auctori *des Memoires*  
*pour*

## C. A. DUKERI.

*pour servir à l'Histoire des Hommes Illustres.* Nam quod hic ea tamquam *curam ridiculam & homine intelligente indignam* notat, id non infirmam suspicionem animi malevolentia quadam in Perizonium suffusi, & consilii de existimatione illius detrahendi adfert. Cur enim, ni ita esset, ea tantum ex Auctore illo, cujus verba in Librum suum transtulit, describere voluit, quae illum ridiculum facere videbantur, non etiam, quae, ut huic judicio occurreret, Idem addiderat? aut cur, quod ille dixerat, *curam hanc ridiculam & Perizonio indignam posse videri iis, qui non considerent qua mente haec mandaverit*, ita mutavit, ut id in suum, sed in Perizonium contumeliosum, judicium converteret? Nec est, quod dicat, sibi, ut mandatum ipsum, sic etiam causam illius ridiculam visam fuisse. Nam si hoc ipsi ita videbatur, qui scire poterat etiam alios, quos eam ignorare voluit, idem, si  
cogni-



## P R A E F A T I O.

cognitam habuissent, judicatu-  
ros? quum nequaquam inauditum sit ali-  
quem post mortem demum antequam  
sepeliatur pingi. Sed quoniam se,  
quum haec scribebat, jure suo in ju-  
dicando uti haud dubie credidit, no-  
bis quoque licere debet libere, quod  
sentimus, eloqui, ac dicere non lau-  
dabilis exempli rem esse, nec inter  
proprias notas ac laudes hominis in-  
geniosi & intelligentis habendum vi-  
deri, ubi, quae ad irridendos & con-  
temnendos alios pertinent, retuleris,  
& ex his ad tuum arbitrium ac lubi-  
dinem de illis judicaveris, ea, quae  
ad depellendam ab illis ignominiam  
acceperis, reticere, nec aliis itidem  
existimandi copiam facere.

Haec ad refellenda ea, quae de  
Perizonio perperam & falso prodita  
esse dixi, sufficere possunt: cujus exi-  
stimationem quum mihi defenden-  
dam sumsi, simul & illi, quod debe-  
bam, praestiti, & ipse in ea, quam  
dudum habui, opinione confirmatus  
sum,

## C. A. DUKERI PRAEF.

sum, non posse non saepissime falli eos, qui temere omnia, quae ad alios in vituperationem, aut contemptum adducendos tradita sunt, pro veris habent, si auctores eorum fide digni esse videantur. Nam ex iis, quae dixi, manifestum est, etiam hos qui maxime idonei auctores videri possunt, eo a veritate deflectere, quod illi inquirendae non eam, quam debebant, diligentiam adhibuerunt: hoc autem in uno deprehensum etiam in aliis suspicionem negligentiae illorum injicere potest. Sed hoc argumentum nunc, etsi facilis & larga materia est, pluribus non exsequar, ne, quem mihi praescripsi, modum Praefationis excedam. Vale, Lector, & Νᾱφε, καὶ μέμνασ' ἀπιστεῖν ἄρ' ἴσα ταῦτα τῶν Φρενῶν.



JACOBI PERIZONII  
 ORIGINES  
 BABYLONICAE.

---

PROOEMIUM.

**A**RDUI sane & multis difficultatibus impediti laboris aggreditur opus, qui res Antiquissimi Temporis erundas sibi atque expediendas sumit. Neque id mirari quempiam oportet. Nam quum illo ipso Tempore pene nihil fuerit per literas memoriae proditum, atque idcirco, quando Historiae deinceps scribi jam coeperunt, superioris ævi res, longe maximam partem,

A



tem, vel ex incertis vulgi fabulis, vel summum ex πατροπαράδοις narrationibus, sola subnixis, eaque lubrica prorsus & fallaci, hominum memoria, peti debuerint: facile hinc apparet, incerta necessario esse illius Temporis pleraque omnia, & ideo sæpe multis sententiarum divortiis intricata, & in diversum, immo aliquando in contrarium plane, abeuntia. Primum, quod servandæ rerum memoriæ inventum est adjutorium, fuit usus cantilenarum, quibus præcipua Heroum suorum vel totius Gentis facinora celebrabant plerique sane populi, sicuti in *Animadversionibus Historicis* cap. 6. compluribus docui exemplis. Sed ita tamen hæ cantilenæ rerum gestarum memoriam servabant & posteritati prodebant, ut inde originem inter Græcos certe traxerit non vera & certa Historia, sed illa, quæ Poëticis est fabellis aspersa & involuta. Unde & factum, ut Veteres ipsi distinxerint omne præteritum tempus in Ἀδηλον, *Obscurum*, ante ipsas elapsum cantilenas, de quo nihil omnino habebant cognitum; tum Μυθικόν, *Fabulosum*, quod ex hisce cantilenis (quales fuerunt, teste Josepho lib. 1. contra Apion.<sup>a</sup> etiam ipsa *Homeri carmina*, non literis olim, sed memoriæ cantorum mandata)

po-

potissimum investigari & cognosci poterat; denique Ἰσopινόν, cujus jam notitia ex certioribus literarum Monumentis & Annalibus libris liquidius hauriebatur. Initium vero ducit Historicum hocce tempus rerum profanarum, in Oriente demum à Regno Persarum, seu malis, à destructione Nineves: in Græcia ab Olympiadibus constitutis & in usum Chronologicum receptis, vel potius ab Heraclidarum reditu in Peloponnesum: in Italia ab urbe Roma condita, si non demum ab eadem a Gallis capta, sicuti volunt ipsi Livius vi. 1. & Plutarch. in Numa.

Verum incerta sint licet & obscura pleraque, quæ de primis Orbis Conditi sæculis traduntur a Profanis Scriptoribus; præcipua tamen eorum Capita, ex fabulosis rerum ipsarum circumstantiis eruta & protracta, vera haud dubie sunt, nec abjicienda prorsus: quin immo, si cura modo & judicium, quod decernere valeat, quid distent æra lupinis, Historica Fabulosis, adhibeatur, sæpe ex ista caligine liquidam effulgere videas lucem: arduam quidem illam inventu & indagatu, fateor, sed tanto gloriosiore, immo vero utilissimam & dignissimam, quæ diligenter investigetur, & Orbis Eruditi oculis exponatur. Hæc etenim scientia est, quæ no-

bis Origines plerarumque Gentium & Reg-  
norum ostendere valet, & quam pluri-  
mum etiam confert ad confirmandam S.  
Codicis & Hebraicæ Reip. Historiam,  
quæ ut antiquissima est ipsa, sic & an-  
tiquissimas non suæ modo, sed & vici-  
narum Gentium res & regna sæpenume-  
ro commemorat. Ceterum non mini-  
ma hic iterum oritur difficultas in con-  
ciliandis Sacris & Profanis Scriptoribus,  
quum de iisdem agunt rebus, dum eas aliis  
atque aliis circumstantiis ornatas referunt,  
& homines ipsos diversis plerumque No-  
minibus designant. Quapropter nihil  
alienum a meo Munere, nec abs re Histo-  
rica, facturus videor, si diligentius paulo  
in res tam reconditas inquirere: nodos &  
difficultates in Vetustissima Historia nobis  
subinde occurrentes, quantum ejus fieri  
poterit, solvere; & Sacra ac Profana, li-  
quido prius explanata, in concordiam pro-  
babilem reducere aggrediar.



## C A P. I.

*Urbis Babylonicae origo & antiquitas. Callistheniana annorum, ex quo observationes siderum factae Babylone, Summa Scripturae S. congruit. Vanissima immensae antiquitatis ostentatio Chaldaeorum. Plinii locus emendatus & expositus. Tatianus explicatur.*

**I**NITIUM non aliunde rectius ducam, quam ab *Urbis Babylonicae* origine, quae haud dubie omnium Urbium antiquissima, & ex qua primi Gentium Reges & Dynastae exorti. Ejus proinde conditae tempus, quantum potest, constituere primum & confirmare conabor. Moses itaque, Auctor antiquissimus, refert Genes. x. 25. & xi. 1. &c. homines ex terra *Sinear*, quae est Babylonis, primitus dispersos fuisse in varias regiones, postquam *Urbs* istic aedificari coepta, quae *Babel* fuerit dicta, diebus *Phalegi*, quippe qui ab illa dispersione & terrae divisione nomen hoc acceperit. Dies autem illi in saeculo post diluvium secundo ineunte sunt quaerendi, ut

infra pluribus ostendemus. Præterea Nimrodo, qui nepos Chami, tribuitur Gen. x. 10. jam tunc *regnum Babelis*, quod proinde in illius utique ætatem incidit. Diferius Josephus *Antiq.* i. 7. ubi disperfionem hominum memorat, *Nimrodus*, ait, ὑπομείνας παρὰ Βαβυλωνίαις ἐτυράννησε h. e. *manens*, cum reliqui fecederent in varios tractus, *apud Babylonios regnum obtinuit*. Idem firmant Curtius, alique, qui a *Belo*, h. e. Nimrodo, conditam Urbem tradunt, de quo infra. Convenit cum hisce, seu ista Temporis designatione, secundum vulgarem Chronologiæ sacrae seriem, luculentissime, quod, quum Alexander M. Babylonem occupasset, Callisthenes Philosophus, Alexandri in ista expeditione comes, invenisse dicitur ea in Urbe Chaldaeorum observationes Astrologicas usque ad tempora Alexandri, χιλίων ἑτῶν, καὶ ἑνεακοσίων τριῶν, h. e. *Annorum* cicciccciii. ut ex Porphyrio refert Simplicius lib. 2. de *Cælo*. Jam vero si à tempore Babylonis ab Alexandro subactæ regrediamur per elapsa jam tunc sæcula, deprehendemus, annorum istorum initium, juxta vulgatam Chronologiam, omnino etiam ad illam Nimrodi istius ætatem, & ad ipsos *dies*, seu natales, *Phalegi* esse referendum, ut qui Alexandrum M. præcesserint ipsis pe-

ne

ne mille nongentis annis, seu quatuor tantum annis minus. Ego quidem Gerhard. Joh. Vossium secutus, & Chronologiæ sacræ post Abrahamum usque ad Salomonem tria plus minus sæcula adjiciens, ad serius tempus, sed tamen vel sic satis antiquum, Abrahami scilicet ætatem, demitterem illud Babylonicarum observationum seu annorum a Callisthene designatorum initium. Et sane multo verisimilius id reor, quam ejusmodi observationes, septem annis ante Phalegi ortum, & ipsam dispersionem, fuisse ab istis hominibus, adhucdum incultis nec usu ullo edoctis, non tantum factas, sed etiam in posteritatis gratiam annotatas; id quod ab illius temporis rationibus est alienissimum. Adde, quod nonnulli Veterum tradiderint, ipsum Abrahamum *invenisse* demum *Astrologiam* & *Chaldaicam scientiam*, docuisse deinde *Motus Solis* & *Lunæ*, *aliaque ejus generis*, *Phænices*, postea & *Ægyptios*. Vide Verba Alexandri Polyhistoris ex Eupolemo apud Euseb. *Præpar.* ix. 17. Ea, si quid veri habent, illarum observationum usum & annotationem ad tempora Abrahamo antiquiora referri haudquaquam patiuntur. Sed utcunque ea se res habeat, præclarum est, & Scripturæ S. congruens, illud Porphyrii, vel potius Calli-



Ithenis, testimonium, quippe quod vel in ipsam Babylonis primam originem in S. Codice memoratam confert, vel non longe infra eam locat, antiquissimum Chaldaicarum observationum initium.

Ceterum sicut illud ergo fide est dignum, quippe a Philosopho monitu Præceptoris sui in eam rem diligenter inquirente, omnesque fallendi causas procul habente, profectum, ita longe præferri debet ceteris ejusdem populi, immensam sibi antiquitatem arrogantis jactantisque, Chronologiis vanissimis. Certe Cicero, lib. I. de Divin. cap. 19. & lib. II. cap. 46. tradit quidem, Babylonios jactare, se 470. millia annorum habere monumentis (scil. literarum) comprehensa, & illa posuisse in periclitandis experiundisque pueris, quicumque essent nati, atque hoc modo constituenda sua ex Astris divinandi arte: sed recte mentiri eos judicat, & condemnat aut stultitiæ, aut vanitatis, aut imprudentiæ. Similiter Diodorus Siculus lib. II. p. 118. Ed. Rhodom. Multitudinem autem annorum, quibus se excoluisse tradunt τὴν θεωρίαν τῶν κατὰ τὸν κόσμον, observationem Mundi hujus, haud facile quis crediderit. Nam 473. millia annorum numerant usque ad transitum Alexandri in Asiam, ex illo tempore, quo cœperint sidera observare. Videte, quam vere fabulosa

*losa sit antiquitas*, quam illi homines ostentantur. At si tot tamen *Annorum Millia monumentis suis comprehensa* jactabant, qui ergo sit, quod apud Plinium N. H. vii. 56. ex Beroſo & Critodemo dicantur, *Babylonii ſiderum obſervationes 480. annorum tantummodo habere*, numero longe etiam infra Calliſthenianam ſummam ſubſidente? Utuntur hoc Plinii loco Viri Eruditiffimi, Scaliger ad Græca Eusebii pag. 407. extr. & Voſſius de *Historicis Græcis* <sup>a</sup>; tum Marſhamus, *Sæculo xvii.* pag. 474. *Edit. Anglic.* <sup>b</sup> Hic quidem, ut Calliſthenis, vel Porphyrii, teſtimonium eludat, ſuamque de recentiore Babylonis origine ſententiam firmet; Illi, ut ex eo Beroſi ætatem, & editarum ab eo Hiſtoriarum annum ipſum eruant. Scilicet iſtorum 480. annorum initium ducunt omnes Hi ab æra Nabonaſſari, finem ſtatuunt in extremo regni & vitæ Antiochi Soteris, atque inde colligunt, hujus anno xiii. prodiſſe illius Hiſtorias.

Sed proſecto mendofus eſt iſte Plinii locus, ut cuiſvis, eum ipſum inſpicienti, & attenta mente conſideranti facile patebit, & jam vidit ex duobus illis Ciceronis in *Divinatione* locis Doctiſſ. Harduinus. Etenim exponere vult Plinius *Literarum* ori-

A 5

gi-

<sup>a</sup> Lib. i. cap. 13.

<sup>b</sup> Pag. 504. *Edit. Lipſ.*

ginem & antiquitatem ex scriptis diversarum Gentium, præcipue Assyriæ seu Babylonæ, & Ægyptiæ. Quocirca præmittit, *Literas semper arbitror Assyrias* (malim *Assyriis* h.e. *Babyloniis*. Nam post Assyrios, a Medis & Babyloniis debellatos, Hi a Græcis aliisque, ad Occidentem sitis, *Assyrii* quoque sunt appellati, vel eorum quoque nomine sunt designati, quin & ipsæ literæ Chaldaicæ seu Babylonicæ a Judæis semper fere *Assyriæ* vocantur. Perperam itaque Harduinus *Assyrias* hic interpretatur *Hebræas veteres seu Samaritanas*, quæ utique non *Assyriæ*, sed Phœnicia potius fuerunt. Adde, quod mox *Babyloniis* diserte tribuitur tanta literarum antiquitas, unde appareat, æternum fuisse literarum usum, h. e. *semper eas fuisse Babyloniis seu Assyriis*, quæ eadem sunt. Taceo jam nullum esse idoneum satis in eo sensum, *literas semper arbitror Assyrias*, vel *Hebræas*, fuisse, qui in mea lectione est commodissimus, ut liquet, & mox iterum videbimus) fuisse: sed alii apud Ægyptios a Mercurio, ut Gellius; alii apud Syros repertas volunt. Subjicit dein a Cadmo primum e Phœnicia in Græciam illatas, & postea varie auctas. Denique Antiquitatem earum jam probaturus hæc porro scribit: *Anticlides in Ægypto invenisse quendam nomine Memnona tradit*, xv. annis ante



*ante Phoroneum, antiquissimum Græciæ Regem, idque monumentis approbare conatur. E diverso Epigenes apud Babylonios 720. annorum Observationes siderum coctilibus laterculis inscriptas docet, gravis Auctor imprimis: qui minimum, Berofus & Critodemus 480. annorum. EX QUO APPARET ÆTERNUS LITERARUM USUS.* Manifestum, induci hic Babylonios & Ægyptios Scriptores, quasi certatim primum & antiquissimum *literarum usum* & originem sibi vindicantes. Ægyptius ex monumentis Antiquitatum demonstrare conabatur, fuisse in Ægypto inventas aliquot jam annis ante ipsum Phoronea, antiquissimum Græciæ Regem, immo vero *primum Hominum*, scilicet in Græcia, si fides *Acusilao*, vel *Patrem mortalium Hominum*, si *Phoronidis Poëtæ*, apud Clem. Alex. lib. i. Strom.<sup>a</sup> Ita ergo, quum Ægyptius, antiquissimis illis temporibus jam penes se fuisse literas traderet, *e diverso* Babylonii, neutiquam scilicet cedentes Ægyptiis, longe amplius idcirco annorum spatium proferre nunc debent, quo apud se in usu jam fuisse literas contendant, & quo proinde recepto, necessario collabatur Anticlidis sententia, nec ullo modo literarum inventarum & primum usurpatarum gloria penes Ægyptios manere queat. Hæc enim

est

est illa *diversitas*, quam Plinius memorat. Verum neutiquam apparet ea ex summis Babyloniorum expressis, quippe quæ nimis profecto exiguæ sunt, quam ut ad Phoronea assurgant, nedum *e diverso* illius ætatem superent: immo vero neque Cadmum attingunt, neque etiam, posterior certe, vel minor, Homerum aut Hesiodum. Ex quo certissima est earum corruptio. Etenim non agitur hic de eo, quam antiquas *fiderum observationes* habuerint Babylonii, sed quam antiquum *literarum usum*, quas tamen illi ad fiderum observationes quoquo modo notandas primum, & jam dudum ante initia literarum apud Ægyptios, ex Auctorum istorum sententia adhibuerint. Jam vero qui convenit, literis apud Babylonios seu Assyrios, unde ipse Plinius originem eas duxisse *arbitratur*, tribuere ætatem, quæ aliquam multis sæculis superatur a prima earundem ætate non modo apud Ægyptios, sed & apud Græcos, ad quos ex Oriente demum a Cadmo diu quidem post Phoronei, sed tamen longe ante Nabonassari, tempus delatæ constanter traduntur?

Neque minus liquido convincitur Summarum falsitas ex epiphonemate vel conclusione, quam Plinius illis continuo subjicit: *Ex quo apparet æternus literarum usus.*

Er-

Ergone ex 480. annis ante Alexandrum, vel Antiochum Soterem, atque Hujus extremos annos, ut volunt, liquet æternus ille usus, quum jam ante mille tunc annos cognitæ fuissent in Græcia? Immo vero clarum est vel solis ex his verbis, enormem summam debere statui, quæ tam vetustum literarum prodat usum, ut Lectores nihil amplius de origine earum, sed potius de *æternitate* cogitent, seu *æterno* apud Babylonios quidem *usu*. Et hoc est, quod etiam paulo ante videtur significasse Plinius, dum dixit, *Literas semper arbitror Assyriis fuisse*, h. e. fuisse apud illos in *æterno usu*, seu jam ab ipsis Assyriorum seu Babyloniorum primordiis. Quapropter nullus ego dubitem, majorem in modum augendas esse illas Babyloniorum apud Plinium Summas, & singulis adjiciendam; ut jam fecisse video ultimum Plinii Editorem, Celeberr. Harduinum, numeri Millenarii notam, quæ facile excidisse potuit: atque adeo illam Epigenis esse 720000. annorum, Berosi vero & Critodemi, 480. vel 490. ut habent MSti, vel potius 470. Millium annorum. Nam ita conveniet hæc posterior, vel proxime saltem accedet ad summam a Cicerone & Diodoro Siculo expressam, quos credibile est Berosum maxime secutos, siquidem ille præcipuæ

cipuæ fuit in rebus Babyloniciis apud Græcos & Romanos auctoritatis, & non modo ipse erat *Chaldaeus* genere, ut ait Josephus *lib. 1. contra Apion.*<sup>a</sup> sed & γνώριμος τοῖς περὶ παιδείαν ἀνασρεφομένοις, *notus illis, qui eruditionis studio occupantur.* Adde, quod Diodorus disertè tradat in Alexandri ætate illas annorum Myriadas finiri. Jam vero vixit ea ætate Berofus, & paulo post scripsit. Docet id Tatianus in Orat. adv. Gentēs, *cap. 58.* Βηρωσσὸς ἀνὴρ Βαβυλωνίος, ἱερεὺς τῷ παρ' αὐτοῖς Βήλῃ, κατ' Ἀλέξανδρον γεγονώς, vel, ut Eusebius<sup>b</sup> γενόμενος: *Berosus Vir Babylonius, Beli, qui apud illos colitur, Sacerdos, qui tempore Alexandri exstitit.* Vossius in *Historicis Græcis* mavult vertere, *qui tempore Al. natus est.* Scilicet ut ita Berofus tanto facilius intelligi possit scripsisse demum suam Historiam sub Antiocho Sotere, τῷ μετ' αὐτὸν (Ἀλέξανδρον) τρίτῳ, ut ibidem id tradit Tatianus, vel etiam sub Antiocho Theo, τῷ μετὰ Σέλευκον τρίτῳ, ut verba Tatiani refert Eusebius: tanto magis, quia & Pliniana annorum 480. summa a Nabonassaro repetita excurrit ad ultimos annos Ant. Soteris. Statuit itaque natum Berofum paulo ante mortem Alexandri. Sed inania hæc sunt. Nam,

præ-

<sup>a</sup> Pag. 1043. Edit. Colon.

<sup>b</sup> Preparat. X. II.



præterquam quod corrupta sit isthæc Plinii summa, Tatianus passim eos, qui certo tempore *vixerunt* & floruerunt, dicit tunc γεγονέναι vel γενέσθαι. Sic seq. capite legas apud eum, *Amosis Rex Ægypti ἐγένετο κατ' Ἰναχον βασιλέα*, h. e. *vixit temporibus Inachi Regis Argivorum*. Sed & Alexander Polyh. in verbis mox proferendis scribit ipsum Berosum tradere, se γενέσθαι κατ' Ἀλέξανδρον τὸν Φιλίππου τὴν ἡλικίαν, ubi (nisi forte legendum sit κατ' Ἀλεξάνδρου τῷ Φιλίππου τὴν ἡλ. h. e. *tempore Alexandri*) ἡλικία notat virilem seu præcipuam Hominis ætatem, florem & robur ætatis, quæ proinde ætas secundum isthæc Scriptoris illius verba, fuit Beroso Alexandri tempore.

Sic plane ὧν ἔτι ἐν ἡλικίᾳ, h. e. *qui jam est in virili ætate*, seu *robore ætatis*, apud ipsum Berosum in fragmento, quod nobis servavit Josephus lib. 1. contra Apionem p. 1044. Vere autem ita se rem habuisse, h. e. vere Berosum tempore jam Alexandri, non postea, *floruisse*, liquet clarissime ex Syncello, qui *Chronographiæ* pag. 14. verba hæc Alexandri Polyhistoris, seu ipsius Berosi, eodem, quo a me factum, interpretatur modo. Nam ait, Βηρωσσὸς ὁ τῆς Χαλδαϊκῆς Ἀρχαιολογίας συγγραφεὺς, ἀκμάσας κατὰ τὴν χρόνον τῷ Ἀλεξάνδρῳ τῷ Μακεδόνης, ὡς Φησιν, *Berosus Chaldaicæ Anti-*  
qui-

*quitatis Scriptor, qui FLORUIT temporibus Alexandri M. ut ipse ait. Non ergo tunc demum Natus est, sed jam Floruit, & ἐν ἀκμῇ τῆς ἡλικίας in flore & robore ætatis exstitit.* Idem postea pag. 28. eadem, quæ Eusebius, Alexandri Polyhistoris verba de, & ex Beroso exhibet. Sed & diserte refert Berosum ad tempora ante Manethonem, qui Philadelphi Ptolemæi ætate vixit & scripsit: nam eum *ad Ptol. Philadelphum de Dynastiis Ægyptiacis scripsisse* ait pag. 16. D. κατὰ μίμησιν Βηρωσσῶ κατὰ τὰς αὐτὰς σχεδὸν πρὸ χρόνων, ἢ μικρὸν ὕστερον, *ad imitationem Berosi, iisdem FERME Temporibus, vel paulo POST.* Et hinc pag. 18. Μανεθῶ μετὰ Βηρωσσὸν γενόμενος ἐπὶ Πτολεμαίᾳ τῇ Φιλαδέλφῃ, *Manetho post Berosum exstitit temporibus Ptol. Philadelphi,* quippe ad quem misit, vel cui inscripsit Manetho suum Opus. Hinc ergo apparet, quis verus sit Verbi γενόμενος sensus, seu non referendum illud ad natales Hominis, sed ad mediam & florentem ejus ætatem. Liquet etiam ex his, Berosum jam Senem edidisse suum opus, si id dedicavit Antiocho Soteri. Nam ut Antiocho Theo dedicaverit, vix patitur ratio temporis, si spectemus Philadelphum & Manethonem, ante quem sua jam scripserat Berosus.

Porro autem confirmatur nostra Plinii  
Emen-

Emendatio, certe Vulgata ejus Lectio clarissime refutatur, etiam ex ipso Beroso, seu fragmento Alexandri Polyhistoris apud Euseb. *Chronico Græco* P. I. pag. 5. Βηρωσ-  
 σὸς ἐν τῇ πρώτῃ τῶν Βαβυλωνιακῶν Φησὶ, γε-  
 νέσθαι αὐτὸν κατ' Ἀλέξανδρον τὸν Φιλίππου τὴν  
 ἡλικίαν, ἀναγραφὰς δὲ πολλῶν ἐν Βαβυλῶνι  
 φυλάσσεσθαι μετὰ πολλῆς ἐπιμελείας ἀπὸ ἐτῶν  
 πρὶν ὑπὲρ μυριάδων τε περιεχούσας χρόνον. Πε-  
 ριέχειν δὲ τὰς ἀναγραφὰς ἱστορίας περὶ τῶν ἔρασ-  
 νοῦ. &c. *Berosus in libro primo Babylonico-*  
*rum ait, exstitisse se in ætate virili, tempore*  
*Alexandri, Philippi Filii; multarum autem*  
*rerum annotationes Babylone servari magna*  
*cum cura, tempus annorum, qui Myriadas xv.*  
*superant, continentes. Illas vero annotatio-*  
*nes continere Historias de Cælo & Mari, &*  
*prima rerum generatione, & Regibus &c. Vi-*  
*demus heic, Berosum, neutiquam tantum*  
*480. Annorum res literis esse proditas à Ba-*  
*byloniis, referre, sed e diverso tradere,*  
*servari istic annotationes rerum multarum ma-*  
*gna cum cura, continentes tempus annorum*  
*supra myriadas quindecim, h. e. supra 150.*  
*millia Annorum. Si itaque Berosus ipse*  
*tot annorum accurata multarum adeo rerum*  
*monumenta superesse Babylone tradidit,*  
*ne credamus, eum factis istic observationi-*  
*bus Siderum, qua in re illi se præcipue ja-*  
*ctabant, ut cum ex Cicerone, tum aliunde*

constat, tantummodo 480. tribuisse annos. Hæc paulo fusius demonstrare fuit visum, ut fidem facerem certiorum Callisthenianæ Babyloniorum summæ, quæ tam pulchre convenit in Historiæ sacræ traditionem, & ut ostenderem, unicam modo esse ab illa discrepantem, eamque vulgari *vanitatis* vitio, h. e. nimio Antiquitatis ostendendæ studio, manifeste falsam. Tanto autem studiosius id feci, quia, si verus foret & integer ille Plinii locus, atque illa annorum apud eum summa, tum sane ista Babyloniarum observationum Chronologia, seu Epigenis, seu Berosi & Critodemi, reliquis præferretur haud dubie: & recte quidem; quia quo quæque est modestior & astrictior, tanto eadem est verisimilior, & fide dignior. Ita vero Callistheniana, quæ Plinianam istam quam plurimis superat sæculis, jacuisset pene prorsus abjecta, certe suspecta foret vehementer; id quod ut pateremur, non erat temere committendum, quum non modo aliud ipsius utilitas exigere videretur, sed & tam facile, certa, ut arbitror, crisi, in quem merebatur locum fidei restitui illa posset.



C A P. II.

*Babylonicæ Cælestium Observationum Epochæ causa & initium. Quare non fuerit antiquior, vel non ascendat supra Nabonassari ætatem. Nihil facit ad evertendam Porphyrii de Callisthene traditionem. Marshami & Clerici socordia in explicando Plinii loco.*

**N**ON temere hæc a me dicta & acta, probant abunde Viri Eruditissimi ex Anglia, Marshamus, & Dodwellus, tum Stanlejus *Phil. Orientalis* I. i. i. & Clericus in *Indice Philologico*, quo se Stanleji Opus illustrasse, emendasse, & supplese jactat. Vide Eum istic in voce *Babylonicæ*, & in v. *Berosus*. Omnes hi pariter Callisthenianam aspernantur & rejiciunt annorum summam, falsamque illam Berosi ex corrupto Plinii loco unice recipiunt, atque hujus auctoritate istam evertere laborant. Clariss. Dodwellus in *Append. ad Dissert. Cyprianicas* §. 24. cum Vossio & Marshamo omnino existimat, non esse aliunde annos illos Berosi apud Plinium, quam a Nabonassaro, numerandos, & Bero-

*sum tradit meminisse primum Epochæ Nabonassaræ, seu, ut §. 26. ait, istius Canonis primum fuisse editorem. Idem vero §. 23. tum hunc Canonem, tum quod Syncellus ex Beroso & Polyhistore Alexandro hanc causam initii istius Epochæ à Nabonassaro demum ducti referat, quod gesta superiorum Regum Nabonassar ipse corruperit, sufficere affirmat ad ipsius Berosi & Polyhistoris fidem elevandam; rogatans, unde ergo illi tam immensam historiarum seriem procuderint Nabonassaro antiquiorum? Et mox ad Callisthenem progressus, unde & illas Astronomicas Callisthenes habeat observationes, quarum meminit Simplicius, annorum ante Alexandrum M. 1903. quas ad Aristotelem fabulatur etiam à Callisthene missas? Sed quis credat, Berosum, ut de eo primum agamus, secum ipsum adeo manifeste & imprudenter collidi, ut ab una parte istius Epochæ, quam ipse primus ediderit, initium ideo repetat demum à Nabonassaro, seu ab annis 480. quia superiorum Annorum & Regum res gestæ per illum penitus ad suum tempus usque interciderint; ab altera vero parte tradat, Babylone servari annotationes accuratas rerum supra 150. millia annorum? Ediderit sane Berosus in Græcos omnium Primus hanc Epocham: non inde sequitur, eum illius quoque Auctorem*

## ORIGINES BABYLONICAE. CAP. II. 21

rem fuisse primum, seu Primum Astronomicas Babyloniorum observationes in ordinem rede gisse, & annis Regum aptasse; multo minus, originem ipsam istius Epochæ deberi Beroso. Immo vero, si fides Syncello, <sup>a</sup> *collegit superiorum Regum res gestas*, non, Observationes cœlestes, & (ἡ φάνισε) *abolavit Nabonassar*, ut ita Regum Chaldaeorum Enumeratio initium ab ipso sumeret. Quid ergo? jamdudum ante Berosum videtur hæc Epochæ cœpisse, & eam repetivisse à Nabonassaro, non Berosus demum, sed Babylonii Astrologi, qui post Nabonassarum vixere. Quin immo, quum videamus, Nabonassarum ipsum consulto præbuisse causam, quare ab se inciperet hæc Epochæ, quid obstat, quo minus credamus & statuamus, illum publico in loco posuisse & fixisse Album, vel Annales (quales & Romæ primis temporibus confecere Pontifices) in quibus & ipse coeperit annotare observationes siderum, & ceteri dein Reges, ipsius posterius, similiter annotaverint? Sic certe idoneam habebimus rationem Epochæ, dudum ante Berosum jam institutæ, & ab Nabonassaro demum cœptæ. Sed quærit jam Vir Eximius, unde ergo Berosus antiquiora illa hauserit; immo & unde Callisthenes suas habuerit observatio-

B 3 nes?

nes? De Hoc agemus in sequentibus. At Berofus ipse viderit, quid & quantum fidei tribui sibi velit. Nam certe vanitatis nos quoque palam eum arguimus in immenso illo annorum, immo myriadam, numero. Sufficit nobis probasse, immensum illum annorum numerum, quem Cicero & Diodorus exprefferunt, vere ab ipso dici proditum, atque adeo Plinio quoque restituendum, neque vero in hujus Plinii verbis esse aliquid vel minimum, quod Nabonassari Epocham respiciat. Crediderim autem etiam apud Alex. Pol. vel Eusebium numeros *Myriadum* fuisse corruptos, & pro IE legendum M. hoc est, *quadraginta*, vel MZ. hoc est, *quadraginta septem*, ut cum Cicerone & Diodoro itidem magis congruant.

Sed tamen, re accuratius pensitata, nihil in his mutandum jam censeo, quia varius est Numerus *Myriadum* Chaldaicarum, Epigeni LXXII. Beroso & Critodemo apud Plinium XLVIII. Babyloniiis apud Ciceronem & Diodorum XLVII. Beroso apud Alexandrum Polyhistorem xv. Hinc Syncellus pag. 34. eleganter dicit τὸν τῶν ἐτῶν μυριαδισμὸν ἀλληγορήσαντες, h. e. *Myriadas annorum alio sensu interpretantes*, de totidem scil. diebus. Et p. 35. τὸν μυριαδισμὸν τῶν χαλδαϊκῶν ἐτῶν. Accedit vel potissimum, quod



quod Syncellus eadem verba Alexandri Polyhistoris ex Beroſo, & longe copioſius, adfert pag. 28. inque iis diſerte etiam has ipſas IĒ. h. e. xv. myriadas. Quid ergo ſentiendum de illis XLVII. vel XLVIII. Myriadibus, quas ex ipſo Beroſo tamen memorat Plinius, memorant & alii? Nam & Africanus apud Syncellum p. 17. ἡ τὸν τῶν Χαλδαίων λῆρον, τὸν τῶν Τεσσαράκοντα ὀκτὼ μυριάδων, τί δεῖ λέγειν; *aut quid opus eſt, ut commemoremus Chaldaicas nugae XLVIII. myriadam?* Verum varia videtur fuiſſe Ratio Chaldaicarum iſtarum Myriadum, tanto magis, quoniam Alex. Polyh. ex ipſo hoc Beroſo eodem in loco apud Syncellum p. 30. etiam longe plures, quam xv. Myriades, ſeu Myriades XLIII. commemorat. Non ergo in his contradic-tio, ſed diverſitas quædam, ineſſe videtur. Nempe jactavit Beroſus *ſervatas diligenter* Babylone multarum rerum annotationes xv. myriadum: reliquarum ergo & antiquiorum myriadum alia apud ipſum eſt ratio. Nec enim omnia iſtius temporis tam *diligenter* annotata aut ſervata voluit dicere. Sed tamen quum ipſe multa ejus quoque temporis ab ipſa uſque mundi origine oſtentet, liquet ex eo, jactaſſe ergo eum rerum etiam in illis myriadibus geſtarum aliquam ſcientiam. Nihil itaque mirum, cœleſtes

observationes, quibus se maxime efferebant Babylonii, affirmasse Eos, ab se haberi proditas literis jam ab ipso rerum initio, in primis quum primo itatim mundi Anno finxerint ex mari Erythræo emerfisse Oan-nem, qui sibi tradiderit γραμμάτων, καὶ μαθημάτων καὶ τεχνῶν παντοδαπῶν ἐμπειρίαν, *literarum, & scientiarum, & artium variarum peritiam*; ut refert Alex. Pol. ex Berofo apud Eusebium *Chr. Gr.* p. 6. Ceterum illæ XLVII. vel XLVIII. Myriades repetendæ sunt secundum Berosum ab ipsa rerum origine. Nempe ab Aloro, qui est Adamus, usque ad diluvium sub Xisuthro tradit effluxisse annorum *myriadas* XLIII. ac *duo millia*. Vide Alex. Polyh. apud Eusebium d. 1. & Syncellum p. 30. Hinc jam post diluvium (in quo tamen res superioris temporis, ne quis intercidisse eas putaret, jussu Dei ab ipso Xisuthro conscriptæ (vide Eusebium pag. 8. & Syncellum pag. 30. 31.) Sipparis dein defossæ, & sic servatæ, ac post diluvium denuo effossæ, ad notitiam posterorum devenisse finguntur) Alexander ille denuo fabulosos Reges usque ad Euechoum memoravit, quibus tribuit annorum Tres Myriadas & Millia Quatuor, ac LXXX. annos. Vide Syncellum pag. 78. Sic jam habemus XLVI. Myriadas, & Sex Millia,

## ORIGINES BABYLONICAE. CAP. II. 25

ac præterea annos octoginta, usque ad Euechoum, à quo usque ad Mortem Alexandri Magni reliquum, quod adhuc deest illis XLVII. vel XLVIII. Myriadibus, facile explere potuit Berofus, Scriptor prorsus inepte & unice deditus extollendis Gentis suæ Antiquitatibus; quo nomine passim ab illis ipsis, qui ejus fragmenta nobis ingerunt, accusatur. Certe ad Myriadas XLVII. explendas desiderantur tantum anni 3920. quæ summa non vadeo longe ultra vulgatam, de spatio & duratione temporis ab Euechoo, seu Nimrodo, ad Alexandrum usque, sententiam excurrit, atque ideo valde probabile est, eam ab illis Auctoribus, qui tempora ita augere & in imensam proferre Antiquitatem studuerunt, isti intervallo attributam.

Sed revertamur tandem ad propositam quæstionem; unde, scilicet, Berofus & Callisthenes sua hauserint, si Nabonassar superiorum Regum res gestas aboleverit, idque ita, ut idcirco Epochæ Babylonicæ Cœlestium Observationum initium ab ipso demum & ejus Regno debuerit etiam postea repeti. Hoc vero si maxime sit verum, & a Berofso ipso traditum, nihil tamen vel sic in eo erit absurdi, si tunc dicamus, Berofsum potuisse quædam scire, suo tem-

pore iterum jam investigata & reperi-  
ta, quæ antea jacuerant aliquandiu sup-  
pressa & occultata. Enimvero sæpe id uti-  
que accidit, ut antiquiorum scripta & an-  
notationes aboleantur, ita ut videantur  
prorsus periisse, quæ tamen aliquandiu post-  
ea ex situ & tenebris iterum protrahun-  
tur, & multo studiosius tunc describun-  
tur & lectitantur. Cordi Cremutii, alio-  
rumque, libros sub Tiberio *SCtis abolitos*  
& *per Aediles crematos* novimus: iidem ta-  
men *manserunt occultati*, & sub Caligula  
iterum sunt *requisiti*. Vide Suet. *Calig.*  
16. & Tac. *Ann.* iv. 35. Herodes quo-  
que, ut ex Africani Epistola ad Aristidem  
refert Euseb. *Hist. Eccles.* I. 7. *consciis sibi*  
*sue inter Judæos ignobilitatis*, *incendit eo-*  
*rum τὰς ἀναγραφὰς τῶν γενῶν*, *genealogicas*  
*tabulas*, ad id usque temporis ἐν τοῖς ἀρ-  
χείοις servatas: sed vel sic nonnulli partim  
*ex memoria*, partim *aliunde*, eas dein sibi re-  
stituerunt, ut vel ex genealogiis Servato-  
ris nostri liquet. Quidni ergo similiter à  
Nabonassaro potuerint suppressa esse supe-  
riorum Regum acta, deinde vero iterum  
inventæ, & in usum publicum protracta,  
atque à Beroso, qui quingentis circiter  
annis post scripsit, memorata?

Quare ergo à Nabonassaro demum in-  
cepit etiam postea mentio Babyloniorum  
Re-



Regum, prioribus perpetua oblivione sepultis, ut & series Canonis Ptolemaici? Nam, ut scribit Cl. Dodwellus §. 24. *Probabile est, Epocham, omnium antiquissimam, earum scilicet, quæ astronomicis observationibus fuissent insignitæ, in hunc usum ab Astronomis deletam.* Sed haud dubie Nabonassar ipse, si credimus Syncello, causam dedit, ut enumeratio Regum Chaldaeorum ab ipso dein initium sumeret, & talem forsan, qualem modo diximus, & quam posteriores mutare vix potuerunt. Verum si maxime hæc Epochæ & Series cœptæ & institutæ primum fuerint ab Astrologis aliquanto post Nabonassarum, tum vero dicendum, sicut apud Græcos aliud fuit tempus Certioris & Chronologicæ Historiæ, aliud Fabulosæ, & idcirco *Historicorum præcipui ab antiquioribus abstinerunt, recentiora aggressi sunt; veluti Ephorus Cumanus, qui, quum res publice gestas scribere vellet, antiquas omisit fabulas, Historiæque suæ initium fecit à reditu Heraclicidarum,* teste Diodoro Siculo lib. iv. init. sic forsan & apud Babylonios Certiorem Historiam seu Chronologiam à Nabonassaro cœpisse demum, at superiora Fabulis fuisse implicita: id quod ex immensa illa Antiquitate, quam jactabant, sic satis patere videtur. Hæc ergo ratio fuisse potuit,

tuit, quare & ab illo demum inceperit ordo Chronologiæ Babylonicæ in Græcos editæ; quæ dein, quia tempore Alexandri M. jam per 400. † aut circiter, annos recepta erat, ideo neque tunc aliunde commodius accipere initium potuerit. Plane sicuti iterum apud Græcos Olympiadum Epochā primum ab illis inducta est Chronologicum in usum, quia tunc ascendere non poterant ultra, seu supra XXVIII. Olympiadem, quam idcirco Primam illius Epochæ fecerunt. Quamvis autem postea fuerit deprehensum & satis cognitum, minus recte id ita factum, vel sic tamen Duodetrigesima illa mansit etiam deinceps Epochæ istius Prima. Ratio ejus rei erat, quod post illud tempus demum diligenter cœperit annotari, quis in ludis Olympiis identidem victor fuisset stadii (vide Eusebii *Chron. Gr. P. i. p. 39.*) id quod de superioribus XXVII. Olympiadibus Chronologi non ita perpetuo ordine, ne in Scriptoribus quidem Historiarum,

† Pro aut circiter, rescribe & amplius: ut sensus verborum tanto propius & clarius designet amplitudinem intervalli. Sæculo enim quinto post Nabonassarum cœpit Alexander regnare, & eodem sæculo mortuus est, successitque ei Seleucus, & huic Antiochus Soter, sub quo Berosum volunt, ex Tatiano, scripsisse Babylonica. *Addend.*

riarum, reperiiebant designatum, nec proinde ipsi designare poterant, quum tamen Chronologicæ Olympiades, quando primum cœpta est hæc Epochæ, non aliter quam per Victores Itadii designari sole-  
rent, adeo, ut diceretur non, *Prima, Secunda, &c. Olympias*; sed *Olympias, quæ vicit Coræbus, quæ vicit Antimachus, &c.* Ita vero & Nabonassareæ Epochæ initium si Astronomis post Nabonassarum, ut diximus, non ipsi Nabonassaro, adscribendum, tum vero & illi dici possent, etiam hac ratione a Nabonassaro demum incepisse Epocham, nec aliis postea repertis & cognitis jam tempore Callisthenis siderum observationibus auxisse, vel in altius tempus eam extulisse; quia a Nabonassari tempore demum cœperint diligentius, quam antea, observari sidera, eæque observationes publice & publico in albo annotari. Docet id nos idem Syncellus, sed & ipse Ptolemæus. Ille enim p. m. 206. Græcos ait fateri, istam Nabonassari Epocham esse πάντων ἀκριβεστέραν, præ omnibus aliis accuratam; quia, ut dein p. 207. tradit, Chaldæi demum a Nabonassaro tempora motus astrorum diligenter observarunt, vel annotarunt, ἡκριβώσαν. Habuerunt ergo aliquas sine dubio priorum temporum quoque observationes, sed non ea  
ἀκρι-

ἀκριβείᾳ in literarum monumenta relatas, ut ex iis perpetua posset earum constitui series. Similiter Ptolemæus *lib. III. Μαθημ. συντάξεων*, cap. 5. ait, *se Epochas deducturum usque in initium Regni Nabonassarei, ἀφ' ὃ χρόνος* (pergit) *καὶ τὰς παλαιὰς τηρήσεις ἔχομεν, ὡς ἐπίπαν μέχρι τῆ δευρο διασωζομένης, a quo tempore etiam antiquas observationes habemus, prorsus, vel in universum, ad hæc tempora servatas.* Dicit hæc non poterant de Observationibus ante Nabonassarum factis; quippe quæ non erant ita ἐπίπαν servatæ, & ideo in Epocham hanc neque postea admiffæ. Adde jam his, quod Nabonassar non tam delevit observationes siderum jam ante sua tempora factas, quam memoriam Regum, *ut ab se inciperet enumeratio Chaldæorum Regum*, & ita in perpetuum servaretur sui Albi, seu suorum publicorum Annalium, unde Epocham illius est orta, initium. Nam quum dein in hac Epocham tempus designaretur per annos Babyloniorum Regum, illorum autem, qui ante Nabonassarum fuerant, memoria & nomen jam esset extinctum, non potuerunt satis commode antiquiores siderum observationes neque postea in hanc Epocham referri, quia annus earum solita per Reges illos designatione exprimi non poterat. Nihil tamen hoc impedit, quo  
mi-



minus etiam ante Nabonassarum variæ re-  
vera fuerint factæ observationes, æque  
usque ad tempus Alexandri a Chaldæis ser-  
vari, & ad certum tempus, sed alia ra-  
tione designandum, referri potuerint.

Possit forsan etiam hoc specie quadam  
dici, Nabonassarum non omnium ante se  
Regum, sed quorundam tantum ante pro-  
ximos sibi, abolevisse res aut facta, ut ita  
series Regum & Annotationum Astrolo-  
gicarum esset interrupta, & ab se nova  
dein tanto rectius inciperet. Conjecturæ  
hæ sunt, fateor; sed conjecturis utendum  
est, ut in concordiam diversa Berosi redi-  
gamus fragmenta, quum ipsum Auctorem  
non habeamus, nec possimus verba ver-  
bis, loca locis conferre, & ita Berosum  
ex ipso Beroso explicare aut illustrare. Sed  
&, ut dicam, quod sentio, vix possum  
mihi persuadere a Beroso profecta aut scrip-  
ta, quæ Syncellus p. 207. tanquam ex  
Alexandro Polyhistore & Beroso refert,  
Nabonassarum *colligentem* τὰς πράξεις τῶν πρὸ  
αὐτῆς βασιλέων ἀφανίσαι, *actiones Regum*, qui  
ante ipsum fuerant, abolevisse, ut ita, quod  
addit, ab ipso potissimum fieret ἡ καταρί-  
θμησης τῶν Χαλδαίων βασιλέων, *enumeratio Re-  
gum Chaldæorum*. Nam quo tandem mo-  
do potuit proximorum ante se Regum no-  
mina & actiones ex Babyloniorum suorum  
me-

memoria delere, quum essent utique in recenti tunc omnium memoria, & post unius Nabonassari mortem, per tot alios ad posteritatis quoque memoriam possent quoquo modo propagari. Dein neque cohæret satis, Berosum illa ipsa de Nabonassaro ita absolute dixisse; & tamen in eodem opere tradidisse (Vide locum supra pag. 17.) *Babylone annotationes plerarumque rerum a xv. Myriadibus annorum usque* Φυλάσσεισθαι μετὰ πολλῆς ἐπιμελείας, *servari*, quasi suo adhuc tempore, *magna cum cura*, & ex iis Annotationibus dein exhibere suis Lectoribus Nomina & actiones quasdam antiquissimorum Regum. Porro neque illud probabile, Berosum repetere a Nabonassaro demum initium Observationum cœlestium, & hac quidem ratione, quod res superiorum Regum, atque adeo has quoque Observationes vel maxime, quippe de quibus in Nabonassarea Epochâ constituenda potissimum agitur, ille aboleverit; & tamen jactasse Eum suis in Libris, *Babylonios Observationes siderum* ab annorum 48. Myriadibus habere *inscriptas coëtilibus laterculis*. Quid ergo? Satis videtur manifestum, isthæc de Nabonassaro apud Syncellum non fuisse sic a Beroso tradita, vel certe conjecturis, qualibus usus sum ad componendam illam in Beroso discrepan-

pantiam, hic esse indulgendum. Sed neque crediderim rem ipsam, genuinam scilicet hanc esse & veram, cur a Nabonasaro demum inceperit hæc Epochæ, causam, quam Syncellus quasi ex Beroso memorat; immo e contrario confictam potius eam arbitrer & inventam a posterioribus, qui causam, quam non inveniebant memoriæ proditam, ipsi ex conjectura voluerint comminisci. Nam certe abscondita est & ab rerum usu aliena, siquidem Nabonassar neque scire tunc potuit Epocham quandam ex serie illarum Observationum deinde orituram, certe non, tam celebrem illam per orbem terrarum & tam diu fore, neque vero, eam suo potissimum nomine, seu magis suo, quam ipsius Urbis, aut Chaldæorum nomine, a posteris insignitum iri. Ea autem prævidisse jam tunc debuisset, si hac in re æternitatem nominis sui adeo quæzivisset & spectasset, ut idcirco priorum Regum res & observationes abolere voluerit, quod ipsum, ut modo diximus, fieri tam facile haud potuit, certe non ita, ut non mox illæ a Successoribus ejus, aut Chaldæis Astrologis, potuerint facillime restitui. Longe itaque verisimiliora sunt, quæ paulo ante attuli; Scilicet, vel Nabonassarum ipsum constituisse in publico & Sacro loco Album aut

Annales, in quibus & ipse primus solenniter ac diligentius cœperit singulas fiderrum observationes annotare, & dein successores quoque ejus easdem annotaverint, quia isthoc modo certius ad longæ posteritatis memoriam Observationes illæ propagari poterant; vel Astrologos Babylo-nios aliquanto post Nabonasfarum collegisse hanc Seriem Observationum, & non ascendisse tunc ultra Nabonasfarum, quia non reperiabant ante ejus tempora continuam & satis accuratam illarum annotationem, sicuti ab ejus tempore habebant: qua ipsa ratione ostendimus Epocham quoque Olympiacam non ascendere usque ad vera Olympiadum initia, sed tantum usque ad Olympiadem xxviii. Quæ Viri Docti adfirmant, per causam hujus Epochæ, de Nabonasfaro, vellem probare potuissent. Sic enim aliam haberemus & speciosam satis rationem Epochæ novæ ab illius regno potissimum derivandæ. Certe Scaliger ad Fragm. Veterum *Emendationi Temporum* adjecta pag. 41. *Nabonassar*, ait, *videtur primus jugum Medorum, qui in Assyria regnabant, excussisse*. Usferius contra, <sup>a</sup> Nabonasarum putat fuisse Belesin, adiutorem Arbacis Medi contra Sardanapalum, & ita illum per Arbacen accepisse regnum Baby-

<sup>a</sup> In *Annalib.* ad A. M. 3257.



ORIGINES BABYLONICAE. CAP. II. 35

Babylonicum. Sed longiorem nobis narrat fabulam Doctiff. Abbas Pezronius *Antiq. Temp. rest. Cap. 12. p. 144.* ubi Nabonassarum tradit a Babyloniis ab ipso incitatis factum Regem, ut excuteret jugum Medorum, dum hi bello contra Cadusios gerendo essent impliciti. Atqui ne γρὺ quidem apud quenquam Veterum legitur de hoc Babyloniolorum bello contra Medos, aut tali Regni Nabonassarei initio, quippe de quo ipso Homine & Rege nihil prorsus sciremus, absque hac esset Epocha, quæ tamen solum Hominis Nomen, nec quidquam aliud, nobis servavit. Quin & Medi hoc ipso tempore, tantum abest, ut imperium in Babylonios obtinuerint, ut e contrario Assyriis adhuc essent subiecti. Decepti sunt omnes a Ctesia, cujus illi Chronologiam temere nimis recipiunt. Sed & ex iis, quæ Syncellus de Nabonassaro ex antiquioribus refert Scriptoribus, satis refutantur Viri Docti, siquidem ille superiorum utique Regum Historiam dicitur abolevisse, ut sic Series Regum & Historiarum ab se deinceps inciperet. Qui, quæso, illi Reges? An Medi? An Assyrii? At quomodo eorum Historiam & res gestas potuit Babylonius abolere? Satis apparet designari istic Reges, non peregrinos aut externos, sed vere Babylo-

nios, quibus succeſſerit Nabonaſſarus. Non ergo Beleſis ille fuit, nec primus, excuſſo Aſſyriorum vel Medorum jugo, ſuæ Gentis aut Urbis Rex. Quin & hic ipſe, ſi vere Novus & Primus Patriæ per ſe liberatæ fuiſſet Rex, non aliunde tunc quæſiſſet hanc gloriam, ut ab ſe dein Regum Chaldæorum inciperet Series, quippe quæ neceſſario incipere ab ipſo jam debebat, prout ſemper a Novis ejusmodi Regibus ducitur nova Regum ſeries, & plerumque Nova etiam Gentis Epochæ. Habemus ejus rei exempla in Nabopolaffaro, Cyro, Alexandro, Auguſto. Inanes ergo ſunt hæ conjecturæ, quæ in ipſam veterum incurrunt Hiſtoriam.

Ceterum, quæcunque tandem fuerit cauſa, quare a Nabonaſſaro inceperit demum hæc Epochæ, liquet abunde ex his omnibus, potuiſſe Calliſthenem habere aut inveniriſſe Babyloſe obſervationes ſiderum, a Chaldæis dudum ante Nabonaſſarum factas, licet non continuas, nec æquali diligentia aut perpetua ſerie tunc annotatas, atque adeo ex hujus Epochæ nihil magnopere ad ſubvertendam illam Calliſthenis Chronologiam poſſe extundi aut elici. Liquet etiam, licet Berofus memoraverit illam Nabonaſſari Epocham, & ſuppreſſa ab eo tradiderit ſuperiorum Regum acta, de quo tamen valde dubito, nihil eo vel ſic juvari  
vul-

vulgatam Pliniani loci lectionem; quippe in quo agitur, non de certioribus Historiæ monumentis, sed de ultima Literarum antiquitate, & vetustissima cœlestium motuum annotatione. Quod vero Vir Doctissimus etiam Callisthenis fidem in hoc negotio arguit auctoritate Strabonis, id vero factum nollem. *Scriptorum*, inquit, *qui res gestas Alexandri memoriæ mandarunt, fidem sugillat Strabo & Arrianus, & quidem ita, ut ne ipsum Callisthenem Strabo lib. 8. a ab eo sublestæ fidei crimine absolvat.* Etenim Strabo nihil istic de rebus Alexandri, aut earum Scriptoribus, nihil de hac Callistheniana tot annorum summa memorat, sed tantum, quod ad Tyrtaeum Poëtam, & Ducem Lacedæmoniorum contra Messenios, aut antiquis Elegis fidem negandam ait, aut Historicis (πλείοσι) compluribus, Philochoro, Callistheni, aliisque, qui eum ab Atheniensibus missum tradiderint. Quid quæso hic locus, quid hæc verba ad præsentem controversiam? quid ad Callisthenis fidem in universum elevandam? Eam utique neque Strabo illi derogat, sed incertum relinquit, utrum in re Laconica Elegis, an Historicis, sit deroganda. Callisthenem autem Diodorus e contrario inter πρωτεύοντας τῶν ιστοριογράφων



τῇ δόξῃ, *Historicorum præcipuos gloria, refert lib. 4. init.*

Marshamus porro *Vetustatem hujus artis* (observandi scil. cœlestes motus) ex Plinii potissimum loco, & Berosi expressa istic annorum summa probat, atque inde progressus observationes Callisthenianas repudiat, nec verisimile opinatur *tot annorum observationes laterculis coctilibus inscriptas fuisse a Chaldæis*; sed potius existimasse *Porphyrum* censet, *Chaldæos ad demonstrandas cœlestium motuum observationes aliam Sothiacam periodum postulasse*. At vero clariora sunt Simplicii verba, quam ut in eum detorqueri sensum ullaratione possint. Nempe ait, Aristotelem censuisse, *posteriores potius Astrologis auscultandum*, quoniam illi *plures habeant τηρήσεις φαινομένων*, quia tunc demum Callisthenes miserit ex *Babylone Chaldæorum observationes*: *Porphyrum autem tradere, eas fuisse 1903. annorum usque ad tempora Alexandri M.* Quid jam in hisce est, ex quo tale quid elici queat, quod vult Marshamus? Nihil utique de periodo qualicunque tradit Simplicius, sed tantum eæ observationes, quas miserat Callisthenes, & quibus plurimum tribuebat Aristoteles, Græcis prioribus ignotæ, tot annorum fuisse dicuntur, five simpliciter hoc ita ex Callisthene vel Aristotele retu-



retulerit Porphyrius, five harum observationum tempus redegerit ipse interpretando in eam annorum summam, sicuti Alexander Polyhistor apud Euseb. *Chronico priore*<sup>a</sup>, Berosi *Saros* 120. per annos 432000. exposuisse legitur.

Sed eadem socordia in interpretandis Plinii verbis versantur, quum ipse d. l. tum qui eum sequitur, Joh. Clericus in Indice ad Stanlejum v. *Berosus*; adeo ut putes, haud inspexisse eos Plinium, & ejus verba aliunde excerptisse vel repetivisse. Certe specimen hoc erit, unde liqueat, qua negligentia Clericus aliena compilet scrinia, & inde arripiat ac tradat publice, quæ nec satis consideravit ipse, nec intelligit. Etenim volunt illi, in celeberrimo hoc Plinii loco designari omnino Epocham Nabonassari, & ab eodem hoc principio repeti & 720. annos Epigenis, & 480. Berosi; eaque gratia, licet ignorare se fateantur, quando vixerit Epigenes, conjiciunt tamen ætatem illius in tempora Augusti, ut in quibus desinant illi 720. anni, si deducantur ab Epochæ Nabonassareæ initio. At quorsum hæc? Nimirum, ut ita consensus statuatur inter Epigenem & Berosum de illa Epochâ, & tempore, quo demum cœperint observa-

tiones siderum annotari, atque adeo rejiciantur illæ temporis antiquioris, quas Callisthenes Babylone dicitur reperisse. At, quod jam supra diximus, non agit Plinius istic de Nabonassaro aut ejus Epocha, neque de ipsis siderum observationibus, sed unice de antiquitate Literarum, quam tantum probari ait apud Babylonios ex eo, quod observationes siderum jam a multis annis fuerint istic coctilibus laterculis *inscriptæ*. Quid vero in his est, quod pertineat ad Nabonassarum, aut ejus Epocham, quæ longe subsidit infra illam adeo jactatam antiquitatem, cum Ægyptiaca certantem, & *e diverso* majorem, immo *æternam*. Deinde vero si annorum summæ, hinc Epigenis, inde Berosi & Critodemi, ab eodem principio sunt repetendæ, nec superat una alteram in ostentata illa antiquitate, quid tunc sibi volunt hæc verba, *qui minimum*? qua in re, quæso, consistet hoc *Minimum*, si Berosus non tribuit minorem antiquitatem Literis, & scriptis observationibus, quam fecerat Epigenes? Res est nimis manifesta, designari hic antiquitatis spatium, quod Berosus retulerit, & *Minimum* sit, si comparetur cum illo, quod Epigenes vel etiam alii jactaverint; atque isthæc igitur tradidisse Marshamum, & certe Clericum, loco  
Pli-

Plinii, de quo agunt, non considerato fati-  
tis, vel non inspecto, licet eo unice ni-  
tantur in rejiciendis iis, quæ de Callisthe-  
ne habet Simplicius.

### C A P. III.

*Marshamus rejicit Callisthenianam  
annorum summam tantum, quia Ba-  
bylonis originem ad Nabonassari  
tempora vult dejectam. Babylonis  
Urbis & Regni mentio in S. Scri-  
ptura dudum ante Nabonassarum.  
Antiquæ Urbes, quæ dicuntur,  
fuerunt tantum pagi. Urbs Caini  
fuit non vera Urbs, sed fixum &  
stabile domicilium, quo sensu etiam  
Hebr. עיר sumitur. Primi Homines,  
qui non erant Nomades, habitarunt  
fere in speluncis. Terra Sinear, seu  
Babylonis, non fuit relicta, nec in-  
undationibus valde obnoxia post  
dispersionem.*

**S**ED causa fati idonea subest, quare  
Marshamus Callisthenianam annorum  
summam lubens adeo rejiciat, & corrup-  
tam

tam illam Berofi apud Plinium potius sequatur. Scilicet, ut exinde confirmet suam de recentissima Babylonis origine sententiam, qua ad Nabonassari ætatem, qui vixit ultimorum Israëlis Regum tempore, eam deprimit. Ex quo liquet, quantum periculi & detrimenti sæpe veritati adferant corrupta Veterum Loca. Nam vix habet quicquam aliud memoratu dignum, quo Babylonem tunc demum conditam probet, præter corruptum illum Plinii locum. Sed rem ipsam videamus: nempe, quid ille de Urbis non modo, sed & Gentis Babylonicae Origine sentiat, & quam inanibus nitatur ratiunculis. Etenim ne quis ex Scriptura S. illam Originem repetat, aut a Nimrodo prima istius Urbis jacta putet fundamenta, affirmare, nescio quo Historiæ S. oppugnandæ studio agitatus, non veretur pag. 476.<sup>a</sup> *Nullam ante Nabonassarum Babylonis Urbis, nedum Regni, occurrere mentionem vel in Sacris Literis, vel in Exteris: atque idcirco, quando Genes. x. 10. dicitur Nimrodo initium Regni fuisse Babelem, Erech, Accad & Chalne in terra Sinear, exponit ita pag. 478. <sup>b</sup> Initio Babyloniam occupavit Nimrodus, in qua oppida isthæc postea condita fuer.*

<sup>a</sup> Pag. 506. Edit. Lips.

<sup>b</sup> Pag. 508. Ejusd. Ed.



*re. Cum vero partes istæ vastissimorum am-  
nium Euphratis & Tigris inundationibus es-  
sent obnoxia, E terra illa (hæc jam verba  
sunt ex Gen. x. 11.) exiit in Assyriam, &  
ædificavit Niniven, & Rekeboth, Urbem &c.  
Concludit ex his: Cum egressus sit ex Ba-  
bylonia, Babylonis Urbis conditor haberi ne-  
quit. Similiter quando Gen. xi. docetur,  
homines voluisse & jam cœpisse in terra  
Sinear condere Urbem & Turrim, neque il-  
los, Urbis hujus conditores habendos asseve-  
rat, quia in omnes terras dispersi sint. Quasi  
ex illa dispersione colligendum sit necessa-  
rio, terram Sinear, seu Babylonis, om-  
nium maxime fertilem, quæ idcirco etiam  
maxime placuit primis hominibus, fuisse  
deinceps relictam incultui & solitudini,  
atque omnes omnino homines ex ea seces-  
sisse. Immo vero vel mansit in ea, ut  
diserte ait Josephus I. 7. vel rediit in eam  
confestim, & Babelem quomodocunque  
absolvit Nimrodus cum hominibus sibi  
addictis, etiam secundum ipsum Marsha-  
mum, quando Babyloniam occupavit, &  
tenuit, usque dum inundationibus fluminum  
vexatus, e terra illa exierit in Assyriam,  
aliasque ibi ædificaverit Urbes. Nam  
hæc, si vera essent, accidere post disper-  
sionem demum debuisse, neque ipse Mars-  
hamus, opinor, negabit, atque adeo ve-  
rum*

rum ex ipsius quoque sententia foret, non ab omnibus plane hominibus in ista dispersione relictam, saltem in perpetuum, hanc Urbem & Terram.

Porro autem habemus Genes. x claram satis *mentionem & Urbis Babel & Regni*, quam in S. Literis occurrere negat Vir Doctus. Nam manifeste istic *Babel* dicitur *Regnum Nimrodi*, vel *Principium Regni ejus*, h. e. Prima Urbs. Pro *Urbe* itaque ponitur, non *Regione*, siquidem *Babel* æque, ac alia istic memorata oppida, in *Terra Sinear* fuisse diserte traditur, atque adeo a *Regione* ipsa seu *Terra* distinguitur. Quapropter perperam prorsus simplicia isthæc verba interpretatur Vir Doctus, quasi iis dicatur, Nimrodum *Babyloniam occupavisse*, *Regionem* scil. in qua *Oppida ista POSTEA condita fuerint*. At quare tandem oppida isthæc non æque potuerint in terra Sinear jam tum a Nimrodo fuisse exstructa, quam mox §. seq. Ninive, Rehoboth, aliæque *Urbes*, ædificatæ in Assyria eodem tempore leguntur?

Quando autem *Urbes* jam tunc conditas memoro, nemo ita existimet, velim, quasi amplas eas & munitas fuisse sentiam, quum omnium etiam amplissimarum deinceps Urbium initia fuerint prorsus tenuia. Thucyd. lib. i. init. Πόλεις antiquissimi  
Tem-

# ORIGINES BABYLONICAE. CAP. III. 45

Temporis dicit ἀτειχίστος, καὶ κατὰ κώμας οἰκισμένας, non munitas, & per pagos, seu pagorum more, habitatas. Immo fuere tunc nihil aliud, nisi κῶμαι, seu pagi, certe in Græcia. Ita apud Hesiod. in *Asp.* v. 18. Heroes Taphii & Teleboæ in pagis (κώμας) habitasse leguntur, & diserte Festus, *Commissatio a Vicis*, quos Græci κώμας dicunt; in his enim habitabant prius, quam Oppida conderentur. Sed & in Mesopotamia, etiam diu postea, sic se res olim habuit. Eam enim *Vicatim dispersam*, præter Babylona & Ninum, ait Plinius *Nat. Histor.* VI. 26. addito, *Macedones eam in Urbes congregavere propter ubertatem soli.* Vult dicere, multos istic fuisse Pagos, sed nullas Urbes, præter duas, priusquam Macedones eam tenuere, qui demum plures istic condiderunt Urbes. Similiter de Medis Herodotus I. 96. eos quoque ait habitasse κατὰ κώμας, h. e. in Vicis seu Pagis. Taceo jam apud Hebræos עיר, Urbem, significare qualemcunque certam & stabilem, sive complurium uno in loco conjunctam, sive etiam unius hominis aut familiæ, habitationem, oppositam vitæ pastorum Nomadicæ & vagæ: atque ita intelligendum haud dubie, quod Kain, qui non Pastor, sed Agricola erat, sibi jam tunc עיר, Urbem, exstruxisse dicitur, h. e. per-



perpetuum in terra, quam colendam maxime elegerat, domicilium: ne illo jam tempore Urbem, multis ædificiis instructam, plateis & vicis distinctam, aut vallo & fossa munitam, nulli certe tunc usui in illa hominum paucitate futuram, cum Josepho <sup>a</sup> putemus, aut cum Augustino *de Civ. Dei* xv. 8. ceterisque, ad hanc sententiam quadam specie ornandam, variis indulgeamus & inanibus conjecturis. Neque aliter Noachidæ, quum venissent in terram Sinear, ac deprehendissent illam plane fertilem & alendis pecoribus idoneam, decrevisse traduntur, non amplius ita vagari Nomadum more, sed potius sibi istuc exstruere עיר, certam & stabilem sedem: quæ tamen sine dubio fuit in Pagos potius varios sparsa, quam in unam proprie dictam Urbem contracta. Sed & eadem est ratio significationis in Voce ejusdem, ut multi putant, originis, מערה, *spelunca*; quia, qui certo in loco manere volebant, antequam domos sibi ædificare scirent, aut facile possent, in speluncis olim habitabant. Plinius VII. 56. *Nat. Hist.* Specus erant pro domibus. Ovidius *Metam.* I. 121. de argentea ætate,

*Tum primum subiere domos, domus Antra  
fuerunt.*

Sed



ORIGINES BABYLONICAE. CAP. III. 47

Sed disertius etiam Diodorus Sicul. *lib. V.* p. 231. de Curetibus, antiquissimis Cretæ insulæ incolis, eos ait habitasse sub arboribus montium, aut in vallibus ac speluncis, διὰ τὸ μήπω κατασκευὰς οἰκιῶν ἐυρῆσθαι, quia nondum inventæ erant exstructiones ædium. Hinc jam in Fabulis, h. e. antiquissimis Historiis Græcorum, tot Dracones memorantur & Gigantes ex Terra nati, ut vel ex una Cadmi Historia est notum; qui nihil aliud fuerunt, quam Homines ex speluncis suis subito prodeuntes, quasi Dracones ex suis cavernis. Quin ipse ille Cadmus tandem in serpentem dicitur conversus, eodem haud dubie sensu, quia scil. se in speluncam tunc abdidit. In talibus speluncis habitarunt Lothus cum Filiabus post Sodomam deletam, Genes. xix. 30. & Cacus in Latio tempore Euandri, Livius I. 7. Immo integræ Gentes, Troglodytæ in Africa, dicti ita διὰ τὸ ὑπὸ τὴν ἔρην βαίνειν, καὶ Τρώγλας ὑποδεδυκέναι, quod sub terram eant, & cavernas subeant, ut ait Eustathius ad Dion. Perieg. v. 180. addens similes Troglodytas superesse & in Europa juxta Triballos, immo & apud Caucasum in Asia versus Septentrionem. Adde illis jam Hevæos in Palæstina olim a Serpentibus eadem ratione sic dictos. Ita vero liquere satis puto, duo hæc vocabu-  
la,

la, עיר & מערה, ejusdem, ut videtur, originis, notare proprie loca, in quibus certas sibi sedes figebant Agricolaë, & quicunque alii vitam Nomadicam non sectabantur. Talia autem loca erant Speculuncæ olim, dein Domus & Urbes, quas Nomades non habebant, viventes in tentoriis aut Curribus, Ἀμαξόβιοι ideo quoque dicti. Kaini autem habitatio etiam alia ratione עיר potuit dici, quia revera dein causam illa & originem dedit veræ Urbis. Abierat enim ad Orientem, atque ibi sedem sibi habitationis ceperat, eamque nomine Filii sui *Hanoch* appellaverat. Verum inde ortam esse dein Urbem, liquet ex Ptolemæo, qui ad Orientem Babylo-niæ collocat Urbem *Anuchtha*, quod idem plane est Nomen, quum *tha* sit terminatio istius Nominis & Urbis Chaldaica. Videtur ergo iste locus, jam ante Diluvium sic dictus, retinuisse per & apud Noachidas pristinum Nomen, atque illud ad posteros ac Urbem postea conditam propagasse. Sic vero initia Urbis Babelis, ut eo revertamur, qualiacunque tandem, seu talia, qualia fuerunt Ninevès, & aliarum tunc Urbium, a Nimrodo haud dubie sunt profecta, & absoluta, sed pro ratione istius temporis.

Verum ait Marshamus, Nimrodum Terram illam *inundationibus obnoxiam* reliquisse,

quiffe, nihil in ea condidiffe, fed potius  
exiiffe ex ea in Affyriam, atque ibi Urbes  
exftruxiffe. Nos vero id fine ullo fatis  
idoneo rei documento affirmari cenfemus.  
Etenim primi certe homines *terram Sinear*  
omnibus aliis prætulērunt, atque idcirco  
ex ea ne difpergerentur, aut in alias fece-  
dere cogerentur, operam dederunt labo-  
ríoſiſſimam, exftruendo Urbem & Tur-  
rim, *inundationum*, quarum nulla prorfus  
in Moſaicis fit mentio, plane ſecuri. Sed  
& tempore Abrahami reperimus in S. Hi-  
ſtoria Genef. XIV. *Amraphalem Regem Si-  
nearis*, certo indicio, Babylonicam regio-  
nem, quæ eſt *terra Sinear*, non fuiſſe *in-  
undationibus* iſtis & ſolitudini relictam.  
Quin immo habemus in eo iterum certis-  
ſimam *Regni Babylonis*, quam in S. Lite-  
ris occurrere negat Marſhamus, mentio-  
nem, ſiquidem illud Babylonis, & *Sinea-  
ris Regnum*, eſt unum atque idem. Sed  
& in libro Joſuæ VII. 21. dicitur Achan  
ex præda Jerichuntis clam abſtuliffe veſtem  
*Sinear*, h. e. Babylonicam. Notiſſimum  
enim, Babylonios fuiſſe olim vel maxime ce-  
lebres pingendi veſtes acu, vel diverſos co-  
lores intexendi arte; unde & *Babylonica* dice-  
bantur talia veſtimenta. Vide Plinium *Nat.  
Hiſt.* VIII. 48. & Salmaſium ad Carinum  
Vopiſci *cap.* 20. Maniſteſtum ex his, *Terram*  
D *Sinear*

*Sinear* neutiquam fuisse per inundationes aut alias quascunque causas relictam solitudini, sed inhabitatam jam olim & cultam magna satis, pro ratione istius temporis, *Hominum* frequentia; habuisse eam *Regnum* proximis post Dispersiōem temporibus; exercuisse dein etiam artes cujusdam luxuriæ, quales a recenti convenarum multitudine, aut rudi adhuc populo, exerceri non solent. Quid inde colligendum? nisi Populum istius Terræ, & Primæ istic Urbis, fuisse revera antiquissimum: id quod ex S. Scriptura in hoc Capite probare studuimus. Hoc vero confirmatur etiam ex Jeremia V. 15. ubi Babylonis Populus diserte dicitur גוי מעולם הוא. *Populus*, qui ab æternitate, seu ab initio rerum, exstitit, h. e. ut interpretantur omnes, *Populus antiquissimus*. Non debuerat ergo istam Babylonis, & Populi Terræ *Sinear*, antiquitatem palam adeo negavisse Marshamus.



C A P. IV.

*Locus Genes. x. 11. explicatur ex professo. Assur istic Filium Semi, non Terram, notat. Parentheses Historicae in S. Scriptura frequentes. Assyria & Babylonia saepe conjunguntur. Nic. Abrami sententia de Nimrodo. Nimrodus mansit Babel, & ejus Urbis regnum tenuit etiam post dispersionem.*

**D**ENIQUE, quod superest, nego etiam, quæ ille ita confidenter affirmat, *Nimrodum e Babylonia exiisse in Assyriam, & ibi condidisse Nineven.* Non ignoro equidem, Viros Eruditissimos, Vatablum, Junium, Bochartum, Coccejum, Schotanum, Heideggerum, Spanhemium, Clericum, aliosque ita interpretari locum (Gen. x. 11.) unde hæc verba sunt sumpta, quasi Nimrodus egressus ex Terra Sinearum in Assyriam, ibi condiderit Nineven, &c. Sed neque ignoro aliter eum accepisse & reddidisse Versiones præcipuas, Græcam, Latinam veterem, denique Belgicam, in quibus hæc ita ver-

D 2

tun-

tuntur: *De terra illa egressus est Assur, & ædificavit Niniven, &c.* Ast minime opus, ut auctoritate aliorum nos muniamus, aut ea, quasi telo quodam ad probandum idoneo, pugnemus. Res est sic satis clara, & omnis in eo consistit controversia: Utrum vox *Assur*, quæ in S. Scriptura designat cum Hominem, Semi filium, *Assyriaci* nominis & gentis conditorem, tum Terram, ab eo ita dictam, heic pro illo Homine, an pro Terra, sit posita. Jam vero manifeste prius volunt verba ipsa, eorumque constructio & elocutio, quæ ita se habent, מן הארץ ההיא יצא אשור  
*E terra hac egressus est Assur, & ædificavit Nineven, &c.* At qui de regione *Assyriæ* hæc accipiunt, coguntur statuere in his Ellipsin, sic supplendam, *egressus est (Nimrodus in) Assur.* Sed rogo cujuslibet animum, an verisimile sit, quenquam, qui non nesciat, τὸ *Assur* duplicem illam habere significationem, eo tamen sensu, quo illi volunt, & ea cum Ellipsi, ita scripturum. Solemus vulgo, obscuritatis vitandæ causa, addere, quæ ceteroqui non desiderarentur; at heic detractum foret, quasi de industria ambiguitas & obscuritas esset quæsitæ, quod ceteroquin addi solet, & quod omissum in his verbis necessario maximam pariet ambiguitatem, & eo ma-  
 jo-

jorem, quo magis, si e contrario *Assur* pro nomine *Hominis* accipitur, tum sane verba illa liquidum plane, verissimum, & nullis difficultatibus implicitum, ut mox videbimus, exhibent sensum. Non negaverim equidem, similem aliquando Ellipsin occurrere, sed quanto duriores, tanto tamen rariorem. Nec confugiendum ad ejusmodi duras & raras Ellipseis, quando absque iis planum, ac phrasi simul & Historiæ convenientiorem, habemus sensum. Præterea neque in duobus illis istius Ellipseos exemplis a Bocharto *Phal.* IV. 12. & Heideggero *Hist. Patriarch. Tom. 1. Exerc. XXIII. Sect. 2. §. 29.* prolatis, similis reperitur ambiguitas, siquidem utrumque istuc vocabulum est simpliciter appellativum, בית *Domus*, & ארץ *Terra*; quæ sive in Ellipsi, sive extra eam, idem plane notant: dein utrobique Nominativi casus a Vocabulis illis Ellipsin passis diversi exprimuntur; quum heic nullus alius reperiatur Nominativus, & ipsum illud *Assur* commodissime pro Nominativo accipi queat, immo secundum naturalem & usitatam loquendi rationem, ac primam vocabuli (nam prius *Hominem*, quam *Terram* notavit) significationem, potissimum debeat; denique etiam aliud heic, si statuamus Ellipsin, aliud, si eam rejiciamus,

significet. Liqueat ex his, Ellipsin ab hoc loco esse prorsus alienam, quippe manifeste nimis ambiguum, intricatum, & durum. Sed & Historiam si consideremus, certum utique est, quando S. Scriptores terram Assyriæ eodem prorsus nomine, quo Semi Filium, appellant, eam Assyriam, seu *Assur* terram, ab *Assur* Homine hujus temporis fuisse primum occupatam, & ideo ita nominatam; plane sicut a reliquis Noachi posteris Regiones, quas illi primum tenuerunt, suum quoque traxere Nomen. Atque idcirco de Assure Noachi nepote, a quo *Assyriæ* Nomen omnes hodie derivant, intelligendum potius, obvio sensu, & analogica locutione, quod Moses de illo tempore scribit, *Ex terra Sinear*, in qua conjunctim huc usque vixerant homines, *exiisse Assurem*, & ædificasse primum urbes Assyriæ antiquissimas; quam de Nimrodo Noachi pronepote, & Babylonis, non Assyriæ, Rege, illum scilicet *exiisse IN Assurem*, & ibi ædificasse, sensu a naturali verborum constructione remoto, & duriter elliptico. Neque vero ulla Historiæ ipsius auctoritate adigimur ad illam Ellipsin adeo non necessariam, immo a verbis separatim consideratis alienissimam. Nam nusquam alibi traditur, Nimrodum condidisse Nineven, aut in Assyriam ex Babylonia demigrasse.

Sed



Sed existimant Viri Docti, minime huic loco, ubi agitur de Chamitis, convenire mentionem Assuris Semitæ, inprimis quia dein §. 22. ex professo Semitæ, inque iis hic ipse Assur, demum memorentur; idque *certis argumentis* evicisse Bochartum d. l. Operæ itaque erit pretium, ut certa illa argumenta excutiamus. Primum eorum & secundum est unum atque idem, *Alienam* scil. esse *ab hac Chamitarum enarratione mentionem Semitæ*; Et, *Ordini Historiæ repugnare, ut Assuris gesta & urbes ab eo exstructæ ex abrupto referantur prius, quam nativitas*. Hoc illud est præcipui momenti (nam reliqua sunt nullius) argumentum, quod adegit Viros Doctissimos ad duram adeo, & ab Analogia verborum ac Historiæ fide remotam interpretationem: quasi nulla in sacris, aut aliis Scriptoribus per opportunitatem occasionis occurrerent *ἡμετέρας πρότερα*, vel aliarum, sed similium, rerum *παρενθέσεις*. At vero an non in hoc ipso Capite x. plerique omnes, atque ipsi Viri Doctissimi, cum alia, tum maxime hoc ipsum, quod quis *e terra Sinear exiisse & ædificasse Nineven* in Assyria dicitur, æque ex abrupto & contra Historiæ seriem, explicare solent per dictas figuras; quum res ipsa, tantum per occasionem Nimrodi, & Nimrodei Regni in Babele, atque ideo

παρενθετικῶς, heic memorata, acciderit utique post dispersionem hominum, quæ itidem postea demum, seu demum cap. xi. traditur? Quid? quod §. 12. verba, *Hæc est Urbs illa magna*, plerique etiam de *Nineve* accipiant, licet inter ea & *Nineven* interjecta sit mentio aliarum Urbium? Sed clariora & similia plane dabimus exempla. Certe ita 2. Sam. iv. ubi refertur cædes Isbosethi, qui filius Sauli, subito §. 4. mentio fit satis prolixa Mephibosethi, Filii Jonathanis, Nepotis Sauli: *Et Jonathani, Filio Sauli, fuit filius affectus pedibus: quinque annos erat natus, quum nuncius de Saulo & Jonathane venit ex Iizreële, & sustulit eum nutrix ejus, & fugit. Et accidit, quum festinaret ipsa in fugiendo, ut caderet ille & debilitaretur; & nomen ejus fuit Mephiboseth.* Nihil in superioribus est, cum quo hæc cohæreant; nihil in consequentibus, ubi ex abrupto reditur ad filios Rimmonis, qui Isbosethum illius Mephibosethi patruum interemerunt: sequitur enim continuo, *Et iverunt filii Rimmon &c.* Sed & longe difficilior investigabitur, quam in loco Geneseos; neque ulla dari potest satis commoda & idonea, nisi ut per occasionem occisi Isbosethi significetur, quasi prætereundo, non superfuisse ex legiti-

gitimis † posteris Sauli per masculam progeniem, nisi hunc Mephibosethum. Similiter 1. Reg. x. refertur, ut advenerit Regina Sabæorum, ad explorandam Salomonis sapientiam; ut eam fama majorem compererit & prædicaverit; ut denique Salomoni magnifica dederit munera: tum subito §. 11. & 12. interponitur, ut etiam classis Hiramī advexerit Salomoni pretiosissima ligna, utque ex iis ille repagulum Templi & Regiæ, aliaque, paraverit. At §. 13. reditur continuo ad Reginam, & quid Salomo illi rependerit, narratur. Sed & in ipso Mose Deuter. Cap. 11. illustra habemus talium Parentheseon exempla. Refert ibi Moses, & in memoriam revocat Israhëlitis, iter per desertum, ac præcepta Dei de singulis Gentibus, Idumæa, Moabítica, & Ammonítica, bello non invadendis. Quum vero de Idumæis jam egiisset, jamque de Moabitis ageret, interponit §. 10, 11, 12. parenthesis, in qua per occasionem hanc exponit, quis, & qualis populus terram illam Moabitarum antea inhabitaverit: quin & per eandem occasionem Idumæos, de quibus §. 8. antea separatim jam egerat, & quos jam ab-

D 5

fol-

† Adde, ut constet, quo respexerim, in parenthesis (nam ex concubinis supererant & ex filiabus, ut patet ex II. Sam. xxi. 8, 11.) *Addend.*

solverat vel dimiserat, mox §. 12. in prorsus alienum, ut posset videri, locum quasi retrahit, dicendo etiam illorum terram, seu Montem Seir, inhabitasse olim Choræos, quibus expulsis illi successerint. At §. 13. loquitur iterum directa allocutione ex persona Dei ad sese, quam interruperat. Similis plane parenthesi ibidem reperitur §. 20, 21, 22, 23. ubi quum egisset de Ammonitis, memorat quoque, qui olim eorum terram inhabitaverint, & addit §. 23. per illam occasionem, etiam Havvæos a Caphthoræis expulsos; quæ res ad Ammonitas nihil pertinebat, sed tantum propter similitudinem rei videtur istuc narrata. Plures ejus generis parentheses alibi occurrunt, non æque manifestam sui occasionem præferentes, quam quidem hæc urbis Nineves, ab Assure exstructæ, quæ sane præfert opportunissimam. Non dicam, quod Augustinus ait *de Civit. xvi. 3. quam rem ex hac occasione perstrinxit, propter Nobilitatem Regni Assyriorum*. Nimis laxa hæc est, & generalis ratio. Sed tamen nullæ revera in Oriente juxta Mesopotamiam exstiterunt urbes æque illustres, amplæ, & potentes, ac *Babylon & Nineve*, immo solæ istuc fuerunt, si fides Plinio vi. 26. Nam *Mesopotamia*, ait, *tota Assyriorum fuit vicatim dispersa, præter Babylona*



*bylona & Ninum.* Hinc igitur sæpissime quoque conjunguntur. Strabo *lib. xvi.* <sup>a</sup> de *Syris* agens, per quos *Assyrii* debeant intelligi, τὰς ἐν Βαβυλῶνι καὶ Νίνῳ κατεσκευασμένους τὸ Βασίλειον. Atque ideo etiam a *Micha*, de quo mox, eodem §. memorantur *Terra Assuris*, & *Terra Nimrodi*. Ergo quum *Moses* per parenthesis quandam & prolepsin haud dubiam cap. x. retulisset *Babelis* regnum, & conditorem ejus *Nimrodum*, opportunissima parenthesis subjecit continuo *Nineven* quoque, & ejus conditorem *Assurem*. Hæc enim est certissima parenthesis istius ratio, non quod *Moses* de *Assure* observare voluerit tanquam peculiare. quid (*Quod Egressus sit ex terra Sinear*) cum tamen ex ea prodierint universi homines; quod Tertium est argumentum *Bocharti*, sed maxime frivolum. Nam non id egit nostra ex sententia *Moses*, sed ut, sicuti dixi, cum initiis Regni *Babylonici* & *Babelis* conjungeret initia Regni *Assyriaci* & *Nineves*, Urbis fama & potentia *Babeli* in eodem terrarum tractu æqualis. Phrasi ergo illa (*Egressus est &c.*) nihil aliud significatur, quam quod *Assur* statim post dispersionem in terram *Nineves* se contulerit, & ibi sedem fixerit. Quarto contendit *Bochartus*, ideo *Babelem* dici *Principium Regni Nimrodei*, Genet. x. 10.

<sup>a</sup> in Princip.

quia

quia priori illi Regno aliud adjunxerit, nempe Assyriam, atque in eum proinde sensum explicanda esse controversa §. II. verba. Sed nulla hæc est ratio contra liquidam adeo & constantem denominationem Assyriæ ab Assure, tanquam ejus primo conditore, qui eodem tempore, quo Nimrodus, vixit, & in terra quidem Sinear, unde in Assyriam abiisse debuit. Dein ראשית æque notat *Præcipuum* quid & *Caput rei*, ac *Principium*; ut vel ex vulgatissimo illo constat, *Præcipuum* (seu *Caput*, ut vertit Junius) *sapientiæ est Timor Domini*. Quin ipse Boch. sequens suum caput XIII. his verbis incipit: *Babylon ראשית, id est, vel Initium, vel Caput Regni Nimrod.* Sed & Augustinus d. I. cap. 4. exponit hanc vocem de Babele, quæ civitatum ceterarum gereret principatum, ubi esset tanquam in metropoli habitaculum regni. Sed & Babel sine dubio prius condita fuit, quam reliquæ urbes, Erech, Accad, Calne. Ut adeo fuerit vere etiam *Initium* Regni Nimrodei; reliquæ autem urbes in terra Sinear, ab eodem conditæ deinceps, ad idem Regnum accesserint. Quintum est Bocharti telum, & quidem validissimum, si foret verum & certum, a Micha v. 6. Assyriam vocari *Terram Nimrodi*. Verba Prophetæ sunt, *Et depascent terram Assuris gladio, &*  
ter-

*terram Nimrodi lanceis*, vel *in finibus ejus*. At unde, quæso, jam constat, *Terram Nimrodi* heic poni pro Assyria vel *Terra Assuris*, a qua utique separatur & distinguitur. Certe Interpretes plerique, quum Judæi, R. Schel. Jarchi, & R. David Kimchi; tum Christiani, Drusius, Calvinus, Piscator, Estius, alique; quin ipsi, Heideggerus *Exercit.* xxi. 12. & Spanhemius in *Chronol. S.* p. 167. *Babyloniam* ista phrasi intelligunt. Sed & optima ratione conjunguntur eodem versu & pœna hæ Terræ, quod & Kimchius observavit; quia utraque Ecclesiæ V. T. fuit infesta & exitiabilis, siquidem in *terram Assuris* deportati sunt Israëlitæ, at Judæi in *terram Nimrodi*, seu Babyloniam. Adde quod Esaïæ xxiii. 13. *Assur* dicatur *firmavisse terram Chaldæorum*, h. e. Babyloniam, de cujus Rege, Tyri Expugnatore, ibi agitur: quin & quod his Michæ temporibus per Esarhaddonem, seu Assaradinum, ut in Canone Ptolemæi vocatur, Babylon redierit in potestatem Assyriæ, usque dum sub Nabopolassare jugum illud excussit, & Assyriam vicissim sibi subjecit; qua ex re factum, ut postea *Assyriorum* & *Babyloniorum* nomina sæpe reperiantur promiscue adhibita, vel pariter juncta. Prius liquet ex Historia Manassis, qui Ezechiaë,  
sub



sub quo vaticinatus est Micha, fuit Filius. Is enim 2. Paralip. xxxiii. ii. dicitur victus & captus ab exercitu Regis *Assur*, & deductus *Babelem*. Alterum ex innumeris locis constat, quin & ex modo laudato Plinii, ubi *Assyriæ* adscribitur omnis *Mesopotomia*, & ipsa *Babylon*, æque ac *Ninus*, seu *Nineve*: & Literæ dicuntur *Assyriis* primum, dein *Babyloniis*, semper, vel æterno in usu, fuisse: ubi manifeste utraque appellatio confunditur, & unum denotat *Babylonis* populum. Vide & supra pag. 10. & adde Solinum cap. 60. Taceo jam Canonem Ptolemaicum, in quo Reges *Babylonis* ante *Cyrum Assyrii* vocantur: & Herodotum, Xenophontem, Strabonem, aliosque, in quibus *Babylonii*, post destructam *Nineven*, itidem passim appellantur *Assyrii*. Nihil itaque mirum, in verbis Michæ, ubi de *Assyria* potissimum agitur, fieri etiam mentionem *Babelis* seu *Terræ Nimrodæ*; quippe quæ tunc cum *Assyria* plerumque conjungebatur vel confundebatur, & præterea magnam partem ab *Assyriis* jam erat occupata haud dubie, & in corpus *Monarchiæ Assyriacæ* redacta, quippe quum ipsa *Babylon*, quæ restabat in terra *Sinear* victoriis *Assyriorum* ultima, ut solent fere metropoles, ab sequenti statim Rege, *Efarhad-*  
done,



done, fuerit itidem subacta; id quod clarissime probabimus infra cap. VI. Superest, quod ab Historia *Exotica* sumit Doctiss. Bochartus, *Diodorum* aliosque ex *Ctesia* docere, *Nineven* & *Babylona* statim ab initio eosdem habuisse Dominos, & *Belum* illum, qui *Babylone* colebatur, fuisse *Nini* patrem. Hoc vero est  $\pi\epsilon\tilde{\nu}\tau\omicron\nu \psi\epsilon\tilde{\upsilon}\delta\omicron\varsigma$ , *Ninum* fuisse *Nimrodi*, h. e. *Beli* *Babylonici*, *Filium*, confutatum jam abunde a *Viris Doctissimis* (vide *Heidegg. in Hist. Patr. Tom. 2. Exerc. xxiv. §. 8.*) de quo ipso & Nos ex professo agemus in *Assyriacis*. Deinde vero *Diodorus*, alique, ex *Ctesia*, *Regna* *Babyloniæ* & *Assyriæ* non *Eosdem*, sed plane *Diversos* habuisse *Dominos*, diserte fatis tradunt, siquidem *Ninus* *Rex* *Assyriæ* auxilio *Arabum* invasisse demum & occupasse *Babyloniam* dicitur a *Diodoro lib. II. init.* Quod si ita fuit, tum certe *Babylonia*, antequam *Ninus* eam occuparet, alios habuit *Reges*, quam *Assyria*. Nisi forte *Vir Summus* id respiciat, quod ipsam *Urbem Babylonem* idem *Diodorus* post mortem *Nini* demum a *Semiramide* conditam putat. Sed hoc falsum est, & repugnat *Historiæ* *Nimrodi*, *Genes. cap. x.* memoratæ, quam, & cujus verum sensum nunc indagamus. Manifestum reor ex his omnibus, nullius esse mo-

momenti rationes, quibus moti Viri Doctissimi in explicando Gen. x. 11. loco recedunt ab usitata loquendi ac interpretandi ratione ad durissimam Ellipfin ; & ideo longe rectius statui, *Affurem* post dispersionem ex terra Sinear in Assyriam abiisse, non belli gerendi, aut alios jam illius regionis incolas expellendi (quæ quasi Verbo *Egrediendi* omnino & unice notentur, temere & incassum Assuri Semi F. opponit Schotanus in *Bibliotheca*, & ejus *Secunda Mundi ætate* p. 120.) sed tantum inhabitandi causa, primasque illum in ea tunc sibi suisque condidisse Urbes, quam *Nimrodum*, quum Assur Nimrodi tempore vixerit, & ab *Affure* denominatam *Assyriam*, Babyloniam autem fuisse *Nimrodi*, sit certum ; denique nihil ergo præsidii, nihil argumenti, hunc locum suppeditare Cl. Marshamo, ad probandum, quod sibi propositum habet, Babyloniam a Nimrodo relictam solitudini, & mansisse diutissime incultam.

Sed &, si Nimrodus quoque e Babylonia vere fuisset Egressus, longe verisimilius censerem, quod statuit Nic. Abramus *Phari lib. V. §. 10.* in Meridiem vel Occidentem eum abiisse, quo secesserunt Chamitæ, quam in Orientem, quo Semitæ. Nempe existimat ille, Nimrodum  
jam

jam ante dispersionem Regnum in Babele, &c. obtinuisse §. 7. at immissa a Deo linguarum confusione, *reductum ad paucitatem, ex Urbe, quam Regnum Gentibus facere destinarat, extrusum, & in quasdam sterilium montium angustias compactum*, §. 8. Nempe in Ammonitidem vel Basanitidem; quia utraque *Terra Gigantum* primitus sit vocata, Deuteron. II. 20. & III. 13. Jam autem Nimrodus *Gigas* a LXX. dicatur Genes. x. 9. ita reddentibus Hebraicum גבור / *validus, strenuus*. Hæc §. 10. Firmat sententiam eo, quod in Chaldæa habitaverint dein Semitæ, & ipsi majores Abrahami; immo quod Chaldæa, teste Josepho, ab Arphaxado filio Semi fuerit condita: absurdum autem sit Abrahami majores habitasse tanquam peregrinos inter Chamitas, vel *Chamitas non fuisse a Semi posteris segregatos*. §. 9. Speciosiora hæc sane, sed tamen vel sic neutiquam admitenda, quia solis conjecturis absolvitur omnis harum rerum connexio, & diserte satis repugnat Sacra Scriptura; quippe quæ Nimrodo unicum tribuit regnum Babelis & vicinorum oppidorum, deque eo ex hac Urbe aut Terra expulso ne γὰρ quidem tradit, immo etiam longe post in prophetis scriptis Babyloniam vocat *Terram Nimrodi*, ut in superioribus ostendimus;

E

mani-

manifesto, ni valde fallor, indicio, quod illa terra manserit Nimrodi veluti propria, atque ipse in ea regnum tenuerit, non ante dispersionem (non magis, quam ante eam Assur ædificavit Nineven & alias Urbes, licet ante dispersionis Historiam itidem memoratas) neque tantum in initio ad tempus aliquod, sed potius post dispersionem, & per omne reliquum vitæ tempus. Adde jam, ex eo, quod Nimrodus tenuerit Babyloniam, Semitæ autem habitaverint in Chaldæa, nequaquam sequi, Chamitas non fuisse ergo segregatos a Semitis, siquidem diversi fuerunt primis rerum initiis Babylonii & Chaldæi, quin etiam longe post a Ptolemæo & Aliis distinguuntur, qui Chaldæam Babylonix fuisse partem tradunt, h. e. fuisse terram, quæ in ditionem & ita partem regni Babylonici fuerit redacta. Nempe Chaldæi orti a **כֶּשֶׁד** *Chesed*, filio Nachoris, qui Frater Abrahami, unde **כְּשִׁדִּים** h. e. *Chaldæi*. Sequeretur ergo nihil aliud, quam Chamitas habitasse in confinio Semitarum, quod accidit haud dubie, & accidisset etiam, si maxime Babyloniam tenuisset Semi posteritas. Nam Arabes, qui utique erant Chamitæ per Cuschum, vicini prorsus fuere Babyloniis, sicuti fuerunt & Aramæis ab Aramo Semi item filio progeni-



ORIGINES BABYLONICAE. CAP. IV. 67  
genitis. Denique nihil in eo absurdi, Semitas & ipsos majores Abrahami habitasse inter vel juxta improbos Chamitas. Nam & ita mox Abrahamus ipse jussu Dei migravit ad Cananæos, itidem Chamitas, & insuper internecioni per causam impietatis suæ devovendos. Sed & quid obstat, quominus ab ipso initio Deus voluerit priscam Babylonem esse typum Babylonis figuratæ, quæ postea in medio Christianæ Ecclesiæ est exorta, & veros Dei cultores partim in errores gravissimos pertraxit, partim dirissimis vexavit & afflixit modis, æque ac antiquæ Babelis vicinia hoc tempore majores Abrahami ad idololatriam adduxisse videtur, & deinde Judaicam gentem Deo foederatam oppressit, & in servitutem abduxit.

## CAP. V.

*Babylonem Profani Scriptores vel ab Semiramide , vel a Belo , conditam dicunt. Marshamus eam ab Ægyptiis vult conditam. Ægyptii & Babylonii Antiquitatem suam præ aliis certatim jactabant. Beli fuerunt multi & diversarum Gentium , quos male Veterum & Recentiorum plerique confundunt.*

UT autem ad Clariss. Marshamum e diverticulo revertamur, ille vero etiam omnes Profanos Scriptores, maximam Babylonicae Urbis antiquitatem tradentes, pariter item repudiat & rejicit. Duas esse Veterum de ejus Urbis origine sententias ait, <sup>a</sup> alios Urbem a Semiramide conditam referre, alios a Belo. Eos, qui ad Semiramin referant Urbis originem, omnia habere ait ex Ctesia parum fide digno, & refellere studet auctoritate Berosi. Sed quid Berosus? Narrat ex Eo Josephus *lib. i. contra Ap.* Opera a Nabuchodonosoro confecta  
ad

<sup>a</sup> Pag. 507.

<sup>b</sup> Pag. 1045.

ORIGINES BABYLONICAE. CAP. V. 69

ad ornandam & muniendam Babylona, additque dein, *reprehendi ab Eo Græcos Scriptores, ut temere arbitratos* (ὕπὸ Σεμιράμιδος τῆς Ἀσσυρίας κτισθῆναι τὴν Βαβυλῶνα) *ab Assyria Semiramide conditam Babylona, & qui falso etiam scripserint, ab illa circa eam Urbem admiranda ista Opera excitata.* Negat ergo Berofus *ab Assyria* Regina conditam primum Babylona: nihil autem habet ille, neque vero quicquam ex eo refert Josephus, quod sententiæ Cl. Marshami de longe recentiore Urbis istius origine fa-  
veat. Certe enim Josephus longe antiquiorem Nabonassaro credidit & tradidit Babylona. Berofus autem tantum abest, ut ad Nabonassari ætatem suæ Urbis originem deprimat, ut e contrario ne ad Semiramidis quidem, tanto antiquioris, tempus demitti eam velit, sed & insuper, sicuti supra diximus, scripserit, *in Urbe Babylone* servari annotationes rerum istic gestarum & observatarum supra xv. annorum Myriadas. Immo tradidit ille, jam ante Diluvium conditam Babylona, & dein homines ex Diluvio servatos, jussu Dei, iterum abiisse in Babyloniam, καὶ πάλιν ἐπικτίσαι τὴν Βαβυλῶνα, & denuo condidisse Babylona. Vide Alex. Polyh. ex Beroso hæc referentem apud Euseb. Chron. Gr. p. 8. Similiter vero Megasthenes vel Abydenus

apud Eusebium *Præpar. Euang.* ix. 41. itidem non agnoscunt quidem, nec memorant Semiramidem, sed neque Nabonassarum, in exponenda Urbis origine & incremento, verum a Belo antiquissimis temporibus conditam & muro cinctam tradunt, ac dein iterum a Nabuchodonosoro triplici muro, aliisque operibus, ornatam. Et convenit hæc sententia quam accuratissime cum Sacra Historia, quæ exstructam primum Babylona refert a Nimrodo, h. e. Belo Babylonico, seu primo Rege & conditore istius Populi, deinde vero iterum exædificatam & majorem in modum ornatam à Nabuchodonosoro, quippe qui Dan. iv. 27. inducitur jactans, *Nonne hæc est Babylon illa magna, quam ego ædificavi*, non ita simpliciter, nam jam antea exstiterat extra controversiam, sed *quam ædificavi* **לְבֵית מַלְכוֹ** *ut esset sedes Regni*, seu Regno & Rege digna, Regia Urbs, **וְלִיקָר הַדָּרִי** *ut sit gloria majestatis meæ*.

Alteram Veterum sententiam, quæ a Belo igitur dudum ante Semiramidis tempora conditam tradit Urbem, & quam infra *Cap. VII.* pluribus exponemus, eludit Doctiss. Marshamus duplici ratione, cum quod Belus ille fuerit Ægyptius, Neptuni & Libyes Filius, tum quod neque is Urbem ipsam condiderit, sed coloniam



niam tantum Sapientum, qui *Chaldei* sint dicti, duxerit in *Regionem* Babyloniae. Prius probare nititur ex Diodoro, qui lib. 1. <sup>a</sup> ex Ægyptiorum traditione hæc scribit: *Ægyptii ferunt etiam postea multas colonias ex Ægypto per orbem terrarum dispersas. In Babylona quidem duxisse colonos Belum, qui creditur Neptuni & Libyes Filius, eumque apud Euphraten sede fixa constituisse Sacerdotes ad modum Ægyptiorum Sacerdotum immunes, & ab oneribus publicis liberos, quos Babylonii Chaldæos vocant. Similiter Pausanias in Messen. <sup>b</sup> Belus Babylonius a Belo homine Ægyptio, Libyæ Filio, nomen habet. Sed profecto ineptissimum est, contra Babyloniorum antiquitatem Ægyptios allegare testes, quippe qui cum nullis magis de antiquitatis gloria certarunt, quam cum Babyloniiis & Chaldæis, ut vel ex Plinii loco liquet, quem Cap. 1. exposuimus. Sed & ideo Josephus lib. 1. contra Ap. <sup>c</sup> Græcorum novitati opponit identidem antiquitatem Ægyptiorum & Babyloniorum, quos habere ait ἀρχαιοτάτην τε καὶ μονιμωτάτην τῆς μνήμης τὴν παράδοσιν, Antiquissimam & Constantissimæ durationis traditionem: & mox <sup>d</sup> iterum, adhibuisse Eos pariter ma-*

E 4

ximam

<sup>a</sup> Pag. 17.

<sup>b</sup> Cap. XXIII.

<sup>c</sup> Pag. 1034.

<sup>d</sup> Pag. 1035.

ximam curam ad res literis prodendas ἐκ μακροτάτων ἄνωθεν χρόνων , *ex longissimis in præteritum temporibus*. Adde Africanum ex Eusebii *Chron. Gr.* p. 8. περὶ τῆς τῶν Αἰγυπτίων καὶ Χαλδαίων μυθώδους χρονολογίας , *de Ægyptiorum & Chaldæorum fabulosa Chronologia*. Videmus hinc , jungi identidem Ægyptios Babylonis vel Chaldæis , tanquam paris antiquitatis , aut qui simul cum illis quasi certatim suam præ aliis antiquitatem jactarint. Neque vero cum Babylonis solum , sed & cum Phrygibus ac Scythis de generis sui vetustate certasse Ægyptios , referunt Prisci Scriptores. Quid ergo mirum , hosce homines , eo vanitatis spiritu elatos , licet illorum tamen antiquitatem minime Ego negem , ex Scriptura quippe S. notissimam , æmulos suos ab se potissimum ortos finxisse ? Certe suspectissima ideo debebat esse illorum fides de Babylonis origine ab se ducta gloriantium. Taceo jam affirmationem hanc Ægyptiorum , de colonia a Belo suo Babylonem ducta , repugnare communiter receptæ deinceps a Veteribus Historiæ , quæ illam ignorat , & tradit Belum Ægyptium , cum frater ejus Agenor abiisset in Phœnicen , *mansisse in Ægypto , ibi regnasse , & regnum Filiis suis , Ægypto & Danao , reliquisse*. Diserte Apollodorus

lib. 2. <sup>a</sup> Βῆλος δὲ ὑπομείνας ἐν Αἰγύπτῳ, βασιλεύει Αἰγύπτῳ.

Præterea non hodie tantum ab Eruditis, sed jam olim etiam ab ipsis Veteribus confusi sunt sæpe plures Beli in unum, quaque Orientalium Gente suum progenitorem & conditorem, in Deos relatum, hoc *Beli* nomine, quod *Deum* seu *Dominum* istic notabat, ornante, & quod de aliorum Belo legebant, suo deinceps adscribente; plane sicuti Græci alienigenarum Deorum facta suo itidem vel Jovi, vel Mercurio, vel Herculi tribuerunt: unde factum ut postea Eruditi isthæc nomina variis cognominibus in diversarum gentium & temporum Deos vel Heroas debuerint distinguere, & ex. gr. Herculem nobis memorent non tantum *Græcum*, sed & *Tyrium*, *Libycum*, *Italicum*, *Indicum*. Ceterum in Oriente *Deum*, *Deosve*, a Gentibus appellatos *Baal* vel *Baalim*, ex ipsa S. Scriptura est notissimum. Hoc vero Nomen Græci ad Chaldæorum & Syrorum pronunciationem paulo propius accedentes, sicuti ab His etiam alia acceperunt, scripsere Βῆλ vel Βῆλος. Quia autem quæque Gens in Oriente suum progenitorem pro Deo colebat, & *Belum* plerumque appellabat, inde ortum,

E 5

ut

ut tot quoque reperiamus in Historiis diversarum gentium Belos. Talis fuit Belus Babylonius, omnium notissimus, tum Belus Assyriacus, qui Nini dicitur fuisse pater, sed revera haud dubie fuit ipse Assur, porro Belus Tyrius, Elymaicus, Ægyptius denique. Non quod hunc etiam, vel certe illum Ægypti & Danai patrem, Ægyptiorum Deum fuisse censeam, sed potius, siue vivum, siue mortuum, hoc *Beli* seu Dei nomine fuisse honoratum, plane uti Didonis Tyriæ Pater eodem nomine designatur apud Servium ad Virgil. *Æn.* I. v. 347. & Hygin. *fab.* 243. & sicuti Daniel a Nebucadnezare dictus est *Beltſchazzar*, secundum nomen Dei mei, ut ait ipse Neb. apud Dan. iv. 5. & sicuti a Carthaginensibus vocabantur multi, *Hannibal*, *Hasdrubal*, &c. Nam *Lingua Punica Bal* (pro Baal) *Deus dicitur*, ut ait Servius ad Virgil. *Æn.* I. 733. Quin & a Græcis postea nonnulli Reges, tum propriis, tum communibus, Deorum vocabulis, veluti Διόνυσος, Θεός, &c. fuerunt insigniti. Ceterum non valde equidem miror, Ægyptios, quum Babylonem a Belo conditam, undecunque cognovissent, ad suum itaque Belum istius urbis originem retulisse, quum & Tyrii ejusdem Urbis originem ad Suum, seu Tyrium, Belum eodem errore



rore retulerint, ut constat ex antiquissimo Poëta Sidonio, quem jam Salmasius ad Solinum <sup>a</sup> attulit, & cui dicitur, Ἀρχαίη Βαβυλῶν, Τυρίξ Βήλοιο πόλισμα, *Antiqua Babylon Tyrii Beli Urbs*. Neque vero alias etiam Orientis gentes miror sæpe hos Belos confudisse, & suo tribuisse, quod alienigenæ Beli erat: Græcosque, earum annales secutos, in idem confusionis vitium idcirco præcipites quoque datos, licet hi tamen non ignorarint, hoc nomine Deos Orientalium plerosque insignitos, vel eo Deum supremum istic simpliciter notari. Diod. Sic. lib. 11. p. 69. bis ait, Διὸς, ὃν καλεῶσιν οἱ Βαβυλωνῖοι Βῆλον, Jovis, h. e. Dei supremi, quem Babylonii vocant Belum. Agathias Hist. lib. 11. <sup>b</sup> a Persis varios quoque Deos olim referens cultos, Βῆλον μὲν τὸν Δία, καὶ ἄλλως τὰς ἄλλας ἐκάλεον, Jovem quidem, seu præcipuum Deum, appellabant Belum, ἔθ' ἄλλως Alios. Xiphilinus in Caracalla, <sup>c</sup> ὁ Ζεὺς, ὁ Βῆλος ὀνομαζόμενος, καὶ ἐν τῇ Ἀπαμείᾳ τῆς Συρίας τιμώμενος. Hi ergo Belum Jovem, at alii interpretati sunt Saturnum. Vide de his Doctiss. Seldenum de *Diis Syris*, syntagm. 11. cap. 1. II-

<sup>a</sup> Pag. 867. Edit. Traj.

<sup>b</sup> Pag. 58. Edit. Vulcan.

<sup>c</sup> In Excerpt. e Dione lib. LXXVIII. pag. 884. Ed. Hanov.

Illud vero fatis mirari nequeo, quod, quum hæc sint certa & clara prorsus, *Belum* in Oriente significasse generatim Deum, & singulas pene Gentes istic suum habuisse *Belum*, nihilominus Viri Eruditissimi, Scaliger, Gerh. J. Vossius, Salmasius, Bochartus, Petavius, aliique, omnem *Beli* mentionem referant ad Babylonium, eaque pene sola, certe longe præcipua, ratione ducti, Ninum, ætate licet & familia diversissimum, plerique affirmant Nimrodi Filium, quia scilicet *Beli Filius* a priscis Scriptoribus dicatur, Nimrodus autem fuerit, ut fuit haud dubie, ille Babyloniorum *Belus*. Sed de eo deinceps *Cap. VII.* Ceterum liquet ex his omnibus, ni fallor, clarissime, Babylonicæ Gentis Originem contra Scripturæ S. & Veteris Historiæ auctoritatem temere & incassum, Ægyptiæ vanitatis fide vel testimonio, ad *Belum* Ægyptium a Marshamo detrudi. Dixi *Gentis*, quia ne in hanc quidem coloniam & ætatem *Beli* Ægyptii admittit *Urbis* ipsius initia, manifestò nimis suæ sententiæ quomodocunque tuendæ studio. Etenim utitur verbis Diodori paulo ante a me Latina lingua exhibitis, quæ dicunt, *Belum* Ægyptium duxisse colonos εἰς Βαβυλῶνα, eumque apud Euphratem καθιδρυθέντα, jam sede posita habitan-

ORIGINES BABYLONICAE. CAP. V. 77

*bitantem, τὰς τε ἱερεῖς καὶ ἀσέησασθαι παραπλη-  
σίως τοῖς κατ' Αἴγυπτον, sacerdotes instituisse  
similes pene Ægyptiis. Hæc, a Vir Nobi-  
liss. ait, non de Urbe aliqua mœnibus circum-  
data, sed de Sapientum & Philosophorum  
migratione in Babyloniam intelligenda sunt,  
Et, hanc Beli coloniam non Babylonem, sed  
in Babyloniam videri deductam. Tanti sci-  
licet erat, simplicia adeo Diodori ver-  
ba invertere, ne usquam Babylonis Ur-  
bis mentio reperiretur. At verbumne  
ullum Diodorus de migratione solorum  
Sapientum? Nonne simpliciter colo-  
niam Babylonem ductam memorat, ea-  
que jam in stabilem sedem locata, tum  
dum Sacerdotes istic ad morem patriæ  
institutos? Plane sicuti pene semper Co-  
loni in Nova Urbe priscae patriæ ritus  
retinere solent. Nec juvat Marshamum,  
quod Strabo Lib. xvi. p. 739. Chaldaeos  
quosdam Ὀρχηνοὺς, alios Βορσιππηνοὺς a  
Locis extra Babylonem vocatos tradat. Is  
enim & in Urbe, & extra eam, per totam  
Regionem tandem dispersos fuisse, eorum-  
que γένη πλείω, complura genera, nec tan-  
tum Orchenos & Borsippenos, sed & ἄλλας  
πλείους, alios plures, existisse dicit, ὡς αὖ  
κατὰ αἱρέσεις ἄλλα καὶ ἄλλα περὶ τῶν αὐτῶν  
λέγοντες δόγματα, tanquam qui per sectas alia  
atque*

*atque alia de iisdem rebus sentiant & doceant.* Orcheni autem videntur dicti ita ab antiquissimo oppido in terra Sinear, quod Genes. x. 10. *Erech*, & secundum quidem seu proximum post ipsam Babelem in regno Nimrodeo, nominatur. Illud enim *Erech* postea dictum a Græcis videtur 'Ορχόν. Certe malim hujus Urbis nomen ab *Erech* repetere, quam ab *Ur* Chaldæorum, sed & ab *Erechi* nomine derivare potius *Orchoen*, quam *Araccam*, ultra Tigrim sitam, quod facit Bochartus *Phalegi* iv. 16. Jam vero 'Ορχηνοί contracte dicuntur pro 'Ορχηνοί. Vide Scaligerum ad Fragmenta Veterum *Emendationi Temporum* adjecta pag. 11. Patet autem hinc, Chaldæos per varia Terræ Sinear oppida fuisse olim, sed post Nimrodi Regnum & Successores, ac forsan demum sub Assyriis, sparsos, ut infra ostendemus.



## CAP. VI.

*Locus Esaie xxiii. 13. exponitur. Babylon plerumque aliis, & maxime Assyriis fuit subiecta. Esarhaddon Assyrius occupavit Babylonem, atque idem est, qui Assaradinus in Canone Ptolemaico. Huberi socordia. Phrasis illa, Non Fuit, exemplis multis illustratur. Livius x. 21. emendatur. םצ״ו varie potest in d. l. exponi. Parentheses in S. Scriptura frequentes. Tyrus antiqua, seu Palætyrus, in continenti fuit sita, & vere a Nebucadnezare Babylonio destructa, mansit Babylonis subiecta usque ad Cyrum. Antea Duplex Tyrus, Vetus & Nova, non fuit, sed postea demum. Josephus explicatur, & notatur vel emendatur. Loci Esaie etiam aliæ examinantur expositiones.*

**E**MENSI tandem sumus hasce falebras,  
quibus traditam a Sacris ac Profanis  
Scri-

Scriptoribus, & constanter hucusque receptam de ultima Babylonica Urbis antiquitate sententiam, implicare & refellere studuit Cl. Marshamus: & ostendimus quam nihili rationibus eam in rem sit usus. † Nunc progrediemur ad locum Esaiæ,

† Quaedam eorum, quae hic disputat Perizonius, refellere conatus est Vir Doctus, Gulielmus Jameson, in *Spicilegiis Antiquitatum Aegypti, atque ei vicinarum gentium*, Glascuae A. cl. l. ccxx. editis, Cap. V. §. 2. quem locum integrum huc transferre, quam in pauca contrahere, maluimus. Perdoctus, inquit, Marshamus pag. 483. 484. (*pag. 514. 515. Ed. Lips.*) scribit hunc Esarhaddonem esse eundem cum Assaradino in Canone Ptolemæi memorato, eumque Babyloniam recuperasse, & misisse Duces, qui ceperunt Manassem, & in his firma est concordia (quæ alioquin rarissima est) inter eum & Perizonium. Nam hic Origin. Babylon. Cap. VI. affirmat *Babylonem, paulo post Legatos a Baladane ad Hezekiam missos, recidisse per Esarhaddonem Assyrium iterum in potestatem & ditionem Assyriorum*. Istud pernegamus. Sed probare nititur ex eo, quod nomen conveniat. Sed nulla est sequela. Rex Judæ & Rex Israëlis *poster. Reg.* Cap. XIII. habuere unum nomen, & regnabant eodem tempore, minime tamen unus homo erant. *Tempus* (pergit Vir Doctissimus) *convenire deprehendet, qui in Canone Ptolemaico ab initio Nabopolassari retro versus computabit annos usque ad initium Assaradini, & similiter in S. Scriptura a mediis annis Josiæ, cujus tempore regnare cœpit Nabopolassar, usque ad medios annos Manassis, qui tempore Esarhaddonis Regis Assyria ductus*

# ORIGINES BABYLONICAE. CAP. VI. 81

Esaiaë, quo solo nititur Urbis ejus originem referre ad feriora Nabonassari tempora, præter illud tamen argumentum, quod petere eum diximus ex Canone Ptolemaico, qui a Nabonassaro quidem ducit initium, non tamen ideo, quod ille in Canone

F

none

*ductus est Babylonem.* Sed (1.) Rationes fui computi summum Virum fallunt. Nam inter initium Nabopollasari, & initium Assaradini, sunt anni 55. inter medium autem Josiæ regni & medium Manassis, nisi 45. (2.) Qui norit Vir Consultissimus Manassem omnino in medio regni sui captivum fuisse ductum? (3.) Qui constat Esarhaddonem Niniviticum solummodo 13. annos regnasse, nisi prius probetur, eum eundem esse cum Assaradino canonico: quod nullis argumentis evictum est? Nam objectionem ex *poster. Paralip. Cap. xxxiii. comm. 11. & ex Ezra Cap. iv. supra dissolvimus.* (4.) Esarhaddon Niniviticus cœperat regnare anno 15. vel saltem 16. anno Hezekiæ, quod nemo, qui Sacras Literas attente legit, ne addam Tobitum, inficiabitur. Sed Assaradinus non potuit sublevari in folium ante vigesimum septimum Manassis, ut conferenti Canonem cum Sacris Literis constabit. Ergo Esarhaddon Niniviticus, & Assaradinus canonicus, necessario diversi sunt. Sed jam, cum in mentionem hujus Canonis incidimus, potest quæri, cur non ille Canon sit productior, annis multo altius numeratis, quam habet Ptolemæus? An ignarus erat Astronomicarum observationum, quas Callisthenes misit ad Aristotelem? Quod Canon non sit productior, hanc rationem tradit Syncellus *pag. 207. ex Beroso et Polyhistore nimirum: Ναβορ-  
νάσα-*

none isto, aut usquam alibi, dicatur condidisse eam Urbem, sed quod, ut Syncellus ex Berofo & Alex. Polyhist. refert, Nabonassarum iste corruperit & aboleverit

PRI-

νάταρος συναγαγὼν τὰς πράξεις τῶν πρὸ αὐτῆ Βασιλέων, ἠφάνισεν, ὅπως ἀπ' αὐτῆ ἡ καταγίθμησης γίνεται τῶν Χαλδαίων Βασιλέων, Nabonassarum collectis priorum Regum gestis, qua ratione posteriorum Chaldaeorum Regum enumeratio a se inciperet, edixit. Verum, si locus est conjecturis, autumem Nabonassarum fuisse primum, qui Regis titulo, vel verius Proregis, ab Assyriis ornatus est. Et cum Baladan, quem unum ex posteris Nabonassari fuisse reor, excussit Assyriorum jugum, Canonem hunc fuisse factum, & per succedentes Reges continuatum, ut memoriam suæ Familiæ & Originis conservarent. Confirmantur hæc, me arbitro, ex *Isai. Cap. xxiii. comm. 13. En Terram Chaldaeorum. iste Populus non fuit &c.* Nam cum Babylon haud modico tempore fuisset deserta & neglecta, propter eluviones aquarum: tandem prævalentes Assyrii, aquis alio derivatis, aptam habitationem hominibus reddiderunt, ut haberent commodam stationem **𐤒𐤍𐤕** Navibus suis. Et Nabonassarem, quendam ut videtur ex Chaldæis, Proregem sive Præfectum, in his locis constituerunt. Jam autem in Canone omnes anni ab initio Nabonassari ad finem Nebucadnetzaris sunt 186. qui retro numerati recurrunt ad tempus Achazi, vel haud multo ante, vel post: quo tempore Assyrii omnia per Orientem subigebant. Ut cunque res se habet, nullus est Rex ante Nabocollassarum seu Nebucadnetzarem, quem constat sub nomine canonico in S. Scripturis reperi-



ORIGINES BABYLONICAE. CAP. VI. 83  
PRIORUM Regum gesta, ea tantum  
causa, quod item diserte additur, ut sic  
necessario ab se demum hæc Chronologia  
initium suum duceret. Sed de Canone illo  
F 2 regi-

periri. Dicunt Mardokempadum in Sacris literis  
nominari Merodach, sed nescio an tempora  
conveniunt. Baladan quoque habet aliqualem  
gracilem similitudinem cum Belibo: sed talibus  
non fidendum est. Certum est tamen mihi Ba-  
ladan memorari in Canone; sed sub quo no-  
mine me latet. Eum Grotius in Cap. 39. *Isaia*  
*Medum fuisse dicit*; eodem sane jure Belgam, vel  
Gallum, fecisset. Opinor Chronicon omnium  
Regum, quos Canon numerat, scriptum fuis-  
se, sed periisse ante Berosum. Quod de Cal-  
listhenis collectione dicam non habeo, nisi quod  
forasan Ptolemæi diligentiam fugerit. Sed quam-  
vis hæc Callisthenis collectio, atque multæ pro-  
cul dubio observationes hujusmodi, rubigine  
temporis edacis amissæ sunt; est tamen quod  
summe gratulemur Christiano nomini ob hunc  
canonem nobis relictum. Nam non solum con-  
nectit Sacram & Profanam historiam, sed insu-  
per duorum Regum, Nabopollassar, i. e. Ne-  
buchadnetzar, & Ilvarodami nomina com-  
prehendet; quæ raro omnino reperiantur. Haec  
*Jameson*. Si verum est e Scriptura Sacra & ipso  
Canone Ptolemæi liquere, non convenire in-  
ter se tempora Esarhaddonis & Assaradini, in-  
firmum, immo nullum, est argumentum eo-  
rum, qui similitudine nominum ducti *Esarhad-*  
*donem* S. Scripturae, & *Assaradinum* Canonis  
Ptolemæici eundem esse existimant. Tamen,  
praeter Perizonium, etiam Usserius, Spanhe-  
mius, atque alij Viri docti in ea sententia fue-  
runt;

egimus jam in superioribus. <sup>a</sup> Locus Esaiæ  
 XXIII. 13. sic se habet: *Ecce ארץ כשדים /*  
*Terra Chaldaeorum, וזה העם לא היה / Hic*  
*populus non fuit, ואשור יסדה לציון, Assur*  
*fundavit, vel firmavit eam, Navibus, vel*  
*ferocibus incolis: erexerunt speculas, seu tur-*  
*res ejus, excitarunt palatia ejus seu arces:*  
*Hic tamen populus posuit, vel redegit eam*  
*(Tyrum, cujus excidium hoc capite ex*  
*professio prædicitur) in occasum vel interi-*  
*tum. Vir Doctissimus <sup>b</sup>, qui nusquam ne-*  
*que in Regno Nimrodi Genes. x. neque*  
*in Colonia Beli Babylonem ducta apud*  
*Diodorum, Urbem reperire potuit, hic*  
*tandem eam reperit, ubi diserte tamen Ter-*  
*ra tantum & Populus memorantur. Nam*  
*sic Esaiam interpretatur, nullis plane ex-*  
*positionis suæ rationibus allatis: Aspice Ba-*  
*bylonem, splendidam nunc Chaldaeorum metro-*  
*polim: Populus, qui Urbem illam occupat,*  
*non ita pridem incertis sedibus vagabatur in*  
*soli-*

runt; adversus quam mihi hoc solum ex omni-  
 bus, quae hic disputat Jameson, praecipuam  
 vim habere videtur, quod rationem temporis  
 obstare contendit, ne pro uno homine haberi  
 possint. Hoc si ei eripi possit, de quo alii vi-  
 debunt, cetera, quibus hanc sententiam infir-  
 mare nititur, non maximi momenti ad eam  
 debilitandam esse puto.

<sup>a</sup> Cap. II.

<sup>b</sup> Marsham. p. 509.

ORIGINES BABYLONICAE. CAP. VI. 85

*solitudinibus.* (*Nabonassar*) *Affyrius homines* *σχυλτας* eo deduxit, *Urbem* munivit, *arces* excitavit, *palatia* condidit. Quid alii de tali interpretatione sentiant, nescio. Certe ego ferme crediderim, Virum Doctissimam commentum, non quod vere ita sentiret, sed ut paradoxam plane & falsissimam sententiam, a Scriptura S. prout semper & communiter est exposita, ac Veteris Historiæ consensu, recedentem, ex ea tamen ipsa Scriptura, qualicunque modo, specie, aut animo, tueretur. Meæ contra Expositionis rationes simpliciter ex Historia illius Temporis, & Verborum phrasi ac nexu, dabo, atque ita clariorem difficili loco lucem præstare conabor.

Magna autem istius loci difficultas cum in aliis, tum in eo etiam est sita, quod dicitur *Populus Chaldæorum non Fuisse*. Nam revera existit jam dudum antea, & proinde memoratur non modo in libris Mo-  
sis, sed & Jobi I. 17. quippe cujus camelos abduxere tribus agminibus irruentes *Chaldæi*, & servos obtruncavere. Præterea dicti fuerunt verisimiliter prorsus *Chasdim*, ut superius<sup>a</sup> jam diximus, & censent etiam Hieronymus in Genesin, & Kimchius ad hunc Esaiæ locum, a *Chased* Abrahami Fratris Filio, qui cum familia & posteris  
F 3 suis

<sup>a</sup> Cap. IV. in fin.

suis istic loci habitavit. Vide præter Bochartum, etiam Frid. Spanhemium in *Historia Jobi* cap. 4. Quid ergo? Populus, qui vastaturus erat Tyrum, antea *Non Fuisse* dicitur, quia nullo antea fuit numero & loco apud alios populos, ἔδ' ἐν πολέμῳ ἐναρίθμιος, οὐδ' ἐν εἰρήνῃ: cum Tyrii contra florerent jam opibus & potentia. Atque hinc post Mosen in rebus & Historiis Reip. Israëliticæ vix usquam ille memoratur ante Nabuchodonosori tempora. Causa est, quod fuit subjectus pene semper Assyriis, eorumque in nomen, leges, & ditionem concesserat. Etenim jam olim, postquam habuisset Urbs Babylon aliquandiu Reges Patrios, accepit dein Reges Arabas, & non ita diu post Assyrios, a Nino subacta, ut liquet ex serie Regum Babyloniorum in Eusebii *Chronico*.<sup>a</sup> Deinde vero videtur quidem excussisse tandem jugum Assyriorum, & suos denuo accepisse Reges, sed inglorios tamen omnes & imbecillos, ut non absurde colligitur etiam ex eo, quod tempore Esaiæ Merodach Baladan, Rex Babelis, misit Legatos & munera ad Ezechiam, tanquam Minor, & Amicus Ezechiaë contra Assyrium, quem pariter metuebant, & qui tunc ex Judæa maxima cum ignominia & clade fuge-



fugerat : contra vero Ezechias ostendit istis Legatis omnes suas opes & divitias, tanquam Major, vel certe Opulentior ipsorum Rege. Utcunque id se habeat, recidit certe Babylon paulo post per Esarhaddonem Assyrium iterum in potestatem & ditionem Assyriorum.

Certum id mihi ex eo, quod omnia, *Nomen, Tempus, Regnum*, conveniunt inter *Esarhaddonem* S. Scripturæ, Regem Assyriæ indubium, & *Assaradinum* Canonis Ptolemaici, exhibitum nobis istic itidem, ut Regem Babylonæ. *Nominis* convenientiam negabit nemo, qui ad alia attendet Orientalium nomina, a Græcis aliter plane quam ab illis pronunciata, quæ tamen eadem fuerunt Nomina. Ita *Evilmerodach* Græcis *Ilvarodamus*; *Achasuerosch*, *Axares* vel *Xerxes*; *Darjavesch*, *Darius*; *Nergalsarezer*, *Neriglissor*. Infinita sunt alia. *Tempus* convenire deprehendet, qui in Canone Ptolemaico ab initio Nabopolassar retro versus computabit annos usque ad *initium Assaradini*, & similiter in S. Scriptura a mediis annis Josiæ, cujus tempore regnare cœpit Nabopolassar, usque ad medios annos Manassis, qui *tempore Esarhaddonis* Regis Assyriæ ductus est Babylonem. *Regnum* itidem convenit, siquidem Assaradinus in Canone Ptolemaico est

*Rex Babyloniae* : Esarhaddon vero , qui post Sennacheribum in Assyria regnavit , ut constat , fuit similiter *Dominus Babyloniae* . Nam Manasses Ezechiae successor , victus eo tempore ab *Affyriis* , *Babylonem* , ut dixi , est ductus , † 2. Paralip. xxxiii. ii. Fuit

† Objectionem ex II. *Paralip.* Cap. 33. comm. ii. & ex *Ezra* Cap. iv. comm. 2. se jam supra dissolvissē scribit Jameson in iis , quae paullo ante ex eo descripta sunt. Dissolvere voluit Cap. iv. §. 6. ubi haec leguntur : Jam ut absol-  
vamus Sennacheribi negotium , reversus est confusus Niniven : ubi in Templo Nisroch a Filiis suis interfectus est ; qui fugientes ad Armeniam dubio procul non quieverunt : sed Esarhaddoni Fratri ut videtur minimo , qui Patri successit in regno , abunde negotii faceffiverunt : multis , quibus novus Rex , aut rerum conditio , non placebat , sese ad eos aggregantibus. Atque istud vulnus , ut credi par est , Assyriacae Reipublicae nunquam coaluit. An is Esarhaddon sit idem cum eo memorato *Ezr.* Cap. iv. comm. 2. dubitatur ; sed nobis videtur in loco *Ezra* non Sennacheribi Filium , sed Patrem Salmanasarem intelligendum esse : quem binominem esse vero haud dissentaneum est. Nam censemus Sennacheribi Filio non suppetisse otium transferendi novos Colonos in Palæstinam , ob turbas domesticas , nec forsan opus fuisse , cum Avus ejus Salmanasser copiam Colonorum illuc traduxisset. Existimamus igitur cum Josepho lib. xi. cap. 2. Cuthæos & socios non Filium , sed Patrem Sennacheribi , in Samaritidem transtu-  
lisse. Βαλλομένων , inquit , δὲ τὰς δευτέρους τῶ  
ναῖ , καὶ περὶ τὴν οἰκοδομὴν αὐτῶν λίαν ἐσπεύδαόντων ,  
τὰ

Fuit ergo Urbs illa necessario tunc in ditione Assyriorum. Præterea ex Babylonia hoc tempore missi sunt a Rege Assyriæ coloni in terram Israëlis, unde Israëlitæ per Assyrios paulo ante fuerant deportati. *E Babele missos a Rege Assyriæ diserte dic-*  
F 5
ci-

τὰ περίξ ἔθνη, καὶ μάλιστα τὸ Χεθταίων, ὃς ἐκ τῆς Περσίδος καὶ Μηδικῆς ἀγαγὼν Σαλμωναδάρης ὁ τῶν Ἀσσυρίων βασιλεὺς κατῴκισεν ἐν Σαμαρείᾳ, ὅτε τὸν Ἰσραηλιτῶν λαὸν ἀνάστατον ἐποίησε, *Hi dum Templi fundamenta jaciunt, & in hoc edificando toti sunt, circumfinitimæ gentes, præcipue Cuthæi, quibus olim e Perside ac Media traductis Salmanassar Assyriorum Rex in Samaria, Israëlitis inde sublatis, novas sedes dederat. Marshamus pag. 483. eumque fecutus Perizonius in Ægypt. Antiq. Cap. xiii. putant expeditionem ab Isaia Cap. xx. memoratam, factam ab Efarhaddone, Filio Sennacheribi. Atque hoc ut probet Perizonius, ita scribit: Neque vero Sennacheribus inter Deos urbium, qui nihil juverint suos populos contra ipsum, usquam Deos Asdodi, sicut Deos Chammathæ, Arphadi, Zepharvajimorum, Samariæ &c. memoraverat. Non fuit ergo Sargon ille Sennacheribus, sed potius, ut censuit jam Marshamus pag. 483. 484. Efarhaddon. Hæc ille. Sed eis nostram sententiam minime labefactari autumamus. Nam constat, Josepho teste, Salmanassarem totam Phoenicem, & proinde ipsius urbes, excepta Tyro, cepisse. Sed nullius harum meminerunt fæciales Sennacheribi, sed solummodo quarundam aliarum, quas rati sunt forte Hezekiæ minus notas, utpote plerumque remotiores, quarum ignotis & minus congruis nominibus Regem terrere satagebant. Hæc, quæ citata, &*  
alia

citur 2. Reg. xvii. 24. adde & §. 30. Hunc autem Regem fuisse *Efarhaddonem*, nominatim traditur Ezræ iv. 2. ubi etiam *Babylonii* inter illos in Israëlitica terra locatos memorantur §. 9. Sic liquet igitur, Babylonios hoc tempore in potestatem Assyriorum redactos, atque adeo Efarhaddonem inter Reges Babylonix debuisse in Canone Ptolemaico memorari. Agnoscit illud & docet ipse Marshamus p. m. 483. 484. Sed & sensit idem jam dudum Doctiss. ille Usserius Armachanus ad Ann. 3323. breviter monens, *Efarhaddonem Regem*

alia ejusmodi, utinam eruditus Viris nunquam excidissent! Magis tamen miror Marshami frequentia verba: *Postquam Babylonii per annos octo sine Rege vixissent, deficiente forsitan stirpe regia, Rex hic (Efarhaddon) ea opportunitate fretus, Babylonem occupat, & utrumque Assyriorum regnum (quod a Nabonassari tempore duplex fuerat) in unum redigit.* Hoc dico mirum est: nam revera unum imperium post mortem Sennacheribi in duo distractum est; non duo in unum redacta. Post hunc licet aliquandiu Ninive forsitan regnatum sit, nihil tamen de his Assyriacis, seu Niniviticis Regibus literis mandatum est. Objicitur comm. ii. Cap. xxxiii. *poster. Paralip. Adduxit Jehova contra eos (Judæos nimirum) Principes exercitus, qui erat Regi Assyriæ, &c.* Sed pace doctiorum hic intelligo Babylonios: nam hos Assyriorum nomine venire *Genes. Cap. x. comm. 10. & Michæ Cap. v. comm. 6.* una collata abunde nos docere videntur. Et Josephus  
lib.



# ORIGINES BABYLONICAE. CAP. VI. 91

gem Assyriæ Babylonios sub antiquum jugum reduxisse, & fuisse eundem, qui in Canone Ptol. *Assaradinus* vocetur. Atque idcirco ad Ann. 3335. porro scribit: *Post Esarbaddonem imperium Assyriacum simul & Babylonicum administravit Saosduchinus*; refutans deinde *Junium*, qui ex *Anniano Metasthene* docet, a Rege *Babyloniæ Manassen* captum & deductum *Babelem*: Hunc autem Regem *Babelis* factum etiam Regem *Assyriæ*, & successisse *Esbabaddoni* Magno. Qua in re notanda est flagitiosa *Ulr. Huberi* concordia, qui, ipse licet negligentissimus Scriptor, & simul indoctissimus, tamen

Dili-

lib. x. cap. 4. ὥς γὰρ, inquit, τοῖς αὐτοῖς ἐπέ-  
μενον, πόλεμον ἐπ' αὐτὸς ἐκίνει, παρὰ τῷ τῶν Βα-  
βυλωνίων καὶ Χαλδαίων βασιλείῳ, Cum enim in  
iisdem perseverarent moribus, Hostem illis Deus im-  
misit Regem Chaldaeorum & Babyloniæ. Porro  
si fuissent Ninivici seu Assyrii proprie dicti,  
procul dubio Niniven, haud quaquam Babylo-  
nem, ovantes Manassem duxissent. Insuper ma-  
nifestum est ex multis Scripturæ locis tempore  
Manassæ captivitatis, atque sequentibus tem-  
poribus, Babylonios, non Assyrios, rerum in  
Oriente fuisse dominos; saltem præ Niniviticis  
caput efferre cœpisse. Dicitur quidem Pharaoh  
Nechoch ascendisse contra Regem Assyriæ II.  
Reg. xxiii. 29. sed ibi per Regem Assyriæ Regem  
Babyloniæ intelligendum esse, hoc idem Ca-  
put atque sequentia aperte clamant. Et post  
hanc Manassæ captivitatem Babylonium omnia,  
Niniviticum autem nihil gessisse in Scripturis  
legitur. Hactenus *Jameson*.

Diligentissimi & Doctissimi Ufferii errores, si Diis placet, nobis recenset, interque eos, ipse potius errans, hunc quoque refert, *quod, post Esarbaddonis seu Assaradini exitium, Babyloniorum Reges Ninivem occupasse, regnumque Assyriorum cum Chaldaico conjunxisse, ductus conjecturæ suæ persuasione, scribat Ufferius.* Vide ejus Libellum de *Ætate Assy.* p. 124. & in *Tom. 1. Hist. Civ.* p. 80. Nusquam enim illa Ufferius, sed plane contraria tradit: Reges scil. Assyriæ occupasse Babelem, & factos ita quoque Reges Babylonæ. Quin, quæ Huberus Ufferii *conjecturæ* adscribit, ea ille, ut a Junio tradita, palam & diserte refutat. Ceterum ita videmus, quomodo Populus Chaldæorum, a cujus Secundo Rege (post Assyrios a Cyaxare Medo & Nabopolassare Babylonio jam debellatos) Nebucadnezare scilicet, Nabopol. Filio, excisa est Tyrus, paulo ante fuerit *non Populus*, certe non sui juris, nullius nominis, aut existimationis: & proinde inter Populos, qui bella cum aliis gererent, aut gerere possent, non numeratus.

Phrasis autem ista, *Hic populus Non Fuit*, eo sensu propter præcipuam Emphasin est elegantissima, & in omnibus ideo Linguis obvia. Quid enim similius dari potest, quam usitatissimum illud apud Comicos,  
*Nul-*

*Nullus sum*, h. e. eo sum loco, quasi non amplius essem aut viverem, sed ut pro mortuo & jam Nullo haberi queam? Ejusdem generis est, quod ait Livius I. 25. de pugna inter tertium jam Curiatium, faucium fessumque, & Horatium, integrum victoremque; Curiatius *fessum vulnere, fessum cursu, trahens corpus, victusque fratrum ante se strage, victori objicitur hosti. Nec illud praelium fuit*, h. e. tam facile victus & occisus fuit, ut hoc illorum inter se praelium vix *praelii* nomen mereretur. Similiter Adherbal de Fratre Hiempsale, jam occiso ab Jugurtha, apud Sall. Jug. c. 14. *Non enim Regnum, sed fugam, exilium, egestatem, & has, quæ me premunt, ærumnas, amisisti. Atqui Regnum* revera amiserat sua nece Hiempsal, sed, si maxime superfuisset, non habendum tamen illud fore pro Regno, quippe quod continua malorum serie fuisset infestatum, dicere voluit Adherbal. Sic Phryne celeberrima meretrix, surgens a Xenocrate Philosopho, quem ad libidinem pellicere nullis artibus potuerat, se venire dixit, οὐκ ἀπ' Ἄνδρός, ἀλλ' ἀπ' ἀνδριάντος, non a Viro, sed a statua, quasi pro Viro non haberet hominem nullis illecebris penetrabilem, aut affectibus obnoxium. Vide Diogen. Laërt. in *Xenocratis Vita*, & Valer. Max.

iv. 3. Propius etiam est Eſaiæ verbis, quod Pſal. xxii. 7. legimus, ubi David ſe irrideri & contemni ab omnibus querens ait: *Ego vermis ſum, & non Vir, opprobrium hominis, & contemptus a populo.* David igitur, opprobrio & contemptui habitus, non erat aliis Vir, ſicuti Populus Chaldæorum, Aſſyriis ſubjectus, non fuerat Populus Tyriis. Denique ſic Deuteron. xxxii. 21. *Ipsi irritarunt me בלא אל* *ἐπ' οὐ θεῶν*, h. e. colendo Deum, qui non eſt Deus. *Et ego provocabo eos בלא עם* *ἐπ' οὐκ ἔθνη*, h. e. per Populum, non Populum, reſpectu Dei; ſubjicitur enim, quaſi expoſitionis gratia, בני נב *per gentem ſtultam vel improbam.* Ita ergo & Populus Chaldæorum, a quo Tyrii erant debellandi & expugnandi, ante fuit לא עם *non populus*, politica ſcil. ratione, & reſpectu Tyrriorum aliorumque, quia non erat ſui juris, ſuique arbitrii, & inter populos nullo loco & numero. Adde his diſertiffimum Craſſi, Senatoris Romani, dictum ad Conſulem Philippum, apud Valer. Max. vi. 2. 2. *Non es mihi, Philippe, Conſul, quia nec ego tibi Senator ſum.* Quomodo & Cicero paſſim de Piſone & Gabinio Conſulibus, maxime Famil. 1. 9. *cum Reſp. non Conſules haberet, ſed Mercatores Provinciarum, & ſeditionum ſervos ac miniſtros.* Hinc jam emen-



emendandum quoque putem Livium x. 21. ubi MSti & olim impressi, *Adversus quatuor populos Duces Consules illo die deligi meminissent.* Malim enim, *Duces, non Consules*, h. e. qui non tam gesturi essent Consulatum in Urbe, quam Duces futuri Exercituum contra quatuor hostiles populos: atque idcirco deligendos esse meminissent his comitiis tales Consules, qui magis sint idonei, ut Reip. præsent belli forisque, quam domi & in pace.

Sic exposita hac phrasi, reliqua jam paulo faciliora erunt, quum ex superioribus pendeant. Nam *Assur hunc Populum vel Terram*, sibi jam subjectam, *fundavit Navibus*, h. e. destinavit eam Navali suo & emporio, ut Babylon esset Assyriis veluti portus & forum commercii navalis. *Navigabatur* enim, teste Strabone lib. xvi. p. 739. 740. & Plinio vi. 26. *e Persico mari Babylonem usque, & ultra*, sed quod Persæ dein inhibuerunt, metu τῶν ἑξωθεν ἐφόδων, ne exteri suum imperium a mari invaderent. Quin ipse Esaias xliii. 14. tribuit Chaldæis *Naves celeberrimas*, vel, ut alii, *Naves, in quibus exsultabant & gloriabantur.* Possumus etiam exponere τὸ נַוִּיִּם quod in loco, de quo agimus, occurrit, & de *Navibus* a multis hic explicatur, de *feris & barbaris hominibus*, sive exteris & pere-

peregrinis, five Militibus, satis plerumque barbaris, quibus, post emerita stipendia, vel perpetratum periculofum aliquod bellum, Rex Affyriæ videri queat concessiffe, & ita illis quasi fundaffe, hanc terram vel ejus partem, colonia inde in Samariam miffa, ut modo oftendimus, exhaustam: idque pro more Regibus & Imperatoribus ufitato, incolas terrarum nuper occupatarum mutandi. Sed neque abfonum foret, interpretari illud de *Animalibus deferti*, quibus Chaldæorum terram quasi dediderit Affyriæ Rex, dum eam bello primum vastavit, & dein incolis inde deportatis in alias terras exhaustit. Nam ejusmodi animantia manifefte notat ea vox etiam alibi apud Efaïam. Vide XIII. 21. & XXXIV. 14. Ceterum tempus rei geftæ fi quæramus, referri id forfan commode fatis poffit ad Ninum & Semiramin, qui Babylonem fubegiffe dicuntur a Græcis. Atque ita fensus foret controverfi loci: Populum hunc fuiſſe antea contemptum & invalidum, utpote primo ab Arabibus, dein ab Affyriis fubactum: Affyriam porro Semiramin auxiſſe (quod Græci itidem de Ea tradunt) & firmaffe eam Terram, vel Urbem antea exiguam, & feciſſe idoneam Navibus & Emporio. Malim tamen referre hæc omnia ad tempus Eſarhaddonis, qui

qui Babylonem utique occupavit tempore ipsius Eſaiæ, aut ſtatim poſt ejus Mortem, atque ita forſan vel Navalibus ſuis eam deſtinavit, vel Regionem ejus civibus priſtinis exhaustam reliquit primo, aut Animantibus deſerti, aut Feris & barbaris hominibus ſuo ex exercitu. Sequentia autem ita cum hiſce jam connectenda videntur, ut Aſſyrii dein, non ipſi Chaldæi aut Babylonii, *erexerint ſpeculas ſeu turres ejus, & excitaverint palatia ejus*, ſiquidem valde veriſimile eſt, Aſſyrios, quum eam Regionem in poteſtate ſua haberent (maxime ſi ita hunc locum interpretemur, ut ſtatuamus, eam illos idoneam judicaſſe ac reddidiſſe Claſſi ſuæ ſeu Emporio, vel etiam Coloniam iſtuc miſiſſe) muniviſſe ergo eam inſuper turribus, & ornaviſſe palatiis, in quibus vel Satrapæ habitarent, vel Reges ipſi diverterent in eam venientes, prout ſolebant Reges Orientis, ut vel ex Perſicis Regibus eſt notiſſimum, aliam partem anni in alia Urbe ac Terra agere, & ideo diverſis in Urbibus habere ſua palatia, quæ & Babylone habuerunt, Perſidis certe Reges jam inde a Cyro, quippe qui iſtic hiemem potiſſimum agebat. Vide Barn. Briſſonium, *lib. 1. de Regno Perſarum*. Ita vero Chaldæi ſeu Babylonii etiam palatia & turres ſuas primum accepiſſent

ab Assyriis, quod ipsum declarat fuisse populum nullius per se potentiae, quippe qui etiam ornamenta sua, quæ dein ostentabat, a Victoribus & Dominis suis habuerit. Ea autem, qualiacunque fuerint, certum est ex hoc loco, jam ante Nebucadnezarem exstitisse, licet cum magnificentia & amplitudine operum deinceps ab illo vel Nitocride extruكتورum comparari nullo modo queant aut debeant.

Hanc autem descriptionem Chaldæorum, & mentionem Assyriorum, tanquam in parenthesi, S. Scripturæ usitatissima (Vide 1. Sam. xvii. 12. 13. 14. 15. Matth. 1. 21. 22. 23. 24. sed maxime Rom. 1. 1. 2. &c. ubi inter simplicem hanc salutis dicendæ locutionem, Παῦλος πᾶσι τοῖς ἔσιν ἐν Ῥώμῃ, tres descriptionum παρενθέσεις interjectæ reperiuntur) positam, accipio, atque idcirco initium paragraphi repeto, & conjungo cum ejusdem fine; *Ecce Terra Chaldæorum* (*Hic populus* &c.) *posuit* vel *redegit eam*, Tyrum, de qua hoc capite agitur, *in vastationem* & *interitum*. Terra scil. illa hoc fecit, cujus incolæ antea non fuerunt populus sui juris, quippe subiectus tunc Assyriis. Etenim liquet sic satis ex Historiis, primam & antiquissimam Tyrum, quæ floruit temporibus Regni Judaici, subversam non ita diu post hæc

Esaia



Esaïæ tempora fuisse, & quidem haud dubie à Nebucadnezare. Certum utique est, existitisse Tyrum antiquiorem eâ, quam longo tempore post expugnarunt Græci, seu Alexander Magnus, siquidem præter Hanc, a Strabone, Diodoro, Curtio, & Plinio, Alia memoratur, dicta dein *Palætyrus*, h. e. Antiqua Tyrus, sita in continenti, *tribus stadiis a mari*, ut in *Periplo Scylacis* <sup>a</sup> traditur, vel, ut Ezechiel xxvii. 3. *ad aditus maris*: quum Hæc, ab Alexandro occupata, suam in vicina Insula sedem fixisset. Illa vero prior quin deserta & destructa fuerit per bellum, quo ceteræ Urbes Syriæ & Phœnices vastatæ sunt a Nebucadnezare, nullum est dubium, præsertim quum *ab eo dirutum iri hanc Urbem* disertissime prædixerit Ezechiel. Ita enim cap. xxvi. §. 2. & 7. ait, quia lætabatur Tyrus, quod fracta esset Hierosolyma a Nebucadnezare; Ecce Ego adducam contra Tyrum Nebucadnezarem Regem Babylonie, cum Equis, Curribusque, & Equitibus, & turba, populoque multo. Ne vero dubites occupatam quoque esse, destructamque, & quidem illam, quæ in continenti fuit sita, על תבאת הים, *ad aditus maris*, pergit §. 10. Præ agminibus Equorum ejus operiet te Pulvis eorum, præ stre-

G 2

pitu

*pitu Equitum & Effedorum commovebuntur muri tui, quum INTRABIT PORTAS Tuas, quasi aditus Urbis, cujus moenia sunt dirupta. Ungulis Equorum suorum conculcabit omnes plateas tuas &c.* Manifestum enim ex hisce, sicuti id toto Capite prædicatur, revera secundum hanc Prophetiam destrui à Nebucadnezare debuisse Tyrum, cujus ille *Muros sit dejecturus, turres & domos solo æquaturus, opes direpturus, populum interempturus*, immo quæ post hanc destructionem *non sit denuo excitanda*, sicut neque dein exædificata fuit illa Antiqua Tyrus. Sed & omnia illa de *Equis, & eorum Pulvere, Equitibus, & Curribus, intraturis portas, & conculcaturis plateas Tyri*, minime conveniunt Urbi, in insula tota undique ex ipso Mari exstructæ, ut de hac loquitur Curtius iv. 2. 9. *Muros turresque Urbis præaltum mare ambiebat*: sed potius Urbi in Continenti sitæ, ut fuit παλαιὰ Τύρος. Conferri cum his merentur, quæ Josephus habet lib. i. contra Apionem. <sup>a</sup> Berosi istic fidem probaturus, ait, omnia, quæ ille de Rege Babyloniorum Nebucadnezare tradiderit, quod scilicet *Syriam & Phœnicen omnem subegerit & subverterit* (κατεσρέψατο) confirmari Annalibus Tyriorum antiquis, & nominatim Philo-



dæ expositam, sed certis conditionibus deditam, idque porro ex Ezech. xxix. 18. 19. colligendum censet, ubi ait Prophe-  
ta, Nebucadnezare & ejus copias non satis dignum operæ Deo navatæ in subju-  
ganda Tyro tulisse pretium, atque idcirco Deum illi destinasse etiam Ægyptum va-  
standam & diripiendam. Sed contraria plane & diserte prorsus ab eodem Ezech. traduntur *cap. xxvi. §. 12.* immo toto illo Capite, in quo *diripienda, destruenda penitus, ac redigenda in rupem incultam, nec ædificanda amplius* dicitur. Unde liquet, simpliciter ergo Caput xxix. explicandum, quasi Nebucadnezar in opibus Tyri direptis non satis amplam habuerit operæ suæ mercedem, atque idcirco Deus illi concesserit etiam totius Ægypti, regionis longe amplioris & opulentioris, deprædationem. Quod ad Josephum attinet, neque ex eo quicquam idonei potest elici contra illam destructionem. Nam nihil obstat, quominus, Tyro vastata, populo tamen istius regionis præfecerit Nebucadnezar aliquem, sive *Regis*, sed precarii, sive *Satrapæ* sui, nomine ac titulo. Sic Hierosolyma excisa, & Judæis Babylonem abductis, tamen reliquiis populi præfecit Gedaliam, 2. Reg. xxv. 22. Et similiter Ægypto vastata, sicuti prædixerat quoque Ezech.



# ORIGINES BABYLONICAE. CAP. VI. 103

Ezech. xxix. xxx. xxxi. videtur isti quoque Regioni præfecisse Amasin, qui ipse tamen dein, post mortem Nebucadnezaris, veri *Regis* sumsit vindicavitque sibi titulum: certe enim hac sola appellatione Græcis cognitus fuit. Vide Uffer. *An.* 3433. Quin immo de Tyriis constat ex ipso hoc Josephi loco, fuisse deinceps Babyloniis subjectos, siquidem *Babylone accepisse* dicuntur suos Præfectos vel Regulos, & continuo post Ithobali successorem, qui unus post Ithobalum *Rex* appellatur, habuisse non amplius Reges, sed *Δικαστὰς* *Judices*. Sed tamen alia supersunt in hoc Josephi loco, ex quibus ut se expediant, miris se modis torquent peritis- simi Chronologi, & gravissimis interim se implicant difficultatibus. Etenim Scalliger ad *Fragmenta Emendationi Temporum* addita pag. 33, 34. censet ex hoc loco, Tyrum per xiii. annos obsessam, & captam tandem a Nebucadnezare aliquot jam annis, antequam Hierosolyma ab eo occuparetur & destrueretur: licet Ezechiel *Cap.* xxvi. §. 1. diserte interitum Tyro denunciet demum ipso *undecimo anno*, scil. post deportationem Jechoniæ, qui annus est ultimus Zedekiæ, & ipse annus destructæ Hierosolymæ: sed & addat §. 2. rationem hanc exitii, Tyriis a Deo destinati, *quia*

*dicit Tyrus , euge , fracta est Hierosolyma ,*  
*Ec.* Accidit ergo & obsidio & oppugna-  
 tio Tyri post destructam jam Hierosoly-  
 mam. Vidit hoc tamen Scaliger quoque,  
 & ideo tandem *pag.* 37. duplicem nobis  
 fingit expugnationem Tyri , priorem an-  
 te Hierosolymam destructam , posteriorem  
 ab Ezechiele denunciata , sed quam *sibi*  
*plane ignotam* ait , & satis aperte rejicit.  
 At quare se tot salebris Vir summus im-  
 plicuit ? quia scil. Berosi fragmentum apud  
 Josephum *lib.* 1. *contra Apionem pag.*  
 1044. mordicus sequitur , sed male intel-  
 lectum , quippe in quo neutiquam agitur  
 de obsidione Tyri , ut ostendit jam Peta-  
 vius de *Doctrina Temporum lib.* ix. c. 63.  
*pag.* 148. Et dein , quia annorum Tyrio-  
 rum Numeros apud Josephum *pag.* 1046.  
 licet manifeste corruptos , ut mox vide-  
 bimus , recipit & tuetur. Neque id val-  
 de miror , quum iidem hi Numeri etiam  
 Petavium videantur egisse transversum.  
 Nam & ille tribus annis ante Hierosoly-  
 mam destructam existimat Tyri obsidio-  
 nem coeptam , sub Ithobalo Tyriorum  
 Rege , qui ipse tamen , etiam post expu-  
 gnatam & destructam Tyrum , septem vel  
 octo annis Rex Tyriorum manserit. Vide  
 Eum *d. l. p.* 151. At vero neque hæc ul-  
 lam habent veri speciem. Nam primo , cui  
 per-

# ORIGINES BABYLONICAE. CAP. VI. 105

persuadebitur, Nebucadnezarem, coëpta jam superiore anno Tyri, munitissimæ Urbis, obsidione, aggressum simul oppugnare Hierosolymam, cujus Regi fœderatus insuper erat Hophra, seu Apries, Rex Ægypti satis validus, quem proinde suppetias Hierosolymæ laturum, ut revera ferre tentavit, credere debuit? Satis utique negotii habuisset in una illa Urbe, quæ etiam per XIII. annos obsidionem ejus elusit & sustinuit, ac reliqua Syria penitus domanda. Deinde quam parum probabile est, Tyrum ab eodem Hoste, eodem tempore, oppugnatam, exsultaturam tamen, quod *Hierosolyma* ab illo communi Hoste esset expugnata & *confracta*? quod tamen fecisse dicitur diserte ab Ezechiele *d. l.* Immo vero res ea, seu victoria communis Hostis eo tempore, & immanis illa Urbis itidem munitissimæ, & quæ eundem Hostem habebat, destructio, idonea fuisset vel maxime ad terrorem & consternationem, immo metum & luctum, animis Tyriorum itidem ab eo tunc obsessorum incutiendum. Denique neque hoc verisimile, Regem Ithobalum, contra quem bellum suscepit Nebucadnezar, & a quo XIII. annis circa unam hærere Urbem fuit coactus, illum tamen post captam jam Tyrum, eamque non dedi-

tam, sed expugnata & penitus dirutam, relictum in Regno Gentis ab isto elati animi & superbissimæ arrogantia Victore. Accedit, quod, si verum id fuisset, Josephus tunc illos annos Ithobali, qui inter finitam Tyri obsidionem, & Regnum Bualis intercesserunt, exprimere, & in rationes computationis suæ referre debuisset, ut ita Lector in comparatione Judæorum ac Tyriorum Chronologiæ eos quoque numerare posset. Id vero nulla ex parte tentavit ille aut fecit; manifesto indicio, tales annos ex sententia Josephi non existuisse, certe eorum neque illum habuisse, neque nobis habendam esse rationem. Quin, quod vel præcipue confutat hanc sententiam, disertissime Ezechiel *cap. xxviii. §. 8, 9. &c.* Regi Tyriorum, æque ac ipsi Urbi, denunciat interitum, & cædem, qua *confodiendus* sit a victoribus. Contra omnia hæc statuit illud tamen Petavius, non auctoritate ulla Scripturæ S. nec profani alicujus Auctoris, sed solis illis annorum Numeris apud Josephum inductus. Locus autem ille occurrit *lib. i. contra Apion. p. m. 1046.* & corruptus est sine dubio ac mutilus. Etenim id istic agit Auctor, ut etiam ex vicinarum & illustrium Gentium, Babylonicæ & Tyriæ, Annalibus probet Historiæ Judaicæ



daicæ veritatem, quod ad intervallum, quod inter deportationem Judæorum Babylonem, & reditum ex Babylone pristinam in patriam, intercessit. Memoraverat ea causa Chronologiam Babyloniorum, & inde transit ad Tyriorum ἀρχεῖα & Scriptores. Refert proinde sub Ithobalo Tyriorum Rege accidisse obsidionem Tyri, & addit, qui, & quot singuli annis, Reges vel Judices ejus Urbis dein exstiterint usque ad primum Cyri annum. Omnibus autem illis tribuuntur annorum Numeri, ex quibus conjunctis non major emergit summa, quam xxxv. annorum & trium mensium. Et tamen subjicitur, *Ergo omne tempus est annorum LIV. & trium mensium insuper.* At vero ex annorum Numeris ab Josepho expressis neutiquam, ut diximus, illa exoritur summa, ne tum quidem, quando iis etiam xiii. anni obsidionis sub Ithobalo adduntur. Nam vel sic haberemus tantum annos XLVIII. Et tamen isthæc Josephi verba tantas excitarunt turbas in animis & scriptis Eruditorum, ut illis inducti affirmaverint ea, quæ nullam habent veri speciem. Accedit & aliud ex vulgata lectione incommodum, quod in ea nullum exprimatur ab Josepho Principium, unde computatio isthæc annorum LIV. fit instituenda, quod tamen exprimi æque

æque debuisset, ac Finis ejus, qui collocatur in primo Cyri anno, seu in xiv. Hieromi, Tyrii Regis. Nam incipit demum Josephus a Baalis, qui Ithobalo successit, Regno annos numerare. At vero inde, ut diximus, usque ad i. annum Cyri, exoriuntur, non LIV. sed xxxv. anni. Deinde, nulla etiam istic comparatio Chronologiæ Tyriæ cum Judaica aut Babylonica, quæ cum Judaica jam fuerat comparata, invenitur, quum tamen, nisi hæc fiat, incassum ad partes vocetur Chronologia Tyria, quippe quæ ita nihil prorsus probabit ejus rei, quam ex instituto Josephi probare debebat. Quid enim, quæso, ad spatium dicti jam intervalli in Historia Judaica probandum ex Tyriorum Annalibus juvant nos illi LIV. anni, quando nescimus, cum quibus Judaicis, aut etiam Nebucadnezaris, annis illi conveniant. Et tamen ex Josepho eruere id non possumus, nisi si in proximis sequentibus recte emendatis id inveniamus, sed quæ Viri Summi aliam in partem perverfis emendationibus flectunt. Verba sunt, ἐβδόμῳ μὲν γὰρ περὶ τῆς Ναβυχοδονοσόρου Βασιλείας ἤρξατο πολιορκεῖν Τύρον, τεσσαρεςκαιδεκάτῳ δ' ἔτει τῆς Εἰρώμης Κύρος ὁ Πέρσης τὸ κράτος παρέλαβε. Vertitur, *Septimo siquidem anno regni sui Nabuchodonosor cœpit obsidere Tyrum: Quarto-*  
*deci-*

*decimo autem anno Regis Iromi Cyrus Persa tenuit principatum.* Manifeste corruptum est illud περὶ, pro quo legendum ἔτει, omnes censent. Sed &, quod obsidio Tyri istic ab *septimo anno Nabuchodonosori*, seu Nebucadnezaris, arcessitur, id vero rejicitur simul ab Scaligero & Petavio, quia neutrius Hypothesi, licet diversæ, congruit ille annus. Concurrunt ergo pariter in unam emendationem, quam Petavius, Scaligerum hic secutus, quasi suam ostentat, illum ceteroquin, ubi refutat, diligenter satis nominans. Legunt autem, ἐβδόμῳ μὲν γὰρ ἔτει τῆς Ἰθωβάλης βασιλείας Ναβυχοδονόσορος ἤρξατο &c. *Septimo namque anno Regni Ithobali cœpit Nabuchodonosor &c.* Sed & rationem, præterquam quod *Septimus annus Nebucadnezaris* alienus sit a tempore obsidionis Tyriæ, addunt hanc, *quia, cum Josephus ex archivis Tyrriorum interval- lum illud explicaret, Tyrriorum ergo Regum tempora dinumerari maxime oportuit.* Vide Petavium d. l. pag. 147. & maxime p. 150. Similiter Scaliger ad Fragm. p. 36. extr. *Non id agi, quoto anno Nabuchodonosori obsessa sit Tyrus, sed de Ithobalo sermonem esse.* At vero res mira est, non observasse Viros tam Eximios, nihil prorsus juvari Lectorem ab annis Ithobali expressis, sed juvari multum ab annis Nebucadnezaris cogni-

cognitis. Per hos enim scire potest, quoto anno etiam Chronologiæ Judaicæ res fuerit gesta, quod potissimum, immo unice, scire Lector debebat, ut posset ejus veritatem ex Tyriorum quoque Chronologia agnoscere. Speciosius paulo tentarunt hunc Josephi locum Jac. Cappellus ad *An. Mundi* 3409. & Ed. Simsonius ad *Ann. M.* 3413. qui pariter principium obsidionis Tyriæ retulerunt ad xvii. Nebucadnezaris annum, & ideo legunt apud Josephum, ἐβδόμῳ μὲν γὰρ καὶ δεκάτῳ ἔτει &c. Sed in iisdem tamen hærent difficultatum nodis deprehensi. Nam & ipsi statuere debent, Tyrum jam obsideri cœptam, antequam expugnata esset Hierosolyma, & tamen de ea jam expugnata & destructa a communi Hoste, exultavisse Tyrios, jamdudum ab eodem Hoste obsessos: Ithobalum quoque Tyriorum Regem, quem bello petiit immorigerum & rebellem sibi Nebucadnezar, relictum tamen in Regno post captam & destructam jam Tyrum, quasi Urbs gravius in Nebucadnezare peccasset, quam ipse ejus Rex. Denique coguntur diserta verba Ezech. xxvi. i. *Et accidit undecimo Anno*, vertere & supplere. *Et fuit undecimo MENSE Anni*. Verum ista quidem vis est interpretandi, quæ ubi adhibetur, necesse est, Hypothefin, cui



ORIGINES BABYLONICAE. CAP. VI. III  
 cui illa servit, esse falsissimam. Rectius  
 certe qualicunque emendatione tentaretur  
 Josephi locus, quam tali interpretatione  
 Ezechielis prophetia, qua omnis designa-  
 tio temporis in quamcunque velis Hypo-  
 thesin facillime verti possit. Quid ergo?  
 Longe aliter tentandus & curandus est Jo-  
 sephus: nam puto me veram invenisse vi-  
 am ad omnia in pulcherrimam redigenda  
 concordiam. Primum enim corruptus est  
 haud dubie numerus LIV. qui neutiquam  
 convenit cum singulorum Regum annis  
 istic expressis, quod utique debebat. Nam  
 quid, quæso, sibi vult illud, *ἐκὼν ὁ σύμ-  
 πας χρόνος &c.* Ergo omne tempus est LIV.  
 annorum? Quodnam est illud tempus omne,  
 nisi quod per partes in proximis superio-  
 ribus ab Josepho usque ad quartum deci-  
 mum Hiromi, ultimi Tyrriorum Regis,  
 qui istic nominatur, annum est expressum.  
 Non debet ergo hæc summa excedere an-  
 nos, quos ille singulatim memoravit, at-  
 que adeo pro *πεντήκοντα τέσσαρα*, vel ΝΔ.  
 LIV. legendum omnino *πέντε καὶ τριάκοντα*,  
 ΔΕ. *quinque & triginta*, qui numerus ipsis  
 singulorum annis plane congruit. † Ad-  
 de

† Si Virum Celeberr. Hieronymum van Alphen  
 in accuratissimo ac doctissimo *de LXX. annis*  
*Captivitatis Babylon. & de LXX. Hebdomadibus*  
*apud Daniele*, vernaculo sermone scripto, &  
 Expli-

de jam his xxxv. annis illos, quos Josephus expressit diserte in *Antiq. Jud.* x. ii. *extr.* & qui videntur hoc in libro *contra Apion.* excidisse per librariorum incuriam, Tre-

Explicationi Cap. ix. Danielis addito, Commentario sequimur, locus non eget emendatione. In ejus Parte II. Cap. 8. tacite occurrens quaerenti Cl. Perizonio, quodnam sit *omne illud tempus LIV. annorum ac 3. mensium?* summam illam colligit e xiii. annis obsidionis Tyri sub Ithobalo, quos hic excidisse Perizonius ipse putat, X. Baalis, vii. ac 3. mensibus Judicum, connumerato inter hos anno Balatori, Merbali iv. & Iromi xx. qui omnes plane efficiunt annos LIV. mens. 3. Quia autem Cyri initium regni Babylonici, teste Josepho, in annum xiv. Iromi incidit, ut congruat intervallum temporis, quod inde usque ad annum 2. Darii Hytaspis effluxit, Cyro, qui secundum Canonem Ptolemaei, quem Josephus quoque sequutus videtur, regnum illud ix. annos tenuit, sex detrahit; ita ut post Iromi vigesimum ei tantum III. relinquantur. Addit deinde iv. annos, qui inter incendium Templi Hierosolymitani & obsidionem Tyri interfuerunt, viii. Cambyfis & Magorum, & primum Darii Hytaspis, quibus omnibus in unum contractis exit summa lxx. annorum ab everso Templo usque ad annum secundum Darii Hytaspis. Haec sententia mihi vel ob hoc unum magis probatur, quod ita retineri potest vulgata scriptura apud Josephum, a qua numquam, nisi necessitas cogat, quae hic nulla adparet, recedendum esse, Clar. van Alphen non sine ratione existimat. Nec fatis intelligo, quomodo Cl.

*Tredecim* obsidionis Tyriæ, seu ultimos Ithobali: sic habebimus XLVIII. Hi vero XLVIII. anni a quoto anno Ithobali incipiant, nihil magnopere ad rem pertinet, & ideo Josephus id annotare neglexit. Sed a quoto anno Nebucadnezaris incipiant, illud  
H  
vero

Cl. Perizonio in mentem venerit emendatio, quam ipsius mox sequens alia emendatio plane respuit. Nam quum putet, hoc loco Josephi intercuisse numerum annorum, quibus obsidio Tyri duravit, & itidem, ut x. *Antiq.* II. legendum esse, ἐπὶ Ἰθωβάλης τῆ βασιλείας ἐπολιόρησε Ναβουχοδονόσορος τὴν Τύρον ἔτη ιγ', nescio qua de causa horum XIII. annorum, quos ipse huic loco inferendos censet, in ineunda summa rationem non habendam putaverit. Quod autem Regi Balatoro annum seorsim a duobus postremis Judicibus Mytgono & Gerastrato dat, quem Cl. van Alphen sex illis annis, quibus hos duos Judices Tyriis praefuisse tradit Josephus, comprehendit, non improbandum videtur. Nam Josephum non existimasse Balatorum eodem tempore regnum tenuisse, quo Mytgonus & Gerastratus Judices erant, hoc indicio est, quod, quum hos per sex annos Judices fuisse dixisset, δικασαὶ ἔτη ἕξ, continuo addit, ὧν μετὰ ζὺ ἐβασίλευσε Βαλάτορος ἑνιαυτὸν ἓνα. Τῶς τελευτήσαντος ἀποσείλαντες μετεπέμψαντο Μέρβαλον ἐκ τῆς Βαβυλῶνος. Nam in his verbis ea series & ordo narrationis atque orationis est, ut potius de iunctione, quam conjunctione potestatis intelligenda sint. Deinde, si annus Balatori contineretur sex annis duorum praecedentium Judicum, nulla erat causa cur Josephus magis voluisset dicere τῶς τελευτήσαντος, quam τῶτων τελευτη-

vero ad rem vel maxime pertinet. Hic autem fuit *Tertius* & *Vigesimus*, & ideo pro ἐβδόμῳ μὲν γὰρ περὶ, quæ omnium consensu sunt corrupta, legendum omnino Εἰκοστῷ μὲν γὰρ καὶ τρίτῳ †, seu Γ. ἔτει, unde Περὶ videtur ortum. Sic enim omnia erunt expedita

λευτῆσαντων. Μεταξὺ autem etsi fortassis apud alios non invenitur pro μετὰ post, tamen etiam alio loco Josephi vi. B. F. 6. (al. v. 4.) eadem significatione legi ostendit Cappellus ad *Actor.* xiii. 42. cui alii addiderunt ex Theophilo ad *Autolycum* i. 14. τῷ δὲ ποιήσαντί σε θεῷ ἀπισεῖς δύνασθαι σε καὶ μεταξὺ ποιῆσαι; post creare, id est, ut Clar. Wolfius, postliminio restituere & in vitam vindicare. Doctissimus Hudsonus putat sic quoque accipiendum esse μεταξὺ apud Josephum ii. B. F. 10. (al. ii.) μεταξὺ δὲ τῶν τῆς συγκλήτης στρατιωτῶν τις σπασάμενος τὸ ξίφος, & ibi μεταξὺ interpretatur postea, quod ante vertebatur inter haec. Sed nihil est cur ei adsentiamur: nam Graeci ita dicunt μεταξὺ, etiam non addito nomine, aut participio, ut Latini interim & inter haec, quae ad verba Josephi interpretanda satis commode adhiberi possunt. Nec tamen, si annus unus Balatoro tribuitur, eo calculus liv. annorum ac trium mensium vitatur: quum enim Josephus dicat Cyrum anno quarto decimo Iromi τὸ κράτος παραλαβεῖν, annus ille Iromo detrahi, eique, quod Perizonius facit, xiii. anni dari possunt.

† Probat hanc emendationem Clar. van Alphen; nec tantum speciosa, sed forsitan etiam vera est. Est tamen quodammodo contorta oratio, εἰκοστῷ μὲν γὰρ καὶ γ' ἔτει τῆς Ναβεχοδονοσόρα βασι-



dita & pulchre cohærentia. Etenim dixit Josephus paulo ante, Nebucadneza-rem destruxisse Hierosolyma anno Regni sui *Duodevicesimo*, qui & erat Judæis Duo- devicesimus a prima deportatione, seu ab anno quarto Jehojakimi. Ergo Tyrus ob- fideri cœpta quinto anno post Regnum Judææ debellatum & extinctum, seu post Hierosolymam expugnatam, de quo læta adeo fuerat Tyrus, quasi omnes opes Sy- riæ, hac æmula sublata, ad se jam essent convertendæ. Dixerat enim Ezech. xxvi. 2. *Euge, quod confraëta est Hierosolyma, avertetur ad me*, scil. ab Hierosolyma omnis jam potentia & opulentia, *reple- bor, postquam ita vastata est Hierosolyma*, omnibus divitiis. Nihil ergo mali illa me- tuebat tunc sibi, ne a Nebucadnezare qui- dem, Judæorum Hoste, a quo proinde obseffa necdum fuit. Sed & Deus ideo denunciavit tunc demum Tyriis, ut rem

H 2

ad-

βασιλείας ἤρξατο πολιορκεῖν Τύρον, tertio & vige- simo anno Nabuchodonosori regni coepit obsidere Ty- rum, pro εἰκοσῷ μὲν γὰρ καὶ γ' ἔτει τῆς βασιλείας Ναβουχοδονόσορος ἤρξατο π. Τ. Nec omnino neces- sarium puto pro περὶ scribi γ' ἔτει. Satis est, inea sententia, εἰκοσῷ μὲν γὰρ καὶ τρίτῳ: nam ex τρίτῳ facilius fieri potuit περὶ, quam ex γ' ἔτει; & ἔτει huc retrahi potest ex eo, quod statim sequitur, τεσσαρεσκαίδεκάτῳ ἔτει τῆς Εἰρώμης, ubi eadem ratione ex præcedentibus supplen- dum est βασιλείας.

adhuc futuram, *d. l. §. 7. Adducam contra Tyrum Nebucadnezarem, Regem Babylonæ, cum Equis, Curribus, & Equitibus.* Nihil itaque convenientius huic negotio statui potest, quam Tyrum non ante, sed quinto anno post Hierosolymam captam, atque adeo tertio & vigesimo Nebucadnezaris anno, obsideri cœptam. Confirmatur hæc mea Emendatio insuper ex ipso Josepho, qui *Antiq. Jud. x. ii. p. m. 345.* diserte ait, τῷ πέμπτῳ τῆς Ἱεροσολύμων πορθήσεως ἔτει, ὃ ἐστὶ τρίτον καὶ εἰκοσὸν τῷ Ναβουχοδονοσόρ, στρατεύει ὁ αὐτὸς ἐπὶ τὴν Κοίλην Συρίαν, *Quinto post Hierosolymæ vastationem anno, qui est Nebucadnezaris xxiii. bellum Idem ille intulit Cœlesyriæ.* Addit eam quoque subegisse illum, & sic in finitimas progressum Gentes. Sine dubio ergo ista expeditione in transitu quasi occupavit Cœlesyriam, & inde ad obsidendam Tyrum in Phœnice, Cœlesyriæ, si non parte (ut videtur in vulgari sermone habita apud Strabonem *lib. xvi. pag. 520.*) at regione proxima, sitam, se accinxit. Nam de bello contra Tyrios nominatim Josephus in *Antiq. Judaicis* vix ceteroqui loquitur, ut adeo sub *Cœlesyria* Tyrum omnino videatur complecti in hac Historia. Sed & Jeremias *lii. 30.* hoc ipso Nebucadnezaris anno *tertio & vigesimo*, Præfectum

# ORIGINES BABYLONICAE. CAP. VI. 117

fectum Satellitum ejus novam reliquiarum Judaicarum fecisse deportationem tradit, qua ex re colligimus, eodem ut anno, sic expeditione in Cœlesyriam ac vicinas regiones tunc facta, illud accidisse. Et ita similiter, quando Nebucadnezar primam expeditionem anno tertio vel quarto Jojakimi suscepit in Judæam, Berosus quoque eam memorans apud Joseph. *lib 1. contra Ap. p. 1044.* dicit tantum factam εἰς "Αιγυπτον, καὶ τὰς περὶ τὴν Συρίαν τὴν Κοίλην καὶ τὴν Φοινίκην τόπους, *in Aegyptum & loca Cœlesyriæ & Phœnices*, ne nominata quidem *Judæa*, quam tamen in servitutem ab illo tunc redactam scimus ex S. Scriptura. Nihil itaque novum, aut ab Veterum Scriptorum consuetudine alienum facimus, si Expeditioni in Cœlesyriam apud Josephum, & in Judæam apud Jeremiam, illam quoque in Tyrum, licet non nominatam, tamen esse adscribendam censemus, quippe quum eodem anno Urbs ista simul cum tota Cœlesyria fuerit bello a Nebucadnezare petita, & tandem, sed aliquanto post demum, domita. Ceterum ab hoc jam anno xxiii. Nebucadnezaris usque ad Cyrum videnda nobis est ratio temporis Babylonici ac Tyrii, & conferenda inter se, ut ita ex iis tandem Lxx. anni Judæorum a deportatione prima ad Cyrum

usque liquido confirmentur; quod unum Josepho fuit propositum. Nempe *annus primus Nebucadnezaris est annus quartus Jojakimi*, ut diserte ait Jeremias xxv. 2. & Josephus *Antiq. Jud.* x. 7. Inde ergo repetamus LXX. annorum & deportationis Babylonicæ initium. Josephus porro *lib. x. Antiq. cap. 11. p. 342. & lib. 1. contra Apion. pag. 1046. Duodevicesimo regni sui anno Nebucadnezarem Hierosolymitanam Urbem & Templum destruxisse ait. Idem vero emergit annus ex Historia S. ab Jojakimi anno quarto. Inde enim si computes Septem ejusdem Regis Annos una cum tribus Mensibus Filii, ac Zedekiae xi. annos, quorum ultimo capta est Hierosolyma, habebis etiam Duodeviginti. Petavius in Rationario Temp. Parte Secunda, lib. 111. cap. 4. suam Doctrinam Temporum hac in parte corrigens, aliud inter Judæos, aliud inter Babylonios, initium Nebucadnezaris statuit, Judæos illud repetere ab ejus expeditione in Syriam & Judæam, h. e. ab anno Jojakimi quarto, at Babylonios a Patris ejus morte, quæ duobus annis serius acciderit; atque ideo ex Judæorum calculo tribuendos Nebucadnezari 45. annos, at ex Babyloniorum 43. Sed fallitur Vir Doctissimus: nam & in Judæorum Chronologia, non plus quam 43. anni huic Regi*



ORIGINES BABYLONICAE. CAP. VI. 119  
 adscribuntur. Liqueat id ex 2. Regum xxv.  
 27. & Jerem. LII. 31. ubi dicitur Jecho-  
 nias xxxvii. anno ab sua deportatione pro-  
 ductus in aulam ex carcere ab Evilmero-  
 dacho Nebucadnezaris Filio & Succes-  
 sore, primo Hujus regni anno. His vero  
 xxxvii. annis si addas Septem, qui a Ne-  
 bucadnezaris primo secundum Judæos, seu  
 Jojakimi quarto, usque ad Jechoniæ de-  
 portationem numerantur, reperies XLIV.  
 annos, quorum XLIII. sunt Nebucadne-  
 zaris, quot illi tribuit Berofus & Canon  
 Babylonicus. Qui autem superest annus,  
 primus est, ut oportebat, Evilmerodachi.  
 Prorsus itaque in eundem concurrat annum  
 apud utrosque, Babylonios æque ac Ju-  
 dæos, Initium Nebucadnezaris, nempe  
 in quartum Jojakimi annum. Hinc jam  
 ex Beroso apud Joseph. p. 1045. Nebu-  
 cadnezaris anni

XLIII.

Evilmerodachi

III

Neriglissoris cum Filio

V

Belsafaris seu Nabonidi

XVII.

His adde Darii Medi post captam a se  
 & Cyro Babylonem

II.

Sed Hujus annos Berofus omisit, ut &  
 Canon Babylonicus, qui Cyro eos ad-  
 scripsit, quia Cyri ductu Babylon fuit  
 capta, & ille mox totum Medorum, Per-  
 sarum, & Babyloniorum tenuit imperium.

Inde vero exoriuntur jam anni LXIX. Deest ergo unus, sed qui facile intercidit per excurrentes menses, non computatos, vel rejici ille in Cyri annum primum potest. Sed & Syncellus <sup>a</sup> diserte, & ex Canone quidem Babylonico, Tres Evilmerodacho tribuit annos, quod si recipimus, habemus ita ipsos LXX. annos ab Jojakimi quarto. Jam vero secundum Tyriorum Annales res eodem <sup>b</sup> redit. Etenim ab anno *Tertio & Vigesimo* Nebucadnezaris cœpit bellum & obsidio Tyri. Duravit hæc obsidio annos

XIII.

Regnavit post captam Tyrum in reliquias Tyriorum voluntate Nebucadnezaris (vide hæc apud Joseph. pag. 1046.)

Baalus,

X

Sequuntur Judices per Annos VII & Menses.

3

Rex iterum Balatorus

I

Merbalus

IV

Hiromus

XIII

Nam ad ejus annum *quartum decimum* refert Josephus Cyri imperium, qui tum τὸ κρᾶτος παρέλαβεν, *imperium acceperit*. At ex his jam oriuntur anni XLVIII. Quibus si præmittas XXII. annos Nebucadnezaris, a quarto Jojakimi ad cœptam Tyri obsidio-

dio-

<sup>a</sup> Pag. 208.

<sup>b</sup> Videtur fane eodem redire. add. tamen Clar. van Alphen. l. d.

dionem elapsos , habebis ita iterum illos ipsos, quos quærimus, LXX. annos. Recte ergo concludit Josephus *d. l. contra Ap. σύμφωνα ἐπὶ τῷ Ναῶ τοῖς ἡμετέροις γράμμασι τὰ τῶν Χαλδαίων καὶ Τυρίων*, *Consonant de Templo nostris Historiis Historiæ Chaldæorum & Tyriorum. De Templo* ait : nam videtur (recte, an secus nunc non quærimus) LXX. illos annos Josephus deduxisse potius ab Hierosolyma & Templo destructis usque ad illud plane restitutum anno secundo Darii Hytaspis, quoniam hac ipsa pag. 1046. A. ait, Duodevicesimo Nebucadnezaris anno Templum Judæorum destructum, idque mansisse ita in LXX. † annos. Secundo autem Cyri ejus fundamenta iterum jacta, at secundo Darii plane restitutum. Et sequuntur eum multi Patrum, ut & Eusebius. Sed vel sic eadem fere erit computandi ratio, & manebit firmum nostræ in Josepho emendationis fundamentum, siquidem duodeviginti hi anni, qui regno Nebucadnezaris tunc de-

H 5 bent

† In Josepho est ἦν ἀφανὴς (ὁ ναὸς) ἐπὶ ἑτῇ ἐπτά. manifesto errore, pro ἐβδομήκοντα; de quo miror nihil monuisse Clar. Perizonium. Recte emendavit Clar. van Alphen & Josephum, & Eusebium, qui ix. *Praeparat.* 40. Josephi verba referens habet πεντήκοντα. In Syncello quoque pag. 226. perperam ex Josepho editum est ἐπὶ ἑτῇ ν', pro 6.

bent detrahi, reperiuntur denuo in intervallo a Cyri primo usque ad secundum Darii annum, qui nonus decimus est a Cyri primo. Ceterum vix possum æquo ferre animo, quod Viri Summi ita in dubium vocant Tyri destructionem ab Nebucadnezare factam, atque ipsam ideo respuunt aperte satis Ezechielis de ea prædictionem licet disertissimam. Nam Scaliger ad *Fragmenta* pag. 37. se illius prophetiæ eventum nescire ait. Nam *quando*, inquit, *Tyrus deleta*, ut *nullum in ea relictum sit vestigium*? *Quomodo nunquam instauranda*, quæ *nullo unquam tempore non munitissima, amplissima, populosissima fuerit*? Hoc vero quid est aliud, quam rejicere ferme, & refellere prædictionem seu denunciationem Ezechielis? Petavius quoque de *Doctr. Temp. d. l. p. 151.* quum præmisisset, *quis exitus fuerit obsidionis, merito quæri*, subjicit, post difficultates quasdam denunciationi Ezechielis objectas, hæc ipsa, *Probabile est, Tyrum a Nabuchodonosoro tunc minime fuisse subversam, sed deditione ac pactione tributis suis Regibus permissam.* Difficultates, quas movent, sunt eædem, quæ pag. 102. ex Usserio a me allatæ jam sunt & refutatæ. Nam quod *Reges & Judices*, non tamen *in eadem Urbe*, sed *in eadem Gente*, manserunt, re-

licti



ORIGINES BABYLONICAE. CAP. VI. 123  
licti & constituti a Victore, minime probat Urbem non esse destructam, quum debuerit utique Nebucadnezar reliquiis Gentis, quam alio, ita ut Judaicam, abductam aut deportatam non legimus, aliquem præficere, quocunque Titulo. Et ita quum Jojakimum vicisset, occidissetque, ac mox etiam Filium ejus abduxisset Babylonem, constituit tamen Regem Judææ Zedekiam, Jojakimi Fratrem. Quum vero hic dein rebellasset quoque, bello novo eum petiit, cepit, & abduxit, ac Hierosolymam destruxit, sed Genti seu *Civitatibus Judææ præfecit Gedalias*, ad quem abiit Jeremias, mansitque cum eo *in medio populi, qui Reliquus erat in terra.* Jerem. XL. 6. Factum hoc ita, licet destructa funditus jaceret Hierosolyma. Sic itaque nihil in eo argumenti est contra destructionem Tyri, quod leguntur constituti, primo *Rex* istius populi, qui residuus erat, a Nebucadnezare, & dein ab ejus Successoribus non amplius Reges, sed *Judices*, ac tandem iterum *Reguli*, sed Babylone accepti, ut supra pag. 103. jam ostendimus. Quod vero Græci Scriptores nihil de Tyro a Nebucadnezare destructa memoriæ prodiderint, nihil prorsus facit ad refellendam Ezechielis prophetiam. Quid enim Græci Scriptores,  
non

non dicam de Tyro illa Vetere, sed de ipso Nebucadnezare, sciverunt aut nobis tradiderunt? Et tamen res eum maximas gessisse, immo Herculi Græco prælatum a Chaldæis, & ad Columnas usque Gadi-tani Freti victoriis suis pervenisse, memorat ipse Strabo *lib. xv. p. 687*. Sed quas proprie res gesserit, tacent, ille æque ac Alii. An ergo verum non est, quod Hierosolymam destruxit, quia apud Græcos nusquam legitur? Quam plurima ejus generis possent afferri ex tempore ante Cyrum elapso, cujus temporis paucissima rerum in Asia Superiore gestarum illi sciverunt. Nulla ergo est ratio rejiciendi idcirco destructionem Veteris Tyri funditus a Nebucadnezare factam (Vide & Cellarium *Geogr. Antiquæ Tom. II. lib. 3. cap. 12. pag. 455. <sup>a</sup>*) quum eam prædixerint Esaias *b. l.* Jeremias *XLVII. 4.* sed disertissime Ezechiel aliquot Capitibus: quum porro habeamus apud ipsos Græcos & Latinos *Veterem Tyrum*, & *Novam*, ac illam quidem in continenti sitam, sed in pagi aut vici formam redactam, in qua tamen *artiquius*, quam erat illud Tyri Novæ, Herculis templum tempore Alexandri M. superfuit, in quo *rectius* (Vide Justin. *xi. 10.*) idcirco sacra facturum Ale-

Alexandrum dixerunt Tyrii: at Novam conditam in insula parva, quam totam una Urbs explebat, sed in qua sedem sibi ceperunt Tyrii, postquam experti fuerant in Vetere sua Urbe vim belli, & potentissimorum in Asia Regum, haud dubie, ne denuo his malis essent obnoxii, & ut tutius istic habitarent. Qui hæc negant, doceant nos, quæ tandem alia fuerit causa relinquendæ Veteris Tyri, & condendæ Novæ. Adde jam his, quod ex ipsis tamen Tyriis Scriptoribus apud Josephum constat, Tyrum fuisse revera ab Nebucadnezare multis plane annis obsesam, ac redactam tandem in Babylonici regni potestatem, unde & postea suos Judices & Reges acceperint. Vix autem credibile, Nebucadnezarem Tyro, quæ tam diutinam victoriis suis moram iniecerat, magis pepercisse, quam Hierosolymæ, aut minus Eam, quam Hanc, fuisse destructam, quum funditus utique diruendam prædixerint Prophetæ Sacri. Denunciationes autem illæ propheticæ sæpissime aliquid hyperbolici habent, quod non ita ad minimam est literam semper exigendum, quodque ideo in hac re turbare adeo non debuisset Viros Doctos. Liquet illud ita se habere non tantum in Tyro hac apud Ezechielem, sed & in  
Aegy-

Aegypto Ezech. xxx. & Babylone, Jerem. Cap. L. & LI. ubi æque gravia Babyloni denunciantur, ac ab Ezechiele Tyro & Aegypto, atque adeo æque istic fudarent Viri Docti, si ad literam probare deberent, Babylonem a Medis & Persis captam, *subversam esse, prout subversa est Sodoma & Gomorra; non habitaturum deinceps in ea quenquam Hominis Filium, nec jumentum; redigendam in acervos, in latibulum Draconum &c.* Vide Jer. L. 13, 26, 39, 40. & LI. 29, 37, 43, 62. Usitatæ fuerunt hyperbolicæ ejusmodi locutiones vel maxime in Oriente. Ceterum videtur Nova Tyrus sub initia Monarchiæ Persicæ jam exstitisse, & mox iterum frequenti navigatione invaluisse, siquidem post LXX. annos Tyrus, sed non illa Vetus, verum ea, quæ reliquias Veteris Tyri in insulam collegit, ab Esaia cap. xxiii. dicitur reditura ad pristinum quæstum, & canticum. *Septuaginta hi anni*, quibus quasi *oblivioni erat tradita*, h. e. quibus minus celebris erat futura, ab his temporibus ducti, desinunt in medio Darii Hytaspis regno.

Ut tamen dicam, quod sentio, putem potius, cœptam tantum Tyri obsidionem, quæ 13. annos duravit, sub Ithobalo, at consummatam demum Baalis,

qui



ORIGINES BABYLONICAE. CAP. VI. 127  
qui Ithobalo successit, & Regum postre-  
mus memoratur, anno ultimo. Credibile  
enim est, Nebucadnezare, sicuti Ju-  
dææ debellatæ non Regem, sed Judi-  
cem, præposuit Gedalia, sic Tyriis iti-  
dem recens subactis præfecisse potius *Ju-  
dices*, qui & apud Josephum continuo se-  
quuntur, quam Regem: quamvis postea  
tamen *Reges* quoque Tyriis iterum fue-  
rint, & quidem Babylone missi, ut ex *d.  
l.* Josephi patet. Si numeri annorum,  
quos computat Josephus, non respondeant  
penitus huic sententiæ, neminem eos ma-  
gnopere morari par est, quum frequen-  
tissime in iis lapsi fuerint librarii. Mars-  
hamus ad Sæculum XVIII. *p. m.* 537.  
&c. censet Tyrios a Nebucadnezare ob-  
sessos fugisse tandem ultro cum Rege Itho-  
balo in Insulam, & statim novam ibi con-  
didisse Urbem. Scilicet eo quoque illum  
adegit *d. l.* Josephus, quia alium etiam  
Regem Tyriorum post Ithobalum com-  
memorat. At non tanti profecto hæc est  
ratio, & facilius longe expediri ea potest  
vel confutari, quam quod contra eam in  
eodem hoc loco legitur, Tyrios habuisse  
mox loco Regum *Judices*, haud dubie a  
Victore sibi impositos, & dein iterum Re-  
gulos quidem usque ad tempora Cyri, sed  
ex *Babylone* acceptos, vel arcessitos. Quid  
enim

enim illud designat aliud, quam reliquias Tyri Veteris, unde Palætyrus exstitit, fuisse, non Regibus suis, sed Babyloniiis, subjectas? Certe præ eo frigida prorsus est Marshami conjectura, Tyrios Novos ex Insula, nihil cum Babyloniiis negotii habentes, petiisse tamen ultro ab illis suos Reges, quia eo abducti captivi quidam sanguinis Regii fuerint.

Major est in eo difficultas, quam a nemine eorum, quos consului, miror motam, quod apud Josephum *Ant. ix. 14.* & ex Menandro quidem <sup>a</sup>, *Tyrii* opibus jam florentes, & feliciter bellum gerentes contra Regem Assyriorum Salmanassarem, qui Israëlitas debellavit deportavitque, distinguuntur à *Palætyro*, siquidem ab illis in hoc bello defecisse ad Assyrios dicuntur *Sidon*, *Ace*, & *Palætyros*. Unde facile quis colligat, Tyrum recentiorem simul cum Palætyro exstitisse, & jam tempore Salmanassaris floruisse, atque adeo exstruendæ ejus causam minime fuisse Palætyri vastationem, postea demum a Nebucadnezare factam. Sed nullus dubito, vel Josephum, aut forsan Menandrum, in his memoria lapsum, vel Librarios calamo suo

<sup>a</sup> Qui Annales Tyriorum e lingua Phoenicum Graece vertit. Joseph. *ibid.* & *viii. Antiquit. 2. pag. 267.*

suo in voce ἡ πάλαι τύρος, cui, si mei res  
 foret arbitrii, substituerem lubens Βηρυτὸς,  
 Urbis in illo plane tractu sitæ nomen, pro  
 quo Librarios scripsisse crediderim ἡ Τύ-  
 ρος, alios dein distinctionis gratia addidisse  
 πάλαι, atque inde ortum istic ἡ Πάλαι  
 Τύρος. Nam hi Tyrii, contra quos Salma-  
 nassar bellum gessit, fuerunt haud dubie  
 ipsius Palætyri cives, siquidem Salmanas-  
 sar eos prohibuisse *flumine & aquæ ducti-*  
*bus* dicitur, quapropter ipsi *aquam ex pu-*  
*teis effossis per quinque annos biberint.* Quis  
 enim non videat, per τὸν ποταμὸν, sim-  
 pliciter ita designatum, intelligi *fluvium*  
 istius urbis. Jam autem Scylax disertis-  
 sime ait de Palætyro, ποταμὸς διὰ μέσης ῥεῖ,  
*fluvius per mediam urbem labitur.* Adde,  
 quod Historia Tyri a Nebucadnezare dein  
 obsessæ & destructæ liquido prorsus desi-  
 gnet illam ipsam Palætyrum, quæ tamen  
 apud Sacros Scriptores, tum apud Jose-  
 phum & Philostratum, simpliciter *Tyrus*  
 in ista Historia dicitur, ut debuit, quum  
 nulla tunc alia esset. Neque vero ulla ex  
 Historiis potest dari ratio vel causa, qui,  
 aut unde, tempore tam antiquo, immo  
 ante Tyri destructionem a Nebucadnezare  
 factam, duæ exstiterint Tyri, Vetus, &  
 Nova, Vetere jam tunc longe potentior:  
 Vel etiam, quæ causa fuerit jam ante Sal-

manassaris tempora exstruendæ Novæ Tyri, quæ insuper floruerit jam tunc quam maxime, quum utique tempore Homeri, haud multum antiquioris Salmanassare, adeo nondum fuerit cognita Græcis ulla *Tyrus*, ut ille ejus nusquam meminerit, qui *Sidonem* tamen memorat sæpius, celebriorem inde & apud reliquos Poëtas, ut jam observavit Strabo *lib. xvi. p. 756.* †  
Ce-

† Duo præcipue sunt in hoc Capite, de quibus aliter sentit Vir Celeberrimus, & omni doctrina liberali politissimus, Hadrianus Relandus, *Palaestinae lib. III. pag. 1050. seqq.* Primum conatur ostendere Tyrum insulam jam ante Nabuchodonosori aetatem habitatam fuisse: deinde, ea, quae de expugnata & everfa a Nabuchodonosoro Tyro dicuntur, non ad eam, quae in continenti sita postea Palaetyros dicta est; sed ad exiguo intervallo a Palaetyro distantem insulam, quae & ipsa Tyrus vocabatur, pertinere. Utrumque cum Scripturae S. tum aliorum Scriptorum auctoritatibus confirmat. Quae ex illa adfert, magnum pondus ad evertendam sententiam Perizonii & aliorum habere videntur; quae ex his, aliquanto levius. Nèmpe, quum Prophetæ vastationem Tyri praedicentes eam *insulam*, & *in corde maris sitam esse* dicunt, id non de Urbe in continenti posita accipi posse contendit, &, quae contra dicuntur, removet: quae an ita firma sint, ut convelli non possint, judicabunt linguarum Orientalium periti. Ex aliis Scriptoribus primum producit Judaeorum ac Tyriorum Annales apud Josephum, qui *VIII. Antiquit. 2. pag. 258.* in iis  
ad-



# ORIGINES BABYLONICAE. CAP. VI. 131

Ceterum ex his omnibus jam satis patet, quomodo Chaldæorum populus antea contemptus, deinde tamen, extincto Assyriorum imperio, in tantum repente invaluerit, ut sub secundo jam suo Rege Veterem illam Tyrum, opibus ac potentia florentem, adegerit in ruinam & desolationem. Manifestum etiam putem, locum ergo Esaïæ, recte expositum, neu-

I 2

ti-

adservari refert Iromi ad Salomonem literas, in quibus Iromus petit, ut pro iis, quae se Salomoni missurum promittit, hic sibi frumentum praebeat, & inquit, διὰ τὸ νῆσον οἰκεῖν δέμεθα, quo indigemus, quia insulam incolimus: quae deinde eodem Cap. pag. 267. repetuntur. Hoc quoque valere potest ad ostendendum, insulam jam tum habitatam fuisse; etsi inde non consequitur, quod fortassis alicui in mentem venire possit, eam potentiolem fuisse Tyro, quae in continenti erat, vel Reges Tyriorum in ea sedem habuisse.

Secundum argumentum ex loco Menandri apud Josephum est, de quo pag. 128. agit Perizonius. Quos ibi Tyrios vocat Menander, insulares fuisse dicit Relandus: quod mihi secus videtur. Nolim adfirmare veram esse emendationem Perizonii vocis Παλαίτυρος; sed ex iis, quae disputat, certum est locum corruptum, & ea, quae Josephus ex Menandro refert, ἀτύστα esse, nec inter se conciliari posse. Nec, quod ad Perizonii observationem addam, habeo, nisi hoc unum, ne verosimile quidem esse insulam exiguam, cujus totum solum una urbe occupabatur, νῆσος αὐτὴ ἡ πόλις ἦν, dicit Arrianus

tiquam favere Cl. Viri sententiæ de recentissima Babylonis origine, quasi illo demum tempore, seu a Nabonassaro demum, conditæ, h. e. post ipsam Urbem  
Ro-

nus II. de *Exposit. Alex.* 18. fluvium & aqueductus habuisse; in qua si fluvius fuisset, incolae a Salmanassare aquatione prohiberi non potuissent.

Nec magis validum videtur, quod tertio loco e Dio ac Menandro, rerum Tyriarum Scriptoribus, apud Josephum VIII. *Antiquit.* 2. pag. 267. seq. & I. *adversus Ap.* pag. 1042. opponitur; Hiramum Urbem Tyriam a parte Orientali ampliassse, & Templum Jovis Olympii, τὸ κατ' ἐαυτὸ ὃν ἐν νήσῳ, quod seorsim ab Urbe in insula erat, aggere jacto Urbi conjunxisse. Neque enim ex eo demonstrari potest Urbem, quam Hiramus ampliavit, in insula fuisse, aut, quod inde conficere vult Cl. Relandus, Tyrum a Nabuchodonosoro everfam, eam fuisse, quae in insula, non, quae in continenti erat, aut denique Tyrum insularem postea ex minoribus insulis conflata videri. Nam nihil obstat, quo minus hoc Templum in parva aliqua insula haud procul continenti, ut Templum Aesculapii in insula Tiberina, esse, & aggere ab litore jacto Palaetyro conjungi potuerit.

Quartum petitum est ex Josephi lib. ix. *Antiquit.* 14. ubi scriptum est Salmanassarem Tyrios, cum quibus bellum gerebat, lx. navibus adgressum fuisse. Hoc quam vim habeat ad probandum ibi de *Tyro insula*, non de *Palaetyro* agi, equidem non intelligo. Nam, ne repetam quae paullo ante de hoc bello dicta sunt, e quibus clarissime liquet id adversus incolas Palaetyri gestum fuisse, nonne urbes maritimae conti-

Romam ; quippe quæ septimo jam anno ante initium Nabonassareæ epochæ a Romulo exstrui est cœpta, eo tempore, quo in Judæa regnavit Jothamus Uzzix Filius.

I 3

Quod

tinentis, ut terra copiis pedestribus, ita mari classibus oppugnari possunt, & millies oppugnatae sunt?

Nec deest, quod ad quintum argumentum ex Arriano, Herodoto, & Plinio responderi possit. Scribit Arrianus II. de *Exped. Alex.* 16. Alexandrum legatos Tyriorum insularium jusfisse renunciare suis, se cupere in Urbem eorum venire ad sacra Herculi facienda, quia Tyri erat *ιερόν Η'ρακλέως παλαιότατον, ὃν μνήμη ἀνθρωπίνη διατάσσεται*, *templum Herculis antiquissimum omnium, quorum memoria superest.* Hoc ait Vir Clar. neque de Templo in insula post Nabuchodonosori tempora (nam post hujus aetatem demum urbem in insula conditam putat Cl. Perizonius) structo dici potuisse, neque Tyrios id ulla veri specie jactare, aut Arrianum scriptis consignare ausum fuisse: quum & Herodotus II. 44. testetur se Templum illud Tyri vidisse, & Theophrastus apud Plinium xxxvii. 5. dicat, *se scribente esse in Tyro Herculis Templo stantem pilam e smaragdo.* Sed primum, non repugnat Templum antiquissimum, & Urbem recentissimam fuisse: nam Templum multis saeculis in insula ante urbem ibi conditam esse potuit. Deinde, Curtius, quem ante Arrianum scripsisse probabile est, quique eosdem, quos Arrianus rerum gestarum Alexandri auctores habere potuit, rem aliter narrat: nimirum Tyrios respondisse Alexandro, *esse Templum Herculis extra urbem in ea sede, quam Palaetyron ipsi vocant: ibi Regem deo rite sacra fac-*

Quod si tamen aliter, ut plerique faciunt, Eſaiam interpretari quis malit, ne ſic quidem, quoscuque ſequatur Interpretes, quidquam in eo reperiet, quod Mars-

*ſturum.* Add. Juſtin. xi. 10. Denique, neque Herodotus Templum Herculis apud Tyrios a ſe viſum in inſula fuiſſe dicit, neque in verbis Theophraſti apud Plinium quidquam eſt, unde adfirmari poſſit id in inſula, non in Palaetyro, fuiſſe.

Nec eſt, quod quis objiciat, ſi Palaetyrus a Nabuchodonoroſoro deleta fuit, quomodo ibi Templum Herculis ſupereſſe potuerit. Nam hic mos antiquis erat, ut victores in delendis urbibus, quas ceperant, ſaepe Templis, praefertim vetuſtate ac religione venerabilibus, parcerent, cujus rei multa exſtant in Hiſtoria exempla. vid. Liv. I. 29. vii. 28. & Thucyd. iv. 116.

Agmen denique claudit locus Luciani in *Dialogis* (in *Judicio Vocalium* pag. 46. Edit. Amſt.) in quo Cadmus, qui literas ex Oriente in Graeciam adtulit, *μητιώλης* vocatur. Non reſpondebo incertam eſſe Cadmi patriam, quem quidam veterum a Thebis Aegyptiis, non ex Phoenice, in Graeciam veniſſe prodiderunt: quia de priſcis illis rebus, quarum certam memoriam longa vetuſtas & Scriptorum diſſenſus abolevit, nihil pro vero adfirmari poſſe, ſed tamen poſteriorius longe verofiſimilius eſſe, puto. Sed hoc dico, Viros Doctos, qui rationes temporum confecerunt, dudum ex ſcriptis Veterum oſtendiſſe, Cadmum multis annis ante Tyrum conditam in Graeciam adpulſiſſe: deinde, ſi ex ſententia Luciani, quae etiam plerorumque antiquorum ac recentiorum eſt, Cadmus ex Phoenice in Graeciam profectus eſt, tamen ex eo non



Marshami sententiam firmet. Judæi in diversa abeunt, ut ex Kimchio diversas eorum exponente interpretationes patet. Ipse autem ad antiquissima refert tempora Babylonis originem ex hoc ipso loco,

I 4

quem

non consequi Lucianum existimasse jam tum urbem Tyrum in insula fuisse. Nam potuit Cadmum *insulanum* vocare respectu ad id tempus habito, quo demum post Cadmum urbs in insula excitata fuit; vel etiam ad suam aetatem respiciens, qua insula, aggere cum Palaetyro continentis conjuncta, Chersonesus erat: quem admodum Thucydides IV. 120. Scionaeos, incolas Sciones in Chersoneso Pallenes, *νησιώτας*, & Cap. 121. seq. Chersonesum illam *νησον*, & Arrianus I. de Exped. Alex. 9. Scionem *νησιωτικὸν πόλιν* vocat, haud secus ac Melum, quae in insula erat.

In hoc opinionum divortio adsentior Relando, insulam jam ante Nabuchodonosori tempora habitam fuisse; quod ipsum tamen non disertis verbis negat Perizonius, sed tantum dicit non posse dari causam, cur urbs *insularis* ante Nabuchodonosorum *potentior* fuerit, ac *magis flourerit*, quam ea, quae in continenti erat; sed urbem, &, quod magis est, celebrem ac potentem urbem ante Nabuchodonosorum in ea fuisse, mihi non liquet. Ac potius crediderim Tyrios, incolas Palaetyri, ea pro navali & horreo quodam mercium, ac fabrica omnis instrumenti atque apparatus nautici usos. De Tyro, urbe continentis, quae deinde Palaetyros fuit, a Nabuchodonosoro eversa mihi probabiliora videntur ea, quae disputat Perizonius, qui sententiam suam tot undique argu-

quem ita exponit, ut *Affur* statim a dispersione *eam fundaverit* & condiderit *incolis deserti*, sed qui dein *exierit ex illa terra*, & ædificaverit sibi Nineven: Chal-dæi

mentorū quasi vallo munit, ut non admodum facile cuiquam futurum sit id perrumpere. Nec diffitetur Relandus verba quaedam Prophetarum de excidio Tyri prædicentium ejusmodi esse, ut non convenient urbi in insula sitae; sed hunc ictum ita declinat, ut dicat credibile esse Nabuchodonosorū adversus eam eadem arte usum, qua deinde Alexandrum, id est, mole mari injecta insulam continenti junxisse. Hoc etiam scripsisse Hieronymum adnotat Marshamus pag. 575. Sed nequam credibile est. Si Graeci & Latini Scriptores nihil de Tyro a Nabuchodonosoro deleta prodiderunt, Tyrii ipsi tamen tempore Alexandri fatum urbis ignorare non potuerunt, quum nondum ccc. anni a Nabuchodonosoro elapsi essent. Sed hos nescivisse quod de aggere a Nabuchodonosoro jacto dicitur, ex eo intelligitur, quod Curtius iv. 2. scribit, eos *per ludibrium exprobrasse Macedonibus, illos armis inclutos dorso, sicut jumenta, onera gestare, & interrogasse, num major Neptuno esset Alexander?* quod certe interrogaturi non fuissent, si ulla urbis eadem ratione a Nabuchodonosoro expugnatae apud eos memoria superfuisset.

Haec habui, quae de dissidentibus in hoc argumento sententiis duorum summorum, mihi-que, dum vixerunt, amicorum Virorum, quorum erga me benevolentiae & officiorum semper in animo meo haerebit memoria, dicere: de quibus judicium penes Lectorem esto.

dæi autem illam tunc occupaverint terram, *qui* proinde *populus* a primo initio istic *non exstiterit*, sed dein sibi *exstruxerit* *ejus terræ turres*. Hujus ipsius tamen populi hoc itidem esse fatum, ut sicuti ipse hanc terram ab aliis acceperit vel sibi subjecerit, sic alii vicissim illis eam sint adempturi, & confracturi ejus palatia, secundum seriem & constantem vicissitudinem rerum humanarum, ut ita liqueat omnibus, Deum esse hujus universi Dominum. Illud autem exemplum Chaldæorum vel Babyloniorum hic proponi, ne cui mirum videatur Tyrum iri destructum, quum & ipsa Chaldæorum terra sit aliis prædæ futura. Verum in hac interpretatione, ut nihil aliud dicam, durissimum est illud, quod in eodem commate seu particula paragraphi, Verba *הקימו / exstruxerunt*, & *עוררו excitarunt*, vel, ut ille censet, *confregerunt*, diversis tribuuntur Nominativis, quorum Neuter exprimitur: Prior quidem intelligitur ex Ellipsi Scripturæ S. non inusitata, at Posterior nulla ratione, nec ex Grammatica, nec ex ipso sensu, eruetur, nisi quod de Hostibus quibuscunque accipi in illa interpretatione debeat, quod istic dicitur; & statim insuper transit ille Nominativus ex Plurali in Singularem. Christiani arri-

puerunt tamen, certe postremum illud Kimchii, ut hic agi putent de exitio Chaldæorum, quod Tyriis in exemplum proponatur. Si id volumus sequi, tum verterem, *Ecce Terra Chaldæorum, Hic Populus non est* amplius. *Affur fundavit, firmavit, assignavit, eam incolis deserti, vel potius, animantibus deserti*, ut in ea ab se maximam partem vastata habitarent: *Excitaverant illi Chaldæi suas turres, exstruxerant sua palatia*, sed *Affur dedit eam exitio*. Commodus hic satis nexus rerum, quas retulerim ad tempora Esarhaddonis, qui occupavit Babylonem, & terram incolis alio traductis exhaustis, & sic aliquandiu vastam reddidit. Sed in his, ut nunc primum deprehendo, præeuntem prorsus habeo Piscatorem. Alii plerique intelligunt tempora Persarum & Medorum, per quos dudum postea *Deus Babylonem pessum dederit*. Verum in tota hac interpretatione, sive Piscatorem sequamur, sive Alios, alienissimum mihi videtur, Tyriis in exemplum proponi, sine ulla insuper comparationis mentione aut indicio, exitium Babyloniorum & Chaldæorum, quum Babylonii & Chaldæi utique ipsi Tyrum essent debellaturi & destructuri. Adde, quod in posteriore ple-  
 rorumque interpretatione *Affuris* mentio  
 hic



hic plane frigeat, nec alicunde probari possit, quod illi hic ex Kimchio arripiunt, Assurem, Semi Filium, condidisse seu fundasse primum Scenitis Arabibus, seu Hominibus deserti, & inhabitasse ipsum, terram Chaldæorum, antequam ex ea egressus est, & exstruxit Nineven. Quid? si alia etiam via, & forsan omnium optima, tentemus hunc locum. Nam quæ obscura adeo sunt, & tantis tenebris obsita, in omnes, opinor, partes vertere licebit, ut liquidæ lucis aliquid accipiant. Nempe arripiamus ex Kimchio, Chaldæos ab ipso Dispersiōis initio non fuisse in Babylonia, sed aliunde in eam postea venisse. Et sane si Chaldæi Hebræice *Chasdim* a *Chesed* Nachoris Filio fuerunt dicti, quod, ut plerique credunt, ita si non confidenter affirmari, certe neque liquido refutari potest, tum vero haud dubie etiam ab eo fuerunt potissimum orti. In illorum autem oppido, h. e. in pago, vel oppido, quod postea illi vindicarunt sibi potissimum, & quod ab illis ideo dein tempore Mosis cognominatum fuit, *Ur Chasdim*, habitavit jam paterna Abrahami Familia, & inde Abrahamus ipse cum Patre recta via per Charan seu Carras exiit in Cananæam; vide Bocharti *Phaleg*. II. 6. Fuit ergo oppidum illud in superiore Mesopotamia

Mesopotamia, unde & in Actis Apost. vii. 2. Abrahamo *in Mesopotamia, antequam venisset Charanem*, ergo habitanti adhuc in Ure Chaldæorum, dicitur Deus præcepisse, *ut inde exiret*. Sed & Josuæ xxiv. 2. Majores Abrahami dicuntur *habitaſſe ultra flumen Euphratem* מלח h. e. *ab ultima*, vel certe, *longa antiquitate*, seu ab initio Dispersionis factæ. Confediſſe deinceps, relicta Ure, Pater Abrahami & Familia ejus videtur *Charane*, quia erat hæc in regione Mesopotamiæ magis fertili & campeſtri, dicta *Paddan Aram*: certe Nachor Abrahami Frater, & ejus Filius Bethuel, & dein Laban Bethuelis F. habitarunt deinceps *Charane in Paddan Aram*, Genes. xxvii. 43. & xxviii. 2. Hinc jam dicitur illa *Civitas Nachoris in Aram Nabaraim*, h. e. in Mesopotamia, Genes. xxiv. 10. immo & tota illa terra Mesopotamiæ, *ex qua exierat Abrahamus* (exierat autem proprie ex Ure Chaldæorum) appellatur *Terra Abrahami*, & *Terra Cognationis* seu *Familie ipsius*, Genes. xxiv. 4, 5. 7. Confedit itaque Nachor tandem *Charane*, & reliquit iſtic ſuam progeniem, ſed Filiorum, ut videtur, minorum natu. Nam majores etiam inde diſperferunt ſe in vicinas regiones, & novas ibi ex ſe condiderunt familias ſeu gentes.

Sic

Sic enim Utz primogenitus occupavit terram ab isto dein dictam *Utz* sive *Ausitin*, Buz secundus terram *Busitin*. Minime igitur a vero alienum haberi potest aut debet, quod quartus Filius *Chesed* reperit *Urem*, & ibi reliquerit suam progeniem & Gentem ab se dein dictam *Chasdim*. Certe hoc Nomen analogice prorsus a Nomine *Chesed* est formatum. Prolepsis quidem illa est, quando tempore Abrahami & ejus Patris jam dicitur illud oppidum *Ur Chasdim*, qui *Chasdim* postea demum hoc nomine istic exstiterunt. Sed talis Prolepsis cum apud alios Scriptores, tum apud Sacros, satis usitata ab omnibus agnoscitur. Hosce autem *Chasdim*, h. e. Chaldæos, videtur ex hoc Esaïæ loco *Assur* postea in Babyloniam transtulisse. Nam certe Chaldæos istic, post tempora Mosis, immo Davidis, demum reperimus, sed quos, unde orti fuerint, vel unde eo venerint, nescimus, nisi velimus Aegyptiis credere apud Diodor. Siculum lib. I. eos *sua* ex terra cum Belo profectos, sed quod confutavimus jam supra Cap. V. p. 71. &c. Quis autem *Assur* Chaldæos istic collocavit? Non certe Assur Semi F. ut voluisse videtur Kimchius. Nam neque ejus tempore exstiterunt vel istic, vel usquam gentium, *Chasdim*, seu Chal-

Chaldæi, neque tam potens ille fuit, ut aliam gentem in Babylonia, aliam in Assyria, conderet, quum & Assur iste, & ejus æquales, fuerint omnes unius tantum familiæ progenitores, quorum unus nihil juris aut potestatis habuit in alium, nec in alterius familiam. Quocirca *Assur* ille apud Esaiam fuit potius Gens & Rex Assyriæ, quicunque tandem is fuerit. Passim enim in S. Scriptura *Assur* notat collective Assyrios, seu ipsam Gentem. Crediderim autem id fecisse Ninum, qui Babyloniæ sibi subjecit, & idcirco novum populum in Mesopotamia e regione suæ Assyriæ habitantem istuc collocasse videtur ad Babylonios recens domitos in officio continendos. Dicæarchus apud Stephanum *de Urbibus* in v. *Χαλδαῖος*, *Chaldæos* a Rege quodam *Assyriorum* ita dicto, & appellatos, & collocatos Babylone, tradit, sed quem facit quartum decimum a Nino, atque adeo in tempora nimis sera rejicit. Sed non opus, ut in his ab Nino aut ejus proximis Successoribus discamus, qui justissimam potuerunt habuisse causam, populum sibi vicinum & forsan fidum in alterius remotioris & recens subactæ Gentis terram fertilissimam transferendi, vel populum sibi vicinum & forsan latrociniis per deserta Mesopotamiæ deditum



ORIGINES BABYLONICAE. CAP. VI. 143  
tum ab suis finibus amovendi, & in Babyloniam Arabibus latronibus opponendi. Verum obstare videtur unum, quod, quum Ninum Ego quoque posteriorem Mose censeam, & ad Judicium Hebræorum tempora referam, *Chaldæi* tamen, tanquam Vicini, in *Jobo cap. 1.* jam nominentur; Jobus autem vixerit ex plerorumque sententia Moſis tempore, vel jam ante eum. Aſt hæc difficultas expediri facile poteſt, quum omnium fere conſenſu Scriptor iſtius Libri Hebraici longe ſerius vixerit, id quod ex ipsis etiam locutionibus ſatis probavit Eruditiff. Spanhemius in *Hiſt. Jobi cap. 16.* Ille ergo Homines iſtius Terræ, unde venerunt prædones, qui in Camelos Jobi irruerunt, appellavit eo nomine, quo dicebantur ſuo jam tempore, & quo tunc a Lectoribus rectius poterant cognosci. Sic Arabes quoque, ut obſervavit idem Spanhemius, vocantur iſtic *Orientalēs*, non reſpectu Jobi, aut Terræ, in qua is habitavit, ſed reſpectu Palæſtinæ, in qua ille Scriptor egit. Stephanus Chaldæos antea dictos *Κηφῆνας* ait a Cepheo Perſei ſocero. Non equidem id verum credo, ſed hoc tamen accipio, quod ergo etiam ex illorum, quos ipſe iſtic ſequitur, ſententia, Chaldæi, vel certe Homines iſtius Nominis,  
ab

ab ipso initio in Babylonica Terra non exstiterint, sed quod ferius hoc Nomen istic cœperit, quum prius illa Terra alium, vel saltem alterius nominis, habuisset Populum. Nam quod Pinedo ibi ait, *Nugas has esse Græcorum, Chaldæos semper Chaldæos fuisse*, inane est. Etsi enim Chaldæi, ex quo exstiterere, semper fuerint *Chaldæi*, non inde sequitur, Homines Terræ Babylonicæ semper fuisse *Chaldæos*, aut Chaldæos non habitasse prius alibi. Satis autem paulo ante ostendimus, Ur primum & proprium Chaldæorum oppidum fuisse in Mesopotamia. Inde vero nonnulli secessisse videntur versus Septentrionem ad Pontum Euxinum, ubi itemdem *Chaldæi* vel *Chaldii* exstiterere. Vide Strabonem & Stephanum: at Alii versus Austrum in Babyloniā ab Assyriis ducti. Ceterum Chaldæi, si jam ex Mesopotamia in Babyloniā devenere, recte ab Esaia d. l. **דִּי** dicuntur, h. e, ex desertis venientes, *deserti accolæ*, ut hoc vocabulum istic exponit Kimchius. Nam Mesopotamia media supra Babyloniā erat plane *sicca & sterilis*, quam dein tenuerunt *Arabes Scenitæ*, homines *pastores*, & **אֶשְׁכִּיזִי**, *latrociniis dediti*, qui facile in alias terras migrabant, quando eos deficiebat præda & *pascuum*; ut describit eam Mesopotamia

ORIGINES BABYLONICAE. CAP. VI. 145  
miæ partem Strabo *lib. xvi. pag. 747.*  
His jam præmissis, videamus nunc denuo  
verba Eſaiæ, & inveſtigemus ſenſum, qui  
ex hiſce exoritur: *Ecce Terra Chaldæorum*  
(*Hic Populus non fuit iſtic ab initio, ſeu*  
*non fuit olim ejus Terræ populus: Affur,*  
*ſeu Gens & Rex Affyriorum ſtabilivit eam,*  
*ſeu firmam & ſtabilem ejus poſſeſſionem dedit*  
*Chaldæis ex deſertis Meſopotamiæ venien-*  
*tibus*, in quæ ſe ex Ure olim videntur  
effuſiſſe, ſicuti poſtea Scenitæ ex Arabia.  
Hi autem Chaldæi 𐤠𐤍𐤁 in Babylonia  
collocati, *exſtruxerunt* dein iſtic *Turres*  
*ejus, excitarunt palatia ejus*, atque adeo vi-  
ribus & opibus invaleſcentes reddiderunt  
ſuas iſtic Urbes munitas valde & magni-  
ficas) Hæc ergo Terra *redegit eam Ty-*  
*rum in exitium & ruinam*, quæ certe Ty-  
riis obtigit revera a Chaldæis & Babylo-  
niis, ut oſtendimus ſupra. Nihil autem  
in hac interpretatione hiulcum, nihil im-  
plicitæ aut duræ conſtructionis, nihil ab  
uſitato verborum ſenſu ad res alias contor-  
tum, ut adeo eam omnibus aliis, etiam  
a me ſupra allatis, ipſe ego jam præferam.

## CAP. VII.

*Dicæarchi apud Stephanum Byz. sententia de Babylonis origine examinatur. Babylon non est condita ab Semiramide, sed forsan ornata, vel ampliata. Condita est potius, secundum plerosque & fide digniores Scriptores, a Belo antiquissimo seu Babylonio. Herennius Philo apud Stephanum exponitur. Belus ille Babylonis conditor est ipse Nimrodus. Historia Babylonis conditæ apud Alexandrum Polyhistorum pene prorsus congruit cum Historia Sacra.*

**Q**UOD si Vir Doctissimus omnino volebat Originem Babelis dejectam ad ferius tempus, potuisset ac debuisset adferre, quod Stephanus in voce *Χαλδαῖος* ex Dicæarcho tradit, *conditam* scilicet *clarissimam Urbem Babylona juxta Euphraten a Chaldæo quodam, ita appellato, qui fuerit* XIV. *Rex a Nino, Nineves conditore, & omnes, qui Chaldæi appellabantur, in unum*  
illum



*illum locum deduxerit.* Possent hæc videri magis congrua Marshami sententiæ, siquidem ille Nini ætatem, seu Assyriacæ Monarchiæ initia, ad Trojana refert tempora, secutus Herodotum & Porphyrium potius, quam Ctesiam. Jam autem Babylonis origo in his Stephani vel Dicæarchi verbis statuitur multo recentior Nino, quippe conditæ a Rege quarto decimo post Ninum; dein referri ea videtur insuper ad aliquem ex ipsis Regibus Assyriæ & successoribus Nini, & talem quidem, qui appellatus fuerit *Chaldæus*, urbemque hanc Chaldæis proprie attribuerit. Ea autem omnia convenire aliquo modo possent in Nabonassarum, quem Marshamus *Assyrium* dicit, atque idcirco de eo accipit, quod Esaias ait: *Assur fundavit Populum, vel Terram, Chaldæorum.* Deinde Astrologi, qui fuerunt *Chaldæi*, & ita maxime appellabantur, Epocham suam a Nabonassaro, quasi suæ saltem artis conditore, demum incipiunt. Denique ætas quarti decimi Regis a Nino multum discrepare nequit ab ætate Nabonassari, siquidem Ninus vixerit circa Trojana tempora, ut vult Marshamus. Nam ita & quartus decimus Rex post Æneam fuit Amulius, vel Numitor avus Romuli, quorum tempore condita est Roma, &

incipit , licet septimo anno post , etiam Epochā Nabonassarea. Sed tamen neque Nabonassar Assyriæ fuit Rex , aut inter successores Nini unquam est numeratus : & præterea falsā sunt pleraque , quæ istic ex Dicæarcho traduntur. Nam Chaldæi appellati sunt a Chesed Nachoris Filio , ut supra diximus , & longe antiquior fuit Babylon , quam ut a quartodecimo Rege post Ninum condita demum fuerit , quippe quæ fuit , secundum Mosē , *principium Regni Nimrodei* , & prima Urbs istius Regionis , ex qua reliquæ terræ suos acceperunt incolas ; at secundum Profanos , & Orientales quidem , condita a Belo , qui longe fuit antiquior ipso Nino , vel secundum Græcos , a Semiramide Nini uxore.

Ita enim Herodotus , Ctesias , & , qui eos sequuntur , Diodorus , Strabo , Mela , Aliique quamplurimi , a Semiramide volunt exstructam primum Babylona. Sed & hoc vanum esse & falsum , consensus Auctorum , qui Chaldaicas & Phœnicias res tradiderunt , evincit. Certe Berofus , Chaldæus ipse , diserte *reprehendit* , ut antea <sup>a</sup> retulimus , *Græcos Scriptores , quod crediderint Babylonem a Semiramide Assyria conditam*. Hic ergo , & Megasthenes ,  
mul-

multique Græcorum eos secuti, ad Belum potius Urbis originem retulerunt. Vide Excerpta Eusebii ex Variis Aucto-ribus de Babylone a Gigantibus & Belo condita, *Præpar. Euang.* IX. 14. 15. 17. 18. & 41. Hinc Curtius V. 1. *Semiramis eam condiderat, vel, ut PLERIQUE credidere, Belus, cujus Regia ostenditur.* Herennius Philo Bybliensis, qui Sanchuniat-thonem in Græcam linguam transtulit, apud Stephanum in v. Βαβυλῶν, tradidit, esse eam opus *Babylonis, Viri sapientis, qui filius fuerit sapientissimi Medi*, vel potius, *Beli*, ut censent Eruditi, non vero, sicut *Herodotus*, a *Semiramide* conditam: Ea enim antiquiorem esse Urbem Babylona, duobus annorum millibus. Eustathius ad Dionysii periegesin v. 1005. eadem refert, nisi quod Urbem *Semiramide* antiquiorem dicat *mil-le & octingentis annis*. Quod ad *Babylonem Beli filium*, a quo Urbs dicitur condita, crediderim, si quid veri hæc traditio ha-bet, Belum potius nominasse filium sibi natum ab Urbe, quæ *Babel*, vel Græca pronuntiatione *Babylon*, dicebatur; quod & Gerh. Joh. Vossius de *Idolol.* I. 24. suspicatur. Et sane ita *Ninus* quoque, aut saltem *Ninyas*, nomen suum accepisse vi-dentur ab Urbe *Nino* vel *Ninive*, quæ dudum ab *Assure* fuerat jam condita; vel

certe initia sua acceperat, incertum an & Nomen, quod serioris possit videri originis, ut alia quædam oppidorum in Moisaicis nomina, & ita ab ipso demum Nino ortum, qui & Filio dein Urbis suæ Nomen dederit. Originem autem Babylonis ita videmus ab iis quoque statui longe antiquiorem Semiramide. Reprehenditur quidem hoc nomine Philo a Doctiss. Bocharto *Phal.* iv. 14. sed qui ipse decipitur communi nuper errore existimantium, Ninum Semiramidis Maritum fuisse Nimrodi, seu Beli Babylonici, Filium. Vossius *d. l.* eodem errore inductus, Semiramin hanc, quæ Babylonem dicitur condidisse vel ornasse, putat idcirco non fuisse Nini Uxorem, sed aliam incerti ac serioris longe temporis feminam; quippe quæ secundum Philonem Bybliensem vixerit minimum mille annis post Belum, quem ipse quoque Nini fuisse Patrem sibi persuadet. Verum hoc falsissimum esse supra <sup>a</sup> jam indicavimus, & pluribus probabimus in *Affyriacis*. Nonnulli veterum Belum & Semiramin conjungunt, non tanquam eodem tempore vixerint, & pariter condiderint Urbem, sed tanquam diversis temporibus ad Urbis Originem & Ornatum aliquid contulerint. Sic certe

Amm.



Amm. Marcell. *lib. xxiii. cap. 6. Babylon, cujus moenia bitumine Semiramis struxit: Arcem enim antiquissimus Rex condidit Belus. Nimirum qui Urbes olim primitus condebant, nihil ferme aliud exstruebant, quam Arcem, circa quam ædes suas statuerent cives, & in quam, si vis hostilis eos urgeret, refugerent. Sic Dido Byrsam (quod est בצרה munitio) Arcem Carthaginis, tantum condidit, Cadmus Cadmeam Thebis, Romulus Capitolium. Sed & ita Arx Athenarum longe antiquior fuit ipsa Urbe & ejus munitione. Qui autem has arces exstruxerunt, dederunt tamen Urbibus suam originem, easque ideo recte etiam condidisse dicuntur. Cum Ammiano consentire videtur Orosius <sup>a</sup>, qui ait *multos prodere, Urbem a Nimrodo gigante, h. e. Belo, fundatam, a Nino vel Semiramide reparatam. Crediderim ego, aliquid sane ad Urbis ornatum contulisse Semiramin, & verum esse, quod ait Herodotus lib. i. c. 184. multos fuisse Babylonis Reges, qui ejus Muros & Templa ornaverint, inque iis duas Reginas, Semiramin & Nitocrin, quarum illa aggeres fecerit visu dignos, quibus coerceretur fluvius, antea exundare solitus. Urbis tamen primam originem longe fuisse Semiramide vetustio-**

K 4

rem

<sup>a</sup> Lib. II. Cap. 6.

rem cenſeo, idque etiam ex eo colligendum, quod refert Valer. Max. ix. 3. *Babylonem defeciſſe a Semirami Aſſyriorum Regina, & ab ea ad illam expugnandam, altera parte crinium ſoluta, currente, in poteſtatem denuo redactam.* Neutiquam enim verofiſimile, Urbem a Semiramide ipſa conditam, vel cives in eam Urbem recens a ſe conditam locatos, ab illa ipſa ſtatim defeciſſe.

Nempe conditor Babylonis fuit haud dubie, ut volunt *plerique*, Belus antiquiſſimus, cujus *Regia, Arx, Templum, Sepulchrum*, præcipua religione iſtic culta, diu etiam poſt oſtendebantur, ut ex Strabone, Curtio, Æliano, Dionyſio Perieg. eſt notiſſimum. Neque tamen Belus ille fuit *Tyrius*, ut quidem apud Julium Firmicum ſcribit Dorotheus, Sidonius Poëta, cujus verba jam ſupra pag. 75. exhibuimus. Etenim Babylon longe antiquior fuit ipſa Palætyro, & antiquiſſimus ille Belus Babylonius diverſus fuit a Tyrio, eoque itidem prior. Neque vero fuit *Ægyptius*, quippe qui etiam longe recentior fuit Babylone, ut ſupra<sup>a</sup> jam oſtendimus, & vixit demum circa tempora Danai & Cadmi, quorum pater & patruus fuiſſe traditur. Nec denique *Aſſy-*  
*ſy*

*syrius*, qui pater fuisse Nini dicitur, & idcirco longe itidem diversus a Babylo-  
nio, qui cum Semiramide Nini Uxore  
comparatus, *antiquissimus Rex* præ ea vere  
appellatur. Quid ergo? Fuit hic Belus  
proprie *Babylonius*, ille *Antiquissimus Rex*,  
quem ideo & *Ælianus XIII. 3.* emphati-  
ce dicit τὸν Βῆλον τὸν ἀρχαῖον, *Belum illum*  
*Antiquum*. Ille vero etiam a Nebucad-  
nezare idcirco apud Euseb. *Præpar. Evang.*  
*IX. 41.* memoratur simul tanquam *Deus*  
& *Progenitor* ipsius, cum Regina *Belti*;  
quæ vox ex Feminino Syriaco vel Phœ-  
nicio τῆς *Beel* est formata. Verba sunt ὁ  
τε Βῆλος ὁ ἐμὸς Πρόγονος, ἡ τε Βασίλεια Βῆλ-  
τις. Sed & præcipua fuit istic cærimo-  
nia cultus. Vide *Jerem. LI. 44.* *Dan. IV.*  
*8.* & disertius apud *Arrian. de Exped. Alex.*  
*lib. 3.* <sup>a</sup> ὃν μάλιστα θεῶν τιμῶσι βασιλεύοντες.  
Adde & *lib. VII. p. m. 480* <sup>b</sup>. Scilicet ita  
solebant primi urbium conditores a poste-  
ris affici divinis honoribus. Hunc autem  
esse eundem, qui *Nimrodus* in Sacris ap-  
pellatur, quique primus regnasse in terra  
*Sinear* & *Babele* dicitur, nulli dubitamus,  
cum quod gentes solitæ fuerint progeni-  
tores suos, ut modo <sup>c</sup> diximus, Diis ad-

K 5

sci-

<sup>a</sup> Pag. 196. Edit. Blanc. Cap. 16.

<sup>b</sup> Ejusd. Edit. Cap. 17.

<sup>c</sup> Pag. 73.

sciscere, & in Oriente quidem *Bel* nomine insignire: tum quod Belus ille *Babylonis conditor* fuisse dicitur a profanis & maxime fide dignis Scriptoribus; Nimrodus vero a Mose: ille autem Belus, cum Semiramide comparatus, *antiquissimus* fuisse perhibetur, sicuti revera fuit Nimrodus. Denique manifeste eadem magna ex parte de Belo hoc retulit Alexander Polyh. ex Scriptis *Ἀδεσπότης* apud Euseb. *Præpar. Evang.* ix. 18. quæ Sacra Scriptura de Nimrodo. Nam ait, *Gigantes, cum Babyloniam incolerent, a Diis propter impietatem extinctos fuisse, quorum unum Belum exitio subductum Babylone habitasse, TURRIMQUE exstruxisse, & in ea vitam egisse, eamque a Belo, qui eam exstruxerat, Belum nominatam.* Vides manifeste, *Turrim* in S. Scriptura memoratam, & ab hominibus, quorum dux erat Nimrodus, erigi cœptam, tribui *Belo*. Vides etiam, Belum hunc referri inter Gigantes, qui Babyloniam inhabitaverint & propter impietatem divinitus sint extincti, plane sicuti Nimrodus in S. Scriptura a LXX. Interpretibus *Gigas* fuisse dicitur, & rebellionis, unde nomen traxit, Auctor fuit, & Dux eorum, qui contra Dei Opt. Max. voluntatem turrim istam illic exstruxerunt, & ideo non quidem extincti, sed



sed ex eo loco per orbem terrarum dispersi fuerunt. Ita vero habemus ex Profanis Scriptoribus sententiam de Babylonis origine & conditore, per se longe ceteris verisimiliorem, & S. Scripturæ pulchre consentientem; quæ Scriptura insuper veram occasionem rationemque conditæ, siue Urbis, siue Arcis & Turris, sed multis difficultatibus implicitam, Geneseos cap. xi. ubertim exsequitur; qua de re agendum deinceps.

## C A P. VIII.

*Locus Genes. xi. 1 ---- 9. exponitur, quo Secessionis primorum Hominum Historia traditur. Fuerunt omnes omnino Homines, qui tunc exstabant, pariter in terra Sinear habitantes in unius Gentis aut Populi speciem. Omnis Terra designat omnes omnino Homines. Male ex illa Omni Terra Habitantium & Urbem exstruentium in Sinear excluduntur Semus, & Heberus, cum Noacho, licet hi forsan dissenserint. Vonder Hartii sententia de*  
*Bello*

*Bello Chamitarum contra Semitas rejicitur. Filii Hominis hic notat omnes Homines. Posteritas Semi & Heberi, etiam ipsi Majores Abrahami, fuerunt idololatræ. Lingua Hebræa incertissimum est an fuerit eadem prorsus, quæ Noachi. Mutatio Linguae & Dispersio ex terra Sinear non Omnibus, nec Solis, Impiis obtigit, sed etiam Semitis. Nimrodus a Rebellionem fuit ita dictus. Nomina Homini-bus data ex Facto quodam sæpe prævaluerunt præ iis Nominibus, quæ recens nati acceperant a Parentibus. Nimrodus non modo interfuit ædificandæ Turri, sed & ejus operis præcipuus fuit Auctor, & tamen Unus cum suis retinuit terram Sinear. Nulla alia neque Familia, neque Populus exstitit, qui non, si non utramque, certe alterutram pœnam, quam vulgo statuunt Interpretes, ædificantium subierit.*

**P** R I M A Urbis Babylonicae, haud dubie omnium antiquissimae, initia, & ipsam condendae ejus occasionem, refert Moses Gen. XI. 1. . . . 9. verbis sane quidem paucis, sed de quibus, non modo Philo jam olim integrum scripsit libellum, ut scrupulos τῶ ἀριθμῶν, quod in eorum genuino & Historico sensu inesse credebat, allegoricis & figuratis interpretationibus evaderet & ipse, & eximeret aliis; verum etiam hodie in quam plurima sententiarum abeunt divortia Viri Eruditissimi, dum quærunt Consilium, quod sibi proposuerint, & Peccatum, quod admiserint, primi Babylonis Conditores. Operæ itaque pretium facturi videmur, si ipsa illa verba in principio exhibeamus, quibus hanc Historiam Moses memoriae prodidit.

1. *Erat autem omnis Terra, ait, Labii unius & verborum eorundem.*
2. *Et accidit, quum migrarent illi ex Oriente, ut invenirent campum in Terra Sinear, & habitarent istic.*
3. *Tunc dixerunt quisque proximo suo; age, formemus lateres, & aduramus eos adustione, h. e. induremus igne. Ita erant ipsis Lateres pro Lapidibus vivis, & bitumen pro luto.*
4. *Et dixerunt porro; Age, ædificemus*  
no~

*nobis Urbem, & Turrim, cujus cacumen ascendat in cœlos, & faciamus nobis Nomen, ne dispergamur super faciem totius Terræ.*

5. *Et descendit Deus, ut videret Urbem & Turrim, quam ædificabant Filii Hominum.*

6. *Et dixit Deus: Ecce Populus Unus & Labium unum sunt illi omnes; & hoc est, quod illi occipiunt id facere: Jam vero annon prohibebitur iis omne id, quod facere decrerunt?*

7. *Age, descendamus & confundamus istic Labium eorum, ut non exaudiant, vel intelligant, singuli labium proximi sui.*

8. *Et dispersit eos Deus ex illo loco super Faciem totius Terræ, & desierunt ædificare Urbem.*

9. *Idcirco vocatum est Nomen ejus BABEL, quia istic confudit Deus Labium Totius Terræ, & inde dispersit eos Deus super faciem Totius Terræ.*

Videmus ex hisce, Primos homines post Diluvium, quum descendissent ex montibus Ararat *versus Orientem*, inde movisse in *terram Sinear*, atque ibi conjunctos etiamdum *unius & Sermonis & Sedis* vinculo in *unius Populi & Gentis Societatem*, pariter aliquandiu *habitasse*, cum quia placebat potissimum hæc *Campestris*



regio, quædam quasi *Campania*, tum quia nolebant ab se invicem separari ac dispergi. Ea propter iniisse consilium figendi istic stabilem sibi sedem, & excitandi *Urbem ac Turrim*, ne fortuitis casibus aberrarent in spatium vel *superficiem reliquæ terræ*, & sic *dispergerentur*. Sed quia Deo O. M. aliter fuit visum, Eum ad impediendum Hoc illorum consilium, & cœptum jam Urbis & Turris exstruendæ opus, immisisse illis *Confusionem Sermonis*, per quam tunc *ex illo Loco dispersi sunt in reliquam terram*, & ex una Gente distracti in Varios Familiarum Populos, id quod Deus unice volebat, & sic denique in varias etiam Sermonis dialectos; ceterum ab illa *Confusione* Locum hunc vel Urbem appellatam esse dein *Babelem*. Ita vero habemus heic clarissimum in modum relata prima Babelis initia, quæ deinde per Nimrodum, cujus *Regni Caput* præ aliis Urbibus Gen. x. memoratis, erat *Babel*, qualitercumque, pro ratione scilicet & more illius Temporis, consummata, certe non plane derelicta fuere; quippe quum jam in Historia Abrahami, h. e. exiguo tempore post, *Rex Sinear* quoque memoretur, qui fuit *Rex Babelis*, & sine dubio Successor, licet non proximus, Nimrodi.

Moses autem hac Historiæ Sacræ lacinia non tam id egit, ut exponeret Babelis originem, quam ut traderet rationem & causam, per quam Noachidæ, quum fuissent antea, ut necessum erat, conjuncti lingua, habitatione, & unius Populi forma, separati ab se invicem & dispersi in diversa terrarum abierint, atque ita evaserint dein etiam Lingua & Societatis jure discreti; idque quoniam in proxime superioribus memoraverat jam ordine & nominatim *Familias Posterorum Noachi*, æque Semitarum ac Chamitarum, *ex quibus separatae fuerint Gentes*, h. e. diversi exstiterint Populi, *per Terram post diluvium*. Verum hæc ipsa lacinia, quæ ceteroqui sic satis liquida videtur, absque una & altera foret difficultate, de quibus ex professo agemus, variis tamen interpretationibus, in contraria sæpe discedentibus, & complures rei gestæ circumstantias, quas Scriptura S. ignorat, nec desiderat, sed respuit, comminiscentibus, non parum insuper obscuratur. Nos itaque, ut totam rem ordine excutiamus, & quantum potest, expediamus, investigabimus Primo, de quibus hic agatur, utrum de toto Hominum, qui tunc exstabant, Cœtu, an de quadam eorum jam ab se invicem separatorum Parte: Dein, utrum

utrum Res ipsa, quæ narratur, Historice, Proprie, & Simpliciter primitus sit explicanda, an vero ipsæ locutiones & vocabula statim Allegorico & Typico sint sensu accipienda: Tum, quid Consilii Homines ceperint, & quid, quo animo, qua causa, sint aggressi: Postea, qua ratione, modo, eventu, Deus consilia eorum & cœpta inhibuerit ac impedierit: Denique, quo tandem tempore, utrum in ipsis natalibus Phalegi, an propecta jam ejus ætate, omnia hæc evenerint.

Primum illud, utrum videlicet de *Omnibus* Terræ incolis Moses loquatur, an vero de *Quibusdam*; seu, an omnes omnino, quique in hoc Universo erant, in Terram Sinear venerint, & adfuerint, quum dein Urbs & Turris ibi exstrueretur, nec ne; id vero in controversiam vocari quo colore potuerit, vix video, quum tam diserte S. Scriptura heic memoret כל הארץ *Omnem Terram*, eaque phrasi omnes Homines, qui *Terram*, de qua agitur, sive Universam, ut heic, sive peculiarem, ut sæpe alibi, incolunt, denotare soleat. Adeo certum hoc est, ut idcirco id, quod omnium primum hic dicitur de *omni Terra*, fuisse eam *unius Labii* & *Sermonis*, Interpretum pene cunctorum, immo cunctorum, quos vidi,

L

abs-

absque uno effret Hartio , consensu , de omnibus omnino Hominibus , qui ante hanc dispersionem vel unica fuerint usi Dialecto , vel idem senserint , accipiatur dictum. Quæ igitur ratio est , sequentia , quæ item de *Omni Terra* sine ullo discrimine prædicantur , restringere ad *Quosdam* , & proprie ad *Chamitas* , quum S. Scriptura continuo subtexit , *Et accidit , quum migrarent illi ex Oriente , ut invenirent* &c. Qui , obsecro , sunt istic ita δεικτικῶς *Illi* , nisi qui in proxime superioribus jam fuerant designati , & quidem per *Omnem Terram* , quam ipsi utique Interpretes illic , ut dixi , interpretantur *omnes Totius Terræ Homines* ? Sed quid in his hæreo , quum ipsæ illæ primi paragraphi phrasés quoque in sequentibus disertissime de iis Hominibus , qui Urbem & Terram construere cœperunt , repetantur ? Nam sic non modo §. 6. dicuntur itidem omnes illi ædificantes esse *unum Labium* , sed & §. 9. ædificantium Historia concluditur ea ipsa phrasi , qua §. 1. cœperat , nempe quod Deus *istic loci confuderit Labium OMNIS TERRÆ*. Quid expressius haberi potest , ut constet ædificantes istos fuisse illam *OMNEM TERRAM* , seu Omnes totius Terræ incolas , qui in §. 1. illa locutione designati , dicuntur fuisse

*Unum*



*Unum Labium* vel *Unius Labii*? Adde jam, propositum id Mofi, ut doceat causam & rationem, per quam genus Humanum ab uno Noacho ortum, cum hoc ipso suo Progenitore in unius adhuc Familiæ, Populi, & Loci multitudinem conjunctum, ab se invicem in varias oras & Gentes primum discesserit, vel distractum fuerit: Quod breviter eadem hac phrasi Cap. IX. §. 19. jam præmiserat, *Hi sunt Tres Filii Noachi, & ex illis dispersa est, vel diffudit se, OMNIS TERRA*, h. e. orti sunt Omnes diversi & separati ab se invicem totius Terræ incolæ: Utrobique, hic per occasionem & obiter, at istic ex professo, memoratur Eadem *omnis Terræ* dispersio. Necessum itaque, necdum ullam antea factam jam secessionem: tum, in hac causa antiquissimæ seu omnium primæ dispersionis conjunctos etiamdum & præsentis fuisse omnes Noachi posteros: denique, in Terram Sinear ergo venisse, & ibi habitasse, quo tempore Urbs & Turris istic ædificari cœpta, omnes totius Terræ Homines: quod, licet putem certissimum, in hac tamen controversia vere est totius rei Caput. Nam an in hanc ædificationem *consenserint & manus admoverint Omnes* sine ulla prorsus exceptione, etiam Noachus & Semus; id enimvero neutiquam

affirmaverim , neque affirmari opus est , quum recte ab omni populo communiter factum dicatur , a quo tamen unus & alter ex populo forsan dissenserit aut abhorruerit.

Mihi itaque res adhuc est cum illis , qui negant , quod modo tam clare probatum ivi & dedi , *Omnes omnino Homines in terra Sinear conjunctim ad instar unius populi habitasse ;* & porro ab illa habitatione , ædificatione , ac dispersione excludunt posteritatem omnem , vel aliquot saltem Familias , Semi , ut faciunt plerique , alii acrius & confidentius , alii parcius & modestius. *Communis sententia tenet* , ait Clariss. Vir , Christ. Schotanus , in *Hist. Sacrae Ætate Secunda* , pag. 48. *omne genus Hominum , præter Domum Sem , coactum in unum , Babylona exstruxisse , & Turrim illam .* Mox de se pag. 49. *Crediderim Ego etiam , Familiam Sem ædificationi non interfuisse .* Et , *Arbitror Homines in Orientalibus Regionibus ultra Tigrim conjunctim aliquandiu habitasse , inde cepisse consilium se dispergendi per Orbem ; ideo simul SINE DOMO SEMI se recepisse versus Occidentem , h. e. in Terram Sinear .* Disertius agit & nominatim eximit pag. 50. 51. quasdam Semi Familias , quas mansisse censet in Oriente , *nec adfuisse structuræ , licet*

par-

*partem Semi posterorum, quæ in Mesopotamiam concessit, simul profectam ad ædificandum illud opus, tandem tamen largiatur. Eadem est sententia Marshami in Chronico Sec. XVII. pag. 478<sup>a</sup>. Neque Urbis hujus Conditores habendi sunt Filii Hominum, b. e. Infideles illi, qui post Diluvium ab Oriente profecti consederunt in valle Sinear, & conati sunt ædificare Urbem & Turrim. Nam & ipse, ut patet, per Filios Hominum intelligit solos Infideles, eosque solos in Terram Sinear profectos, solos ibi consedis-  
se, & ædificare Urbem conatos autumat. Neque aliter hæc interpretantur, aut sentiunt, ut mox videbimus, complures alii.*

Sed longius insuper progrediuntur Georg. Hornius, hujus quondam Academiæ Professor, & Herm. vonder Hartius, qui Linguas Orientales in Academia Julia publice docet. Ille enim ad Sulpicium Severum, qui in *Hist. Eccles. lib: 1.* Homines diversa Loca atque Insulas jam habuisse, quando adhuc una tantum omnes lingua utebantur, deinde vero se in unum contraxisse & Turrim facere aggressos tradit, priora ejus amplectens, posteriora repudi-  
ans, censet, ante hanc ædificationem secutamque ædificantium dispersionem, factam jam fuisse aliam, & quidem primam

L 3

Or-

*Orbis divisionem, in qua Assyria, Babylonia, Syria, Cananæa jam habitatæ fuerint, atque adeo neque hosce populos inter Turris Conditores fuisse: neque causam existitse, cur, qui jam ante diversa Loca & Insulas tenuerant, denuo in unum locum cogerentur: Sed de his agemus infra ex professo. Hartius vero in Ephemeridibus philolog. Disc. 3. non modo secessionem ante hoc tempus jam factam, sed & diuturnum comminiscitur bellum inter Semitas & Chamitas, qui cum in Oriente copias suas duxissent per varias Regiones non sine præliis aut excursionibus variis in Semitas, loca quæssiverint Castris & Munitioni apta, duce Nimrodo; invenerintque & occuparint Terram planissimam in Sinear, ibique posuerint castra, & Urbem muris ac turribus celsis munitam exstruxerint. Verum Ego Hunc fane, Virum ceteroqui Doctissimum, nescio, serione agat, an in re Seria intempestive ludat, & fabulam nobis narret, siquidem Moses diserte & simpliciter, sine ulla exceptione aut distinctione, *Omnem Terram*, h. e. omnes totius Terræ incolas, in hanc Historiam conjungit, nedum ut his illos opponat, aut belligerantes inter se, palam aut tacite usquam significet. Quapropter, & quia non disputat Vir Clarissimus, sed tantum, arbitrato suo, rem ita*



gestam παραφραστῶς enarrat, nihil habemus aliud, quod ei reponamus, nisi ut omnia simpliciter, quemadmodum ab Eo sine ullis rerum documentis affirmantur, Nos vicissim negemus, tanquam ab Scripturæ S. verbis alienissima. Nam ubi in tota hac Dispersionis & Babelis Historia vel minimum vestigium Secessionis Noachidarum ab se invicem jam antea factæ? ubi Belli Chamitarum contra Semitas? ubi Munitionis contra Hostes, aut plus quam *Habitationis*, exstruendæ? Fingit Chamitas *servitutis* denunciatione a Noacho facta territos & irritatos, eam omni ope amoliri studuisse. Si ita, quæ potest tum dari causa, quare Moyses non eum *servitutis metum* æque, ac Hartius, memorasset, potius, quam unum ac solum *dispersionis cavendæ* studium? quare non itidem Chamitas ille vel semel nominasset potius, quam *Omnem Terram*, quæ ita simpliciter & absolute nominata nihilo plus relationis ad Chamitas, nusquam hic memoratos, habet, quam ad reliquos Homines. Narrat porro nobis Odium Chami & Chamitarum in Semum & Japhetum criminis ab se commissi proditores, & quibus pariter idcirco ex Noachi denunciatione esset *serviturus*, at dein calide, pene dixerim, certe de industria,

omittit prorsus in bello ab se excogitato Japhetum, nulla ejus rei data vel minima ratione, quum tamen Odium illud & ejus causa ad hunc æque ac ad Semum pertineret. Sed ita dein commodius obtrudere nobis potest Hostes Chamitarum *Inferiores Viribus*, & *Minores Chamitis*, & ideo *interitum* ab His metuentes, quum ceteroqui, si in belli ipsius societatem, æque ac in ejus causam, seu Chamiticum odium & metum, admisisset Japhetitas non minus quam Semitas, alienissimum id futurum fuisset commentum, quippe quum vel sic nulla constet ratio, quare Semitæ etiam soli tanto fuerint Chamitis inferiores. Exponit quoque *Omnem Terram*, quæ fuerit *unius Labii*, de solis Chamitis, quia *in Scriptura* hæc phrasis *centies notet certam regionem & totam quandam Gentem*. At notat illa tunc semper Gentem certæ Habitationis, & cognitæ Regionis. Quæ vero illa terra vel regio, cujus respectu Chamitæ soli, antequam venissent in Terram Sinear, dicerentur *Omnis Terra*, h. e. omnes incolæ unius & certæ terræ? quum ipse fingat, *eos duxisse in Oriente copias suas per VARIAS REGIONES*, & *quæsiuisse* continuo *loca munitiioni apta*, quæ invenerint tandem in Terra Sinear, *Munitiioni*, si

credimus, *aptissima*, licet *planam* illam fuisse & *irriguam* & *campestem* regionem agnoscat ipse, in quali tamen regione olim munimenta & arces vix unquam excitabantur, sed semper fere in colliibus. Quam vero speciem præ se ferunt hæc verba tam simplicia, *Omnis terra erat unius Labii*, ut inde extorqueas Bellicam *Quorundam* contra Alios *conspirationem*, si maxime *unum Labium* hic notet consensum? Quid immo aliud ex iis verbis sic acceptis elicias, quam omnem Terram fuisse inter se plane concordem? quod ita absolute dictum nihil mali aut vitii continet. Sed tempus perdere me arbitror, quod hisce refutandis impendo, quæ ferio & bona fide nobis inculcata, persuadere mihi non possum.

Reliquorum *πρῶτον ψεύδος* est, quod præjudicatum habeant fumantque, ac si Homines *exstruenda illa urbe ac Turri*, & *faciendo sibi Nomine*, rem per se malam & improbam fuerint aggressi, graviterque eo ipso peccaverint. Inde enim factum, ut pro Peccati istius pœna acceperint *secutam Dispersionem*, licet Hujus mox fere obliviscantur, & *Linguae Mutationem*: atque ideo non modo Noachum, Semum, & quique fuerunt vere Pii, sed & omnes eos, qui Linguam pristinam

L 5

post

post dispersionem retinuisse creduntur, licet dispersi ex terra Sinear æque ac reliqui, operis tamen istius & peccati expertes censuerint, idque ipsum peccatum arripuerint dein in reliquæ rei probandæ documentum, æque ac illud, quod Moses istos ædificantes non tantum *omnem Terram*, sed semel etiam, nempe §. 5. **בְּנֵי הָאָדָם** *Filios Adami*, vel *Hominis*, vocat. Hoc enim jam Augustinus *de Civitate Dei*, xvi. 5. interpretatur in hac Historia, non *Filios Dei*, sed *illam Societatem viventium secundum Hominem, quam Terrenam dicimus Civitatem*. Disertius illustri Bochartus, *Phal.* i. 10. *Sic insinuat Moses, solos Filios Hominum, id est, solos Infideles, isti operi se mancipasse: Unde factum, ut ii omnes, qui Fœderis erant participes, id est, Abrahami proavi usque ad Noam, a pœna fuerint immunes*. Sequuntur eum Alii, & hac utuntur omnes ratione, quod Genes. vi. 2. *Filii Hominum* opponantur *Filiis Dei*. At vero nulla prorsus hic loci deprehenditur oppositio, & ubi ea non reperitur, istic equidem phrasis illa indubie notat omne Hominum genus. Sic Deuteron. xxxii. 8. *Quum in hereditatem mitteret Excelsus Gentes, quum separaret Filios Hominum*. Et Eccles. iii. 19. *Nam Exitus Filiorum Hominum est, ut*



*exitus Bruti, unus utrisque est exitus. Imi-*  
*tati sunt hanc locutionem istoc sensu etiam*  
*Scriptores Novi Fœderis. Idcirco Mar-*  
*cus III. 28. ὅτι πάντα ἀφεθήσεται τὰ ἁμαρ-*  
*τήματα τοῖς τέκνοις τῶν ἀνθρώπων: at Mat-*  
*thæus<sup>a</sup> eandem rem tradens, pro eo sim-*  
*pliciter dicit τοῖς ἀνθρώποις. Similiter Pau-*  
*lus Eph. III. 5. ὃ ἐν ἐτέραις γενεαῖς ἔκ ἐγνωρίσθη*  
*τοῖς υἱοῖς τῶν ἀνθρώπων, ὡς νῦν ἀπεκαλύφθη*  
*τοῖς ἁγίοις ἀποστόλοις αὐτῶν: quod in aliis sæ-*  
*culis non ita innotuit filiis Hominum (h. e.*  
*simpliciter Hominibus, æque electo Dei*  
*populo, ac aliis) uti nunc revelatum est*  
*sanctis ejus Apostolis. Idem ergo hæc phra-*  
*sis in loco, in quo explicando versamur,*  
*notat, tanto certius, quia hi Filii Homi-*  
*num bis ibidem designantur appellatio-*  
*ne Omnis Terræ, quæ apertissime traditur*  
*in Regione Sinear & ipso opere fuisse con-*  
*juncta, & cujus totius Labium istic Deus*  
*confudisse dicitur.*

Sed negat Buxtorfius, in *Dissertationi-*  
*bus Philol. Theolog. p. 70. probabile, Noa-*  
*chum, Semum, Japhetum, aliosque pios Pa-*  
*tres in tam insanum & impium opus consen-*  
*suros fuisse, vel operam suam illi locaturos,*  
*aut certe, si illi ADFUERINT, tum illud*  
*omnibus modis dissuasisse & impedire conatos*  
*fuisse, ut ne sic quidem inter auctores cense-ri*  
*pos-*

*possint, aut debeant.* Acrius idem urget Vir Eruditissimus, Steph. Morinus in novissimis *Exercit. de Linguis* cap. 8. p. 47. *Absque atroci injuria, inquit, Semus aut Eber non possunt nefariorum horum consiliorum participes haberi, præsertim quum minima quidem fiat eorum mentio in conjurationis Historia, potuerintque in oppido ab ipsis condito ad radices Ararat post diluvium aliquandiu permanere, dum liberi longe lateque dispersi vicinas regiones occupare satagebant. Hujus oppidi meminit Elmacinus. Et mox, Eberum cunctis Regionis SUÆ incolis declaravisse, ut a nefaria conjuratorum societate sibi caverent. Dico Ego iterum, Adfuisse haud dubie, licet nulla eorum nominatim fiat mentio, sed neque Chamitarum fit, aut ipsius Nimrodi; comprehenduntur enim omnes generali illa, nec sane minima, totius Terræ, mentione. Certe nullam in separata oppida & Regiones, ac Regionum incolas dispersionem secessionemve jam factam patitur tota Mosaicæ narrationis ratio. Utrum vero consenserint, ac participes fuerint, nec ne, alia est quæstio, quam quia S. Scriptura nullo prorsus modo definit aut decidit, neque nos asseveranter decidere par est. Præsertim quum opus illud, simpliciter & per se seorsim consideratum, fuerit plane ἀδιάφορον, ut*

infra ostendemus, certe non tam *impium* & *nefarium*, ut *absque atroci injuria* Semi, Japheti, Eberi assensus in illud statui minime possit. Quid vero? Si maxime in Turri exstruenda fuit peccatum, ut fuit haud dubie, eo quod Homines non auscultarunt Noacho, an non potuerunt illi quoque nimio quodam solitudinis metu fuisse istius culpæ participes? an nunquam ulla vel minima in re peccaverunt illi? nunquam Abrahamus, Moses, David?

Sed tamen, quoniam haud dubie illud opus contra voluntatem Dei fuit susceptum, & eam cognitam habuisse saltem Noachum, verisimile est, crediderim lubens & Ego, eum his consiliis contraxisse, & quantum in se, obstitisse, sed frustra, quum humanæ rationes, de quibus infra, prævalerent apud ceteros. Neque hoc mirari par est, quum utique, quod omnino contra illam Doctissimorum Hominum rationem notandum, ipsa Semi & Heberi Familia, ipsi majores Abrahami, Vivo etiamdum non tantum Hebero, & Semo, sed ipso etiam Noacho, in longe multoque gravius Idololatriæ crimen inciderint, Deosque alienos coluerint. Diserte id Josuas nomine Dei significat Israëlitis, xxiv. 2. *Majores eo-*

*rum ultra Euphratem habitantes, & ipsum Theram, Patrem Abrahami, coluisse Deos alienos; monetque ideo eos §. 14. ut colant Deum, amoveantque Deos, quos coluerint Majores illorum ultra Euphratem. Atque hinc est, quod Laban quoque diversos fecit Deum Abrahami, ac Deos Nachoris & Patris, qui erat Thera, Genes. xxxi. 53. Quid? quod in ipsa Semi familia alteri alteros bello jam invaserint, spoliaverint, in servitutem abstraxerint, vivo, si non amplius Noacho, certe Semo? Factum id enim nemo, opinor, negabit, qui ætatem Semi contulerit ad ætatem & vitam Abrahami, tot jam servos habentis, ut iis instructus & comitatus, Cedorlaomerum Regem Elamitarum (qui erant Semitæ) cum Sociis, qui pariter invaserant quinque alios Regulos, & Lothum inter ceteros in servitutem abduxerant, ceciderit, & in fugam egerit. Ecquis ergo mirabitur amplius, Noacho non obtemperavisse neque Semi aut Heberi familiam in opere, ad inhibendam evitandamque Dispersionem in solitudines, quam tantopere horrebant, solum cœpto. Neque iste dissensus Noachi, forte tamen & aliorum, sed paucorum, impedimento est, quo minus recte dicantur opus illud aggressi OMNES universæ*

Ter-



Terræ homines, eundem in locum & Populum etiamdum conjuncti; quod unum adhuc in quæstione versatur.

Sed regerunt, *Posteritatem Semi & Heberi peccati illius*, h. e. turris ædificandæ, *participem non fuisse*, idque constare ex eo, quod *immunis fuerit a pœna opus hoc consecuta*, siquidem *Linguam Hebræam inviolatam in Linguarum confusione retinuerunt*. Sic loquitur Buxtorfius *d. l.* Similiter sentiunt & tradiderunt jam olim Chrysostomus *Homilia xxx. in Genesin*; nuper Fullerus *Miscellan. Sac. IV. 4.* Schotanus *Bibl. Sec. Æt. pag. 91.* Heideggerus in *Hist. Patriarch. Exerc. XXI. p. 640.* & præter plures alios novissime Steph. Morinus *pag. 44. & 68.* Mira vero mihi sane videtur hæc argumentandi ratio. Nam primo incertissima res est, & adhuc sub iudice pendet, an *Lingua Hebræa*, prout ejus reliquias Sacer Codex nobis servavit, sit plane antiquissima illa, quæ ante dispersionem omnium Hominum communis fuit: idque ita, ut omni ex parte manserit eadem, seu integra, & illibata; quum certum sit, & rerum documentis constet, *Hebræam* itidem, ut alias, fuisse mutationi per longos temporum tractus, casusque humanos, obnoxiam, & varietates dialectorum per diversa loca exper-

tam,

tam, immo alia atque alia diversis temporibus ad eandem rem significandam adhibuisse vocabula. Jam vero, si vel Hoc certum est, vel Illa saltem illibata integritas demonstrari nequit, tum vana prorsus est omnis ista argumentatio, quum & reliquæ Orientis Linguæ non adeo longe a primitiva recesserint. Deinde falsum utique, Semi, immo & Heberi, *posteritatem* simpliciter & in universum retinuisse aut usurpasse deinceps linguam, quæ Hebræa dicitur, quum ea solius dein Israël posterus fuerit propria; Israël autem octavo fuerit gradu ab Hebero, undecimo ab Semo, remotus. Egregium, medius fidius, argumentum: Lingua Hebræa, quæ creditur, non probatur, nec probabitur unquam, fuisse prorsus illa ipsa Adami & Noachi lingua, fuit deinceps propria unicæ *Semitarum* genti, per abnepotis demum abnepotem ab *Hebero* ortæ, non Idumæis, non Ismaëlitis, non Chaldæis, non Cognatis Abrahami, non tot aliis nepotibus vel familiis *Heberi*, nedum tot populis ab *Semo* genitis, qui omnes alias habuerunt linguas; Ergo *Semus* tamen & *Heberus*, eorumque Liberi, statuendi sunt propterea expertes peccati, & pœnæ, quæ exstructionem Turris dicitur consecuta, & constitisse in Lin-

gua-

guarum diversitate, ex una pristina in varias novas distracta. Si dicent, quod tandem plerique, postquam diu disputarunt, & multas consumserunt paginas, dicere & fateri coguntur, reliquos etiam Semi & Heberi posteros aliquandiu post dispersionem pristinam linguam retinuisse, ita saltem, ut alter alterum, diversarum licet essent familiarum, intelligere possent; sciendum est, eodem modo sese rem habuisse inter posteros Japheti & ipsius Chami, ut ex Scriptura S. constat, & agnoscunt ipsi illi Eruditi, statuentes denique, quod unicum adhuc in his volo, Linguarum varietatem non momento temporis ortam, sed sensim post dispersionem natam, ut secundum naturalem rerum humanarum cursum fieri solet, & necessario debet, fieretque etiam nunc, si complures unius Linguae Homines cum suis familiis in perpetuum ab se invicem secederent in diversas plane insulas. Sed de eo nos uberius in sequentibus, ubi pervenerimus ad exponendam *Labii confusionem*, quæ Dispersionem præcessit. Vide interim Clar. Heideggerum pag. 652. 653. & audi ipsum Morinum pag. 96. *Quamobrem* convenit existimare, eandem fere fuisse rationem Linguarum Chananæ, Phœnicæ, Chaldaicæ, Arabicæ, & forsitan etiam Ægyptiacæ,

*ptiacæ, in primo mutationis exordio, atque tantam cum Hebræa conservasse similitudinem, ut Ebræi cum gentibus potuerint agere, & utilia habere colloquia. Si ita, quæ ergo ratio est, majores Israëlitarum, Sæmum, Heberum, eorumque familias, quæ jam tum exstabant, magis statuendi immunes a Pœna, quæ ponitur in mutatione pristini Sermonis, & ideo etiam a Peccato: quam Arabum & Cananæorum majores, Chamum scilicet, Canaanem, Cuschum, & Nimrodum; quum ita omnes Linguae, post immissam extraordinariam Labii confusionem, secutamque dispersionem, sensim demum ab una primitiva, eodem modo, sed aliæ plus, aliæ minus, secesserint?*

Certe si qua in hoc argumento vis inesset, longe speciosius & validius eo juvaretur Hornius ad Sulpic. Severum pag. 21. ubi, quum tradidisset factam jam antea *aliam orbis divisionem*, perque eam jam *habitatas Assyriam, Babyloniam, Syriam & Cananæam*, id ait patere exinde, quia, cum *diversa origine essent, ex Semo & Chamo, omnes tamen primitivam Linguam Hebræam retinuerunt. Non ergo inter Turris conditores fuisse earum Gentium Majores, sed illarum Gentium fuisse, quarum Linguae in totum ab Ebræa aliæ sunt.* Refutat quidem hanc



hanc illius sententiam Doctiff. Schotanus, pag. 42. sed nihil plane adfert, ex quo liqueat dispar ratio unius ejusdemque argumenti, quare scilicet ex eo concludendum Semi & Heberi familias fuisse condendæ turris expertes, non item Chami & Canaanis familias. Nam nihili est, quod unum ait, *Etsi Chus, Canaan &c. adfuerint, & occupati fuerint in eadem vanitate, POTUIT Deus in illis Veterem loquendi ritum conservare, quia in vicinis locis remansuri essent.* Atqui non quæritur, quid Deus potuerit vel non potuerit fecisse, sed quid ex eo, quod animadvertitur in mutanda vel non mutanda gentibus Lingua revera fecisse, colligendum sit de Majoribus earum gentium, utrum inter conditores Turris propterea tantum sint referendi, nec ne. Nam iniquum profecto, Te eodem argumento uti ad eximendos ei numero, quos velis, eandem vero conclusionem negare aliis, nisi habeas, quam in medium afferre possis, rationem liquidam & certam, cur aliis neges, quod tibi largiris. Neque vero pluribus hanc rem exsequitur Cl. Heideggerus, ut illud argumentum, a se quoque pro Hebero & Semo adhibitum, extorqueat Hornio, nisi quod addit pag. 639. *Non retinuerunt* (Canaanæi &c.) *primiti-*

nam linguam puram & limpidam. Varietas autem Dialecti, & evidens discrepantia à Matre, supplicii loco esse potuit. Sed hæc varietas & discrepantia etiam in ipsa Israë-  
litarum lingua deprehenditur, quæ item non mansit prorsus eadem. Rectius longe docet ibidem, Canaanem & Nimrodum fuisse in exstruenda turri haud dubie vel præcipuos. Sed ex eo constare ergo debebat, nihil ex illo linguarum posteriori temporis argumento elici posse, ad constituendos quosdam magis, aut minus, quam alios, Turris Babylonicæ conditores, quum Cananæi quoque pristinam retinuerint Linguam, & Turrim condiderint tamen eorum Majores vel præcipue, eosque potissimum Auctores operis secuta sit Omnis Terra, omnes Filii Hominum, licet forsan dissenserint Noachus, Semus, & Heberus, qui tamen vel sic adfuerunt, h. e. una cum reliquis hominibus, sicuti una eademque tunc utebantur lingua, ita pariter in eodem loco, vel Terra Sinear, vixerunt & habitarunt.

Præterea si Linguae Pristinæ Mutatio in poenæ tam gravis & horrendæ censum est referenda, tunc certe Dispersio, quam tanto opere volebant evitatam, longe graviore pro poena omnino erit habenda, quippe quum eam illa Linguae mutatio

naturaliter ( ut incerta est semper, & constans in inconstantia sua, rerum humanarum indoles ) & necessario sequi debuerit ; & præterea nullum separatis jam gentibus, modo singulæ secum invicem facile confabulari poterant, ut potuerunt, notabile attulerit incommodum vel malum ; neque ullum præ aliis Populis præcipuum Hebræi sua ex Lingua perceperint usum fructumve. Jam vero, quum constet pene inter omnes, Nimrodum in ea Terra, ex qua Deus homines dispersit, vel *mansisse*, ut ait <sup>a</sup> Josephus, vel certe paulo post sedes denuo fixisse, & regnasse, siquidem *caput ejus Regni* dicitur Genes. X. *fuisse Babel*, quis non videt, quanto igitur potiori jure statuendus ille esset non modo immunis, ut revera fuit, a præcipua facti poena, quæ est ista *Dispersio*, sed & ab ipso facti seu peccati consortio ; quandoquidem, si Semus & Heberus propterea, quod una ex tot gentibus a se ortis pristinam creditur retinuisse linguam, expertes peccati existimantur, multo magis Nimrodus expers censeretur debet, ut qui ipse, quum reliqui, etiam Semus & Heberus, terram Sinear per causam istius Dispersions reliquerint, eam vel retinuit vel paulo post repetiit, certe deinceps pos-

M 3

se-

<sup>a</sup> Vid. supra Pag. 43.

sedit? Hunc tamen Nimrodum Buxtorfius aliique ἐργαδιώκτην & signiferum illius ædificationis statuunt; neque id sine ratione. Sed tamen quomodo hæc eorum sententia cum argumento, quod a Linguae primitivæ Mutatione, tanquam poena facti, petunt, congruat, viderint ipsi. Certe Vir Summus, Sam. Bochartus, sensit sic satis hujus retorsionis vim, & idcirco in suo *Phalego d.l.* solus, ut opinor, existimat, *Nimrodum non fuisse ex illorum numero, qui Turrim exstruxerint, sive tum Puer fuerit, seu nondum natus.*

At vero mera est hæc quoque conjectura, quæ everti facillime potest alia item conjectura, sed longe probabiliore, & ab ipso Viro Summo allata, qua statuitur *Nimrodus* ita a *rebellione* dictus. Recte omnino. Sed a qua quæso rebellionem? Nisi ab ea, qua quum etiamdum conjuncti essent omnes totius Terræ homines, Nimrodus contra Noachi consilium, sententiam, factamque haud dubie ab eo voluntatis divinæ denunciationem, reliquos tamen, addictos sibi, homines incitavit ad obviam eundem dispersioni, & exstruendam ea gratia Turrim. Certe nihil aliud ex eo tempore in S. Scriptura memoratur, quod contra voluntatem Dei, per Noachum, ut credi par est, hominibus signi-



significatam, sit factum, atque adeo Nomini a *rebellione* formato occasionem præbere potuerit. Neque vero hoc Nomen, quod proprie notat *rebellemus*, vel *rebellabimus*, ejus est generis, ut filio recens nato videatur impositum à Parentibus. Solent enim hi, quando Nomina liberis induunt, faustioris sensus & melioris ominis quærere appellationes. Crediderim ergo, Hominem hunc, utpote venatorem ferocem, & sodalium comitatu succinctum, semper in ore habuisse, & ingeminasse, ad reliquos in rebellionem excitandos, illud, נמרוד נמרוד h. e. *rebellemus*, *rebellemus*; atque inde postea ab aliis, etiam ab ipso Mose, hoc vocabulo, tanquam proprio Nomine, designatum. Sæpius enim illud accidit olim, & accidere etiam nunc solet, ut Homines a vocabulo quodam, quod frequenter & notabiliter usurpant, cognomen primo accipiant, idque tandem in Nomen eorum Proprium transeat. Sic apud Tacitum *Ann. I. 23.* Centurioni cognomen *Cedo alteram* indidisse leguntur Milites, *quia fracta vite in tergo militis alteram, ac rursus aliam, poscere solebat.* Similiter apud Senecam *Suasor. II.* Senecioni, *qui cupiebat Grandia dicere, adeo ut novissime hujus rei morbo & teneretur & rideretur, ex eo impositum est cognomen, &*

*vocari cœpit GRANDIO.* Neque alia ratione Antigonus, qui Macedoniae ante Philippum Persei patrem præfuit, dicebatur, ut refert Plutarchus <sup>a</sup>, Δῶσων, *Daturus*. Scilicet, quia illud, δῶσω, δώσω, *Dabo, Dabo*, magis ore promptum habebat, quam rebus ipsis præstabat. Denique in ipsa S. Scriptura Judic. vi. 32. Gideoni nomen datum dicitur *Jerubbaalis*, quia pater ejus continuo dicebat, הבעל *contendat contra eum* Gideonem *ipse Baal*, quia destruxit altare ejus. Liquet porro illud quoque ex ultimo hoc exemplo, Scriptores sæpe Cognomen, alicui ex casu quodam impositum, pro pristino & Proprio ejus Nomine usurpare, siquidem Gideon aliquoties deinceps simpliciter *Jerubbaal* vocatur. Idque adeo frequens est, ut multorum etiam clarissimorum Hominum genuinum seu pristinum nomen vix ex Historiis hodie sit cognitum, immo multorum haud dubie plane sit oblitteratum. Nam quotusquisque est, qui Protesilaum alio nomine novit, quod fuit *Jolaus* <sup>b</sup>, aut Electram Agamemnonis Filiam,

cu-

<sup>a</sup> In Vita Coriolani pag. 218. & Paulli Aemilii pag. 258. Edit. Francof.

<sup>b</sup> Ita Hyginus *Fab. CIII.* De Chlorigestis in Pausaniae *Corinthiacis Cap. XXI.* de Olympiade in Justino *Lib. IX. cap. 7.* de Priamo in Apollodoro *Lib. II. cap. 6.* & Hygino *Fab. XLIX.*



lum vel minimum rebellionis , aut rei , contra voluntatem Dei a Noacho haud dubie prædictam factæ , vestigium in illo tempore occurrit , præterquam in illa Urbis & Turris Babylonicæ exstructione , quis dubitare tum possit , ejus operis participem , immo Principem & Ducem , fuisse Rebellem Nimrodum , tanto magis , quia etiam postea immorigero & pervicaci animo Babelem repetiisse , & *Regni sui Caput* habuisse videtur ?

Neque vero in expositam supra sententiam delapsus fuisset Bochartus , nisi & ipse nimium tribuisset argumento illi ab operis pœna , Linguæ scilicet pristinæ Mutatione , & Hominum Dispersione , petito , in quo refutando versamur. Nam  
ait,

Poëtas Latinos semper longa est ; & Caci foror , de qua nihil eorum , quæ de illo , proditum est , quæque Herculi indicium furti fratris fecit , *Caca* vocata , ac deinde divinis honoribus culta est. Vid Servium *l. d.* & Lactantium *Lib. I. cap. 20.* Nec Grammaticis in his rebus multum tribuendum est , quorum etymologiae saepe vanæ & incertæ , immo plane falsæ sunt. Non improbabilis est conjectura famoso huic latroni jam inde a prima ætate nomen fuisse *Caco* , & Graecos ad suum κακός respicientes dixisse , vere *Cacum* esse : quemadmodum apud Spartianum in *Severo Cap. XIV.* quidam dicebant , *Severum esse vere Imperatorem nominis sui.*



ait, *alioqui*, si scilicet ex illorum numero fuisset Nimrodus, *cladem communem non evasisset*, atque illi cum ceteris fuisset *alio migrandum*. Putat igitur, post illam *cladem*, terram Sinear jacuisse aliquot annis *desolatam*, donec Nimrodus, jam scilicet *natus*, immo *adultus*, & ex pueris egressus, eo se conferre est ausus cum Chusæorum manu, ut opus Majorum suorum dudum interruptum continuaret, & perduceret ad umbilicum. Sed patebit ex sequentibus, illam hominum dispersionem non in tristes utique singulorum solitudines factam, sed in familias & societates plurium, neutiquam habendam ingentis pœnæ loco, sed simpliciter pro effectu voluntatis divinæ, immo, ut ipse Bochartus loquitur *lib. 1. cap. 16. generi Humano fuisse utilem*, seu, ut Aben Ezra ad h. l. *fuisse bonam*. Quapropter quæcunque ex ea elicit & putat Vir Eximius de *terræ Sinear desolatione*, & post aliquot annos Nimrodi, tunc jam *nati*, nec amplius *pueri*, in eam reditu, quum plane etiam Nimrodi ætati repugnent (quippe qui Chami fuit tantum Nepos, quum Heber Pronepos Semi, tempore istius dispersionis, jam vixerit, & jam fuerit pater Phalegi) falsa sunt haud dubie, certe nullo plane subnixa fundamento. Adde, quod, si maxime Terra Sinear  
 pror-

prorsus *jacuisset desolata*, æque tunc sane Pii ac Impii ex ea fuissent dispersi, & vel sic id, quod pro Pœna habet Vir Summus, utrorumque fuisset commune: quum tamen paulo ante (*Phal. I. 10.*) *Fideles a Pœna immunes, & aliis dispersis disiectisque in varias terrarum oras, a pristinis sedibus haudquaquam recessisse* statuerit, sed & hoc male. Dicet forsan, mansisse illos tamen in proximis regionibus, sicut Abrahami majores habitasse leguntur in Chaldæorum Terra. At eam ipse ad initia usque Tigridis & Mesopotamiæ, ubi Ur Chaldæorum locatur juxta Nisibin, removet; dein secesserunt utique alii Semitæ longius, velut in Assyriam, ubi ædificata Ninive, & Persidem Elamitarum. Nec credibile est, Chami Nepotes statim in extrema terrarum secessisse. Quin hæserunt & ipsi vel maxime in vicinis Sinearum locis versus Occidentem & Meridiem, ut saltem ex Chusæis liquet. Sic videmus in quas difficultates & conjecturarum ambages implicuerit vel impegerit Virum Maximum inane illud argumentum a Dispersione, tanquam Pœna exstructæ Turris, desumptum.

Sed nequaquam minori incommodo aut absurdo laborat ceterorum sententia, qui Linguae pristinae Mutationem itidem pro Pœna

Pœna operis habent, & ideo ejus operis  
 Semum ac Heberum expertes statuunt,  
 quia videlicet una ex omnibus illorum fa-  
 miliis retinuerit pristinum sermonem;  
 quum interim Nimrodum illi operis istius  
 ἐργοδιώκτην & Ducem dicant, licet iste so-  
 lus cum suis non fuerit e Terra Sinear in  
 alias oras ejectus, ut fuerunt omnes Semi  
 & Heberi familiæ, etiam illa, quæ sola  
 Linguam retinuisse creditur. Et quam-  
 vis nonnulli certe illorum Interpretum  
 haud ignorent, Bochartum propter id  
 unum exclusisse ex societate operis Nim-  
 rodum, quia expertus fuerit communis Pœ-  
 næ, cujus præcipua pars locari deberet  
 in illa Dispersione; tamen difficultatem  
 hanc justissimam sane, si suam ipsorum  
 argumentationem a pœnæ immunitate pro  
 Hebero ductam spectent, prorsus vel dis-  
 simulant, vel certe non removent. Omnes  
 enim affirmant confidenter, *Dispersionem*  
*populorum Pœnæ rationem hic habuisse, cer-*  
*tum esse & manifestum*, Buxtorf. pag. 74.  
*& socios in opere fuisse socios in pœna*, Schot.  
 pag. 49. *tutos itaque fuisse, qui non fuerint*  
*insani operis socii*, pag. 86. *& tantum puni-*  
*tos, qui culpæ affines, turris struendæ socii*  
*fuerint*, pag. 91. *Communis culpæ socios, par*  
*fuisse, communi pœna exæquari*, Heidegge-  
 rus pag. 640. Ex altera tamen parte iidem  
 Nim-

Nimrodum tradunt fuisse ἐργαδιώκτην ἔ  
*antesignanum*, Buxtorf. pag. 70. immo omni-  
 no credi debere, Nimrod ducem cœpti ἔ  
*αρχηγέτην* fuisse, qui tamen ea loca, disceden-  
 tibus aliis, retinuerit sibi suisque, Schota-  
 nus pag. 49. Consilio huic exsequendo ducatum  
 haud dubie præbuisse Nimrodum, Heidegg.  
 pag. 643. qui id confirmat insuper aucto-  
 ritate Josephi, Augustini, & Constant.  
 Manassis. Sed de Bocharto nullum heic  
 verbum faciunt, licet Clariss. Heidegge-  
 rus quidem alibi, pag. 693. ejus senten-  
 tiam refutet, existimantis Nimrodum, ut-  
 pote Cuschæum seu Arabem, concivium suo-  
 rum ope postea demum ad imperium eve-  
 ctum : putetque in alia omnia discedens,  
 eum jam ante gentium dispersionem Urbes in  
 Terra Sinear condidisse ἔ  
*principatum ere-*  
*xisse.*

Quin immo Doctiss. Morinus *Exercit.*  
*cap. 8. pag. 48.* disertè agnoscit, Bochar-  
 tum dubitasse, an Nimrod ipse ædificatori-  
 bus Turris Babylonicæ esset annumerandus,  
 immo an tunc etiam natus fuerit, & quidem  
 hac ratione, quod imperium in Babylonem  
 ille obtinuit, quo declaretur expers dispersionis  
 in pœnam rebellibus inflictæ. Operæ pre-  
 tium est, ut cognoscamus ejus nodi solu-  
 tionem, a Viro Doctiss. propositam. Du-  
 plex pœna, ait, rebelles debuit affligere, nem-



*pe ex patriis sedibus expulsio, & primævæ linguæ amissio: non Omnes autem è Babylonis vicinia ejecti, sed plures, etiam è Chamitis, ibi remanserunt, & nativæ duntaxat linguæ jacturam fecerunt.* An ergo ulla fuit gens ex posteris Semi & Heberi, quæ neutrum *duplicis* istius *pænæ* subiit, seu, quod idem est, an ulli ab Hisce orti manserunt simul in terra *Sinear*, & retinuerunt *primævam linguam*? Si nulli; qua in re igitur differunt a Chamitis respectu *pænæ duplicis*, & conclusionis inde faciendæ de Majoribus utrorumque, utrum participes, an expertes fuerint operis, quod *duplici pænâ* puni-  
tum traditur? Immo quæ ratio est, Nimrodum facere *criminis* non modo *con-*  
*scium*, sed & *Auctorem*, qui ipse non fuit, certe non in perpetuum aut longum tem-  
pus, *ex patriis sedibus expulsus*, & cujus posteritas *ex nativâ Lingua*, quæ creditur esse Hebræa, vix quicquam amplius *ami-*  
*sit*, & quidem longissimo tempore usque ad captivitatem *Babylonicam*, quam quan-  
tum *Æolica* ex. gr. dialectus à communi *Lingua Græciæ* abit: Heberum contra affirmare operis seu criminis expertem, quia una gens ex tanta ejus posteritate, trecentis vel quadringentis demum annis post alibi exoriens ex solo *Isræele*, Abnepotis sui *Nachoris* Abnepote, quæque in-  
super

super post sæcula, minimum plus duo, Servitutis in Ægypto & Erroris per deserta, sedem certam & sibi propriam tum demum fixit in regione a terra Sinearum longe remota, quia illa, inquam, retinebit, non utique patrias Sinearum sedes, sed tantum linguam nativam? Verum pergit, utraque pœna aliquandiu potuit differri, & demum post aliquot annos etiam posteris infligi, & sic cum Nimrodo actum putamus. Quid? an usquam legitur posteritas Nimrodi, non dico exteris Regibus subiecta, quod vere accidit, nec ad rem quæsitam pertinet, sed e terra Sinear, seu ex patriis sedibus, expulsa, vel penitus deportata? Annon ille ipse, etiam tempore Danielis, etiam Alexandri M. cultus fuit *Beli* nomine a suis Babyloniis, tanquam eorum progenitor & conditor, seu indigena Deus? Immo annon e contrario illa Israëlitis progenies non modo deportata fuit ex patriis promissæ sibi & datæ Terræ sedibus, sed & pristinam suam Hebræam linguam paulo post ex vernaculo usu amisit, atque adeo, si Posteriores quoque hic sunt spectandi, in iis duplicem illam pœnam pariter subiit?

Quid plura? Luce ipsa, ni fallor, clarius liquet undiquaque implicitos teneri, qui præter Scripturam ex habitatione conjuncta

juncta Omnium in Terra Sinear, & Urbis, Turrisque exstructæ Historia, integras familias excludunt. Nullum debet esse dubium, quin omnes Noachidæ, ut ostendi, cum ipso Noacho pariter in Terra Sinear habitaverint, & consilium per se ἀδιάφορον istic inierint, ne dispergerentur, aliud tamen, sed frustra, suadente ac monente Noacho; cui qui, & quot, auscultaverint, definire quis possit, quum Moses ipse non definiat? Paucos tamen illos fuisse necesse est, quia Moses consilium illud & ejusexecutionem simpliciter sine ulla distinctione *Filiis Hominum & Omni Terræ* tribuit. Ne vero quis putet, me solum ita in contrarium discedere a Magnis illis Nominibus, & recepta vulgo sententia, sciri velim, non modo Josephum <sup>a</sup>, & Sibylam ab eo laudatam, hanc Historiam adscribere Omnibus sine exceptione hominibus, sed & disertissime idem affirmare Tostatum, Pererium, Salianum, Bonfrierium. Adde his Cl. Coccejum ad Genes. xi. 2. denique Clericum ad xi. 5. & haud dubie plures alios.

<sup>a</sup> I. *Antiquitat.* 5.

## C A P. IX.

*Historia Turris exstruendæ allegorice exponitur a Philone: nec longe abscedit vonder Hartius. Illa vero literaliter & Historice est interpretanda, idque liquet ex Stylo, & ex Scriptoris consilio, denique ex Historica facti Veritate. Homerum allegorice quoque exposuerunt nonnulli. Historia vera, Grammaticæ intellecta, potest dein tamen allegorice quoque accipi. Qua in re nobis præiit Paulus, qui non egit mala fide, ut quidam videntur velle. Confusio Labii & Labium unum de Lingua seu Sermone est accipiendum. Similiter Verba una.*

**P** O S T Q U A M declaravimus sic fatis, de quibus agat Moses Genes. xi. atque ostendimus, omne genus Hominum, *Omnes*, non *Quosdam*, Noachidas habitasse conjunctim in Terra Sinear, sequitur nunc, ut ipsam eorum Historiam istic rela-



relatam, seu quid de iis Moses tradat,  
 quid Homines illi conati sint, quidve  
 spectaverint, explanemus. Quod tamen  
 antequam aggrediamur, præmittenda erit  
 necessario brevis disquisitio, de primo &  
 vero ipsius narrationis Mosaicæ sensu, seu  
 an singula ejus verba & locutiones, Hi-  
 storica, propria, & usitata significatione  
 sint interpretandæ, an vero primitus &  
 directe in Allegoricam & Typicam sint  
 expositionem convertendæ. Etenim quia  
 non satis liquebat, quid tanto conatu,  
 tanta *Turris* mole exstruenda, egerint  
*Omnes illi Homines*, aut spectaverint,  
 quidve in eo peccaverint; Tum quomo-  
 do *Nomine sibi faciendo* apud posteros ca-  
 vere potuerint, ne in præsentia ipsi di-  
 spergerentur; Denique quæ ista fuerit *Con-*  
*fusio Labii* ante dispersionem, illis immis-  
 sa; ideo nonnulli totam hanc Historiam  
 Allegorice, alii partim Figurato, partim  
 Genuino sensu, sunt interpretati.

In illis est Philo Judæus, qui peculia-  
 ri libello hanc laciniam *Capitis xi.* expo-  
 nens *labium unum totius terræ*, interpreta-  
 tur κακῶν ἀμυνθήτων καὶ μεγάλων συμφωνίαν,  
 h. e. *consensum infandorum & magnorum*  
*malorum, in quæ conjuraverit omnis terra;*  
 Hos porro conjuratos ex Oriente vitiorum  
 venisse, & quasi quærentes invenisse in suo

pectore campum Malitiæ, qui diceretur Sinear, h. e. Excussio. In eo autem exstruxisse Malitiæ, tanquam Tyranno, Turrim, quasi Arcem, communione quadam iniquorum operum: sed & Urbem Vitiorum munivisse, firmisque mœnibus circumdedit, ne pateret hostilibus incurfionibus Virtutum; & ita quæsiuisse Nomen magnum potius quam bonum apud posteros, antequam dispergerentur, vel dissiparentur, ac è medio tollerentur. Deum porro confundentem labia, reddidisse singulas partes Malitiæ mutas surdasque, adeo ut neque suas cogitationes profereundo, neque aliis consentiendo, nocere amplius possent. Ita vero profligasse Vitiorum Urbem, & Arcem Malitiæ. Habes hic summam & compendio expressam Philonis τροπικὴν ἀπόδοσιν, figuratam expositionem, ut ipse vocat, quam secutum se profitetur, quia alii calumniabantur Mosaicam Legem tanquam Fabulas continentem, similes plane traditioni Græcorum de Gigantibus, qui montibus congestis cælum invadere sint conati; & quia Unius Linguae in plures divisio minime idoneum videbatur remedium Malitiæ Hominum coercendæ, quum nihilo sane minus post exortam Linguarum varietatem peccent vulgo Homines, immo Terræ & Maria infandis Malis reperiantur plena; neque Linguae, sed conspirantes Animi ad

peccan-

*peccandum Affectus, sint causa communis Malitiæ*; denique & vel maxime, quia *Confusio Labii neutiquam possit denotare γένεσιν διαλέκτων*, ortum *Linguarum*, quem ceteroquin ex hac Historia & phrasi eliciant Interpretes, quum unius Linguae in plures distractio non sit appellanda σύγχυσις *confusio*, sed potius τομή, ἢ διανέμησις, ἢ διάκρισις, *dissectio, divisio, aut distinctio*. Nec dubito, hanc illi unicam fuisse causam, quare Libellum hunc istoc potissimum Συγχύσεως vocabulo inscripsit, ut ex quo præcipuam allegoricæ illius interpretationis rationem petiit. Sed nos de ea *Confusione*, ut & Peccato, quod exstruenda Turri declaratum putat, in sequentibus magis ex professo agemus. Fabulæ vero Græcorum complures ex Historia Mosaica derivatæ, sua illa similitudine, quippe quæ in tali derivatione est necessaria, nihil habent aut præbent argumenti ad eam propterea in allegoricum sensum flectendam, vel pro fabula quoque habendam.

Sequitur Philonem aliqua ex parte laudatus supra Cl. vonder Hartius, qui itidem *Labium unum omnis Terræ* interpretatur de *conspiratione*, non tamen Omnium Hominum, sed Solorum *Chamitarum in fœda & atrocia bella contra Semitas*, qui-

bus ut terrorem incuterent, ideo illos Urbem munitissimam & celsis per mœnia turribus instructam excitavisse, ne in Semitarum ditionem, ut prædixerat ipsis Noachus, unquam redigerentur; sed Deum illud nefandæ conspirationis & fœderis vinculum solvisse dissensu inter illos excitato. Ita coactos cœpto munimento Semitis opposito desistere, & eo relicto, in quam quisque raperetur regionem dilapsos. Urbi autem fatale impositum nomen Babelis, h. e. seditionis. Sententiam ejus exhibui, partim meis, partim, quantum patiebatur compendii ratio, ipsius Verbis. Ea vero quam longe recedat a consilio Mosis, & Historico totius narrationis sensu, nemo non facile videt, & nos supra jam ostendimus.

Sed neque defunt alii, Viri fane Eruditi, qui quoniam nullum plane vident commodi sensus nexum inter *faciendum Nomen*, & effugiendam hoc ipso viventium tunc Hominum & Corporum *Dispersionem*, decurrunt in eo, & quibusdam aliis, recta ad Figuratam interpretationem, licet reliqua Historice tamen exponant.

Ego vero ita existimem, Laciniam hanc continere simpliciter vel Parabolam, vel rem vere gestam, atque adeo singula ejus verba, non, alia hoc, alia illo, sed  
omnia,



omnia, vel figurato statim & typico, vel proprio & simplice sensu accipienda; at constituta jam ex illis verbis per rectam interpretationem Historia, posse eam deinceps totam, vel ejus saltem præcipuum argumentum aut Caput, Allegorice quoque exponi, & intelligi. Veram autem per omnes ejus partes narrari istic Historiam censeo, & idcirco in omnibus inesse Historicum & simplicem sensum. Idque constare arbitror primo ex simplicitate & æquabilitate Styli plane Historici. Nihil enim hic intricatum, nihil salebrosum, nihil allegoricum aut mysticum comparet. Nihil consulto in aliquem recessum videtur reconditum, ut fieri solet in mere typicis & propheticis. Conferamus hanc partem, ut & reliquam Geneseos Historiam, cum ultima Jacobi allocutione ad Filios Genes. XLIX. quæ jam tota est Tropica & Figurata rerum post futurarum prædictio. Omnia istic concisa, metaphorica, & figurarum ac comparisonum involucris obtecta, omnia denique ita proposita, ut cuilibet satis superque appareat, latere aliquid amplius istic in ipsarum locutionum sensu & recessu, quam quod frons prima verborum præferat, aut statim declaret. Tale quid, quum haud facile alibi in illo Geneseos libro,

plane Historico, certe neutiquam in hacce occurrat lacinia, cumque ea ipsa insuper non rei futuræ prædictionem, sed gestæ narrationem palam contineat, sensusque habeat plenos, & planos, non ita concisos aut ex professo tropicos, quis est, qui non videat, diverso itaque modo, h. e. non illo figurato, sed potius proprio sensu, verba ipsa & locutiones hic esse accipiendas, nec Historiam, propter unam aut alteram forte difficultatem, allegoricis interpretationibus involvendam aut pervertendam? Deinde vero ex mente etiam & consilio Scriptoris, qui nobis in Genesi non utique Parabolas, sed veras narrat Historias, liquet clarissime, non ergo aliter quam genuino & proprio sensu hujus quoque Historiæ verba esse exponenda.

Sed tamen, ne quis hanc forsan excipiat Historiam, aut præ aliis in Parabolam flectat convertatve, considerari hic velim manifestum cum superioribus nexum, consilium Mosis apertissime declarantem. Nam quum in proximo Capite nihil aliud, nisi posteritatem Noachi ex tribus ejus Filiis, commemorasset, & singulorum Filiorum posteris subjecisset hoc veluti epiphonema, *Ab his (Japhetitis) divisi sunt insulani, seu insulæ gentium in suis*

suis terris, quique in suam Linguam, in suas familias, in Gentibus suis, §. 5. Hi sunt Chamaeae secundum familias & Linguas suas, in Terris suis & Gentibus suis §. 20. & iisdem plane verbis de Semitis §. 31. immo ad extremum istam enumerationem Noachidarum & Caput ipsum finivisset his verbis: *Hæ sunt Familiae Filiorum Noachi ex Serie generationum suarum in Gentibus suis, & ex illis separatæ exstiterunt Gentes in Terra post Diluvium.* Quum ergo toto hoc proximo Capite per occasionem exponendæ nominatim posteritatis Noachicæ, eam identidem in varias Familias, Gentes & Linguas per diversa terrarum divisam & distinctam significasset, vel tantum obiter dixisset, subjicit ideo confestim, qua occasione & causa acciderit ipsa illa Hominum in unam antea eandemque Terram, Sedem, Familiam, Populum, Linguam, conjunctorum separatio seu dispersio, & quæ illam dispersionem necessario sequi debebat, Linguarum diversitas. Manifestum igitur & evidens plane, simpliciter & Historice intelligendum, quicquid in ea narratione de Lingua vel *Labbio*, deque *dispersione hominum*, eorumque consilio & facto ad evitandam, quoad ejus fieri posset, illam dispersionem inito & cœpto refertur.

Denique non esse hanc Parabolam aut Prophetiam primo & præcipuo sensu, sed veram plane Historiam, patet etiam ex Circumstantiis Facti, quippe quas Historice accipiendas aliunde etiam, seu ex conservata utcunque hujus Historiæ etiam inter Gentiles traditione probari, ac rebus ipsis demonstrari potest. Nam sicuti heic homines dicuntur una usi Lingua ante dispersionem, & in terra Babylo-nica exstruere cœpisse Urbem & Turrim altissimam, & quidem ex lateribus coctis, bitumine nexis; sic plane non modo antiquissimus Sibyllinorum Auctor a Josepho laudatus, tum Eupolemus, alique tradunt, Homines primos, τέως ὄντας ὁμογλώσσους, *qui antea ad hoc usque tempus una utebantur Lingua*, exstruxisse istic ὑψηλότατον πύργον, verum intervenientibus Diis & opus hoc impredientibus *dispersos* inde fuisse *per omnem terram*, διασπαρῆναι καθ' ὅλην τὴν γῆν, & ita πολύτροον Φωνὴν ἐνεῖκασθαι, *varium accepisse sermonem* <sup>a</sup>: sed & Herodotus, Diodorus, Arrianus, & complures Alii, etiam diu post exstitisse ajunt Babylo-nica in Urbe altissimam plane Turrim,

<sup>a</sup> Haec partim ex Auctore Sibyllinorum apud Josephum I. *Antiquit.* 5. sunt, partim ex Abydeno & Eupolemo apud Eusebium *Chron. Gr.* pag. 13. & IX. *Praeparat. Evang.* 14. & 17.



rim, cujus hoc tempore fundamenta videntur jacta, eamque ut & muros Urbis ædificatos ἐκ πλίνθων ὀπίης ἐν ἀσφάλτῳ ἡρμοσμένης <sup>a</sup>, plane ut Josephus ἐκ πλίνθων ὀπίης ἀσφάλτῳ συνδεδεμένης, ex lateribus coctis, bitumine junctis; Vide ipsa Veterum loca apud Bochart. *Phalegi* I. capp. 11. & 13. Adde Fabulam Gigantum, qui congestis montibus cælum invadere & conscendere voluerint, omnium Eruditorum consensu ex hac quoque Historia ortam.

Quapropter, quum hæc omnia ita se habeant, & cum Stylus ipse, tum Consilium Scriptoris, ipsiusque narrationis Nexus cum superioribus, denique certa ex Eventu Facti Historici veritas, veram hanc esse Historiam, non Parabolam, clarissime probent; Ego quidem omnem ex ejus prima verborum interpretatione parabolicum figuratumque sensum prorsus excludendum, eamque omni ex parte literaliter, ut dicitur, ac proprie, primitus accipiendam, nullus dubitem. Ceteroquin enim quid tandem manebit integrum & intemeratum in Historiis non tantum

Mo-

<sup>a</sup> Arrianus VII. de *Exped. Alex.* c. 17. Diodorus Sicul. *Lib.* II. pag. 69. τῆς ὅλης οἰκοδομίας ἐξ ἀσφάλτους καὶ πλίνθων πεφιλοτεχνημένης πολυτελῶς. De Turri e medio templo Belieducta Herodotus *Lib.* I. cap. 181.

Mosaicis, sed & Euangelicis, quin excogitatis facile qualibuscunque allegoriis & figuris in parabolam flectatur, an corrumpatur? Nam quid est, quo minus Euangelica Historia de ortu, vita, & nece Christi eadem facilitate in figuram redigatur, ut jam a quibusdam tentatum factumque scribit Celeberr. Heidanus *de Orig. Erroris?* aut Mosaica de Mundi rerumque humanarum origine, quod & olim complures, & novissime iterum magno conatu tentavit T. Burnetius in *Archæologia* sua, quasi Moses, ὁ φρονῶν ταῦτ' ἔλεγεν, ἀλλ' αἰνιττόμενος καὶ μεταφέρων, *ea dixisset, non ita ipse sentiens, sed alia plane per ænigmata & metaphoras significans*, quomodo Homerum in iis, quæ ille de Diis passim cecinit vel finxit, excusari a quibusdam ait Dio Chrysost. ἐν τῷ Τρωικῷ <sup>a</sup>? Neque vero de Homeri quidem θεολογούμενοις id mirari par est, aut a verisimilitudine mysticam illam fabularum interpretationem prorsus abhorrere existimandum, siquidem disertè Clemens Alexandr. *lib. 5. Στρωμ. p. 556. Ed. Paris.* affirmât, Omnes τοὺς θεολογήσαντας, æque Græcos ac Barbaros, *initia rerum occultavisse, veritatem autem ænigmatibus & symbolis, tum allegoriis, & metaphoris, ac similibus quibusdam tropis*

*pis tradidisse; atque ejus generis fuisse Græcorum oracula, & inde Apollinem Pythium dictum fuisse Δοξίαν, h. e. Obliquum. Dein pag. seq. Ab his autem Prophetis Theologiam edoctos Poëtas, Orphea scilicet, Linum, Musæum, Homerum, & Hesiodum, aliosque ejus generis Sapientes, δι' ὑπονοίας πολλὰ φιλοσοφῆσαι, mystica vel ænigmatica ratione multa philosophatos. Velum autem ipsis esse apud vulgus Poëticam animorum oblectationem, somnia nempe & symbola, quæ omnia hominibus sint obscuriora; nempe ut in horum ænigmatum intellectum penetrans industria ad inveniendam veritatem studiose quasi irruat. Et sane talem Homeri sive defensionem sive expositionem habemus ex professo factam olim a Proclo Lycio <sup>a</sup>, qui passim Græcorum totam de Diis disciplinam mysticam esse ait, a cujus cognitione profanum vulgus sit arcendum, atque idcirco non modo cærimonias & ritus sacros, quos ipse ridiculos sæpe vocat, sed & fabulas Poëticas & maxime Homericas, verbis quidem, & externa specie, respicere ac mem-*

<sup>a</sup> In Commentario ad *Librum II. Platonis de Republica*. pag. 368. & seqq. Edit. Valderi. Nec Proclus tantum, verum etiam alii putabant, fabulas Poëtarum de Diis μυσικῶς & ἀλληγορικῶς accipiendas. Vid. Clariss. Fabricium *Lib. II. Biblioth. Græc. cap. 6. §. 12. & lib. V. cap. 26. §. 16.*

morare Dæmonas , qui circa materiam versentur , & Hominibus ac Populis sint præfecti , sed *μουσικῶς* denotare Summi Numinis Naturam , Providentiam , Operationem , Dæmonum ministerio utentis. Id quod per omnes pene fabulas seu narrationes de Diis Homericas hunc in modum exsequitur , ut , exempli gratia , quod reliquorum sit instar , Vulcani præcipationem de cœlo exponat per processum divinæ operationis ad hæc inferiora. Ceterum , ab hisce veluti initiis symbolicæ interpretationis , quæ in rebus divinis apud Homerum locum forsan jure quodam suo habebat , longius progressi quidam totam Belli quoque Trojani Historiam in allegorias tandem & parabolas converterunt. Certe de Metrodoro Lampfaceno ait Tatianus Assyrius in *Orat. contra Græcos* <sup>a</sup> , eum ἐν τῷ περὶ Ὀμήρου , πάντα εἰς ἀλληγορίαν μετὰγειν , *omnia in allegoriam transferre* , & non tantum Jovem , Junonem , Minervam , sed & Hectorem , Achillem , Agamemnona , & omnes omnino Græcos & Barbaros cum Helena & Paride ad Naturam referre , eosque dicere tantum œconomiae caussa in Poësin inductos , nec quenquam illorum Hominum revera existisse. Verum ut nimis inepte ab illo disputa-

puta-



putari hæc censet Tatianus, & ut haud dubie perperam ille egit, ac modum in hisce excessit, pervertendo & in Parabolas meras redigendo ac corrumpendo Historicam ipsius Belli veritatem; sic longe tamen speciosius illa fingeantur, quam quæ hodie tentantur ab iis, qui Homerum Sacram & Patriarcharum Israëlitarum Historiam cecinisse affirmant, quo nihil stultius excogitari potest <sup>a</sup>. Verum hæc nugis & ineptiis Hominum possunt tuto permitti, at ne idem illud in Sacris quoque eveniat, hoc est, ne omnia Historiæ Sacræ confestim ac unice in allegoricum tropicumque rapiantur sensum contra Scriptoris mentem, & rerum gestarum seriem, sedulo cavendum arbitror.

Nihil tamen vel sic obstat, quo minus ipsæ illæ Veteres Patriarcharum Historiæ, sed literaliter, ut dicitur, prius per omnes partes explicitæ atque constitutæ, deinde etiam, ut fecundissimus est Scripturæ Sacræ sensus, & admirabilis quædam

<sup>a</sup> Tangit, ut puto, Gerardum Croesium, qui in Libro, cui Indicem fecit *Homerus Hebraeus*, hæc deliramenta loquitur. Vid. Cl. Fabricium *lib. II. Biblioth. Graec. cap. 6. §. 2.* Nec saniora sunt, quæ in mentem venerunt Jacobo Hugoni, & Petro Loyerio, de quibus Idem *l. d. §. 15.* agit. Add. *Observat. Halens. Tom. III. Observ. 3. §. 7.*

dam divinæ providentiæ in rebus humanis ratio, typice accipiantur, resque alias ac diu post pari modo gerendas designare credantur. Certe Origenes *contra Gelsum* lib. iv. pag. 192. 193. censet, res illas evenisse primis Hominibus τυπικῶς, h. e. ut res illæ typi essent rerum aliarum, conscriptas autem esse propter illos, qui deinde viverent. Immo *Scripturam sæpe rebus gestis uti, ut doceat Majora, & mentis tantum sagacitati percipienda*. Et ita fane, ut quamplurima alia Mosaicæ Geneseos prætermittam, Hagaris & Ismaëlis Historiam vere sic, ut narratur, gestam, tamen etiam allegorice interpretandam, quis extra controversiæ dubium ponere fuisset ausus, nisi diserte præeuntem haberet Apostolum *Galat. iv.*? Quapropter simpliciter quidem & Historice accipiendum est & accipitur ab omnibus, quod Genes. xvi. dicitur Abrahamus ex ancilla Hagare genuisse Filium, & alium dein Genes. xxi. ex libera & legitima uxore Sara: sed & vere ita accidit, ut ille major natu ex ancilla genitus secundum carnem irriserit & persecutus fuerit hunc minorem ex libera natum, atque ideo Abrahamus rogatus a Sara & monitus a Deo ejecerit ex ædibus suis ancillam cum isthoc Filio, ne hæres ipsius esset una cum

cum Saræ Filio. Sed tamen omnia hæc erant etiam ἀλληγορούμενα, Gal. iv. 24. h. e. per allegoriam aliud quid insuper denotantia, duplex scil. *Pactum*, h. e. Judaismum & Christianismum, illum in *servitute*, hunc in *libertate* constitutum, illum *terrestri Hierosolyma* superbientem & *persequentem cœlestis Hierosolymæ hæredes*, atque idcirco *ejectum* & exclusum cœlesti illa hæreditate. Nam hæc a Paulo fingi, vel *argumentationem* hanc arripi *ex concessis*, quæ, nihil interest, vera sint & firma, quin immo talia hæc esse, ut pleraque, quæ a *Viris doctis dicta sunt contra hoc interpretandi genus*, etiam contra hæc ipsa dici possint, quod tradit Clericus, vel, ut alibi ait, *eam allegoriam non esse rem exploratæ veritatis*, id vero quid aliud est, quam Paulum voluisse veritatem docere ac firmare argumentis, quæ ipse sciret nihil veri habere, immo esse vana & falsa? Nec enim Paulus ait Judæos ita argumentari solitos, & ideo hanc quoque allegoriam eos debere admittere, si ab aliis aut ab se jam proferatur; sed diserte affirmat, ea quæ in Lege narrantur de Sara & Hagare, ESSE figurato sensu ad alias quoque res denotandas dicta, atque adeo illas Feminas ESSE duo Testamenta, &c. Quæ jam in his species vel minima ar-

gumenti, non ex vera animi Apostolici sententia profecti, sed tantum *apud Judæos illis argumentis adſuetos non incommo-*  
*di?* Verum, ut ad Babelem revertamur, ad eundem modum, quo Paulus Saram & Hagarem cum suis Filiis ad alias quoque res exprimendas recte transferri ex mente Dei docuit, Babylonicae quoque Turris ab omnibus promiscue Hominibus ad evitandam dispersionem contra Dei voluntatem exſtrui cœptæ, & ſecutæ tamen deinceps dispersionis hominum, & confuſionis labiorum, Historiam non modo facile patior etiam *ἀλληγορικῶς* exponi, & ad mysticam Novi Testamenti Babylonem referri, sed & ita fieri posse cenſeo, ſicuti infra pluribus declarabo. Verum tamen in ipſa illa rei geſtæ narratione nihil figuratum, nihil reconditum, nihil *μυστικώτερον*, sed omnia ſimplicia, propria, Historica agnosco, neque per *Labium* quicquam, niſi Linguam & Sermoneſ intelligo, neque Homines, ædificanda illa Urbe & Turri, ac faciendo ſibi *Sēm*, ſpectaſſe aut curaſſe quicquam aliud puto, quam *ne* ex illo loco, ubi conjunctim adhuc habitabant, in ſolitudines per diverſa terrarum *diſpergerentur*, aut fortuitis caſibus aberrarent, licet a Deo per immiſſam illis extra ordinem & ad tempus ſubi-



subitam sermonis confusionem adacti mox fuerint ad secessionem ab se invicem, cui ita enixe obviam ire studebant, in varias tamen familias & regiones faciendam.

Quando igitur Moses ait, Omnem Terram fuisse *Labii unius*, & *Verborum eorundem*, Deum vero *confudisse* istic *Labium Hominum*, certum reor, accipiendum illud simpliciter & directe de loquela, sermone, lingua, & iisdem singularum rerum appellationibus per una eademque vocabula, ut scilicet omnes pariter *Terram* ex. gr. *uno* eodemque verbo ארץ / vel simili, designarent. Certum id reor, & vel maxime ex Consilio Mosis liquere, qui, ut jam dixi, postquam superiori Capite sæpius memorasset secessionem Noachidarum in varias Familias, Terras & *Linguas*, ejus occasionem nunc expositurus, præmittit in universum, ut par erat, Homines ante hanc dispersionem fuisse Omnes *unius* plane *Linguae* & *sermonis*. Et ita hæc acceperunt Judæorum antiquissimi quique, Paraphrastæ, Thalmudistæ, Scholiastæ, alii-que Doctores, quorum plerique *Labium unum* diserte interpretantur *Linguam Sanctam*, h. e. Hebræam. Vide Buxtorf. *dissert. 1. de Linguae Hebr. Origine* pag. 21. 22. 23. Adde LXX. Interpretes, qui hæc verba *Confundamus labium* &c. reddunt

συγχέωμεν αὐτῶν τὴν γλῶσσαν (*Linguam*) ἵνα μὴ ἀκῶσιν ἕκαστος τὴν φωνὴν τῷ πλησίον. Sequitur eos Philo, qui & totam Historiam designavit hac inscriptione περὶ Συγχύσεως Διαλέκτων, *de Confusione Dialectorum*: nec non Josephus, qui refert insuper Deum fecisse homines ἀλλογλώσσους, *diversæ Linguae*, καὶ ὑπὸ πολυφωνίας ἀσυνέτους, Ἔ propter varietatem soni invicem haud intellectos, locumque appellatum Βαβυλῶνα, διὰ τὴν σύγχυσιν τῶν περὶ τὴν διάλεκτον πρώτον ἐναργῆς, propter confusionem perspicuitatis, quæ antea fuerat in sermone. Immo vero adde etiam Judæorum fabulas, quas temere nimis multi Christianorum Patrum fuerunt secuti, statuentium pariter 70. vel 72. Linguas diversas in hac *Labii Confusione* fuisse natas. Quin ad Gentes quoque hæc *unius Linguae* traditio pervasit, quarum Scriptores a Josepho & Eusebio laudati <sup>a</sup>, Homines ante hanc Turris Babylonicae constructionem fuisse ὁμογλώσσους, *unius ejusdemque linguae*, diserte testantur.

Existimat tamen Vir Doctus <sup>b</sup> in *Observationibus Sacris Lib. 1.* distingui apud Hebræos Scriptores significationem vocum שפּה & שׁוּל / *Labii & Linguae*, & hoc vocabulo sermonis idioma seu *diale-*  
*ctum*

<sup>a</sup> Vide supra pag. 202.

<sup>b</sup> Campegius Vitranga, Pater.

etum notari, illo sententiam, immo haud arduum sibi fore evincere, vix ulla occurrere sacris in Literis testimonia, ex quibus cum ratione inspectis significatus hicce dialecti seu idiomatis, adeo huic voci שפה ab omnibus adscriptus, possit urgeri. Sed primo ipse dein cap. seq. adferens locum Jesaiæ XIX. 18. Illo die erunt quinque Civitates in terra Ægypti loquentes שפה כנען labio Canaanis; Nullum dubitare, ait, intelligi hic LINGUAM, qua Deus Israëlitis mysteria sua revelaverit. Eam vero Linguam appellari Labium Canaanis, quia Canaanitæ ea loqui consueverant, pari modo atque Lingua Germaniæ ea dicitur, qua Germani utuntur. Deinde vero adde Jesaiæ XXVIII. 11. כִּי בִלְעָנִי שֹׁפָה וּבִלְשׁוֹן אַחֶרֶת יְדַבֵּר אֶל הָעָם הַזֶּה quum ridiculis solæcismis, vel barbarismis (seu, ut simpliciter Junius, peregrino sermone) & lingua alienigena allocutus sit populum hunc. Græci vertunt, διὰ φανλισμὸν χειλέων, διὰ γλώσσης ἐτέρας. Psalm. LXXXI. 6. Terram Ægypti, ubi שֹׁפָה לֹא יָדַעְתִּי אִשְׁמַע sermonem (labium) ignotum audiebam. Plane, uti Deuter. XXVIII. 49. לֹא תִשְׁמַע לְשׁוֹן אֲשֶׁר אֲנִי gentem, cujus Linguam non intelliges. Rectius itaque idem Vir Doctus in Editione Secunda Observationum cap. 8. nolit negare, vocabulum שֹׁפָה posse habere significatum Linguae & Dialecti;

sed tamen, quia *Certissimum sit, esse hunc significatum in Scriptura infrequentiore* (contra Cl. Coccejus; *Pro dialecto SÆPE dicitur*) & *Scriptores Sacros consuevisse Sermonis Dialectum per* שׁוֹל *expr. imere, idque vocabulum hic non reperiatur, ubi nihilominus de Linguarum idiomatis quam maxime agi judicent Interpretes, merito se dubitare putat, an hic tamen* שׁוֹ *per Idioma seu Dialectum sit exponendum, quia censet Spiritum S. tali hic usurum vocabulo, quod quam propriissime Dialectum exprimat, si voluisset, uti Confusionem Dialectorum hic factam intelligeremus. Græcos quoque constanter* γλώσσα *vel* διάλεκτος, *nunquam vero τὸ χεῖλος, quod sciat, hoc in casu usurpare ait, & sequi hunc loquendi modum Apostolum* 1. Cor. XIV. *ubi affine argumentum de Linguarum varietatis usu pertrahet, ac* λαλεῖν γλώσσαις & *similia, non vero* χεῖλεσι, *dicat. At vero idem Apostolus in eadem Epistola, & eodem Capite* §. 21. *ὅτι ἐν ἑτερογλώσσις καὶ ἐν χεῖλεσιν ἑτέροις λαλήσω τῷ λαῷ τύτῳ. Quicquamne disertius in contrarium haberi potest?*

Quod vero ad significatum vocis שׁוֹ hoc in Geneseos loco, certum utique & probatum clarissime, ea æque, ac voce שׁוֹ significari *sermonis dialectum*; atque adeo heic tum Chaldæi Paraphrastæ, tum Doctissimi Rabbiorum exponunt eam



vocem per alteram illam לשון / ליש / utriusque promiscuam & eandem esse significationem ita declarantes. Porro autem incassum fane postulatur, adhibendum heic maxime *vocabulum*, quod *distinctum idioma* & *sermonis dialectum* quam *propriissime exprimat*, quum nulla dum exstiterint diversa & singulis propria gentium idiomata, sicut nequedum separatae fuerunt ipsae Gentes. Neque ergo requirebantur vocabula diversitatem illam tantopere denotantia. Simpliciter enim istic dicitur, & dicendum erat, fuisse omnibus tunc Hominibus unam adhuc eandemque loquelam, unumque eorundem verborum ad singula rerum designanda usum; eam vero loquelam mox a Deo confusam; ut alter alterum non intelligeret, & sic Homines ad secessionem adactos. Qua occasione exorta sunt demum distincta Populorum idiomata, & variae sermonis dialecti.

Quæ hic disputavi, fecius accepit Vir Clarissimus, atque ideo in repetita suarum *Observationum Editione* longam satis querelam cum *indignatione* quadam adjecit. Inculcat me, quod *ex prima Editione tam sollicitè in lucem protraxerim*, quod istic minus accurate ab se scriptum fuerat, quum ipse in *secunda id emendasset*, vel accuratius expressisset.

*fisset.* Fateor equidem recte hoc reprehendi, si actum id a me fuisset, ut eruerem & exagitarem errorem qualemcunque ab ipso postea jam emendatum. At vero non ita emendaverat eum, ut non retineret hoc ipso in loco, quem ex illo errore interpretatur plane contra meam & *receptissimam*, ut ipse ait, *expositionem*. Quum ergo etiamdum traderet, vocem שפה *Labium* notare in hac Historia non *Linguam*, sed *Sententiam Orationis*, æ *Sensum animorum*, Verbis declaratum, atque adeo *Unum Labium* designare *Unitatem animorum*, *Confusionem Labii*, *Dissensionem animorum*, ostendendum utique mihi erat, ortam esse hanc, quam falsissimam puto, illius interpretationem ex eo, quod antea sensisset, vocem שפה vix ullo in loco S. Scripturæ de *Lingua* exponendam. Hunc autem errorem, quum nimis esset manifestus, & ipse in eodem Libro locum paulo post attulisset, ubi ex sua ipsius sententia *Linguam* ea vox notaret, abjecisse eum quidem, vel potius mitigavisse, sed tamen in hoc Geneseos loco, qui inter nos controversus est, neutiquam repudiasse, haud dubie, quia sententiam mutare aut prorsus inducere, nimis existimabat indecorum.

Queritur dein, quod, quum etiam in  
*Ed.*

*Ed. secunda Certissimum* declaret, in hac voce istum *Linguae significatum esse in Scriptura infrequentiore*, breviter in parenthesi apposuerim Coccejum contra tradere, id *Sæpe* ea voce significari. Hoc vero refutaturus, quod pace Viri docti dixerim, astute videtur agere. Etenim Vocem hanc שפה *plus quam centies & septuagies* ait occurrere in *Scriptura*, nec plura se observasse quam quinque loca, quæ nostræ significationi faveant: inde jam absolvit me, rogitans, Uter ergo curatius egerit, an qui vocabulum hoc *Sæpe*, an qui Infrequentius illo venire significatione dixerit? At vox illa notat passim primo *Labium oris*, deinde omnes alicujus rei, patulæ in primis, *margines*, veluti *ripas fluminum*, *littora maris*, *alveorum & poculorum ambitus extremos*, &c. Omnia hæc loca, quæ sunt frequentissima, ex hoc numero fuissent eximenda, & tantum computanda hic pauca illa, in quibus ea vox de *Sermone*, sive jam ad naturalem ejus materiam & formam, quæ in sonitu literarum, syllabarum, & verborum cujuscunque Linguae consistunt, sive ad ejus sensum referatur, reperiretur posita. Sic frequens satis in illa paucitate deprehendetur hujus vocis usus in significatione *Linguae aut pronunciationis*. Et quid fluctuamus? quum *certissimum* vere sit, vo-

cem hanc, quia Labia sunt naturalia instrumenta loquendi, non cogitandi, & partes corporis, non animi, notare itaque prius, & propius, & naturalius ipsum *oris Sermonem*, seu *pronunciationem*, at longiore demum circuituione & metaphora *sententiam* ejus. Non distinguit satis Vir Doctus inter Sermonem certæ Linguæ, veluti Hebraicæ, Græcæ &c. et Sermonem naturalis locutionis qualicunque Lingua. Nec enim nos volumus, ut שפה hic notet certum *idioma*, ut ait, quum nondum exstaret tunc diversus Sermo aut Lingua in Orbe terrarum, sed sensus est, quod omnis Terra usa fuerit pronunciatione oris eadem, & verbis iisdem, seu quod sermo, qui ex omnium Hominum ore audiebatur, erat unus & idem, quod ad formam & materiam, sed qui dein variis mutationibus paulatim in diversas ac singulis fere Gentibus proprias abiit Linguas, seu Formas. Sic quando Moses ait Exodi VI. 12. *se esse non circumcissum Labiis*, nihil aliud utique id notat, quam se difficulter proloqui verba, non hujus aut illius, sed cujuscunque, sive Linguæ, sive Sensus. Hæc prima & præcipua est Vocis significatio, quando ad Sermonem denotandum adhibetur, atque adeo ubi nulla additur descriptio sermonis, ut qui fit



fit bonus vel malus, verus vel falsus &c. manendum plerumque tunc in prima illa significatione, aut ei proxima, quæ est certæ Linguae. Sed &, ut ad controversum locum redeamus, quid quæso discriminis est inter *Labium Canaanis*, quod ipse per Linguam seu Dialectum exponit, & *Labium primorum Hominum*, seu Noachidarum? Sicuti omnibus Cananæis recte diceretur *unum fuisse Labium*, h. e. Lingua, sic omnibus Noachidis in unam adhuc familiam & regionem conjunctis quidni eodem sensu dicatur fuisse *unum Labium*, in primis in tali Loco & Historia, in qua Deus dicitur mox *confudisse eorum Labium*, ne alter alterum intelligeret, & in qua porro agitur de *Dispersione* illorum ex una Familia, Populo, Regione in varias minores Familias, Populos, Regiones; unde, ut ipse fatetur, necessario mox illa *Linguarum* & *Dialectorum* diversitas fuit orta.

Tuetur denique suam sententiam etiam argumento ex Græca Lingua petito, ubi itidem *χῆλος* *Labium* non notet *Dialectum*, aut *Linguam*. Sed res profecto mira, Viros Doctissimos ac limato fatis iudicio præditos uti argumentis, quæ, si qua illis inesset vis, æque, immo magis, suam ipsorum, quam adversariorum oppugna-

rent

rent sententiam. Debuisset certe V. C. vel non protulisse inane hoc argumentum, vel ostendisse saltem, Græcos vocem *Labii* ad *Sensum Orationis* designandum usurpare solitos, quem in usum Mosen hic & Hebræos eam passim adhibuisse censet. Multus est in eo, ut conferat ex Novo Test. quod Paulus jubet Fideles τὸ αὐτὸ λέγειν <sup>a</sup> & φρονεῖν <sup>b</sup>, quod in *Actis* <sup>c</sup> tribuitur illis καρδία καὶ ψυχὴ μία. At ubi χεῖλος ἐν, de consensu, ubi χεῖλος ἕτερον de dissensu? Nusquam, at de Lingua tamen Ego usurpassie eum Vocem χεῖλος ostendi. Id vero *vix sine indignatione legere potuit* sibi repositum, quia non Pauli illa, sed Esaiæ sunt verba, in quibus vertendis Paulus *imitatus sit stylum LXX. Interpretum*. At vero Paulus nullum hic secutus Interpretem, liberrime & suis Græcæ Linguae Verbis expressit Esaiæ sententiam, nec veritus est, dicere ἐν χείλεσιν ἑτέροις λαλεῖν, h. e. *aliena Lingua loqui*: immo videtur, si ordinem verborum ipsius & Esaiæ spectemus, non tam vocem שפה *Labium*, quam לשון *Linguam*, vertisse per χεῖλος, siquidem verba Esaiæ בלעגִי שפה ובלשון אחרת transtulit ἐν ἑτερογλώσσοις καὶ ἐν χεί-

λεσιν

<sup>a</sup> I. *Epist. ad Corinth. I. 10.*

<sup>b</sup> *Ep. ad Rom. xii. 16.* & saepe alibi.

<sup>c</sup> *iv. 32.*

λεσιν ἑτέροις. Neque id statuere absolum foret, siquidem & LXX. vocem שפה *Labium*, in hoc Geneseos loco vertunt modo per χεῖλος, modo per γλῶσσαν, modo per φωνήν, sicuti in Hebræa sæpius שפה & לשון *Labium & Lingua*, tanquam ejusdem significationis vocabula, ut pariter sunt locutionis organa, conjunguntur.

Ex hac autem præcipua phrasi, in hunc sensum explicita, & ita quinquies in paucis his versibus obvia, constituenda quoque est alterius & conjunctæ, sed quæ semel tantum occurrit, locutionis interpretatio, *Unorum scilicet Verborum*, דברים אחרים. Nam sicuti omnis Terra ante dispersionem fuit *Labii seu loquelæ unius*, sic *unis iisdemque verbis* in communi illa omnium loquela ad res quasque denotandas debuit uti. Sic plane Psalm. xix. 4. de Cœlis, qui dicuntur enarrare gloriam Dei, & tamen אין אמר ואין דברים בלי אינם נשמע קולם *non est sermo, nec sunt Verba illis, non auditur vox eorum*. Manifeste hic τὸ דברים ponitur pro *verbis* ipsis, quibus utimur in loquendo & narrando, quorumque *vox & sonus* auditur, sicuti ipsa Radix simpliciter *Loqui*, h. e. *Verbis* quibusdam in qualemcunque sermonem conjunctis uti, passim significat. Philo Hebraica sic red-  
 di-

didit, γῆν εἶναι πᾶσαν χεῖλος ἐν καὶ φωνὴν  
 μίαν, h. e. *sermonem*, qui auribus proprie  
 percipitur, fuisse ejusdem generis, seu *una-*  
*rum* earundemque *vocum*. Sic paulo post  
 ex ipsis LXX. Interpretibus, *confunda-*  
*mus Linguam eorum*, ne intelligant quisque  
*proximi sui* τὴν φωνήν, h. e. *vocem*, quam  
 quis loquendo edit. Certe nihil prorsus,  
 in tota hac & brevi adeo Historia, vel  
 verbulo innuitur aut memoratur de per-  
 petuo quodam consiliorum inter illos Ho-  
 mines consensu, aut earundem opinionum  
 sermonumve in rebus divinis concordia.  
 Contra omnia communionem unius Lin-  
 guæ, & ejus mutuum inter Homines in-  
 tellectum clarissime denotant. Quo per-  
 tinet phrasis: *Confundamus labium eorum*,  
 ne יִשְׁמְעוּ אִישׁ שֶׁפֶת רֵעֵהוּ intelligant quis-  
 que *labium proximi sui*, h. e. ut ipse Coc-  
 cejus, faciamus, ut loqui inter se amplius  
 non possint, ut ita impediatur ista dominatio.  
 שמע enim quando ita simpliciter con-  
 struitur cum Nomine Substantivo, quod  
 quasi regit, nulla intercedente præpositio-  
 ne aut particula, significat maxime, vel  
 simpliciter *audire*, vel etiam *percipere* &  
*intelligere*. At quando obsequi & assentiri  
 notat, & habet junctum sibi substanti-  
 vum, intercedit tunc pene semper vel ב/  
 vel ל / vel particula אל. Dixeram pene;  
 &



& idēo Vir. Cl. quem modo ad partes vocare debui, hoc quoque oppugnans, incassum profecto duo tantum loca invenit & opposuit, in quibus *irrisor* dicitur *non audire increpationem*, & *Deus non audire vanitatem*, quæ tamen ipsa vertere etiam simplice audiendi sensu possis, ut *audiens non audiat*, vel *ita audiat*, *quasi non audiat*. Sed quid opus his? *Audire labium alterius*, Scripturæ phrasi notat vel simpliciter *audire*, vel *intelligere*, linguam aut verba alterius. Sic Psalm. LXXXI. 6. שִׁפְתָּ לֹא יָדַעְתִּי אֲשַׁמַּע *Labium (Linguam) quod non intellexi audiui*. Et Esaia xxxiii. 19. עֲמֻקֵּי שִׁפְתָּ מִשְׁמוֹעַ / *profundi, difficiles labio (pronunciatione) ut intelligi non possint*.

Paraphrastæ quidem hisce duabus locutionibus *Labii unius*, & *Verborum eorundem*, addunt tertiam *Consilii unius*, sed respiciunt certissime singulare illud & memoratum hic illorum *Hominum Consilium*, quod ad impediendam, quam metuebant, dispersionem pariter iniisse traduntur, quem in modum ipsi quoque Judæi illam *Consilii unius* locutionem interpretantur. Neque vero ulla ex parte vel minimum liquet, propositum id Mofi, ut ostendat, quomodo Homines ex constanti hætenus concordia & consensu opinionum

num & sermonum in sententiarum divortia abierint, sed id solum, quomodo ex conjuncta in unum Locum habitatione, & unius Sermonis usu, distracti sint in diversa Terrarum & Linguarum, ut jam sæpe diximus.

## C A P. X.

*Consilia Noachidarum in terra Sinear.*

*Non voluerunt oppugnare Cælum aut Deum. Unice id egerunt, ne dispergerentur. Verbum נִפְּץ etiam voluntariam & fortuitam, quæ sensim fit, dispersionem notat. Dispersio hæc fuit Corporum, non Animorum. Ad eam evitandam exstruere sibi Urbem & Turrim, & facere sibi Sêm voluerunt. Magna in eo nexu difficultas adegit Græcos, ut aliter hæc, quam debuerant, verterent. Nomen quaesitum est res ab hoc loco & nexu plane aliena. Similiter inanis Gloria ex re nullius utilitatis & maximi laboris in primis Homini-*  
*bus*

*bus non debet statui. Calvini interpretatio voculæ פ rejicitur. Supplementa Aliorum confutantur. Cocceji sententia examinatur. Clerici crisis & expositio exploditur.*

CONSEQUENS nunc est, ut exponamus, quid illi Homines, qui ita conjuncti venerunt in Terram Sinear, & ibi pariter confederunt, quique una adhuc loquebantur omnes Lingua, istic suscep-  
rint & fecerint. Hoc vero quia præcipua laborat difficultate, quæ in illa potissimum phrasi, *faciamus nobis Sêm*, inest, videndum prius, quid Homines suscipiendo illo opere spectaverint, seu qua causa, & quo fine sibi proposito, consilium illud tantæ molis, nempe Urbis & Turris ædificandæ, atque ita faciendi sibi *Sêm*, inierint. Unicum hoc illos curavisse, & tanta re aggredienda voluisse cavere, *ne dispergerentur in superficiem omnis Terræ*, diferte tradit Scriptura. Nam quod Josephus ait, cœptam consilio Nimrodi Turrim quasi *contra Deum*, si forte novum hominibus immittere vellet diluvium, atque idcirco excelsiorem, *quam quo aqua adscen-*  
P *dere*

dere posset; simul etiam ut ulciscerentur necem majorum; non modo alienum plane a S. Scriptura, sed & nimis quam ineptum est & ridiculum. Quid enim, ut alia a Pererio contra hanc rationem notata prætermittam, stolidius aut magis absonum fingi potest & excogitari, quam in mentem venisse Hominibus, ut contra Deum, cujus immensam & extraordinariam potentiam, immissa præter solitum naturæ ordinem immodica aquarum vi & eluvione, senferant atque etiamnum hoc suo metu agnoscebant, cujus Ignem, seu

*Fulgura, & humanas motura tonitruamentes,* identidem videbant & audiebant, cujus Ventos & procellarum violentiam toties animadvertabant, contra illum tamen ita consulto ac deliberato se vellent tueri, & quasi bellum fuscipere, immo eum, vindicando fuorum necem, quodammodo punire. Similia tamen & alii Judæi. Vide ad *h. l.* Sal. Jarchi. At longe sapientior iis fuit Aben Ezra, qui tradit *h. l.* *Ædificatores Turris non fuisse tam stultos, ut cogitaverint ascendere in coelum, neque timuisse denuo diluvium, quia aderant istic Noachus & Filii ejus, quibus juraverit Deus, scil. se non immissurum denuo Diluvium in Terram.* Vide Genes. ix. ii. &c.

Sed



Sed & ejusdem Judaica illa sunt indolis, cujus notissima apud Græcos Fabula de Gigantibus, qui congestis in altissimum fastigium montibus cœlum voluerint oppugnare, & Deos bello aggredi: derivata haud dubie ex illis Judaicæ hujus Fabulæ fontibus. Nam & Celsus Epicureus jam olim hanc Turris Historiam contulit cum illa ipsa Aloidarum seu Gigantum Fabula. Vide Origenem *contra Celsum lib. iv. p. 174.* & Sibylla apud Josephum, de hisce primis Hominibus, πύργον ᾠκοδόμησαν ὑψηλότατον, ὡς δὲ αὐτῶ ἀναεῖσόμενοι ἐπὶ τὸν ἔρανόν, *Turrim exstruxerunt altissimam, tanquam ascensuri per eam in ipsum cœlum.* Sed recte Philo *p. m. 342.* de hac Turri, γῆς ὅτις ἐν μέρος ἀμήχανον ἔρανοῦ ψαῦσαι, *h. e. quantacunque tandem pars Terræ nulla ratione potest cœlum attingere.* Verum ortæ hæ sunt Fabellæ atque ineptiæ ex præcepta quadam opinione infandi criminis per exstruendam hanc Turrim admissi, quod quia Moses ipse non exprimit, & quod tamen præjudicio quodam jam olim Interpretes omni modo latere in hoc facto autumabant, tanto liberius illi conjecturis suis indulserunt, & ita tam absurdam & infamem rebellionem, vel potius insaniam, nobis sunt commenti.

Unicum ergo est, quod sibi curæ cordique habuerunt in Terra Sinear juxta Mosen, *ne ex ea dispergerentur in reliqua Terrarum*, h. e. ne quocunque casu ab se invicem imprudentes & inviti divellerentur, separarentur, aut aberrarent in solitudines. Hebræum enim פוץ non tantum violentam, sed etiam fortuitam, immo voluntariam *dispersionem* notat. Sic in proximis superioribus Capitibus, Genes. ix. 19. *Hi sunt tres filii Noachi*, ומאלה נפצה כל הארץ & *ab illis est Omnis Terra in varias Gentes & Regiones dispersa, divisa*, seu *Ab illis orta, ab se invicem discessit & se diffudit in diversas Regiones Omnis Terra*. & x. 18. postquam enumerasset xi. Filios Canaanis, addit, ואחר נפצו משפחות הכנעני & *postea, ortæ ex his, Familiæ Cananæorum diffusæ sunt, vel disperferunt sese, in latissimum videlicet & amplissimum terrarum tractum, cujus fines ex professo seq. §. exponuntur*. Sic Proverb. v. 16. יפצו מעינתך חוצה & *spargant se fontes tui foras*. Et Zachar. i. 17. עור תפוצנה ערי משוב & *Adbucdum se diffundent Urbes meæ propter bonum*. 2. Sam. xviii. 8. וחהי שם המלחמה נפוצת על פני הארץ & *fuit istic prælium illud diffusum per superficiem totius illius terræ vel agri*. Denique i. Sam. xiii. 8. יפץ העם מעליו & *dis-*

*dispersit se, discessit, dilapsus est Populus ab iis.* Et §. II. *quia vidi*, כִּי נִפֶּץ הָעָם מֵעָלַי, *quod dilaberetur populus a me*, ubi manifeste ad notandam voluntariam, & quæ sensim ac singulatim fit, non subitam, violentam, coactam, hominum dispersionem adhibetur. Id quod ostendere pluribus volui, ut ita liqueret, quando Homines hic dicunt, *excitemus Urbem & Turrim, & Sêm, ne dispergamur*, intelligendam esse, non omnino violentam & necessariam, quod nonnulli putabant, sed fortuitam, talemve dispersionem, quam *faciendo sibi Sêm*, cavere & impedire se posse credebant, licet mox, quando *Deus eos dispersisse* dicitur, etiam necopina & necessaria secessio designetur.

Ceterum nullam hîc aliam intelligo *dispersionem*, nisi Corporum, seu ipsorum Hominum, ex uno Loco in varias Regiones, & ex uno Populo in diversos: neutiquam ullius Animorum aut Opiniorum divortii. Idque constare arbitror ex iisdem rationibus, quibus antea *Unum Labium & Una verba* explicanda simpliciter per communionem Unius Linguae, qua omnes pariter ante hanc dispersionem utebantur, ostendere studui, petitis maxime a Consilio Mosis, Historiæ Nexu cum superioribus, & ejus ipsius Narratio-

tione, per suas Locutiones & Circumstantias considerata, denique Hominum tunc viventium certa Habitationis, sed neutiquam verisimili jam ante hanc dispersionem Animorum per omnia, conjunctione. Et nonnulla quidem eorum, quæ istic attuli, majorem hic habent & certiore vim ac evidentiam. Nam quia Moses hac Historiæ lacinia veluti uberiorem rationem reddit, & occasionem factumque ipsum exponit, Rei superiori Capite identidem quasi verbo jam designatæ, non est dubium, quin una eademque res utrobique eodem prorsus modo per eadem, aut similia, ejusdem tamen significationis, verba denotetur. Atque adeo, quia in superiori Capite, & ultimo plane §. proxime ante hanc Historiam dixit Moses, *ex familiis Filiorum Noachi prodiisse separatas* (נפרדו) *Gentes in Terra post diluvium*: Similiter §. 5. eodem vocabulo ait, *ex Filiis Japheti separatas existitisse Gentes insularum, vel ejus Filios separatos, dispersos, in insulas Gentium*; & §. 25. de Phalego, *ejus diebus divisa est* נפלגה *Terra*; immo §. 18. hoc ipsum vocabulum פוז / verbis modo laudatis, *Dispersæ sunt, vel disperserunt sese Familiæ Canaanis*: eaque omnia certissime significant ipsam Hominum unius Familiæ dispersionem & se-



*secessionem* in varias terras & populos; idcirco æque certum arbitror, hoc quoque Capite, & in illo Hominum Consilio, ejusque eventu, eandem plane, neque ullam aliam, designari *dispersionem*.

Sed & ipsæ rei Circumstantiæ, adhibitæque Locutiones, clarissime idem illud probant & demonstrant. Nam quid tandem exstructio veræ Urbis, & veræ Turris, quas vere exstrui coeptas in confesso est apud omnes, facere & conducere potuit ad impediendam dispersionem seu distractionem animorum & opinionum in re sive divina sive politica? Multum autem potuisse ad inhibendam ipsorum Hominum fortuitam in diversa Loca dispersionem, ostendemus in sequentibus. Deinde vero, quando Deus dicitur bis illos Homines, per & post immissam iis Labii confusionem, *dispersisse*, h. e. adigisse ad secedendum ab se invicem, מִשָּׁם *EX ILLO LOCO*, עַל פְּנֵי כָל הָאָרֶץ *in superficiem totius terræ*, nonne manifeste prorsus & citra omnem dubitationis aleam liquet, loqui Mosen de vera & tali Hominum *dispersione*, quæ fit *ex uno & certo Loco*, in quo conjuncti prius una agebant, in varias *reliquæ Terræ partes*?

Hac *dispersione* istis rationibus clarissime, nisi valde fallor, talem in modum demonstrata, & cognito jam fine unico, quem suo operi & consilio proposuerunt Homines terræ Sinear, munitam deinceps habebimus quasi viam ad investigandum tanto facilius ipsum illorum Factum, ejusque Rationem. Voluerunt itaque exstruere sibi Urbem & Turrim, & facere sibi *Sêm*, ne, quo dictum est modo, *dispergerentur* per reliqua terrarum. In Urbe & Turri nulla prorsus hæret difficultas, siquidem talem & istius nominis Urbem, inque ea Turrim celsissimam, revera etiam longo tempore post exstitisse in terra Sinear, notum est, & sic satis probatum a Viris Eruditis. Vide Bochartum *Phalegi* I. cap. 9. & 13. Sed summa inest in eo, quæ sit ratio & vis connexionis in exstruenda Urbe & Turri ad obviam ea re eundum tali dispersioni, & maxime insuper, quid sibi velit illud, *Faciamus nobis Sêm* (*Nomen*) *ne dispergamur*. Certe tanta hæc Græcis Interpretibus visa fuit difficultas, ut propterea n dum hunc, quia solvere non poterant, maluerint gladio secare, pro eo, quod in Hebraico est textu, פֶּן נִפְּרֵץ / *Ne dispergamur*, reddentes, πρὸ τῆ διασπαρῆναι ἡμᾶς, *Antequam dispergamur*; quam versionem secuti sunt Philo

lo Judæus, tum Vulgatus Interpres, & Christiani Patres, qui Græca magis legébant & intelligebant, quam Hebræa: atque inde potissimum nobis testamentariam divisionem terræ, factam a Noacho inter tres Filios eorumque familias ante hanc dispersionem, extuderunt. Verum ista quidem vis est, non iusta interpretandi ratio; sed & certo simul indicio id est, quam nullus illis fane visus sit in Vulgata interpretatione & rei connexionem commodus & rectus inesse sensus.

Et amabo, quid aut quale intelligetur *Nomen*, quod idoneum sit ad cavendam talem *dispersionem* Hominum tunc Viventium ex terra Sinear in alias Regiones, qualem hic necessario intelligendam supra probavimus? An *Nominis Fama*, & *Gloria*? Sed hæc concipi nequit, nisi per & apud Alios existat. Qui vero præter hosce Homines erant *Alii*, apud quos *sibi Nomen facerent*? An *Alii* tunc viventes, an eorum ipsorum *Posteriores*? Utrumcunque eligas, in eodem luto hærebis. Nam præter hosce, qui fuerunt *Omnis Terra*, nulli *Alii* tunc erant. Apud *Posteriores* vero invalidura olim sui *Nominis Fama* quid obsecro conferre poterat ad id, ne ipsi TUNC ex regione Sinear in diversa terrarum dispergerentur? Dein si ista re quæ-

sivissent sibi *Nomen* apud *posteror*, tunc sane id unum viderentur egisse vel spectasse, ut posteris suis relinquerent duraturum suæ industriæ & laboris exemplum ac monumentum, ex quo liqueat, quam non torpuerint otio, nec se dederint segnitiae aut ignaviae, sed aliquid, licet sibi id esset infructuosum & inutile, egerint tamen potius, quam nihil. Hoc autem, tantum abest, ut credam Deum tanquam rem malam inhibiturum, ut potius putem, sua benignitate & favore tanquam rem laudabilem prosecuturum.

Sed & sicuti nulla omnino, qualiscunque tandem *Fama*, sive apud Alios, qui tunc exstitissent, sive apud Posteror, impedire poterat talem, quam metuebant, seu fortuito, seu quo alio casu, sibi tunc temporis eventuram dispersionem, sic neutiquam existimandum est, Homines illos, adeo adhuc simplices & rudes, vanissimo solius *famæ* & *gloriæ* studio, in illis rerum initiis, tantæ molis opus, altissimæ Turris exstructionem, incassum sibi & temere suscepisse. Hoc qui credere, re bene perpenſa, potest, næ is facile fidem absurdissimis quibusque habere poterit, & genuinam primi temporis ignorat plane indolem aut Historiam. Nam Hæc simul, & Ratio ipsa, clarissime nos do-



docent, omnium rerum & artium initia  
fuisse prorsus tenuia ac rudia, necessaria  
ad usum vix cognita tunc aut parata, at  
ornamenta ferius longe inventa aut quæsi-  
ta, nedum ut cujusquam in mentem tunc  
facile venerit, opus nullius prorsus sibi  
utilitatis, & maximi simul ac longissimi  
laboris, aggredi. Vere Aristoteles in *Pol-  
iticiis* VII. 10. Ταὶ μὲν γὰρ ἀναγκαῖα τὴν  
χρεῖαν διδάσκειν εἰκὸς αὐτὴν, τὰ δ' εἰς εὐσχη-  
μοσύνην καὶ περισσίαν, ὑπαρχόντων ἤδη τέτων,  
εὐλογον λαμβάνειν τὴν αὐξήσιν. *Probabile,*  
*ipsam utilitatem docuisse necessaria, at quæ*  
*ad ornatum & abundantiam pertinent, illis*  
*jam existentibus, accessisse, rationi est conve-*  
*niens.* Ceterum illud ipsum etiam contra  
Græcam Latinamque versionem, Judæos  
Hellenistas, & Christianos Patres, est ob-  
servandum, qui tradunt pariter, hosce  
Noachidas voluisse in terra Sinear *sue istic*  
*habitationis Monumentum & Nomen* relin-  
quere, *antequam* ex præcepto vel prædi-  
ctione Noachi ex eo Loco in alias orbis  
terrarum partes a Deo *dispergerentur*, aut  
ab se invicem discedere cogerentur. Nam  
longe adhuc absurdus est creditu, eos,  
siquidem præviderent, aut scirent, se,  
vel omnes pariter, vel multo maximam  
partem, ex eo Loco in alia dispersum iri,  
aut quoque modo abituros, tamen istic,  
ubi

ubi nec ipsi nec posteriores eorum essent deinceps ergo habitaturi, aggressos tantæ molis & molestiæ opus, propter rem nihili, seu tantum, ad servandam, tam operosa & inutili ceteroqui structura, *conjunctæ istic habitationis* memoriam. Eam utique qualicunque alia, magis obvia & facili, ratione prodere posteritati suæ poterant, sicuti comperimus eam ipsam omnium in terra Sinear Habitationem longa & vetusta traditione pervenisse etiam ad Populos & Scriptores, qui Babyloniam & istam Turrim nunquam oculis suis usurparunt. Sui autem *Nominis* & Vitæ folius memoriam nulla re rectius propagare ad posteriores poterant, quam sequendo simpliciter Naturæ ductum, & generando Sobolem, sicuti multis declaravi in *Dissertat. Triade* ad Legem Deuter. xxv. ubi Frater defuncto Fratri jubetur suscitare prolem, *ne Defuncti Nomen deleatur ex Israël*, quod proinde servari sola poterat ac debebat Sobolis successione. Id vero tanto magis hic considerandum, quoniam in hoc *Nomine* sibi apud Posteriores tali structura comparando, nihil iusta ratione inveniri aut statui potest præter vel Inanissimum, si cum tam difficili opere comparetur, sui tantum *Nominis* & Vitæ olim istic actæ memoriam servandi, vel Laudabile, industria

striae a nullo labore abhorrentis exemplum posteris relinquendi, Studium.

Nam *Gloria* inanissimum item in modum tanto labore quæsitæ, quam tamen pene omnes Interpretes hic memorant, prorsus aliena est ab hujus ædificationis Historia, siquidem ea unice consistit in excellentia quadam Unius supra Alium. Jam autem Gloria ex hoc facto oritura, si quæ esset, non fuisset Unius aut Alterius vel Hominis vel Familiæ propria, sed Omnium, qui tunc vivebant, communis, atque ideo neque ad hanc vel illam separatim, sed ad omnem omnium posteritatem communiter perventura. Fuisset ergo, si recte rem perpendas, nulla plane, quia nullorum seorsim, neque illo, quo Turris exstructa est, neque sequenti tempore. Sed & fuerint primi hi Homines quantumvis impii, fuerint libidini suæ & affectibus dediti, vitiis etiam quibuslibet cooperti, tamen tanto eos *Gloriæ* studio jam tunc flagravisse, ut propterea tam gravem & tam diuturnum in se laborem, sine ullo, quem inde ipsi in præsentia consequerentur, usu aut commodo, fusciperent, ab omni veri specie penitus, ut dixi, abhorret. Præterea prorsus putem eos, qui conatum illum primorum Hominum ad *Gloriam*, vel *Superbiam*, vel

*Pom-*

*Pompam, & Ostentationem, vel Ornamentum suæ Urbis*, referunt, magis ita loqui ex more sui temporis, quam indole Hominum in univcrsum, aut Vita istorum Noachidarum seorsim, satis considerata. Nam etiam nunc, qui affectuum suorum, ventris, & gulæ, sunt mancipia, inertiae potius & ignaviae se dedunt, quam ut laboriosam sectentur *Gloriam*. Dein Noachidæ isti nulla utique habebant talium *Ornamentorum*, vel *Gloriæ* simili modo quæsitæ, exempla, quæ sequerentur: neque vero ipsi in fuscipiendo tam diutino exstruendæ tantæ Turris labore (unde naturaliter non sequitur *Gloria*, nisi si moribus sæculi & inconsulta hominum opinione res forte fortuna in consuetudinem publicam invaluerit) videntur inane quid & sibi prorsus inutile spectavisse aut curavisse, quum ne ipsi quidem commode satis sub tectis ædium, sed sub tentoriis, singuli adhuc habitarent, ut videbimus deinceps. Denique etiam hodie rarissimæ profecto Turres, certe solius *Gloriæ* studio, exstruerentur, si vel ipsi, quorum voluntate five auctoritate exstruuntur, manus iis quotidie admoveere deberent, vel illi, qui manus admovent, nullam ex ea re laboris sui mercedem perciperent aut exspectarent, sui que simul



mul juris & arbitrii essent, licet Horum  
 tamen Temporum homines, multis jam  
 aliorum exemplis incitados, talia Urbium  
 suarum ornamenta, inani quodam æmu-  
 lationis vel conspicuæ supra alios excel-  
 lentiae studio, sic satis desiderare aliquan-  
 do largiar. Ast antiquissimis illis tempo-  
 ribus Homines, sine ullo suo usu aut fru-  
 ctu vero, tale quid excogitasse ac fusce-  
 pisse nullam prorsus habet veri speciem,  
 ut jam supra p. 235. diximus.

Sic satis superque jugulatam arbitror  
 præcipuam & vulgatissimam *Nominis, Fa-  
 mæ, & Gloriæ* per hanc ædificationem  
 apud posteros quæsitæ interpretationem,  
 etiam absque illa connexionione cum re  
 præsentis tunc Temporis, *Ne dispergeren-  
 tur*, consideratam: cum qua tamen re,  
 licet eam Moses unice ab illis hominibus  
 spectatam tunc curatamque tradat, nullo  
 etiam modo, ut jam docui, conciliari  
 potest. Quapropter oblitteratam quoque  
 & extinctam plane voluerunt illam con-  
 nexionem, qui suo arbitratu ita manifeste  
 contra veram Hebraici textus sententiam  
 interpretabantur, *antequam dispergamur*.  
 Recte enim monet Vir Magnus, Joh.  
 Calvinus, *non pati id proprietatem Linguae*.  
 Sed neque magis ea patitur sensum, quem  
 ipse his verbis tribuit, *Quamvis*, vel,  
 quem

quem Eugubinus, *si forte, dispergamur.* Vocola enim פ, quæ heic occurrit, non dubitationem, sed intentionem præcavendi mali notat, uti exemplis compluribus probat Vir harum literarum peritissimus Joh. Coccejus. Taceo jam frigidam plane & inconcinnam in his inesse sententiam, *Excitemus Urbem & Turrim altissimam, & faciamus nobis Nomen, quamvis, vel si forte, ex hac regione simus dispergendi,* quasi dicerent, quamvis, vel si forte, neque Nos, neque Posterī ullam tantæ operæ pretium aut fructum simus habituri. Denique confutatur etiam hæc interpretatio omnibus iis rationibus, quas modo contra quæsitam exstruenda Turri inanem gloriam, quæ in ea quoque inest, disputavimus.

Multo etiam minus satisfaciunt paraphrasticæ interpolationes, quibus verba Mosis in quemlibet sensum flectuntur, & supplementis aliunde pro lubitu petitis adulterantur. Ejus generis est, quod Del Rio & Salianus *subaudire* se ajunt, *Maturius,* & ita recte conciliari omnes textus, Græcum, Latinum, & Hebraicum, autumant, ut sensus sit, *ne forte dispergamur, priusquam ullum monumentum potentiæ nostræ relinquere valeamus.* Civitatem porro ædificatam censent, *non ut omnibus tunc*

*mortalibus esset usui, sed iis, quibus sortito hæc terræ portio contigerat, omnibus autem prodesset ad Nominis immortalitatem. Ratio, quam reddunt ædificatæ Civitatis, abunde in superioribus est abjecta, & nititur sola opinione Terræ a Noacho jam ante hanc dispersionem inter Filios divisæ, concepta ex Judæorum traditionibus, & τῶν antequam Græcæ Versionis, licet de ea re nihil tradiderit Moses, traditurus haud dubie rem tam memorabilem, si revera fuisset facta, ut ostendemus in sequentibus ex professo. Conciliatio quoque ipsa quam dura est simul & inepta? addito extra Scripturam supplemento, primum, integri commatis, priusquam &c. dein, nullius commodi sensus, videlicet quasi necessarium omnino fuisset, ut Homines in illo Loco, unde dispergendi vel abituri certo erant, prius relinquerent monumentum *sue potentiae*, h. e. unde liqueret, quid facere possent, quidve humeri & manus valerent in ædificando.*

Æque dura, sed non æque inepta, est Epenthesis, quam hic statuunt Junius & Tremellius, quos & Piscator sequitur, pariter vertentes, *Exstruamus nobis Urbem & Turrim, cujus fastigium assurgat in cælum, UT faciamus nobis Nomen: Videamus,*

Q

mus,

mus, *ne dispergamur in superficiem totius Terræ*. Scilicet existimant, duo spectasse in hac ædificatione Homines, ut sibi compararent *Gloriam*, & ut evitarent *Dispersionem*. Nam etiam in Argumento Capituli Historiam ita exponunt: *Homines cupiditate Gloriæ & Separationis metu conspirantes, Urbem Turrimque Maximam incipiunt ædificare*. Sed durissima est hæc Ellipsis, & quam nullo modo postulant neque ulla Historiæ istius verba, neque totius sententiæ nexus. Nam quid usitatius, quid magis inter se cohærens dari potest hac phrasi, *faciamus hoc, ne illud nobis eveniat?* Deinde aliter longe Moses, quam illi, ea connectit, & sine ulla quidem Ellipseos vel minima specie, hoc modo, *Ædificemus nobis Urbem & Turrim, ET faciamus nobis Sêm; NE dispergamur in superf. &c.* Priora sunt ejusdem plane constructionis, per copulam *Et*, ut solet, connexa, pariterque declarant Factum ipsum, atque idcirco etiam Accentu *Athnach* finiuntur, & distinguuntur a Postremo, quo solo Facti exponitur Finis, qui ergo unicus fuit, non duplex. Illi vero duplicem tamen statuunt, mutant commatum constructionem & nexum, divellunt quæ cohærent, & sine ulla vocula conjunctionis aut transitionis, ex abrupto,



rupto, & intercedente hiatu Elliptico, τῇ  
*videamus*, postremum illud tanquam rem  
 novam & diversam subjiciunt prioribus.  
 Verum quidem, talem Ellipsin in admo-  
 nitionibus & exhortationibus locum ante  
*UT* vel *NE* aliquando habere; sed omnia  
 tunc reperiuntur magis prona & parata ad  
 eam recipiendam, adeo ut eam etiam re-  
 quirere videantur; longe secus, quam hic  
 fit, ubi omnia eam repudiant. Quæ  
 etiam causa, quare alii quoque Interpretes  
 eam hic rejiciant & aspernentur. Præter-  
 ea si maxime illa Ellipsis ferri hic posset,  
 maneret vel sic tamen hæc quoque versio  
 iisdem implicita absurdis, quibus supra  
 inutilem *Gloriæ cupiditatem*, quasi hoc ope-  
 re quæsitam, impugnavi.

Sic vidimus, quomodo se miris modis  
 torserint, & in omnes partes verterint  
 plerique Interpretes, ut se ex difficultati-  
 bus expedirent, quibus premitur hæc lo-  
 cutio, *Faciamus nobis Nomen, ne disperga-*  
*mur*, utque ex ea qualemcunque, qui mo-  
 do ferri posset, elicerent sensum. Sed  
 quum omnia infeliciter tentata videren-  
 tur, censuerunt nonnulli, & recte qui-  
 dem, hæcere difficultatem omnem in vo-  
 cabulo *Sēm*, eoque hic non *Nominis Fa-*  
*mam*, vanamque *Gloriam*, sed aliud quid  
 omnino significari. Primi inter hos sunt

Judæi Paraphrastæ, aliique eorum Doctores, qui τὸ *Sêm* hic interpretantur *Idolum*, atque adeo fingunt (vide *Targum* utrumque, & *Bereschit Rabba*, paras. 38.) ædificatores illos dixisse, *Faciamus nobis Turrim*, & *faciamus Idolum in ejus Capite*, seu *cacumine*, & *demus gladium in manum ejus*, & *conspiciatur tanquam faciens nobiscum*, vel *pro nobis*, bellum. Scilicet in S. Scripturâ Deus Opt. Max. aliquando designatur, non tamen simpliciter per *Sêm*, sed δεικνύως per *Hassêm*, illud *Nomen*. Dein in Turris Babylonicæ, quæ postea exstitit, summa parte, fanum fuit *Beli*, teste Herodoto <sup>a</sup>. His ergo rationibus nititur ista eorum interpretatio, ut & recepto illo præjudicio aperti contra Deum belli, in quo proinde ufuri essent Idolo tanquam Duce. Sed vana hæc esse commenta, quis non videat? Ipsam porro significationem τῆς *Sêm*, quam adferunt, ex Scriptura S. valide refutavit Doctiss. Bochartus *Phalegi* I. 14.

Sequitur nunc Celeberrimi Cocceji expositio, quam quia recipiunt sane multi, non possumus intactam prætermittere. Decurrit ille recta ad figuratum & allegoricum sensum in ista potissimum phrasi *faciendi Nominis*, haud dubie, quia tot  
prio-

<sup>a</sup> Lib. I. Cap. 181. seq.

priorum commenta minime illi satisfaciebant, nec verisimile judicabat, antiquos illos vano & superbo inutilis sibi *gloriæ*, ignotique tunc ornamenti, studio tantum opus suscepisse, neque etiam videbat, quomodo istoc opere, & per illud faciendo sibi qualicunque *Nomine*, veram suorum corporum *dispersionem* cavere potuerint, aut posse se crediderint, nec denique inveniebat alium Grammaticum, seu literalem, ut dicitur, & commodum satis sensum, qui vocabulo *Sēm* hic denotaretur. Existimavit igitur, intelligendum eo *Senatum*, qui *Doctrinæ Nalachicæ depositum* servaret, & in cujus *Nomine* in posterum loquerentur Omnes, ut notat ad Genesin: vel simpliciter, *Auctoritatem*, quam omnes deberent *Nominare*, & a qua omnes deberent *dependere*, ad Apocal. XVIII. 5. quo consilio *Urbs*, quam condebant, erat futura *Metropolis totius orbis terrarum*, & *Caput humani generis*, ut ibidem ait: *Turris* porro, vel *Signum hujus consensus Hominum*, vel *munimentum istius Senatus*, ad Gen. XI. 5. Consequens jam hisce erat, ut *Unum Labium* & *Una verba* explicarentur per *consensum* in iis, quæ loquebantur, & oportebat loqui de Deo & ejus cultu: *Confusio Labii* & *dispersio* per *dissensum opinionum* & *sermonum de Deo*, & *distractionem*

in *populos diversa verba loquentes*, h. e. in varias Religionis sectas. Breviter eadem Cl. Heideggerus in *Hist. Patr. Exerc. XXI. §. II. Per Nomen commode intelligi potest celebris Senatus residens Babylone*, qui custodiret depositum & traditionem Verborum, quæ tum homines, ut edocti a Noacho, pariter omnes loquebantur.

Sed primo, quæ in hac Historia de *Labio & Dispersione* memorantur, de simplice & vera Linguae unius communione Hominumque ex illo Loco in diversa terrarum Dispersione, accipenda esse, clarissime, ut arbitror, ex consilio Mosis, hujus Historiæ Nexu cum superioribus, denique Stylo in universum, & singulis proprie Locutionibus, supra demonstratum est. Et sane, si Mentio *Urbis & Turris, Laterum & Bituminis* in hoc Capite, si *Divisio terræ, Separatio Noachidarum in Varias Terras, & Linguas*, immo ipsum illud *Dispersionis* vocabulum de *Familiis Canaanis* in proximo Capite, cujus hæc Historia est veluti appendix quædam, si ista, inquam, omnia accipienda sunt proprie & Historice, ut accipiuntur ab ipsis illis Eruditis, quæ ergo ratio est, quare non etiam *Dispersio* hujus Capitis eodem modo primitus exponatur? Affirmat quidem Vir Summus ad Apocal. d. l.



si *Dispergi* explicetur *discedere habitatum in universa terra*, id vero *temerarium* fore, siquidem *stultum fuisset & frivolum*, si illi *Homines nolissent in omni Loco habitare*, quum Deus ipse per modum beneficii, Noachum & Filios allocutus, jusserit eos *implere Terram*. Ego vero nihil *temerarii* in illa expositione, nihil *præcipuæ* cujusdam *Stultitiæ* in istac Hominum voluntate video. Nolebant illi ab se invicem avelli & separari, antequam necesse esset. Oderant solitudines, metuebant istic sibi & pecoribus suis incursus ferarum. Operam itaque dederunt, ut non modo consulto ab se invicem non discederent, sed neque fortuitis casibus imprudentes & inviti aberrarent, ut dein pluribus ostendamus. Neque negari potest, Homines *Urbe & Turri* istic exstruenda, quomodocunque ea accipiantur, alligasse Se quodam modo & suam habitationem *isti Loco*, saltem quamdiu istic conjuncti vivere poterant, nec desiderasse adhucdum ullam secessionem seu dispersionem.

Sed & velim mihi expediant Viri Eruditi, quæ quidem non frivola plane ratio tantæ jam *Sapientiæ* in eo sit, quod ad continendos se in iisdem de Religione sermonibus exstruxerint tantæ molis lapideam Turrim præter morem & exem-

plum istius Temporis. Nam sicuti recte rogat Vir Summus, *Magna & celebris fama quid poterat conferre ad hoc, ut manerent in uno Loco?* sic & Ego lubens discere velim, quid vel maxima & altissima *Turris* naturaliter (nam natura rerum & ingenii Humani illis temporibus, quibus nondum invaluerant varii mores, spectari maxime debet) conferre potuerit ad *consensum animorum & constantiam opinionum de Deo* servandam. Sed quid multa? Non possunt non ipsi agnoscere hic Loci veram Hominum *Dispersionem*. Nam certe Heideggerus post *Exercitationem de Turri Babel*, subjicit statim eam *de Dispersione Gentium*, ad quam in illius *Turris* ædificatione homines a Deo adactos tradit per *Confusionem Labii*, & in qua recte statuit Homines *non repente in extrema orbis climata transisse, sed primo viciniora appetuisse loca*. Similiter Coccejus monet ad Gen. xi. 9. *Dispersionem hanc factam circa civitatem Phalegi*. Et antea ad Cap. x. 17. *Divisionem generis Humani, ut discederent in Familias & Populos, cœpisse itidem fieri, cum Phaleg nasceretur*. Eadem ergo est hæc *Dispersio*, & illa prioris Capitis *Divisio Terræ*, seu *Generis Humani*, ac *Discessio* a se invicem in *varias Familias & Populos*, atque adeo vera Hominum *Dispersio*.  
Ce-

Ceterum si ita literaliter & proprie vera Hominum *Dispersio* ab se invicem hic est intelligenda, necessario tum quoque, non figurate, sed itidem proprie, accipiendum est τὸ *Sêm*, & ita quidem, ut significet aliquid, quod fuerit vel credi potuerit idoneum ad talem *Dispersionem* inhibendam. Relationem enim manifestam significationis inter se habent hæc duo, qualis debet & solet intercedere inter Factum & ejus Finem, quia *Facere sibi Sêm* decreverunt, tantum, *NE dispergerentur* ex terra Sinear. Præterea si tam religiosa, & quæ tanti essent momenti, cogitassent vel sibi proposuissent Homines, quæ obsecro causa dari potest, quare Moses nihil ejus vel verbo significasset paulo liquidius? quare nusquam hic talem *animorum consensum*, nusquam *doctrinam* illam *Noachicam*, nusquam talem *Senatum*, plane & clare memorasset, æque ac *Urbem*, *Turrim*, *Lateres* & *Bitumen*, res profecto inanes, si cum ista Doctrina & Senatu comparentur? quæ causa ita se involvendi, quum utique Historiam scriberet, non Parabolam aut Prophetiam? Certe Historicus qui intelligi vellet, quo modo declarasset loqui se de *Sermone* divinæ potius Doctrinæ, quam quarumcunque aliarum rerum, de *Nomine*



Ecclesiasticæ potius Auctoritatis, quam Politicæ, immo cujuscunque Auctoritatis & Senatus potius, quam alterius Rei. Hic vero ne γρὺ quidem occurrit, quo *Nomen* illud & illa *Verba* definiantur, ut Unum hoc urgeam, in Sacram magis & Theologicam, quam Profanam & Civilem, Societatem, Potestatem, aut Scientiam.

Sed & durius mihi semper visum, si, quod ait Vir Summus ad Apocal. d. l. *sine dubio bonum fuit, quod Patres nostri quæsiwerunt, & quo Majus procurari ab homine non videtur posse, sed aberrarunt in medio tantum, quod scil. voluerint constituere Nomen Auctoritatis Humanæ, quo in verorum de rebus Divinis Sermonum & Doctrinæ Noachicæ consensu continerentur omnes; Deum tamen, quod improbaret illud Medium, confudisse idcirco eorum Labium & ipsos Sermones, ac dispersisse eos, qui antea fuerant Unus Populus, eorundem sermonum, h. e. (ut necessario contrariorum contraria debet esse interpretatio, quo singula recte cohæreant) immisisse illis schismata, & hæreses, vel saltem effecisse invicta sui Numinis vi, ut, qui antea eadem & recta senserant, scederent in discidia & sententiarum divortia, per quæ veri illi & recti, quos habuerant de*



Se & Suis mysteriis ac cultu, sermones distraherentur in varios, & proinde plerosque necessario perversos, falsos, atque impios, siquidem unus solummodo esse poterat rectus per omnia, verus, & pius. Etenim si hæc ita forent accipienda, tum sane Remedium, quod Deus adhibuisset ad inhibendum illud *Medium Humanum* retinendi laudabilis ceteroqui consensus, fuisset longe utique gravius ipso Malo, quod in isto *Medio* hæreret.

Supereſt ſententia Joh. Clerici in ſuo ad Genefin Commentario, ubi palam teſtatur, *frustra hoc in loco ſudaſſe Interpretes, neque convenire ei ſenſum Famæ ſibi parandæ*, quia nulla ſit ejus connexio cum hoc Fine, *ne Spargantur ex illa Terra in Varias regiones*, cenſet itaque, *hanc aut ſimilem requiri hic ſententiam*, ut voluerint Primi Homines Urbem condere, quæ Humanæ generis eſſet & diceretur Metropolis, circa quam una ſit Reſp. cujus imperii ſedes in perpetuum in ea ſola Urbe ſit, ne genus humanum per totum Orbem pro cujusque vagantis Familiæ arbitrio ſpargatur: altiſſimam porro Turrim excitare, ut Metropolin ſuam inſigniorem eo monumento facerent: denique Nomen Facere, h. e. Nomen ſuum imponere Loco, vel Urbi Habitationis ſuæ, ut eam vocarent ἀνθρωπόπολιν, Urbem Homi-

minum, *aut simili nomine*, plane ut Deus dicitur *ponere Nomen suum in Templo*, in quo veluti habitat, & quod ideo *Templum Dei* vocatur. Sed quod neque ipsi hæc certe phraeos illius interpretatio satisfaciat, patet ex eo, quod confestim subjicit: *Si loco vocis*  / *Nomen, legeremus*  / *h. e. Matrem, seu Metropolin, eadem exsurgeret sententia, nec ea posset locutio contorta haberi*: abunde sic declarans, qualemcunque *Nominis* locutionem & significationem, etiam hanc ab se allatam, cum quadam duritie & contorsione in istum locum, & connexionem cum *dispersione*, inferri. Atque ideo præferre videtur in sequentibus Criticam hanc Lectionem, ut *hac scilicet Metropoli condita, unum foret imperium, cui, quæcunque Urbes postea excitarentur, essent vectigales & subditæ, quasi Filiae.*

At primo Critica emendatio vix, ne in Profanis quidem, nedum in Sacris, admittitur, nisi durissimum Necessitatis Templum, aut maxima & manifesta verisimilitudo, eam requirat ultro, neque alia ulla rem expediendi commoda ratio superfit. Deinde sicut Puella, quæ tantum quod nascitur, nondum potest esse nec dici *Mater*, sic neque Urbs nondum condita, immo necdum condi cœpta, seu adhuc-  
dum

dum futura. Si quis dicat, juris & imperii futuri ratione habitam dictamque *Metropolin*, neque hoc congruum satis videtur, quum nullæ Aliæ tunc Urbes, supra quas hæc Metropolitano jure emineret, imperiumve exerceret, exstiterint, aut brevi exstituræ viderentur, siquidem hæc erat omnium prima, cujus condendæ Homines Nomades, & incertis antea sedibus vagi, consilium hoc tempore primum ceperunt, & quidem stabiliendi sibi istic habitationis, & cavendæ dispersionis causa ex hoc unius Urbis loco in alias regiones, ubi demum Aliæ Urbes forent excitandæ, sed incertum quando. Nihil itaque de *Metropoli* cogitasse videntur Homines, quum necdum ulla Alia, ne Hæc quidem ipsa, exstaret Urbs, & stabilem tantummodo Sedem sibi tunc demum vellet constituere. Adde, absonum plane sensum esse & nexum in eo, *Faciamus nobis Matrem, ne dispergamur*: vel *Metropolin, ne dispergamur ex hoc loco in reliqua terrarum*. Sed & vox ~~ON~~ *Mater* ita absolute posita, sine expressis aut designatis aliis Urbibus a prima ortis, neutiquam videtur *Metropolin* significare. Dicitur quidem Una Urbs *Mater* alterius, quæ per coloniam ex illa priorē originem suam traxit. At hic in tota Hiltoria, nulla alia  
Urbs

Urbs ne verbo quidem ullo designatur, immo neque ulla alia tunc, ne in mente quidem aut consilio illorum Hominum, exstabat, ad quam illa tanquam *Mater* referri posset, ut adeo etiam hæc contorta fatis sit locutio ac interpretatio. Haud minus friget illud alterum, *Faciamus nobis nomen*, h. e. imponamus nomen nostrum Urbi a nobis excitandæ, & appellemus *Urbem Hominum*, quasi periculum esset, ne ceteroquin a Leonibus aut aliis Feris esset denominanda. Urbs quamdiu una & sola erat, non indigebat ullo Nomine. Sed neque illud notat ista phrasis. Et enim quando Deus *Nomen suum in Templo* vel *Gente* dicitur *ponere*, quod, vel quam, ab se nominari patitur, nunquam tunc dicitur *Facere sibi nomen*. Certe & illi Homines non *Sibi*, sed isti Urbi, *fecissent* ac *dedissent nomen*, si suum ei nomen imposuissent. Quid porro iste sensus ad vitandam facit *Dispersionem*, quæ arctissimo nexu apud Moysen cum *faciendo Nomine* cohæret? Neque vero ulla fatis speciosa potest dari causa, quare, si jam tanto essent numero, ut nonnulli Secedere desiderarent, eos interminatione servitutis & vectigalis absterrere vellent a Secedendo illi, qui manere mallent & possent, aut quare non paterentur eos *pro cujusque arbitrio per totum*



*tum Orbem*, Vacuum utique & Vastum, *vagari*, vel *spargi*, *terramque*, ut permiserat Deus, *implere*: cum e contrario, qui discederent, varia dispersionis incommoda vel pericula, qui manerent, nulla omnino subirent. Abrahamus profecto suæ utilitatis vel commodi gratia longe aliter sentiebat, quum ipse & Lothus soli, non possent *simul habitare* propter multitudinem pecoris, quæ erat utrique, & ideo contentio inter utriusque pastores esset exorta. *Nonne*, ait Genes. XIII. 9. *universa hæc terra tibi est exposita, separa te quæso a me: si sinistram petieris, Ego dextram petam; si Tu dextram, Ego sinistram*. Suasit ergo ille secessionem ultro; tantum abest, ut impedire vellet. Sed & si maxime talem Secessionem impedire tamen voluissent Primi illi Homines, potuissent id æque fecisse, etiamsi nullam *Urbem* conderent, aut suo *Nomine* insignirent, ut adeo neque sic ulla appareat ratio *Urbis* ædificandæ, & maxime *Nominis* sui in ea ponendi propterea, *NE dispergerentur*. Denique relinquitur etiam in hac interpretatione præcipua illa difficultas tantæ *Turris* incassum plane, nullumque sibi in usum, nisi inanis ornamenti, excitatæ ab Hominibus, qui talia Urbium ornamenta nunquam viderant aut audiverant, nec  
haud

haud dubie tam diutino labore comparanda desiderabant, neque etiam ædificationis concinnum in modum faciendæ periti erant, quippe qui nunquam ædificaverant, & antea plane omnes, postea etiam plerique & pene omnes, in tentoriis habitarunt.

## C A P. XI.

*De Voce* טו / Sêm, & ejus significatu. Turris cæpta est extrui, ut esset Signum & quasi Pharus Pastoribus per longinqua errantibus redeundi ad suam Urbem. Nomina sunt signa rerum vel Hominum; Signum etiam pro Nomine vel Cognomine ponitur. Nomen etiam qualemunque disertam Hominis descriptionem notat. Nominatim pro diserte & speciatim sæpe adhibetur. י apud Hebræos notat Manum, & Statuam seu Monumentum. טס טו Etymologia. Conjungitur ea vox cum aliis Signum denotantibus. Multa vocabula, eorumque significationes, in He-

*Hebraico Codice tantum semel occurrunt, & ex finitimis Linguis, etiam Græca, sunt explicanda.*  
אָנֶר / unde Græcum Ἀγείρω, Latinum Acervus. אֶפֶסְתָּה Epistola, unde Ἀγγαροί, forte & Ἀγγέλλω.  
**L** & **R** permutari inter se solent.  
גַּיַּא vallis, unde γαῖα & γῆ terra qualiscunque: עֲנָקִים unde Ἀνάκτες & Ἀνάκτες de Diis, Regibus, Dominis. סֵמֶן / quod Signare notat, ut & סִימָה Signum ejusdem videtur originis, cujus τὸ ὄψ. Literæ ד & שׁ sæpius in derivationibus sibi invicem substituuntur. Verba etiam a Nominibus derivantur apud Hebræos. Σῆμα Græcum est idem plane quod Hebr. Sêm. Notat omnis generis Signum: etiam Sepulchri Titulum, qui olim solum sepulti Nomen continebat. Ipsum hoc & derivata eodem sæpissime sensu reperiuntur adhibita, quo ὄνομα cum suis Derivatis. Arrianus in Periplo Erythræi

*expositus. Ἐπίσημόν τινος dicitur,  
quod alicujus Nomen præ se fert,  
vel ab aliquo denominatur.*

**H**ABEMUS ita omnes aliorum de vexatissimo hoc loco sententias, quæ quidem alicujus sunt momenti. Quas idcirco tanto diligentius excussi, ut ostenderem, locum etiamdum superesse Novæ (fatebor enim) interpretationi, quam adfero. Etenim rationem semper prius studiose reddendam puto, quare receptam, aut priorem aliorum expositionem recipere non possimus, antequam nostram & Novam Lectoribus obtrudamus: Eam porro venerationem Sacræ deberi Scripturæ, ut quando ejus sententia nondum est clare & liquide percepta, aut explicita ab aliis, sedula eam investigatione undecunque eruere tentemus, eamque, quæ ita sive a nobis, sive ab aliis eruta & indagata videtur, ante meriti cognitionem justumque examen ne aspernemur aut rejiciamus. Quid ergo? Velim quilibet hanc, quam proferam, interpretationem ad ipsum Scripturæ locum diligenter, sed sine præjudicio, exigat, sicuti Ego eam cujuslibet judicio lubens submissam volo. Censeo itaque, Turrim tantam, non sine cau-



causa, usu, & fructu, ab istis Homini-  
 bus utilia tantum, immo pene necessaria  
 tantum, non vana, non inania, non su-  
 perflua sibi quærentibus, tam molesto &  
 assiduo labore in ista rerum & artium im-  
 peritia excitari coeptam, sed certæ &  
 præsentissimæ utilitatis gratia, ex illorum  
 saltem opinione; atque adeo fuisse eam  
 Turrim ipsum illud *Sêm*, quod *facere sibi*  
*voluerunt, ne dispergerentur.* Idonea ergo  
 fuerit, necesse est, ad dispersionem istam  
 impediendam, & ita τὸ *Ὄψ* *Sêm* quoque  
 significare hic debeat non *Nomen*, sed  
*Signum, Monumentum, Indicium*, quo ho-  
 minibus in longinqua camporum erranti-  
 bus, ut solent Nomades cum suis gregi-  
 bus, declaretur, simulac intra circulum,  
 unde conspici illud posset, rediissent, ubi  
 esset eorum Urbs, & Sedes fixa, ut &  
 quo itinere ea sit repetenda. Historiam  
 Facti, ut sese habuit mea ex sententia,  
 prius exponam, dein singula validis &  
 compluribus documentis probare, & dif-  
 ficultates, quæ objici queant, remove-  
 re conabor.

Postquam ergo Omnes, quique erant  
 Homines, diu multumque in Oriente er-  
 raverant cum suis armentis & gregibus,  
 atque identidem ex uno in alium migra-  
 verant locum, venerunt tandem in Ter-

ram Sinear, seu Babyloniam. Hanc vero quia reppererunt præ aliis uberem, fertilem, pascuam, suisque rationibus opportunissimam, consilium pariter ceperunt, in ea potissimum, עִיר / *Urbem*, seu *stabilem* sibi *Sedem* figendi: sed quum Pastores essent, atque ideo sæpe a reliqua Hominum multitudine, longius sequendo pecora, aberrarent, nec facile dein redirent ad suos, quia Terra tunc nondum erat in vias scissa, sed in latissima istic potissimum patebat camporum veluti æquora, nullis viis, nullis signis distincta, nec obvii in tanta adhuc Hominum paucitate facile occurrebant, quos de reditu instituendo percunctari possent, immo quum hisce de causis haud dubie jam nonnulli plane non rediissent; ideo reliqui, metuentes, ne simile quid & sibi aliquando eveniret, & ne in tali casu, si scilicet diutius vel etiam in perpetuum aberrassent, infestarentur a feris bestiis, quæ in Terris solis maxime & liberrime agunt, decreverunt simul cum Urbe altissimam extruere Turrim, qua e longinquo visa, veluti signo quodam in altum sublato, Homines scirent & cognoscerent, quo sibi per illam æquabilem agrorum planiciem iter esset dirigendum, ut ad reliquam Hominum societatem & habitationem, seu ad illam Ur-

bem

bem suam redirent. Sic ergo Turris illa  
 futura erat *Signum*, quod, ut Aquila Le-  
 gionem Romanam in acie & agmine, sic  
 hosce Homines per pascua & prata vagan-  
 tes cogeret denuo & colligeret identidem  
 in unum & proprium sibi locum, cave-  
 retque, *ne* singuli facile *dispergerentur*, aut  
 longis forte erroribus in perpetuum a re-  
 liquis divellerentur, cujus nullum erat pe-  
 riculum, quando in conspectu se istius si-  
 gni continebant; sed & si forte longius  
 paulo aberrassent, facilius vel sic illud de-  
 nuo oculis suis reperire & recuperare po-  
 terant. Hæc est Facti ratio, in qua nihil  
 occurrit non probatu facillimum, & ver-  
 bis Mosaicis congruum.

Primum autem omnium declarandum  
 jam arbitror, expositionem hanc non esse  
 alienam a significatione vocabuli *שֵׁם* *Sēm*.  
 Nec enim negaverim, potissimum eo de-  
 signari *Nomen* alicujus rei vel Hominis  
 proprium. Sed quid est tale *Nomen*, nisi  
*Signum*, quo audito vel viso unumquid-  
 que cognoscitur, & a similibus ejusdem  
 generis distinguitur? Recte Imp. Justi-  
 nianus, *Nomina SIGNIFICANDORUM*  
*Hominum gratia reperta sunt. Qui si alio*  
*quolibet modo intelligantur, nihil interest.* §.  
 29. Inst. de Legatis. Atque hinc in Lin-  
 gua Latina, *Nomen*, a *Novi*, *Novisse*,  
R 3
qua-

*quasi Novimen, quod Notitiam facit, teste Festo. Immo ipsum vocabulum Signi cum derivatis sæpe Proprii Nominis vel Cognominis sensum denotat. Lamprid. in Commodō c. 11. Decembrem Amazonium ex Signo ipsius vocabant, h. e. Cognomine Commodi, qui Amazonius etiam volebat appellari. Spart. in Pescen. c. 8. Quum Bassianus Antonini, quod verum Signum Pii fuit, Nomen accepit. Vopisc. in Aurel. c. 6. Nam cum essent in Exercitu duo Aureliani Tribuni, Huic Signum Exercitus apposerat, Manu ad ferrum, ut, si forte quæreretur, quis Aurelianus aliquid fecisset, suggereretur, Aurelianus Manu ad ferrum, & cognosceretur. Lat. Pacatus Paneg. Theodosii<sup>a</sup>, quo (sæculo) Romani duces Macedonici, Cretici, Numantini de vocabulis gentium subastarum adoptivum Insigne sumebant. Minuc. Felix p. 18.<sup>b</sup> Propriis appellationum Insignibus multitudo dirimenda est. Livius I. 36. Centurias addere alias constituit; suoque Insignes relinquere nomine. Plinius Paneg. c. 23. Gratum, quod Equestris Ordinis decora honore Nominum sine Monitore SIGNARES. Et c. 88. Nec magis Definite Distincteque DESIGNAT, qui Trajanum, quam qui Optimum appellat,*

<sup>a</sup> Cap. v.

<sup>b</sup> Edit. Ouzel. five Cap. XVIII.



*lat, ut olim Frugalitate Pisones, &c. MONSTRABANTUR. Capitol. in Gord. c. 17. Quod Antoninum Filium suum ipse SIGNIFICARI voluit in Senatu. h. e. nominari, appellari Antoninum. Similiter Nota, præcipue quidem qualecunque signum, sed & speciatim signum Nominis notat. Ovid. Fast. I. 596. Ille Numantina traxit ab Urbe Notam. & IV. 61. Sed Veneris Mensem Grajo sermone Notatum Auguror. h. e. Apri-lem ab Ἀφροδίτῃ, h. e. Venere, Nomen suum accepisse. Contra Nomen non tantum propriam hominis aut rei significat appellationem, sed integram etiam ac plenam descriptionem, qua tanquam signo demonstratur & cognoscitur. Florus I. II. Coriolos quoque victos adeo gloriæ fuisse, ut captum oppidum C. Marcius Coriolanus, quasi Numantiam aut Africam, Nomini induerit. h. e. suæ addiderit designationi, quæ constabat apud Romanos proprio cuiusque nomine seu prænomine, tum Nominis Gentis, ex qua esset oriundus, dein Tribu, in qua censeretur, denique Ordine, vel Magistratu. Cic. Parad. IV. Me Nominis tuo appellas. h. e. Exfulem Me vocas, quod vocabulum in Te convenit, tuæ vitæ quasi Signum est, quia quos Leges exilio affici volunt, Exsules sunt, etiamsi solum non mutarunt. Plaut. Mofell. I. 1.*

67. *Pol tibi istuc (Furciferi) credo Nomen actutum fore.* h. e. te mox furcam vere laturum, eaque re simul & illa appellatione insignitum fore. Hinc *Nominatim* res, quæ propria nomina non habent, dicuntur designari, quando ita expressis verbis & signis describuntur, ut certo cognoscantur. Cic. de Offic. III. 16. *Quicquid esset in prædio vitii, id statuerunt, si Venditor sciret, nisi Nominatim dictum esset, præstari oportere.* Veluti, si denunciatum fuisset Venditori ab Auguribus, ut ædes, quas vendebat, demoliretur, id Vitium *Nominatim* erat dicendum. Famil. XIII. 28. *Duo Nominatim te rogo, primum, ut si quid satis dandum erit, cures, ut satis detur &c.* Liquet ex his, promiscue *Nominis* & *Signi* vocabula adhiberi tum Proprio Nomini, tum rerum Hominumque Notis vel Signis exprimendis, atque adeo ferre Naturam Linguarum & Significationum, ut utraque res eodem vocabulo variis in Locis denotetur.

Id vero ut de Hebraico שם / cuius gratia hæc præmissi, certius constet, sciendum, derivari illud *Sêm* haud dubie, ab eadem origine, cuius est quoque vocula שם *Sâm*, Ibi. Nam conveniunt & literæ, & significatio. Sicuti enim *Sêm*  
fi-

significat id, quo aliquid demonstratur, sic *Sâm* actum ipsum monstrandi quasi digito vel manu, quæ in illo monstrandi actu plerumque adhiberi solent. Hinc eleganter apud Hebræos *Signum* vel *Monumentum* alicujus rei vocatur יד / quo proprie ceteroqui *Manus* notatur. Sic 1 Sam. xv. 12. de Saulo, postquam Amalekitas delevisset, *Venit Saulus in Carmelum, & ecce statuit sibi Manum*, h. e. Signum Victoriæ. At disertissime 2 Sam. xviii. 18. *Abfalomus statuit sibi in valle Regis את מצבתה Statuam*; nam dixit, *Non est mihi Filius, qui Nomen meum in memoria hominum servet*; & vocavit illam statuam *Nomine suo*, itaque appellatur illa usque in hunc diem יד אבשלום *Manus Absalomi*, h. e. Signum, Monumentum, quo Absalomus demonstratur, & ejus Nomen fervatur, ac propagatur ad posteros. Inde jam est, quod tanquam pene synonyma conjungantur יד ושם Eza. lvi. 5. *Et dabo eis in domo mea & in muris meis Manum & Nomen* (seu Monumentum & Signum, quo semper cognoscantur) *melius Filiis & Filiabus. Nomen perpetuum dabo illis, quod nunquam destruetur*. Nempe ficti Absalom, quia non habebat Liberos, erexit suæ Memorix *Manum*, sic hic Eunuchis loco Filiorum Filiarumque pro-

mittitur *Manus* & *Nomen*, quæ nunquam sint subvertenda, & per quæ Memoria eorum melius, quam per Filios aut Filias, conservetur. Cum quo Eſaiæ loco conferri velim, quod itidem junctim legitur in *Dialog. de Corr. Eloq. c. 7. Nomine vocari* & *Digito demonstrari: Et* apud Jctos, *nihil referre, proprio Nomine res appelletur, an Digito ostendatur, an vocabulis quibusdam demonstretur.* l. 6. D. de Rebus creditis.

Origo autem utriusque vocabuli dicitur esse Syriaca, vel Arabica (Vide Patrem meum de *Ratione Studii Theol. cap. XIII. p. 300.*) quæ *Excellere, Excelsum esse, & simul Nominare* significat. Nempe quod in edito est positum, id excellit; quod vero excellit, digitis, signis, nominibus demonstrari solet. Hinc jam apud Latinos quoque *Nomen* & *Nobilis* ejusdem plane originis sunt. Nam quid est *Nobilis* aliud, quam qui facile noscitur & nosci potest propter quandam supra alios excellentiam? Adde, *Signa*, quæ homines conspici vel observari velint, plerumque in excelso statui, ut tropæa in Montibus, sicuti a Saulo factum vidimus, ne ex profanis exempla, quæ innumera pene sunt, adferam: vel in altum tolli, ut vexilla, aliaque signa Militaria. Hinc Græci &

La-



Latini proprie σημεῖον ἀρεῖν, *signum tollere*. Polyæn. I. 29. σημεῖον ἤρε τοῖς φίλοις καὶ ἰωπεῦσι h. e. *signum sustulit Velitibus & Equitibus*, quos ab se dimiserat, ut falleret hostes. Cic. *pro Marcello cap. 1. His omnibus ad bene sperandum quasi Signum aliquod Sustulisti*. Et forsan ab hac ratione est, quod Deus, qui alias etiam עליון *Excelsus*, *Altissimus*, vocatur, appelletur quoque in S. Scriptura השם *Hasssem*, quasi in *Excelsso positus*, qui est super omnia. Sed hoc posterius incertum tamen & Ego arbitror. Quin, ut dicam, quod sentio, etiam de ipsa dubitem etymologia, putemque Arabicum illud & Syriacum verbum potius debere originem suam & significationem vocabulo *Sêm*, quod simul Nomen & Nominis ac Famæ excellentiam notat: ipsum autem *Sêm* esse a שום (*Sûm*) *Ponere*, quoniam *Nomina & Signa* rerum sunt *Rebus* illis, ut cognoscantur & distinguantur, *imposita*. Et ita eodem modo ac forma גר *Peregrinus* per Tzeri a גור; כן *Probum*, *Rectum*, a כון; עט *Calamus*, a עוט vel עיט *volare*, unde עיט *volucris Major*; שח *Meditatio* a שוח / שח / Plur. שתות *Nates* (plane ut שם / Plur. שמות) a שות. Adde his מתים *Homines*, vel proprie *Mortales*, a מות / ut ego quidem censeam. Neque vero rationem

hic

hic habendam magnopere putem puncti diacritici Literæ שׁ in vocibus שׂ & שׁוּם: quum illud pro arbitrio & qualicunque judicio in vocabulis, præsertim originis reconditæ & obscuræ, imposuerint haud dubie demum Masorethæ: certe istam distinctionem neglexerint, vel non agnoverint, cum Græci Interpretes, qui in Nominibus Propriis τὸ *Schin* vel *Sin* promiscue per simplex *Sigma* exprimunt, tum vicinæ Hebraismo Linguae vel Dialecti, quæ etiam in Appellativis sine discrimine vertunt modo in *Samech*, modo in *Tau*. Hac itaque ratione *Sêm* significaret *Nomen* aut *Notam* Homini vel Rei demonstrandæ *impositam*; *Sâm* vero idem esset, ac si quis י *Manum* intendens diceret, *Ibi Positum est, quod quæris*.

Verum ut ipsam vocabuli *Sêm* significationem seorsim jam probemus, sciendum est, eo non tantum denotari Nomen Proprium, sed etiam qualemcunque Appellationem, & Designationem per Epitheta. Sic Esa. ix. 6. *Et vocabit quis Nomen ejus, Mirabilis, Consiliator, Deus Validus, Pater æternitatis, Princeps Pacis.* Judic. xiii. 18. *Quare ita rogas Nomen Meum: nam hoc est Mirabile, vel exsuperans captum humanum.* Ubi manifeste *Nomen* significat descriptionem, qua cognosce-

re-

retur Deus. Pro *Signo* autem ubi fuerit positum, præterquam in hoc Geneseos loco, vix ullum in S. Scriptura reperiens exemplum: nisi quod Esaiaë LV. ult. conjungantur tanquam Synonyma, לשם לאות, עולם in *Nomen*, in *Signum perpetuum*, plane ut cap. seq. §. 5. junguntur יר ושם *Manus* (statua) & *Nomen*, de quo jam egimus supra: sed & Aben Ezra ad h. l. Genes. jungit לאות ולשם.

Ceterum nihil profecto mirum, peculiare multorum Vocabulorum *Significationes*, quasdam Rarissime in Hebræo Codice, immo nonnullas prorsus Semel vel etiam Nunquam, occurrere, quum ipsa *Vocabula* sane quam multa essent tantum ἀπαξ λεγόμενα. Neque aliter se res habere potest, quando ex antiqua Lingua exiguae adeo supersunt reliquiae. Pone ex Latina ad nos pervenisse unicum Livium; quot vero istuc reperirentur tantum semel & Vocabula ipsa, & eorum *Significationes*, quarum exempla ex reliquis Auctoribus habemus nunc sane frequentia? Sic ergo, quia ex Hebraica nihil nobis residuum est, nisi unicus S. Scripturae Codex, necessarium quoque, multa esse istuc vix semel atque iterum obvia, quæ tamen fuerunt olim sic satis usitata. Hæc etiam causa, quare toties Viri Eruditi  
ex

ex Cognatis & vicinarum Gentium Linguis Hebraicam, quia de suo tam pauca & parca, atque ideo incerta, Significationum nobis reliquit documenta, feliciter & studiosè explicent atque illustrent; id quod rectè ita & utiliter fieri, cum alii, tum ex professo pluribus exemplis docuit Pater Meus *Libro modo laudato cap. 13.*

Quibus adde, mox aliter etiam usui futurum, illud ἀπαξ λεγόμενον apud Jobum xvi. 19. שְׁהָרִי / *testis meus*, cujus vocabuli usum & significationem frustra alibi in Hebraica Lingua quæras, sed invenias in paucissimis illis Chaldaicæ reliquiis in S. Scriptura obviis. Nam Genes. xxxi. 47. quum Labanus & Jacobus acervum lapidum constituissent, veluti testem fœderis & amicitiae inter eos redintegratae, Jacobus eum Hebraice appellasse dicitur גִּלְעָר / at Labanus Chaldaice יֶגֶר שְׁהֲרוּתָא h. e. *Acervum Testimonii*. Sic אָגֶר in S. Scriptura nobis occurrit tantum in significato *colligendi fructus* tempore messis, vel autumnii. At latiore habuisse significationem ex derivatis discere possumus, non modo ex Græco ἀγείρω (quod extra controversiam ex illo Hebraico est ortum, potius, quam ab ἄγω, ut volunt Græcorum Etymologi, quodque etiam *frugum*



*gum collectionem* (ut apud Hesiod. Εργ. v. 574<sup>a</sup>. καὶ οἴκαδε καρπὸν ἀγείρειν, h. e. *domum colligere fructus*) sed præterea omnis quoque generis rerum *collectionem congregationemque* notat, ut nemo ignorat, & liquet vel ex ἀγορὰ *forum*, sic dictum, quoniam ibi congregari & convenire solent cives, resque venales eo comportari) Tum ex Latino *Acervus* (quod ab ἀγείρω, cujus diphthongus in derivatis mutatur in vocalem brevem, haud dubie potius formatum, litera Γ Græcorum, ut solet, in C Latinorum transeunte, quam ab ἀκίς *acumen*, vel ab *acus*, *aceris*) Verum etiam ex ipso אגרת / quod in Libris *Paralipomenon*, aliisque sub Monarchia demum Medo-Persica scriptis, occurrit, *Epistolam* significans, haud dubie a collectione Literarum & verborum, qua ratione etiam apud Latinos *Epistola Literarum* vocabulo passim exprimitur. Immo & inde videtur ortum, ut apud Persas ἄγγαροι dice- rentur οἱ γραμματοφόροι καὶ ἄγγελοι τῷ βασι- λέως, ut exponit Suidas, h. e. *qui literas & mandata Regis perferebant*. Vide Bris- son. *de Regno Persar. lib. i.* Quod ipsum vocabulum non modo cum derivatis, vel- uti ἀγγαρεύειν & ἀγγαρεία, translatum est postea in Linguam Græcam, sed & ex  
 Eo,

Eo, vel ex Hebr. מַגֵּן / formatum a Græcis jam olim arbitrer ἄγγελος & ἄγγέλω, litera R in L mutata, ut sæpe fit. Nam & eadem ratione Vox Ἀγέλη Grex, ab Ἀγείρω videtur formata; sed & idcirco Lucianus in *Judicio Vocalium*, has quoque literas, L & R, inter se litigasse memorat. Exempla autem vide in Notis nostris ad Æliani *Var. Hist.* II. 33. extr. sed maxime apud Vossium de *Literarum permutatione*. Putem vero hanc Originem tanto certiore, quod apud Hesychium lego etiam ἄγγέριος, & quidem expositum per ἄγγελος, quodque Xenophon & Suidas <sup>a</sup>, in exponendo τῶν Ἀγγάρων Perficorum munere, vocabulo quoque ἄγγέλων utuntur. Ceterum si ita est, ut sane videtur, habemus in eo iterum, æque ac in τῷ מַגֵּן / exemplum vocabuli, cujus latior usus nobis constat magis ex Græca Lingua, ubi quemlibet & cujuslibet rei *nuncium* significat, quam ex Orientali, unde tantum scimus notasse *Cursorem*, qui Regis Literas ferebat. Huc refer etiam Hebr. גַּי Gai vel Gê, quod pene ubique *vallem* vertunt, sed quod omnem insuper *planiciem*, regionem, tractum, in mare vel montes plerumque de-

<sup>a</sup> Etiam alii. Vid. Stolberg. *Exercitat. de Angariis Veterum.*

definentem, & ita vel ex mari vel in montes exfurgentem ( siquidem a Radice הרי *in altum erigi* derivatum creditur ) notare, Græca iterum Lingua nos docet, ubi latiore omnis *terræ* sensu accipiuntur passim γαῖα & γῆ, vocabula haud dubie inde formata, unde & LXX. Interpretes plerumque Hebraicum אֶרֶץ per γῆ Græcum reddunt, sicuti ostendit Doctiss. Keuchenius ad Matth. v. 22. Porro autem τὸ γαῖα maxime tractum terræ Campestem & Montibus oppositum significare ex Homero & Virgilio inter se collatis pulchre probavit Henr. Stephanus <sup>a</sup>. Sed &

S cer-

<sup>a</sup> Henr. Stephanus in *Thesauro Ling. Gr.* unum habet locum Homeri, ubi γαῖαν a montibus distingui dicit, ex *Iliad.* ὁ. V. 57. Ποσειδάων ἐτίναξε Γαῖαν ἀπειρεσίην, ὁρέων τ' αἰπεινὰ κάρηνα, *Neptunus concussit terram immensam, montiumque excelsos vertices.* Cum eo confert verba Virgilii V. *Aenëid.* 694. *Tonitruque tremiscunt Ardua terrarum & campi*, in quo sibi videri ait Poëtam Latinum ὁρέων αἰπεινὰ κάρηνα interpretari *ardua terrarum*, at γαῖαν *campos*. Non video quomodo ex his verbis Homeri probari possit τὸ γαῖα maxime significare tractum terræ campestem & montibus oppositum. In illo loco nihil aliud significare potest; sed ex eo non consequitur id maxime significare etiam aliis locis, ubi montibus non opponitur. Eustathius quidem pag. 1195. γαῖαν l. d. Homeri itidem interpretatur πεδιάδα γῆν, *campestem terram*,  
nec

certam notare regionem, quæ in stabilem alicujus gentis habitationem cessit, liquet ex eo, quod Veteres appellarint Galatas per Asiam vagantes γαιζήτας, quia, ut ait Eustath. ad *Iliad.* β. v. 122. <sup>b</sup> γαῖαν ἐζήτην, ἐφ' ἧς οἰκήσῃσι, *Terram quærebant, in qua habitarent.* Adde jam his עֲנָקִים & עֲנָקִים בְּנֵי *Enakim & Filii Enakim*, qui fuerunt non tantum Gigantes amplissimæ staturæ, sed & aliquot Urbium (*Hebronis, Debiri, Hanabi*, Jos. xi. 21.) Domini, Filii cujusdam *Enak*, q. d. hominis *Torquati*; quod Patris Nomen transiit in totius Familiæ appellationem, adeo ut ejus Posteriores dicantur non tantum *Filii Enak*, vel *Filii Enakim*, sed & simpliciter

nec tamen quidquam de hac præcipua notione vocis γαῖα observat; verum & ibi, & ad *Iliad.* δ. pag. 1012. adnotat, morem Homeri esse, ut, posito toto, quod omnes partes continet, v. g. *terra*, tamen deinde etiam notabiles quasdam partes totius memoret: ut *Iliad.* δ. v. 193. Γαῖα δ' ἔτι ξυνὴ πάντων καὶ μακρὸς Ὀλύμπος, *Terra vero adhuc communis omnium & excelsus Olympus.* quasi scilicet mons Olympus non esset pars terræ.

<sup>b</sup> Pag. 188. Edit. Rom. Et sic etiam Auctor *Ety-mologici M.* Sed sunt argumenta, quibus impugnari possit scriptura hujus vocis, ut corrupta; etsi ideo non negandum est γαῖαν pro *sedibus* dici. *Terras quaerere, & sedes quaerere* Latini quoque pro eodem dicunt.



ter *Enakim*, seu Græca terminatione plurali *Ε'νακες*. Inde jam factum videtur, ut hoc Nomen deinceps denotaret etiam *Reges & potentes Dominos*, in primis quia antiquis temporibus in Oriente ad Regiam dignitatem præ ceteris produci solebant præcipuæ staturæ Homines, quia, ut ait Curtius VI. 5. *Hominibus Barbaris in corporum majestate veneratio est, magnorumque operum non alios capaces putant, quam quos eximia specie natura donare dignata est.* Neque vero minus apud Hebræos ea majestas & statura corporum commendabat Regios Homines, quod non tantum ex Saulo notum est, sed & traditur de Absalomo 2 Sam. xiv. 25. Ceterum utriusque significationis documentum habemus iterum in Lingua Græca, ubi *Α'ναξ, ἄναξος*, ut antiquissimi, vel *ἄνακτος*, ut posteriores declinarunt, significavit primo *Gigantem*. Nam eo Nomine fuisse Patrem Asterii Gigantis, a quo insula juxta Miletum nomen accepit, Filium Cœli ac Terræ, docet Pausanias in *Atticis*, & Eustathius ad *Iliad.* A. v. 8. <sup>b</sup> Similiter ultimum quoque Terræ post Titanas partum,

S 2

<sup>a</sup> Cap. xxxv. & *Achaïc.* Cap. II.

<sup>b</sup> Pag. 31. *Edit. R.* De hoc, & de Dioscuris egerunt etiam cum alii, tum Bochartus I. *Chan. I.*

tum, Τύφχæα, Hesiod. Θεογ. 859. vocat Ἀνακία κεραυνώθεντα, h. e. *Anacum fulmine* ab Jove *ictum*: Deinde vero notavit idem illud vocabulum etiam *Deos*, in universum omnes, sed peculiariter *Castorem* atque *Pollucem*, qui καὶ ἐξοχήν prisca declinatione Ἀνακες dicebantur: Tum porro *Reges*, denique *Dominos* simpliciter, & *Patres familias*; unde Hesychius Ἀνακτορία exponit βασιλεία, δεσποτεία, h. e. *regnum*, *dominica potestas*; & Ἀνακτορήσι, ταῖς δεσποτικαῖς ἢ βασιλικαῖς ὑπηρεσίαις, *Dominicis aut regis ministeriis*. Sed disertius agit Eustath. d. l. ad Il. A. δῆλον ἔν, ὅτι θεία τις λέξις τὸ Ἀναξ, διὸ καὶ ἐπὶ ὑπεροχῆς κεῖται, οἷον ἐπὶ βασιλέων, καὶ ἐπὶ οἰκοδεσποτῶν, ὡς καὶ τῷτο οἱ παλαιοὶ λέγουσι. δηλοῖ δὲ καὶ Εὐριπίδης τὴν τῆς λέξεως θεϊότητα, εἰπὼν: Ἀναξ, θεὸς γὰρ δεσπότης καλεῖν χρεὼν. *Clarum itaque, Divinæ cujusdam significationis esse vocabulum illud, Ἀναξ, idcirco ἔξ Excellentiam quandam potestatis, veluti Regum ἔξ Patrum familias, denotat, sicuti hoc quoque tradunt Veteres. Euripides vero etiam declarat Divinitatem hujus Vocabuli, dicens: Ἀναξ, nam Deos oportet appellare (δεσπότης) Dominos. Ita ergo loquitur ibi Euripides, quasi Ἀναξ non tam Deum aut Regem, quam Dominum proprie significet, dum hanc ipsam reddit rationem ejus, quod*

Deum

Deum <sup>a</sup> appellaverat Ἀ'νανία, quoniam Deos deceret appellare *Dominos*, quasi ergo Ἀ'ναξ & Δεσπότης fuerit idem. Adde Eundem Eustath. etiam ad *Iliad.* β. in *Catalogo Navium* v. 284. <sup>b</sup>

Lubens hæc omnia & consulto plane attuli, ut ita liqueret, superesse multa in Hebraico Codice, non tam ex Hebraismo, quam aliunde, explicanda, ac ut simul, rariorem hanc vocabuli *Sēm* significationem ex aliis quoque Linguis recte declarari & confirmari, jam ostenderem. Quo pertinet primo, quod iterum in ipsis illis Hebraicæ Linguæ exiguis adeo reliquiis, verbum ejusdem, ut crediderim, cujus τὸ שֵׁם / Originis, *signare, insignire*, notet. Est illud מֶן / quod ipsum itidem semel tantum occurrit, & quidem apud Esaiam xxviii. 25. שַׁעֲרָה נֶסֶם *hordeum insigne, vel signis distinctum*. Quæ etiam causa est, quare Eruditi illud ex Lingua Græca derivent, quasi a σημαίνω vel σημειῶν deductum fuisset. Mihi vero illud mirum plane accidit, vocabula Græcæ originis, seu ex Græcismo, & quidem ferioris temporis, translata in Hebrai-

S 3

cum

<sup>a</sup> Sunt in Euripidis *Hippolyto* v. 88. verba ancillae, vel, ut Barnesio placet, servi ad Hippolytum.

<sup>b</sup> Pag. 345. Edit. R.

cum Sermonem, tribuere Eſaiæ, Prophetæ & Scriptori, qui floruit temporibus Jothami, Achazi, Ezechiaë, Regum Judæorum, dudum ante Pſammetichum, qui primus demum teſte Herodoto II. 154. liberum & ſecurum Græcis aditum aperuit in Ægyptum, quum ab Ionibus & Caribus forte fortuna per tempeſtatem iſthuc delatis adjutus eſſet. Multo itaque minus videntur Hebræi jam dudum ante illud tempus Græcos in ſuam terram, aut vocabula Græca ſuam admiſiſſe in Linguam. Porro autem σημαίνω ſerioris, ut dixi, eſt ævi, vel certe remotioris a ſua origine derivationis. Nam prius dixere Græci σημαίω, atque inde poſtea formarunt σημαίνω, quo modo ſe res habet in omnibus iſtius Formæ verbis. Sic enim etiam βαίνω ex βάω, φαίνω ex φάω, ὑφαίνω ex ὑφάω, χαίνω ex χάω, ἐλαύνω ex ἐλάω, &c. Quanto itaque rectius ſignificatio & etymon verbi ממן ex iſſis Orientalium Linguis deducitur, in primis quum apud Chaldæos illud frequens & vulgati fuerit uſus? Et quidni ab Hebraico *Sém*, vel ab eodem vocabulo, unde illud *Sém* originem ſuam videtur trahere? Nempe Hebr. שים *Ponere*, Chaldæi ſcribunt סים / ש in ם mutato, ut fieri quamplurimis in vocabulis notum eſt, etiam in illo שהר



*tesis* (vide supra p. 270.) quod in S. Scriptura per ש / at apud Chaldæos per ד semper scribitur. Immo vero permutantur inter sese hæ literæ in una eademque Lingua, etiam Hebraica, sæpissime. Sic enim סמר *horre*, שמיר *spina horrida*, שעפים & סעפים *cogitationes ambiguae*, שונ & סונ *avertere, recipere se, &c.* simul utraque in uno Codice Hebræo occurrunt. Quin Ephraimitæ non potuerunt accurate satis vel clare leviculam hanc distinctionem inter ש & ס exprimere, dicentes identidem סבלת pro quo alii Isræelitæ eodem tempore dicebant שבלא. Vide Judic. xii. 6. Similiter apud Chaldæos & Syros שמאל & סמאל *sinister*, מסחתא & עשב *Herba: statera*, עסב & עשב *Decem*, promiscue ab iis modo per ש / ut apud Hebræos, modo per ד scribuntur. Sic igitur Chaldæi & Syri dixerunt non modo סים pro Hebræo שום *ponere*, sed & שם *Nomen, Signum*, simul שום *Nomen, & סימא signum, positio*: quæ duo videri possent primitus fuisse eadem, sed paulatim in diversam distincta pronunciationem & Scripturam, plane sicuti in aliis quoque Linguis sæpe duo existere cœperunt vocabula, diversæ Scripturæ & significationis, quæ antea unum idemque fuerant,

ut una eademque Origine, sic etiam Scriptura & Significatione. Talia apud Latinos sunt, *Coitus & Cœtus, Maenia & Munia, Quæro & Quæso &c.* Sed apud Hebræos & Vicinos longe plura ejus generis reperiuntur per promiscuum istic usum literarum Quiescentium, & Conjugationum defectivarum, ut & per Masorethicam Punctorum distinctionem. Ab illo autem מִמָּ formatum procul omni dubio מִמָּ / quod itidem *Signum* notat. Hinc porro deduxerim illud מִמָּ quod semel in Hebraica Lingua, in Chaldaica frequentius obvium, de re, quæ *signo quodam notata vel insignita est*, adhibetur. Neque hoc rejiculum plane haberi ideo debet, quod plerumque Nomina in Linguis Orientalibus deriventur a Verbis. Aliquando enim, licet rarius, contra fit. Et ita crediderim factum in simili plane מִמָּ / quod significat proprie & primitus *Tempus constitutum*, eaque una significatione apud Hebræos occurrit, sed apud Chaldaeos dein Analogica translatione etiam *Conventum* notat, qui fit *constituto tempore & loco*, veluti in Conviviis, & solennibus ac statis conciliis. Significatio autem illa *constituti, dicti, decreti temporis & conventus* nos ducit manifeste ad originem illius a verbo מִמָּ *decernere, constituere, co-*  
gi-

gitare, repetendam, unde & מומה cogitatio, propositum. Ceterum ab illo זמן formatum est Verbum, quod tantum apud Ezram & Nehemiam in Participio Passivo occurrit, notatque itidem praestituta, statuta, edicta tempora, sed quod Chaldaice ac Syriace etiam ex secunda Nominis istius significatione notat Parare, ex. gr. convivium, invitare, citare, congregare, in locum scilicet & tempus certum. Similiter a גור Habitare apud alios, est מגור Habitatio, & מגורה Granarium, vel Horreum, in quo fruges reponuntur, aut colliguntur. Nam גור etiam colligere, & congregare notat; atque adeo tum ex hac significatione, quam crediderim omnium primam & praecipuam, tum ex illo derivato, videtur convenire origine ipsa, & vi significationis, cum אגר / sed ab eo distractum esse tandem ea ratione, quam modo memoravi, in diversam & Scripturam, & peculiaris Significationis usum: plane sicuti etiam Scriptura differunt גרה & אנורה / quod utrumque pariter Nummum seu Obolum, notat. Ceterum ex illo מגור Magur formata sunt in derivatis Linguis varia literam M. retinentia: sic in Græca μέγαρον, Homer. Iliad. A. 396. παλῶς ἐν μεγάροισιν, quod Scholiastes exponit, ἐν τοῖς τῷ πατρὶός μου οἴκοις: at in Pu-

nica *Magar* pro Villa, Servius ad Virg. *Æn.* I<sup>a</sup>. *Magalia antistæchon est, Nam debuit* (Virgilius) *Magaria dicere; quia Magar, non Magal, Pœnorum lingua Villam significat.* Similiter vero ab isto מגורה *Horreum* videtur deductum Verbum מגר *dejecit*, & hinc ממגרה *Granarium*, quia grana dejiciuntur in horreum. Neque aliter se res habet in derivatis a גרר *traxit*. Nam inde est מגרה *serra*, quæ in diversum vicissim *trahitur*, & גרה *ruminatio*, quæ *retrahit* cibum. Ab utroque autem Nomine derivata sunt Verba ejusdem significationis, ut videre est in Lexicis. Nihil ergo obstat quo minus etiam a Nomine סימא vel סימן derivetur itidem Verbum סמן / cujus significationem & originem potissimum nunc investigavimus.

Ita vero liquet, alia etiam superesse in Hebraismo, at in Chaldaismo frequentari, Vocabula ejusdem, cujus τὸ *Sêm*, originis, & iisdem, vel certe ejusdem potestatis & organi, literis constantia, significationem autem, quam in τῷ *Sêm* quaerimus, *Signi* qualiscunque, extra controversiam habentia. Id quod magno sane est argumento, idem olim significasse etiam illud *Sêm*, licet ejus in exiguis illis



lis Hebraicæ Linguæ reliquiis non nisi unum hoc diserte nunc reperiatur exemplum, quod idcirco ab aliis non fuit animadversum. Sed non minoris evidentiae & ponderis argumentum ex Lingua Græca peti potest, ubi  $\Sigma\eta\mu\alpha$  formatum est haud dubie ex Hebraico  $\text{שֵׁם}$  /  $\Sigma\eta\mu$ , & denotat similiter qualecunque *signum*, tam quod auribus percipitur, quam quod oculis. Derivandum illud esse ex Hebræo *Sēm*, declarat conveniens utriusque vocabuli significatio, & eadem prorsus literæ. Nam  $\text{שֵׁם}$  quando est Nomen Proprium unius ex Filiis Noachi, a LXX. exprimitur hisce literis  $\Sigma\eta\mu$ , quibus si addas A. quæ est litera terminationis Græcæ, habes ipsum illud  $\sigma\eta\mu\alpha$ . Sic quas literas Hebræi  $\beta\eta\tau$ ,  $\eta\tau$ ,  $\theta\eta\tau$  appellant, Græci  $\beta\eta\tau\alpha$ ,  $\eta\tau\alpha$ ,  $\theta\eta\tau\alpha$  dicunt. Significatio autem  $\tau\epsilon$   $\Sigma\eta\mu\alpha$  est *Signi*, quod in Voce, Nomine, Verbis, Literis, Rebus, Argumentis consistit. Sic apud Homerum in *Odyssæa extr.*  $\sigma\eta\mu\alpha\tau\alpha$  passim <sup>a</sup> appellantur *Signa*, quibus Ulysses redux a suis agnoscitur: Et in Ludis ac Certaminibus *Notæ* <sup>b</sup>, quæ declarabant, quousque

<sup>a</sup> In *Odyss.*  $\epsilon$ . bis omnino *vers.* 328. & 345. in superioribus libris sæpe.

<sup>b</sup> Homer. *Iliad.*  $\psi$ . v. 326. 843. Et apud Latinos *signum* de Meta. Vid. Virgil, v. *Aenëid.* 130.

que pervenisset cujusque discus, ut & *Metæ* ac *Scopi*, quos petebant cursu vel jaculis: Tum in Bello *Signa*, quæ vel Voce & Verbis, vel Vexillis aut alia quacun-  
 que Re, Militibus dantur, Hes. *Asp.* 385. σῆμα τιθεῖς πολέμοιο, *Signum belli edens*.  
 Hinc σημαίνειν σάλπιγγι passim. Immo & *Literæ* ac *Epistolæ* istoc vocabulo designantur. Sic enim Bellerophonti *Iliad.* z. v. 168. dicitur Prætus dedisse ad Jobaten Socerum σήματα λυγρὰ, *Literas*, vel *Verba tristia*, scribens in tabellis multa acerba. Ubi Eustath. ait γράμματα (*Literas*) dici ab Homero σήματα, quia sint σημεῖα φωνῶν, καὶ νοημάτων, καὶ πραγμάτων, *signa Vocum, Cogitationum, & Rerum*. Et dein v. 176. Socer rogasse Bellerophontem σῆμα ἰδέσθαι, *videre Epistolam, quam sibi a Genero ferret: sed ubi acceperat Σῆμα κακὸν (Epistolam malam) Generi, misisse eum contra Chimæram*. Porro etiam *Omen* ore prolatum istac voce exprimitur, Homer. *Odyss.* γ. v. 111. Ἡ' ῥα μύλην εἴσασα, ἔπος φάτο, σῆμα Ἀνακτι, quæ sistens *Molam, Verbum prolocuta est*, quod erat *Omen Ulyssi Regi, sive Domino*.

Sed præter plura alia notat vel maxime *Sepulchrum*, & ejus proprie *Inscriptionem*, quæ scil. declarat, quis ibi sit sepultus, & quæ constabat olim solo *Nomine* defuncti.

ἔτι. Hinc Eustath. ad *Iliad.* z. v. 176. *ἔκδηλον, ὅτι ὁ μώνυμος φωνὴ καὶ τὸ Σῆμα, τε-  
 θειμένον ἐπὶ τε ἄλλων ἔκ ὀλίγων, καὶ ἐπὶ τά-  
 φῳ, &c. Manifestum τὸ Σῆμα esse vocem  
 varia simul significantem, impositam tum aliis  
 non paucis rebus, tum etiam sepulchro, &c.*  
*Ant. Liber. Fab. 2. Meleagri sorores la-  
 mentabantur sine intermissione (παρὰ τὸ Σῆ-  
 μα) apud tumulum ejus. Sic Regum quo-  
 que Alexandrinorum Sepulchrum com-  
 muniter Σῆμα appellatum docet Casaub.  
 ad Sueton. Aug. 18. Sed nihil illustrius  
 dari potest loco Hesiodi in Asp. v. 477.  
 Τῷ δὲ τάφῳ καὶ σῆμ' αἰδὲς ποίησεν Ἀναυρος,  
 Cygni sepulchrum ἔ' Monumentum obscurum  
 reddidit fluvius Anaurus. Distinguitur istic  
 τάφος καὶ σῆμα æque, ac ab Eustathio ad  
 Hom. passim. Nempe τάφος est proprie  
 ædificium sepulchri, at Σῆμα Monumen-  
 tum seu Inscriptio, quæ olim, ut dixi,  
 Nomen defuncti tantum ostentabat. Hinc  
 Arrianus in Epictetum I. 19. ad Hominem,  
 qui ex rebus nihili æternam Nominis me-  
 moriam quærebat: sperabatque fore, ut  
 si impetraret Sacerdotium, etiam post  
 Mortem in memoria Hominum Maneret  
 suum Nomen: Scribe illud in Lapidem, in-  
 quit, ἔ' Manebit. Lapidem haud dubie  
 Sepulchri. Certe ita fieri solitum, liquet*  
 cx

ex Lactantio I. II. ubi ait sepulchrum Jovis esse in oppido Gnoſſo, inque eo inſcriptum antiquis Græcis literis, *Ζάν Κρόνος*. h. e. *Juppiter Saturni F.* Similiter Ovid. *Heroid.* VII. v. 193. *Nec consumpta rogis Inſcribar*, ELISSA SICHAEI. Sic & apud Gruterum antiquiſſimæ Romanorum Inſcriptiones ſepulchrales nihil fere niſi Nomen præferunt: id quod jam obſervarunt Ant. Auguſtinus, aliique. Neque aliter apud Græcos. Vide Sponii *Itiner.* T. II. p. 384. *Εἰρήνη Διωδώρα Ἐδεσσαῖα Σωσιπόλιδος Ἀμαξαντέως γυνή*. Conſiſtebat itaque τὸ Σῆμα potiſſimum in ipſo *Nomine*, eoque declarabat, quis ibi eſſet ſepultus. Similiter vero ſe res habuit in *Sortibus*. Nam & illæ inſcribebantur in primis *Nomine* fortientium, vel ejus Primis Literis, aut quo alio Signo. Certe apud Homerum *Iliad.* H. v. 187. dicitur Ajax *sortem ſuam ἐπιγράψαι*, inſcripſiſſe; at hoc ipſum v. 175. verbo *σημήνασθαι* exprimitur, & ipſa inſcriptio v. 189. *κλήρῳ σῆμα* appellatur.

Convenit itaque ipſum Σῆμα multum cum *Nomine*, ſed quod ex Compoſitis ejus vel maxime elucet. Nam ſicuti Jobi xxx. 8. *בני נבל גם בני בלי שם*. Erant *Filii ſtultorum*, etiam *Filii Hominum ſine Nomine*, h. e. obſcuriſſimorum, ignoto-  
rum



rum (quo plane modo Latini frequentissime, Florus III. 16. *Hominem sine Tribu, sine Nomine*. Virgil. *Aen.* IX<sup>a</sup>. *Et multam in medio sine Nomine plebem*, scil. occidit, h. e. ut Servius, *quorum per humilitatem non sunt omnibus nota nomina*. Sed maxime *Aen.* II.<sup>b</sup> de Priamo, *Facet ingens littore truncus, Avulsumque humeris caput*, & sine Nomine corpus, h. e. ignoratum, seu quod, quia Caput erat avulsum, cognosci non amplius poterat, aut sciri cujus esset. Sic Silius Italicus lib. IV.<sup>c</sup> *Letho dedimus sine Nomine gentem*, & lib. VIII.<sup>d</sup> *Atque illi sine Luce genus surdumque Parentum Nomen*) ita vero Græci quoque idem dicebant, sed unico vocabulo (ut copiosa est & componendi facilis hæc lingua) composito vel cum τῷ ὀνόματι, vel τῷ Σῆματι, h. e. vocabulis, vel Ἀνώνυμος, vel Ἀσημος: Dio Chrys. *Τρωικῶ*<sup>e</sup>, *ἑτασίλευσαν ἔ σμικρῶν*, ἔδὲ ἀνώνυμων χωρίων, *Reges erant regionum non parvarum, neque ignobilium, sine Nomine*. Hesiod. *Εργ.* V. 153. de Tertii & ænei seculi Hominibus, *descenderunt in domum Plutonis* Νώνυμοι, pro ἀνώνυμοι. Similiter jam Ἀσημος, Joseph. XX. 8. *extr.* Herodes non amplius constituit Pontifices Hassamonæi generis, *sed hunc*

<sup>a</sup> Vers. 343. <sup>b</sup> v. 557. <sup>c</sup> v. 267. <sup>d</sup> v. 248.  
<sup>e</sup> Pag. 189.

*hunc honorem tribuit* τισὶν ἀσήμεῖς *h. e. quibusdam ignobilibus.* Lucas *Actor.* XXI. 39. ἐκ ἀσήμες πόλεως, de Tarso Ciliciæ. Ant. Lib. *Fab.* 13. *Filia hominis* τῶν ἐκ ἀσήμεων, ex illis, qui in ea Civitate non erant obscuri. Contrarium his est **וְשֵׁנִין** *Viri Nominis*, h. e. celebres, quod sæpe in S. Scriptura reperitur. Lxx. illud vertunt ὀνομαστοί: Vide Gen. vi. 4. Numer. xvi. 2. 1. Chronic. v. 24. & xii. 30. Et ita Judithæ xi. 23. καὶ ἔση ὀνομαστὴ παρὰ πᾶσαν τὴν γῆν, *Et eris celebris per omnem Terram.* Syrach. XLIV. 3. ἄνδρες ὀνομαστοὶ ἐν δυνάμει, *Viri Celebres potentia.* Immo & Dio Cassius lib. LV<sup>a</sup>. conjungit εὐγενὲς καὶ ὀνομαστός. *Generosus & Nobilis.* & lib. LX.<sup>b</sup> *Ipse quidem hoc modo, Arria autem alia re, ὀνομαστοὶ ἐγένοντο.* Jam vero eodem plane sensu adhibent Græci etiam derivata à τῷ Σῆμα, veluti διάσημος, ἐπίσημος. Inscriptio Vetus apud Spon. Tom. 2. p. 336. Δαδ' ἄχ' διασημοτάτ'ς. Dio Chrys. Τρωικῶ<sup>c</sup> Ἄνδρῶν ἐπισήμων θανάτ'ς. Lucian. de *Morte Peregr.*<sup>d</sup> τὸν τῷ ἡλίς ἐπισημότερον, *Sole ipso Celebratiorem.* Et in S. Scriptura, Matth. XXVII. 16. *Habebat tunc vinctum, vel reum, ἐπίσημον, nomine Barabbam.* & Rom. xvi. 7. *Salutate Andronicum & Juniam, οἵτινές εἰσιν ἐπίσημοι ἐν τοῖς Ἀποστόλοις, h. e. qui sunt* ὀνο-

ὀνομαστοί, *Celebres*, *apud vel inter Apostolos*. Sed clarissime Vox ἐπίσημα simpliciter pro Nominibus poni videtur apud Arrianum in *Periplo Maris Erythraei*<sup>a</sup>, ubi dicuntur Barygazis etiamdum existare παλαιαὶ δραχμαὶ, γραμμασιν Ἑλληνικοῖς ἐγκεχαρσγμέναι ἐπίσημα τῶν μετ' Ἀλέξανδρον βασιλευκότων, Ἀπολλοδότῃ καὶ Μενάνδρῃ, *antiquæ drachmæ, Græcis literis inscripta habentes nomina Apollodoti & Menandri, qui post Alexandrum istic regnaverunt*. Sic enim vertenda hæc arbitror, ut ἐπίσημα sit Accusativus, usitatissima Græcorum Syntaxi constructus cum proximo sibi Participio, notetque *Nomen vel Designationem* illorum Regum, quæ quia *literis facta* dicitur, necessario itaque consistere debuit in *Nominibus* ipsis, prout etiam Nummi istius temporis sola plerumque Nomina Regum præferunt. Interpres Doctissimus, Gul. Stuckius, locum hunc parum intellexisse videtur, siquidem reddit, *Græcis sculptæ literis cum insignibus Apollodoti, &c.* quasi Arrianus scripsisset σὺν, vel καὶ ἐπισήμοις. Rectius fecisset mea sententia, si τὸ ἐπίσημα tanquam per Appositionem retulisset ad τὸ δραχμαὶ, ut ita drachmæ hæc dicerentur fuisse, præterquam quod Græcis

T

lite-

<sup>a</sup> Pag. 15. Edit. Stuck. Pag. 27. Ed. Oxon. Pag. 169. Ed. Blanc.

literis erant sculptæ, etiam ἐπίσημα illorum Regum, h. e. eorum *effigiem*, *typum* aut *qualemunque designationem habuisse*, quemadmodum sic passim qualicunque nota signatum argentum dicitur ἀργύριον ἐπίσημον, ut ostendimus ad Æliani *Var. Hist.* 1. 22. Quod & ipsum tamen si voluisset Arrianus, scripsisset, ut opinor, potius ἐπίσημοι. Sed vel sic hoc ipsum vocabulum, cum Genitivo ita constructum, declarat, rem, de qua agitur, præferre alicujus *Nomen*, vel ab aliquo esse *denominatam*. Sic Anton. Liber. *Fab.* 25. extr. ἰδρύσαντο δὲ πάντες ἐν Ὀρχομένῳ ἱερὸν ἐπίσημον τῶν Παρθένων τέτων, *constituerunt omnes in oppido Orchomeno templum ab hisce Virginitibus denominatum*, seu *Harum virginum nomine insignitum*, dum dicebatur *illarum Templum*. In hac ergo significatione & constructione vox hæc prorsus quoque congruit cum Voce Ἐπώνυμος. Sic enim Magistratus, qui *Nomen* dabant Annis, & Heroës, qui *Tribubus Atticis*, Ἐπώνυμοι passim dicuntur.



C A P. XII.

*Turris erat Σῆμα idoneum Homini-  
bus, ne dispergerentur, dum ejus  
ope poterant identidem reperire de-  
nuo locum suæ Habitationis. Si-  
miles ejus generis Turres. Aben-  
Ezra recte exposuit usum Turris,  
sed peccavit in Nomine (Sēm)  
explicando. Rectius Tostatus Abu-  
lensis. Homo ab natura odit soli-  
tudinem, & quærit convictum alio-  
rum Hominum. Accedit metus  
Ferarum in solitudine. Nimrodus  
per venationem ferarum sibi po-  
tentiam comparavit & Regnum.  
לפני יהוה quid notet. Heroës Græ-  
ci per venationem & cædem fe-  
rarum evaserunt illustres. Feræ  
infestarunt olim quam maxime ter-  
ras & homines. Earum ideo fre-  
quens mentio etiam in S. Literis.  
Primi Homines fuerunt Nomades  
seu Pastores, & ideo habitarunt  
in tentoriis. Pastores vagari lon-  
T 2 gum*

*gum latumque cum suis pecoribus solebant: etiam illi, qui jam stabilem sibi ceperant sedem. Terra Sinear, seu Babylonica, erat fertilis, & plana ac æquabilis, atque ideo idonea Turri e longinquo videndæ.*

**S**IC satis demonstratum jam putem, Hebraicum  $\Sigma\eta\mu$  significasse etiam *signum*, non tam ex ipsis Hebraicæ Linguae reliquiis, quam ex vocabulis aliarum Linguarum, manifeste a  $\tau\omega$   $\Sigma\eta\mu$  derivatis. Videndum nunc, quam opportuna huic Geneseos loco sit hæc interpretatio, & quam pulchre per eam omnia jam istic cohæreant, quæ ceteroqui nullam plane habebant connexionem, atque idcirco Interpretes Græcos aliosque usitatam & certam connectentis particulæ  $\text{ב}$  significationem relinquere, & alienum omnino sensum exprimere, adegerant. Nimirum Turri extruenda fecerunt sibi  $\Sigma\eta\mu\alpha$ , quod cum habebat usum, ut eminus conspectum homines, in longinquis locis securius jam cum pecoribus suis errantes, facile semper reduceret ad sua, & ita caveret, ne illi hisce erroribus, in pascendis pecoribus usuvénire solitis, in perpetuum

tuum ab se invicem divellerentur ac dispergerentur, quod evenire facillime in isto præsertim Tempore & Terra poterat, absque tali Turri esset. Vide supra pag. 260. Ea itaque gratia Turris hæc dicitur *cacumen habitura in cælo*, h. e. altissima futura (Vide de ista phrasi Doctiss. Bochartum *Phalegi* I. 13.) nempe ut undique e longinquo maxime spatio conspici posset in terra æquabili, & quaque versum plana. Prorsus uti Pharos, turris item altissima, exstructa fuit in insula cognomine, Alexandriæ opposita, ut lumen ex ea præberetur Navigantibus ἐπὶ πολὺ τῆς θαλάττης, in longum Maris spatium, ut ait Lucianus de *Conscrib. Historia* <sup>a</sup>. Et ad hoc exemplum Caligula quoque apud Sueton. c. 46. *Altissimam turrem excitavit, ex qua, ut ex Pharo, ad regendos navium cursus ignes emicarent.* Adde his vel maxime *Turres, quas in deserto ædificavit Uzias, quia pecore abundabat*, 2. Chron. xxvi. 10. Neque enim alium illæ habebant usum, quam ut Pastores ipsius, iis conspectis, tanto facilius undique ad suos se recipere possent.

Istum Turris in terra Sincar a Noachidis exstrui cœptæ usum perspexisse quoque AbenEzram, & recte exposuisse ad

*b. l.* deprehendo, nisi quod Vulgatam retineat  $\tau\zeta$   $\text{שם}$  significationem, & de Nominine & Laude apud posteros interprete-  
tur. Nam ait, *propositum illorum & mentem fuisse, ut ædificarent Urbem Magnam sibi in Habitationem, & Turrim excelsam, / להיות להם לאות ולשם ולתהלה, ut esset sibi in signum, & in Nomen, & in Laudem. At quomodo in Signum? לדעת / מקום עיר להלכים חוצה כרועי המקנה, ut scirent, vel agnoscerent, locum Urbis euntes foras, tanquam Pastores pecoris. In Nomen vero & Laudem, quia durabit Nomen eorum post ipsos omnibus diebus Turris. Et hoc est (addit) quod dicit Scriptura, Et faciamus nobis Nomen. In quibus omnia satis recte se habent, nisi quod Nomen & Laus post ipsorum mortem nihil prorsus pertineant ad cavendum præsens malum, quod sibi tunc metuebant, & quod cum illo, Faciamus nobis Nomen (Sém) arctissima ratione connectunt, scilicet, Ne dispergamur in superficiem totius terræ. Certe illud si voluisset Moses, aliter haud dubie verba ordinasset, nimirum, ædificemus nobis Urbem & Turrim usque in cælum, ne dispergamur, atque ita faciamus nobis Nomen apud posteros, relicturi scil. etiam ipsis hanc Turrim, tam idoneam ad cavendam dispersionem, quamdiu ea nondum erit illis necessaria.*



Liquidius multo veram & commodam prorsus totius Historiæ connexionem & sententiam pervidit inter Christianos Peritissimus Interpres, Tostatus Abulensis, cujus verba ad hunc Locum, quia deprehendi meæ interpretationi prorsus congrua, adscribere volui, licet stylo barbara, sed isti ætati condonanda: *In Litera Hebraica*, ait, *est, Ne dispergamur; intelligebant enim, quod Turris esset tantæ altitudinis, quæ cælum videbatur tangere, quasi ubique terrarum, vel saltem in magna parte, videri posset: Et eam grossissimam & amplissimam fecerunt, scilicet, quod, quando aliquis vellet recedere ex aliqua causa a civitate illa, ubicunque esset, videret illam Turrim, & sciret postea redire ad civitatem: quod non contingeret, si non esset illa Turris sic altissime posita, quia cum nondum essent itinera, per quæ Homines scirent ire & redire, indigebant aliquo alto signo, ut venirent, ne perderentur abeuntes, & dispergerentur per totum Orbem; Et istam intentionem tangit aliquo modo AbenEzra. Nec credo, quod sit aliqua verior ista, & ita concordans verbis textus & rectæ rationi. Et mox, quum locutus esset de Græca & Vulgata Versione, antequam dispergamur, subjicit iterum: Sed tenendo literam Hebraicam, dicendum necessario, quod homines intendebant*

*simul manere omnes non longe ab illa turri, & ideo volebant eam facere talem, ut ubique eam videre possent, & non errarent, sed redire scirent ad locum, & tunc Celebrare Nomen esset, facere Rem, ubique vel ex quocunque loco cognoscibilem. Hoc vero, quid est aliud, quam Facere Signum, undique & ubique conspicuum?*

Jam vero velim mihi quis conferat hanc exstruendæ Turris Rationem cum iis, quas alii dederunt, quasi scil. ea se munire voluerint Primi Homines contra Diluvium, si forte Deus iterum illis immitteret, vel contra Incendium, si eo perdere vellet genus humanum, vel ut in ejus cacumine excitarent Idolum, vel simpliciter, ut ea Ornarent suam Urbem quasi Insigni quodam Metropoleos, vel Politicæ aut Ecclesiasticæ Potestatis. Quæ enim in his omnibus veri species, quod justum verumque tantæ operæ pretium? Contra nihil non in nostra exstruendæ Turris Expositione verisimile, nihil absolum, nihil violentum. Omnia pulchre coherent, certamque & consiliis Hominum congruam utilitatem continent, id quod clarius ex singulis Historiæ totius circumstantiis, seu ex Hominum ipsorum *Sede*, quam ceperant, *Tempore*, quo vixerunt, *Vita* & *Fortuna*, quam habuerunt,

runt, liquebit. Summa Historiæ est, quod metuebant, *ne dispergerentur* in vel ex ea Terra, quam Habitationi suæ præ aliis elegerant, atque ita ab se invicem divellerentur. Est enim Homo ab Natura sua alienæ opis ut indigens, ita expetens, atque adeo ejusdem Naturæ primævo instinctu mutuam societatem & conviæctum quærit, ægreque ab omnibus iis, quibuscum vivere consuevit, in tristem in primis & horridam solitudinem avellitur. Adeo verum hoc est, ut ideo Veteres recentioresque, seu Politici, seu Philosophi, pene uno ore clamitent, Hominem ab natura factum, & idcirco ab natura ipsa etiam ferri, ad conviæctum; solitudinem vero averfari. Audiamus Aristotelem *Polit. III. 4.* ubi quum repetivisset, quod *lib. I. cap. 2.* probaverat, Hominem esse φύσει ζῶον πολιτικόν, h. e. *ab natura factum, vel aptum natum, ad Societatem Civilem*, subjicit, διὸ καὶ μηδὲν θεόμενοι τῆς παρ' ἀλλήλων βοηθείας, ἔκ' ἑλαττον ὀρέγονται τῷ συζῆν· ἔ' μὴν ἀλλὰ καὶ τὸ κοινῇ συμφέρον συνάγει, καθ' ὅσον ἐπιβάλλει μέρος ἐκάσῳ τῷ ζῆν καλῶς: Idcirco etiam qui nihil indigent alter alterius ope, nibilo tamen minus appetunt conviæctum: immo etiam communis utilitas jungit homines, in quantum ea res confert singulis partem Bene & commode vi-

*vendi.* Neque vero negare id audet Hobbesius, qui ceteroquin audet omnia, ut ex homine belluam, ab omni pace & societate naturaliter alienam, faciat. Nam quum *Lib. I. de Cive* cap. 1. negasset receptissimum olim axioma, *Hominem esse animal aptum natum ad societatem*, scil. Civilem, in Notis tamen largitur, *Homini per naturam solitudinem perpetuam molestam esse*, immo *Homines, alterum alterius congressum natura cogente appetere*, quia *infantes ad Vivendum, adulti ad Bene vivendum, aliorum ope indigeant.* Sufficiunt illa nunc nobis, ut liqueat, naturale esse Homini fugere & cavere solitudinem, atque idcirco verisimile, illos Homines, qui secundum Naturam maxime vivebant, præcipuam revera dedisse operam, ne ab se invicem in solitudines dispergerentur.

Opera hæc tanto justior apparebit & probabilior, si cogitetur, non simplicem fuisse eam solitudinem & aberrationem, quam adeo horrebant, sed cum periculo conjunctam maximo a feris bestiis, quæ in solitudinibus vagari, grassarique in homines in iis deprehensos solent. Egregia sunt in hanc sententiam verba Senecæ *de Beneficiis* IV. 18. Societatem humanam illa maxime ratione commendantis: *Nam quo alio tuti sumus, quam quod Mutuis juvamus*  
*offi.*



*officiis? Fac nos Singulos; quid sumus? Præda Animalium, & Victima, ac imbecillissimus & facillimus sanguis, quoniam ceteris animalibus in tutelam sui satis virium est. Quæcunque vaga nascuntur, & actura vitam segregem, armata sunt; Hominem imbellia cingit; non unguium vis, non dentium, terribilem ceteris facit, nudum & infirmum Societas munit. Metuebant ergo & illi, qui pauci adhuc erant in Orbe terrarum, summo jure, ne facti per fortuitos errorum casus prorsus Singuli, præda quoque fierent ferarum.*

Non temere hæc dici, seu non temere in hac *Dispersionis* cavendæ Historia poni metum Ferarum, concedent facile, qui mecum perpendent, ex earum venatione & cæde primis temporibus præcipuam gloriam ubivis gentium ortam, immo complura earum homines & armenta infestantium in ipso Veteris Scripturæ codice reperiri exempla. Neque vero dubito, quin hoc ipso tempore Nimrodus ea maxime re sibi existimationem & gloriam, vel potius auctoritatem & potentiam, inter illos Homines comparaverit, quod erat fortis & *validus Venator*, siquidem Genes. x. 9. diserte dicitur fuisse יהוה גבור ציד לפני *potens venatione coram Deo*. Non ignoro equidem, fuisse & esse quam.

quamplurimos, qui hanc quoque phrasin figurate interpretari malint, ac si ea significaretur, fuisse Nimrodum *Venatorem Hominum contra Deum*, h. e. cepisse animos Hominum, traxisse eos in suas partes, & excitasse ad rebellionem contra Deum; vel simpliciter, oppressisse homines simul, & rebellasse contra Deum. Sic certe Augustinus *de Civ. Dei*, xvi. 4. *Quid autem significatur hoc nomine, quod est Venator, nisi animalium terrigenarum deceptor, oppressor, extinctor?* Idem לפני יהוה *interpretatur contra Deum*, & diserte rejicit illud, *coram*, vel *ante Deum*. Sequitur eum Joh. Sarisberienfis *Policrat. lib. 1. cap. 4. pag. 13. & lib. 8. cap. 20. p. 559. immo Nic. Abramus Phari V. 5. 16. Communis est sententia*, inquit, *Venatorem Metaphorice dici*. Ego vero accedo illis, qui proprio & recto sensu dici, Nimrodum fuisse *Venatorem ferarum*, censent, ut faciunt AbenEzra, & maxime Bochartus *Phalegi* iv. 12. Etenim neutiquam puto, in Historica narratione vocabulum aliquod metaphorice potius accipiendum, quam proprie, maxime quum propria istius vocabuli significatio est receptissima; nisi talia addantur, quæ usitatum & genuinum ejus sensum relinquere, & allegoricum ac figuratum quærere palam nos

ju-

jubeant. Ceteroquin enim nihil certum, nihil constans, immo nihil non ambiguum & obscurum in interpretando habebimus. In hoc vero loco, in quo uno Moses agit de Nimrodo, nihil prorsus de eo dicitur, quam quod *cœperit potens esse in Terra*; quod *fuerit potens venatione coram Domino*, & idcirco dicatur vulgo per adagium, *sicuti Nimrod potens venatione coram Domino*, quod denique *Regnum ipsius fuerit in Terra Sinear*. Nihil utique in his, quod allegoricum nos adigat præferre sensum, præterito prorsus ac neglecto proprio, primitivo, & simul usitatissimo. Nam illud, *Coram Domino*, est frequens Hebræis locutio, quæ variis rebus jungitur vario sensu. Conferri cum hoc loco possunt Genes. XXVII. 7. *Et benedicam tibi לפני יהוה in conspectu Dei, antequam moriar*. Psalm. LVI. 14. in ipsa ad Deum oratione: *Nam eripis animam meam a morte, pedes meos a lapsu, ad ambulandum לפני אלהים in conspectu Dei, assidue in luce hujus vitæ*. Et LXXII. 17. *Et erit Nomen ejus in Seculum, לפני שמיש in conspectu Solis propagabitur Nomen ejus*. In quibus phrasis illa significat vel intensiorem rei, cui jungitur, vel ejus excellentiam, vel potissimum id, quod palam, feliciter, confidenter, secure, & ita, ut desideretur in eo nihil, fit,

fit, quasi in conspectu & sub præsidio Dei. Sed & liquet ex loco Psalmi LVI. esse simplicem phrasin, non semper in animo Scriptoris relatam diserte ad Deum (nam ceteroqui dicere istuc debuisset David *in conspectu Tuo*) atque adeo vulgari in usu, quasi commune adagium, jungi posse etiam rebus a Deo non probatis, quæ tamen ab hominibus confidenter vel excellenti modo Palam & Plene fiant. Conveniunt autem illa omnia huic Historiæ & Venationi Nimrodi, ut dicatur, vel *vere*, vel *excellenter*, vel *audacter validus*, seu, ut Bochartus, *quam maxime potens*. Vide eum pluribus id probantem dicto jam loco. Neque vero capio, quo jure alius Illustris Interpres simpliciter neget, *de venatione Ferarum hoc intelligi posse, quia Moses dicat adagium inde exortum esse*. Quid enim? an minus a vera *venatione ferarum* adagium aliquod vulgaris usus potuit oriri, aut fumi, quam postea inter Israëlitas ex eo, quod alicui forte exciderat, *an Saul etiam inter Prophetas*?

Adde jam, dici, Nimrodum primum fuisse *potentem in terra*, h. e. inter homines, immo primum sibi constituisse Regnum: neque ullam in S. Scriptura exponi vel memorari rationem, qua eam potentiam sibi comparaverit, aut qua ita bene



bene meritus fuerit de reliquis hominibus, qui utique adhuc omnes tunc æquali inter se jure (excepto tantum eo, quod ex relatione Patrum & Liberorum inter se oritur) agebant, ut ejus auctoritati, immo Regiæ potestati, morem gererent, seque submitterent, nisi illam unam, quæ a valida, animosa, & felici *Venatione* ducitur. Hanc enim si recipimus, omnia pulchre cohærent, ut statim, postquam dictum est, illum primum *potentem* fuisse *in terra*, subjiciatur ejus quasi ratio, quod nempe rebus ipsis, certis ac solidis beneficiis, devinciret sibi istius temporis Homines, dum feras bestias eos infestantes identidem capiebat vel occidebat. Ita ergo Sodales sibi primum & Comites, tum Factionem in conjuncto adhuc cœtu Hominum, denique Regnum paravit. Neque ille solus ista ratione apud ceteros homines ejusdem regionis gloriam, gratiam, & potentiam sibi invenit, sed & plerique Heröes Græciæ. Ita inter illustres Herculis labores refertur vel maxime cædes Leonis Nemei, tam gloriosa tunc habita, ut non modo ipse perpetua ejus cædis monumenta & spolia, pellem leoninam, secum semper gestarit, sed & posterius ejus hoc veluti insigni gentilicio, dum ista pelle tegebant sibi

caput quasi galeâ , ornari voluerint in Nummis, seque ita Heraclidas declarari : Tum cædes Erymanthii Apri , qui Arcadiam vastabat, & Cervi Parthenii, aliorumque. Sic quia Theseus Cretæum Taurum, qui Marathonem infestabat, & Aprum Cromyonium occidit, ejus laudes ita apud Ovidium *Metam.* VII. 433. celebrantur,

*Te, maxime Theseu,  
Mirata est Marathon Cretæi sanguine  
Tauri,*

*Quodque suam securus arat Cromyona colonus,*

*Munus opusque tuum est.*

Quin justam pene expeditionem in hujusmodi Feras susceptam, ex notissima Apri Calydonii Historia abunde constat. Sed & ita, cum Lupus vastaret armenta Pelei, Ceyx Hospes ejus,

*Induere arma Viros, violentaque sumere  
tela*

*Rex jubet Oetæus, cum queis simul ipse  
parabat*

*Ire.*

apud Ovid. *Metam.* XI. 382. Hinc igitur Xenophon posterior <sup>a</sup> in lib. de Venatione, in-

<sup>a</sup> Is ipse Arrianus est, ex sententia Virorum Doctorum. Vid. Clar. Fabricium *Biblioth. Graec.*

inter opuscula Arriani, affirmat ipso in initio, a priore Xenophonte in simili libello traditum, quanta bona hominibus a Venatione obveniant, & quomodo hanc Venandi scientiam a Chirone edocti, & Diis grati, & honore ac gloria illustres per totam Græciam fuerint. Immo etiam diu postea, certe apud Macedonas moris erat, ut nemo ad mensam accumberet, nisi qui Aprum extra retia confodisset, sed sederent omnes, usque dum illud fecissent, ut nos docet Athenæus I. 14. addens Cassandrum ideo sedentem, licet jam esset triginta quinque annorum, apud Patrem suum coenavisse, quia facinus illud perficere nondum potuerit, quamvis esset fortis & bonus venator. Denique in India Pastores, ἀσκῶντες εἰς ταῦτα καὶ φιλοπονοῦντες, quasi id negotium sibi unice mandatum haberent, ut κυνηγετοῦντες καθαρὰν ποιῶσι τὴν χώραν ὀρνέων καὶ θηρίων, Venantes puram a volucribus & Feris redderent regionem, ut tradit Diodorus Siculus lib. II. p. 88. addens eam ceteroqui fuisse plenam παντοδαπῶν θηρίων, omnis generis Ferarum. Manifestum ex his, quam necessaria & utilis tunc publico, atque ideo gloriosa singulis, fuerit hæc majorum maxime Ferarum Venatio.

V

In

IV. 8. 1. in Notis. Add. Vossium de Historic. Graec. II. II. & Dodwellum in Dissertat. de Aetate & Auctore Periplus Maris Erythraei, §. 6.

In primis vero ita se res habuit antiquissimis quibusque temporibus, quoniam tunc pauciores ubivis gentium adhuc erant homines, & idcirco vastiores solitudines, audacioresque & magis noxiæ Feræ. Disserte ita Pausanias in *Atticis*, cap. 27. *fuisse olim Belluas hominibus formidolosiores tradit, veluti Nemeum & Parnassium Leones, Dracones in pluribus Græciæ locis, tum Apros, Calydonium, Erymanthium, & Cromyonium.* Neque vero minus Orientem infestasse hujusmodi Belluas, ex multis Veterum Scriptorum Locis, & Historiarum exemplis, probari posset. Uno nunc erimus contenti ex profanis allegando, de quo velim videas Herodotum I. 36. & seqq. audias vero breviter rem ipsam, quantum nobis sufficit, ex Herodoto narrantem Valerium Maximum I. 7. *cum ingentis Magnitudinis aper Olympi Montis (in Myfia) cuncta, crebra cum Agrestium strage vastaret, inusitatoque malo Regium (Cræsi) imploratum esset auxilium &c.* *Inusitatum* quidem vocat hoc malum, quia extraordinarium erat, seu solitis malis gravius. Nam certe Herodotus, unde hæc hausit Valerius, tantum abest ab eo, ut inusitata prorsus putet hæc a Feris mala, ut e contrario gloriam & decus tunc juvenes sibi conciliare solitos maxime ex *Bello & tali Venatione*, dicat.

Sed



Sed non opus his immorari, quum ex  
 ipsis abunde constet S. Literis, quantope-  
 re in Cananæa & vicinis regionibus gras-  
 satæ fuerint Feræ. Sic *Leo obviam factus*  
*Simsoni*, quando cum Matre & Patre pro-  
 ficiscebatur recto itinere Timnatham, Jud.  
 xiv. 5. Et *Davidi pascenti gregem patris*  
*sui surripuit pecudem modo Leo, modo Ursus.*  
 1. Sam. xvii. 34. Atque ideo nihil prom-  
 ptius fuit Jacobi Filiis, aut visum verifi-  
 milius, quam ut constituerent *mentiri apud*  
*Patrem suum* de Josepho, quem interfice-  
 re tunc volebant, eum *a mala esse Bestia*  
*devoratum*, Genes. xxxvii. 20. Neque vel  
 minimum dubitavit dein Pater, quum vi-  
 deret Tunicam Filii, sanguine infectam,  
 quin asseveraret, *Omnino discerptus est a*  
*Bestia* §. 33. Deus quoque minatur Ju-  
 dæis, per causam improbitatis eorum fo-  
 re, ut *occidat eos Leo ex Sylva, ut lupus*  
*vesperi accurrens vastet eorum agros, ut par-*  
*dus observet eorum Urbes, ac discerptat omnes*  
*ex iis egredientes*, apud Jeremiam V. 6. ex  
 quo ipso patet satis, tales bestias fuisse ea  
 in regione frequentes, sed quæ tamen ter-  
 ra vastata essent majorem in modum inva-  
 lituræ. Sed maxime notatu dignum, tum  
 quod Exodi xxiii. 29. Deus promittit  
 Israëlitis, *se non expulsurum Cananæos uno*  
*anno, ne Terra evadat vasta, & prævaleat*

*supra* *Israëlitæ Bestia agri*; tum quod 2 Reg. xvii. 25. 26. quum *Israëlitæ* ex sua terra essent deportati, eaque jacuisset aliquandiu desolata, populi, qui aliunde postea istuc ab Assyriis fuerant traducti, dicuntur *in principio a Leonibus statim vexati*. Jam si ita evenit istis hominibus in terra, quæ incolis suis paulo ante fuerat exhausta: si idem metuendum & certo pene eventurum fuisset *Israëlitis*, si uno anno exstinguerentur Cananæi, quoniam tunc horum terra non ita confestim incolis & occupari tota ab illis potuisset, quin magna ejus pars relinqueretur solitudinibus & lustris ferarum; quis ergo dubitare queat, primos illos & paucos numero Homines, in sola tunc terra Sinear habitantes, multum quoque incommodi & male passos a feris, si paulo longius a ceteris abirent cum suis pecoribus, quippe quum reliqua Terra omnis esset adhuc Belluis quasi dedita, eæ autem in solitudinibus quidem, sed juxta Hominum sedes, vagari maxime soleant, ut ex eorum pecoribus cibum sibi quærant? Quis porro dubitet, optime igitur de illis meritos, qui Feras, a quibus vexabantur, cepisset vel occidisset, nec ulla alia ratione certius quempiam & facilius gloriam sibi tunc & *potentiam* potuisse comparare, quam tal

*Venatione?* Quin immo quis jam amplius dubitare aufit, Nimrodum vere *Ferarum* fuisse *Venatorem*, & ea potissimum via ad illam *potentiam*, immo ad *Regnum*, escendisse, præsertim quum in ejus descriptione, præter illam *potentiam* & *Regnum*, nihil aliud, sed hoc unum diserte & simpliciter memoretur, quod fuerit *validus Venator*, & audax, quasi Dei præsidio tutus aut securus? Denique, quis dubitet etiam, si apud illos Homines talis *ferarum Venatio* tam gloriosa, & gratiosa, ac ad *potentiam* sibi faciendam tam idonea fuit, & si Nimrodus inter illos hoc solo merito Rex evasit, maxime ergo illos propter periculum a Feris metuisse dispersionem ab se invicem in sola loca, sive voluntariam, sive fortuitam; atque adeo lubentes, tantum ad eam evitandam aut cavendam, tantæ molis & operis Turrim exstruere cœpisse, cujus ceteroqui tanto cum labore exstruendæ nullam aliam satis idoneam causam, aut fructum, habere poterant.

Quin patebit hoc ipsum multo etiam clarius, si, quæ Vita primorum Hominum fuerit, consideretur. Nimirum Nomades illi erant, & pastores. Hinc incertis sedibus vagati sunt Nomadum more per Orientem, usque dum venissent in Terram Sinear, ubi primum voluerunt



sibi excitare *חיי* h. e. *stabilem* & *certam habitationem*, quomodo accipiendum esse in antiquissimis Historiis hocce vocabulum, in superioribus jam docui. Ratio autem istius consilii, & figendæ jam illic in perpetuum Sedis, fuit, quod Terra ista erat maxime pascua, & pecoribus, unde illi potissimum vivebant, opportuna. Fertilitatem ejus adeo extollit Herodotus I. 192. 193. ut postquam eam pluribus probasset, tandem *incredibilem* dicat fore iis, qui terram nunquam viderint. Plinius Nat. Hist. VI. 26. breviter ait, esse agrum totius Orientis fertilissimum. At Curtius V. 1. tam uberi & pingui solo, ut a PASTU repelli Pecora dicantur, ne satietas perimat. At vero Pastoria illorum vita manifestissime declaratur etiam eo, quod passim dicuntur habitasse in Tentoriis, ut solebant Nomades. Sic enim Gen. ix. 27. de Japheto, *habitabit in tentoriis Semi*. Et §. 21. Noachus dicitur jacuisse ebrius in medio tentorii sui. Res clarissima est ex Abrahami Historia, qui nullam in terra Canaanis habuisse legitur certam Sedem, sed identidem *movisse Tentoria* sua ex uno loco in alium. Primo enim habuit tentoria Sichemi, dein Bethele, ubi etiam ædificavit Deo altare, sed mox etiam inde movit *versus Austrum*, tunc in *Ægyptum*, unde



postea rediit eadem via *Bethalem*. Verum quum haberet penes se Lotum, & uterque abundaret gregibus, armentis, & tentoriis, adeo ut non possent habitare simul, & jam rixæ exorerentur inter utriusque Pastores, secesserunt ergo ab se invicem, & Lotus quidem movit tentoria Sodomam usque, at Abrahamus in planiciem *Mamræ*, Vide Genes. xiii. Vere itaque Filii Israël ad Pharaonem Genes. xlii. 34. & xlvii. 3. 4. Se a Pueritia sua, & Majores suos fuisse Pastores; venisse itaque cum gregibus & armentis in Ægyptum, quia in terra *Canaanæ* non amplius esset pabulum pecoribus; venisse autem, non ut Ægyptum occuparent, vel possiderent istic agros, aut vineas, sed tantum לִנְוֹר בְּאֶרֶץ ut inquiliniescent in ea terra, peregrinarentur in ea, tanquam Pastores in Tentoriis habitantes, & nihil terræ habentes sibi proprium. Plane ut *Rechabitæ* postea, qui Veterem hanc vitæ sectam colentes, habitabant itidem in Tentoriis, nec licebat iis habere domos, agros, vineas, Jerem. xxxv. 7. 9. Adde tandem Josephum lib. i. contra Apion.<sup>a</sup> qui probaturus illos Pastores, qui Ægyptum quondam tenuerunt, fuisse Israëlitas, ait, καὶ γὰρ τοῖς ἀνωτάτω Προγόνοις ἡμῶν τὸ Παρμαίνειν πατριὸν ἦν, καὶ Νομαδικὸν ἔχοντες τὸν

V 4

βίον,

βίον, ἔτιως ἐκαλοῦντο Ποιμένες, *Nam & antiquissimis Progenitoribus nostris Pascere fuit Patrium, & agentes vitam Nomadum, inde vocabantur Pastores.* Quin multi etiam diu postea Populi retinuerunt priscum hunc morem, veluti *Hamaxobii* in Scythia, *Scenitæ* in Arabia, *Nomades* seu *Numidæ* in Africa. Sed & aliorum ex Historiis si vellem colligere exempla opulentissimorum Hominum, etiam Regum, qui habuerint sua armenta, eaque non tantum per famulos, verum etiam per uxores ac liberos suos paverint, vix finem hæc dissertatio reperiret. Vide Anton. Liber. *Fab.* 7. & 32. & confer cum Exod. cap. 2. ubi Filiaë quoque Jethronis, qui tamen fuit כהן מדין h. e. unus ex *Proceribus* seu *Sacerdotibus Midianitarum*, pavisse gregem Patris sui dicuntur.

Jam vero illorum Nomadum seu Pastorum consuetudo erat, ut cum suis armentis & gregibus non in uno hærent loco, sed per totam vagarentur regionem. R. Sal. Jarchius hanc pascendi rationem ita exponit ad Genes. iv. 20. de Jabale: *Hic primus fuit, qui pecudes pavit in Desertis, & habitans in Tentoriis, ea movit, prout deficiebat pabulum pecoris sui; quando deficiebat pabulum in loco hocce, abibat ille, & figebat Tentorium suum in loco alio.* Talem vitam egisse Abrahamum cum Loto paulo ante

ante ostendimus. Sed & Pastores Indorum ait Diodorus Sicul. lib. II. d. 1. Urbem aut Pagum nullum incoluisse, verum vitam egisse Sceniticam, h. e. vixisse in Tentoriis, non in stabili aut certa Urbis vel Pagi alicujus Sede. Idem fere de Scythis & Nomadibus testantur plerique. Instar omnium sit Justinus II. 2. de Scythis in universum: *Hominibus inter se nulli fines. Neque enim agrum exercent, nec Domus illis ulla, aut tectum, aut Sedes est, armenta & pecora semper pascentibus, & per incultas solitudines errare solitis. Uxores liberosque secum in plaustris vehunt, quibus, coriis imbrum hyemisque causa tectis, pro Domibus utuntur. Adde Pomp. Melam I. 8. de Populis ultra Cyrenaicam in Africa habitantibus, Sequuntur vagi pecora, utque a pabulo ducta sunt, ita se ac tuguria sua promovent, atque ubi dies deficit, ibi noctem agunt.*

Sed & qui certas jam Sedes habebant, & armenta pascebant per alios, sive liberos suos, sive servos, dimittebant tamen & illi sua pecora in remotam sæpe & longinquam ab suis domibus regionem, vel certe eorum Pastores ultro ita cum pecoribus passim vagabantur, & per solitudines uberiora quærebant pascua. Ast ita sæpe factum, ut inciderent in Feras, & certamina cum iis inire deberent, ut vel ex Davidis



adhuc Juvenis exemplo supra memorato liquet. Immo hinc arbitrer ferme ortum, quod Romani inter spectacula sua exhibuerunt *Venationem* quoque sic proprie dictam, h. e. pugnam cum feris bestiis, haud dubie, ut ex iis homines discerent, quomodo se contra feras in agris & saltibus sibi forte obvias tueri deberent. Quod autem ita longe lateque erraverint Pastores, certis licet Sedibus jam affixi, ex S. Scriptura iterum idoneis doceri potest exemplis. Etenim quum Laban habitaret Charane, eique serviret Jacobus, ac separatim pascere greges uterque, *interposuere inter se spatium itineris trium dierum*, Genes. xxx. 36. atque ideo, quum Jacobus se clam & ignaro Labane subduxisset ex Mesopotamia & convictu Soceri, ille, qui *ad tondendum oves suas abierat*, demum die tertio post rescivit hanc Generi fugam, Genes. xxxi. 19. 22. Sic quum ipse Jacobus deinde jam Senior, & ideo constantius, habitaret Hebrone, filii ejus *pascebant gregem apud Sichemum*, & inde *abierant Dothanem*, quapropter Josephus frater eorum a Patre ad eos, ut in eorum ac gregis salutem inquireret, missus *Sichemum versus*, erravit *per agrum*, donec ab obvio cognosceret, ubi essent fratres, Genes. xxxvii. 12. . . .

17. Similiter quum Moses *pasceret gregem*



*Jethronis Soceri sui*, quem antea paverant istius *Filiæ*, *processit cum eo grege in Desertum, usque ad Montem Horebum*, erroribus dein Israëlitarum terram Cananæam petentium satis celebrem, *Exod. III. I.* Hinc ergo petenda jam est ratio quoque ejus, quod multis sæculis post *Uzias Rex Judæ*, eo quod *pecoris multum sibi esset*, *ædificavit in DESERTO TURRES, & fodit cisternas*, *2. Chron. xxvi. 10.* quod supra jam *p. 293.* commemoravimus.

Quum itaque Primi Homines in Terra Sinear, quam habitationi suæ præ ceteris, ut pascendis & alendis pecoribus maxime idoneam, delegerant, *Dispersionem* ex ea unice dicantur cavere voluisse; quum etiam conveniens sit, metuuisse eos horridam & tristem solitudinem, grassantesque in ea Feras; & tamen, quia Nomades erant & Pastores, atque ideo pecora sua sequendo, sæpe in remota plane pascua a reliquis abibant, necessario nonnulli, longius per imprudentiam aberrantes, vel in perpetuum a suo cœtu avellerentur, vel certe eum difficulter prorsus, nec nisi post multas & molestas ambages, rursus reperirent, siquidem Terra in vias, quæ errantem reducerent continuo ductu in suas sedes, nondum erat secta, sed omnia unum erant æquor vasto mari simile, nullis signis distin-

distinctum, neque vero in tanta hominum paucitate, nullis tunc certis & publicis itineribus, occurrebant facile obvii, quos de via sciscitarentur; quum ergo inquam, hoc consilium fuerit illorum hominum, hæc eorum vita, hic rerum tunc temporis status, quis non videt, utilissimam ac pene necessariam illis fuisse, certe cum eorum consiliis congruere quam clarissime, talem tam excelsæ Turris exstructionem; atque adeo pulcherrime jam inter se cohærere, *ædificemus nobis in hac Terra certam Habitationis sedem & Turrim in ea altissimam, atque ita faciamus nobis Signum, ne ex hac Terra a nobis invicem dispergamur?*

Opportissimum autem isthac in Terra Dispersioni cavendæ *Signum* fuisse ejusmodi Turrim, manifestum plane erit, si accuratius paulo attendatur ad ejus Terræ indolem, rationem, & formam. Erat enim illa prorsus non modo, ut jam probavimus, fertilis & pascua, sed etiam campestris plane & æquabilis, sine montibus & collibus, sine sylvis & saltibus. Diserte id testatur Strabo *lib. II. pag. 109. Ed. Paris.* comparans ea parte inter sese Babylonios campos & Pelagus: ὥσπερ διὰ πεδίων ἰσσι μεγάλων, οἷον τῶν βαβυλωνίων, ἢ διὰ πελάγους, παρίσταται τὰ πρὸς ὡ πάντα, καὶ τὰ κατ-  
όπιν-

ὅπιν, καὶ ἐκ πλαγίων ἐπίπεδα, καὶ εὐθείαν  
 ἀντέμφασιν παρέχει πρὸς τὰ ἑράνια: *quemad-*  
*modum per magnos ambulantes campos,*  
*quales sunt Babylonii, vel per mare, omnia*  
*quæ ante, & post, & ex obliquo sunt, sese*  
*exhibent plana, nullamque adferunt diversita-*  
*tem apparitionis in rebus cœlestibus.* Habes  
 Lector Babylonicæ Terræ planiciem *Mari*,  
 comparatam, & prospectui in omnes par-  
 tes ipsumque cœlum idcirco eandem. Sed  
 & hæc ipsa est ratio secundum Veteres,  
 quare Chaldæi omnium primi Astrorum  
 motus observarint; quia scilicet per illa  
 camporum æquora latissimus iis, nec us-  
 quam interruptus, patebat prospectus in  
 cœlum, qualem astrorum observatio re-  
 quirat, unde & alii, veluti Prometheus,  
 Atlas, Endymion, altissimos escendisse ea  
 gratia montes leguntur. Egregia istam  
 in rem sunt verba Ciceronis *de Divinat. I.*  
*42. Babylonii in camporum patentium æquo-*  
*ribus habitantes, quum ex terra nihil emine-*  
*ret, quod contemplationi cœli officere posset;*  
*omnem curam in siderum cognitione posue-*  
*runt.* Recte ergo ipsam quoque Urbem,  
 Babylonem, idem Strabo *lib. XVI. pag.*  
*738. ἐν πεδίῳ, in planicie, locat, & ei tri-*  
*buit pag. 739. ὕλης σπάνιν, materiæ seu*  
*Ligni penuriam, unde & pag. 741. ait,*  
*Alexandrum M. naves istic exstruere vo-*  
 len-

lentem adhibuisse *cupressos*, ἐν τοῖς ἄλσεσι καὶ τοῖς παραδείσοις, *nemorum* & *hortorum*, quia σπάνις ὕλης ἐνταῦθα, *raritas lignorum*, seu *sylvarum naturalium*, *istic erat*. Talis igitur quum esset illa regio, campi tam late patentes, æquabili planicie, prospectu nusquam per montes aut sylvas finito, clarissimum utique est, maximam illos cum pecoribus suis longe lateque errantes utilitatem ex tanta Turri potuisse percipere, quæ omni ex parte quam longissime respici poterat, vel cujus conspectum, licet in remota prorsus pascua abducti, retinere, & si forsan ignari & imprudentes, vel etiam scientes prudentesque, eum amisissent, brevibus tamen erroribus facile recuperare, & sic ad suos redire poterant.

## C A P. XIII.

Valles *proprie dictæ in Terra Sinear* non erant. הקצב notat etiam *æquabilem terræ planiciem*. Circulus, unde altissima Turris conspici poterat, facile a pastoribus, extra conspectum Turris errantibus, reperiri denuo potuit. Homines ex-  
stru-



*struxere Turrim in suum & posteriorum usum. In ea exstruenda nihil criminis hærebat, quum Factum ipsum, & ejus Finis per se esset indifferens. Opinio criminis unde orta. Peccarunt tamen Noachidæ, quia contra voluntatem Dei, & præcepta Noachi voluerunt conjuncti manere, & Dispersionem impedire. Hinc rebellio Nimrodi. Deus voluit Pios ab Impiis segregari. In Historiis circumstantia quædam justo in loco sæpe prætermittitur, & postea demum per occasionem memoratur. Peccatum, quod in Facto per se innocuo & indifferenti hæret, sæpe ex conjectura colligendum. Tale peccatum Davidis numerantis Populum, & Mosis percutientis petram. Confusio Labii non Poena fuit, sed instrumentum, quo Deus Homines ab se invicem coëgit secedere. Variis modis fieri illa potuit. Ad tempus immissa fuit, non perpetua.*

*tua. Post Dispersionem habuerunt Homines pristinam Linguam, sed quæ dein diversis fuit modis in diversis gentibus mutata.*

**O**STENDIMUS, quam pulchre conveniat Historiæ Turris Babylonicæ, & Loco Gen. xi. nostra τὴ Σὴμ expositio: quam bene porro in ea cohæreant *Turris & Signum*: quanto denique fuerit usui primis illis Hominibus in Terra adeo plana & æquabili Tale *Signum*, undique conspicuum, ad cavendam *Dispersionem*. Videbimus nunc, ut amoliamur, si quid objici aut moveri contra queat. Ejus generis primum est, quod dicuntur in *Terra Sinear invenisse בקעה* / & ibi consedissee, atque excitasse *Turrim*. Illud autem a Junio vertitur *convallē*. Jam vero liquet per se, *Turrim*, quæ cavendæ *Dispersioni* inservitura esset, excitandam potius in summis montium jugis, quam in *vallibus*: unde sequi videtur, neutiquam ergo isti usui destinatam. Ego vero negare sane nolim, τὸ בקעה primitivo & proprio sensu significasse *vallem*, inter montes quasi *fissos* subsidentem, ut AbenEzra quoque tradit. Sed quum certissimum sit, ut supra jam declaravimus, Terram hanc Sinear, seu Baby-

lonicam, fuisse prorsus campestrum, & sine ullis montium salebris; certum ergo etiam illud est, nullas istic fuisse *valles* montibus cinctas, in quibus magno numero Homines habitare possent: atque adeo, etiamsi in Sacris Hebrææ L. reliquiis nullus alius exstaret locus, quo vocabulum illud alio acciperetur sensu, hic tamen necessario aliter accipiendum fore. Recte igitur LXX. verterunt πεδῖον, h. e. *planiciem*, seu *Campum*, ut Vulgata id reddidit Versio. Neque aliter Belgæ, qui exposuerunt *een leegte*. Sed audiamus Doctissimum inter Judæos Interpretes Aben-Ezram de vocabuli hoc in loco significatione, ופ' בקעה ערבה ישרה הפך הרכמים, h. e. *Et interpretatio* בקעה τῆ *est planicies æquabilis, contrarium sunt Salebræ. Adfert deinde locum similem ex Esa. LXIII. 14. ubi dicitur, ut pecus, quod in campum (בקעה) descendit. Sed disertior est Locus Esa. XL. 4. ubi tanquam Synonyma junguntur מישור & בקעה manifesto camporum seu planiciei sensu: Omnis (גיא) Vallis elevabitur, & omnis Mons ac collis deprimetur, & quod curvum est, redigetur in æquor, seu æquabile, למישור / & salebræ in planiciem, לבקעה. Neque vero in hoc solum vocabulo ita laxior evasit hæc Vallis significatio, sed & in τῶ*

נַחַל / נַחַל, נַחַל, quod apud Hebræos item *vallem* potissimum notat, sed apud Græcos dein omnem terræ tractum. Vetat itaque Terræ, in qua Noachidæ confederunt, Situs, cogitare hic loci proprie dictam *Vallem*; permittit autem Linguae ratio, vocabulum, quod hic dubium parit, de *Campo* seu *Campestri* regione interpretari. Id ergo ita faciendum esse, atque adeo nihil ab hac parte superesse scrupuli, res certa est.

Neque vero Inania velim opponi: Nempe Turrim quantumvis excelsam, & in Terra æquabili ac plana licet exstructam, non tamen intra Tantum Terræ Spatium conspici posse, quantum requiratur ad magnam Hominum multitudinem cum pecoribus alendam: quasi scil. Noachidæ debuerint igitur se necessario continere semper intra fines, unde Turrim suam respicere possent. Etenim ejusdem hoc est ponderis & momenti, ac si quis diceret, Pharon in littore vel portu erectam non inservire navigantibus in longinquum & altum mare, sed tantum littus legentibus. Quod uti absurdum esse nemo non videt, immo uti satis constat, excitari hujusmodi turres in littoribus ad regendos navium cursus, quæ ex longinquo repetunt portum, vel aliunde adventantes, in incerta navigatione, simpliciter in hanc aut illam di-



directa plagam, certum quærunt littus, ut ita, postquam affecutæ sunt hunc veluti orbem, ex quo Pharon prospicere queunt, sciant dein rectius & certius, quo jam tendere debeant: sic prorsus Noachidæ Turris suæ fiducia in longum latumque cum pecoribus errantes, facile dein, ubi usus venerat, Orientem primo aut Occidentem versus, ut itineris antea instituti ratio ferebat, redeunt, spatiosissimum hunc quaque versus circum, unde Turrim illam oculis suis assequi poterant, inveniebant, & ita porro sedes suas recta jam via, & sine ullis amplius ambagibus, repetebant; ut adeo neutiquam necesse fuerit isti Nomadum multitudini, hæere semper intra illos fines, ut fructum aut utilitatem superius expositam ex sua Turri perciperent.

Nihilo magis ad rem facit, quod Homines isti satis liquido prævidere potuerint, Se, vel, si non ipsos, certe Posteriores eorum, incrementum quotannis suæ multitudinis numero, tandem tamen necessario dispersum iri, atque ita Hos utique nullum habituros istius Turris usum, huic uni quippe loco alligatum. Non memorarem hanc tam frivolam rationem, nisi aliquando meæ interpretationi fuisset obiecta. Nam profecto nihil magis frivolum dari potest, & quod clarius & certius a

quotidiana rerum experientia refellatur. Quotiescunque enim publicum aliquod magnæ molis & speratæ utilitatis opus omnium vel labore vel impensa exstruitur, quis tandem singulorum certo, aut certius, quam istic Noachidæ, omnibus suis posteris promittere queat perpetuum operis illius usum aut possessionem? Et tamen videmus passim talia etiamdum fieri, quia omnes æque sperant Sibi & Suis desideratum illud suæ operæ & impensæ pretium. Ita vero & Noachidæ, etiamsi se in diversa inde abituros aliquando, fatis intelligerent, quia tamen non omnes erant abituri, sicuti nec omnes abierunt, & quia incertum singulis erat, quando tandem, & quinam potissimum & primum, essent secessuri, omnes ideo & singuli æqualiter suo quodam jure sperabant promittebantque, partim Sibi, partim Posteris suis, quæ expectatione sua conceperant, Turris illius commoda. Utcunque sit, certum utique ex ipsa Historia, Homines istos, quum venissent in campestem hanc Terram, tum demum cepisse consilium Sedis, si non prorsus Perpetuæ, certe Diutinæ & Duraturæ, sibi istic figendæ, exstruendæ ideo Urbis & Turris, dandæque ita operæ, *ne dispergerentur*: indicio haud dubio, existimasse ergo eos, re-

gio-

gionem hanc adeo pascuam & fecundam, sibi suisque pecoribus diu etiam suffecturam. Denique, si quæ vis esset hujus argumenti, non tam meæ interpretationi, quam ipsi adversaretur Historiæ, siquidem omnino Urbs illa & Turris unius tantum erat loci, atque adeo, quicunque tandem foret istius operis & molis usus, Dispersio certo dein eventura secundum rationem illi esset contraria.

At majorem habet speciem, vel certe pervulgato magis nititur præjudicio, quod omnes pene Interpretes consentiunt in gravissimum hujus Facti Crimen simul & Pœnam, quum in mea illa interpretatione nihil criminis Facto ipsi, quippe per se innocuo, inesse videatur. Præjudicio quodam niti hunc consensum dico, quia omnes pene arripiunt istam Criminis horrendi, in ipso Facto siti, & parilis Pœnæ sententiam, adeo, ut sola hac ratione ex ejus Facti Historia & conjuncta generis Humani in Terra Sinear Habitatione excludant Noachum, Semum, Heberum, & qui eos sequebantur: immo *sine Atroci injuria non posse illos NEFARIOREM Horruri Consiliorum participes haberi* asseverent, ut ostendimus jam supra Cap. 8. Et tamen nulla omnino Peccati aut Pœnæ in tota hac Historia a Mose fit mentio; tantum di-

citur, *Deum descendisse*, ut impediret illam ædificationem, eaque gratia *immisisse illis Confusionem Labii*, qua factum, ut illi mox, quod volebat Deus, *dispergerentur* per orbem terrarum.

Ortum est hoc præjudicium ex Judæorum Fabulosis, sed antiquissimis, hujus Historiæ interpretationibus, ut solita fuit illa Gens jam olim suis Fabulis Historiam Sacram non locupletare, sed contaminare. Quo pertinent in hac ipsa Historia LXX. Novæ, & diversæ ab se invicem, Linguae tunc exortæ, ut & quod in illa Confusione Labii manus conseruerint, & *dimidia pars Generis Humani gladio ceciderit*, quod traditur in *Capitulis R. Eliezer cap. 24.* Occasionem autem fingendi in hoc Hominum Facto tam Horrendi Criminis sumserunt ex eo, quod dicuntur illi voluisse Turrim exstruere, cujus fastigium *in Cælum usque* ascenderet. Qua phrasi licet nihil, nisi summa Turris altitudo, ὑπερβολικῶς significetur (Vide Bocharti *Phaleg.* I. 13.) Judæi tamen ex ea nobis eliciunt, quod voluerint Homines *ascendere in Cælum*, & bello petere Deum habitantem in Cælo. Vide Buxtorf. *Dissert. Philolog. Theol. pag. 75.* memorantem istic *Varia*, quæ Veteres Judæi excogitarint & commenti sint, quia Scriptura, ut ipse ait, horum

Ho-



*Hominum Peccatum non diserte exposuit.* Adde Josephum, fabulas ejusmodi itidem copiose satis Historiæ huic aspergentem. Sed & diserte apud eum <sup>a</sup> Vetus Sibylla ait, Πύργον ὠκοδόμησαν ὑψηλότατον, ὡς δι' αὐτῶν ἀναβησόμενοι ἐπὶ τὸν οὐρανόν, *Turrim ædificarunt altissimam, quasi per eam ascensuri in Cælum.* Quin ex hac Judæorum Fabula, ut censuit etiam eximius ille Calvinus, & Nos supra Cap. 10. p. 227. jam diximus, Græci videntur sumfisse Suam de Gigantibus, qui itidem voluerint aggestis Montibus in Cælum ascendere, & ibi Deos oppugnare.

Ceterum ex eodem fonte manavit ad Christianos quoque recepta passim opinio de tam horrendo & atroci Crimine, quod in ipso hoc Facto, seu Exstruendæ Turris, seu Faciendi sibi Nominis, insit. At si jam quæras, quodnam fuerit proprie illud Crimen, non minus *Varia excogitant & comminiscuntur*, quam Judæos olim fecisse, modo vidimus dicere Buxtorfium. Quidam accipiunt quorundam Judæorum sententiam de *Idololatria*. Plerique *effrenem Superbiam* Hominum incusant, quod voluerint *æternum sui Nominis monumentum* exstruere. Nonnulli tamen ad mitiora deveniunt, & peccasse eos censent, non tam

ipso facto, quam *in Medio*, quia rem per se Bonam, *Veritatis conservandæ rationem*, quæfiverint modo non optimo, *Auctoritatis* scil. *Humanæ* vinculo vel ope; vel etiam, quod urbem exstruxerint non Deo, sed *Sibi*, dum dixerunt, *Aedificemus Nobis Urbem* &c. quæ sententia est Chrysostomi *Homilia* 30. *in Genesin*. Tanta hæc *Varietas* certo est indicio, omnia proficisci ex conjectura, quum a Mose nihil ipso in Facto Criminis aut Pœnæ memoretur. Nihil itaque illa, præterquam quod singula in superioribus a me jam satis sunt refutata, argumenti habent aut ponderis ad rejiciendam interpretationem huic Loco & Historiæ, immo & vitæ illorum Hominum, opportunissimam, seu ad probandum, quod nos vel maxime negamus, Factum hoc hominum fuisse per se Malum, non Indifferens, aut Innocui Usus.

Quid ergo? Nihil omnino peccaverunt Noachidæ exstruenda hac Urbe & Turri? Sic sane existimant acerrimo præditi iudicio Interpretes, inter Judæos AbenEzra, inter Christianos Tostatus Abulensis, quem sequi videtur Nicol. Abramus in *Pharo*, p. 120. &c. Neque vero conficitur ex eo, quod Deus factum illud impedivit, fuisse ergo per se Criminosum. Similiter enim intercessisse Deum legimus consilio Da-

vidis, qui Templum illi exstruere decre-  
rat consentiente & probante id Nathane,  
II. Sam VII. Nemo tamen hoc Consilium  
idcirco Davidi vitio verterit. Plura possent  
ejus generis adferri, quæ cum per se essent  
ἀδιάφορα, tamen reperiuntur a Deo cer-  
tis quidem causis, sed quæ nobis sæpe la-  
tent, vel vetita, vel impedita. Neque por-  
ro *Confusio Labii*, & *Dispersio Hominum*,  
præcipuæ cujusdam Pœnæ vicem hic su-  
stinent, quod volunt plerique Interpre-  
tes, adeo ut inde colligant *maximam Dei*  
*Iram*, & *Propositum Hominum fuisse ergo*  
*non temerarium duntaxat*, sed prorsus im-  
pium. Vide Doctiss. Morinum de *Lingua*  
*prima* p. 47. Nec enim *Dispersi* sunt singuli  
in tristem & horridam solitudinem, sed se-  
cesserunt ab se invicem per Familias in  
varios locorum tractus, Semitæ in Orien-  
tem, Chamitæ in Occidentem, Japhe-  
titæ in Septentrionem. In quo quid tan-  
dem mali, aut quæ species Pœnæ? quum  
utique hac ratione latius non tantum habi-  
taverint, sed etiam pascere potuerint, &  
inter suos liberius dein ac securius egerint,  
certe Pii securius, quam antea in societate  
Impiorum & Nimrodi sodalium. Adeo  
certa hæc res est, ut ideo Bochartus *Pha-*  
*legi* I. 16. *Dispersionem hanc fuisse generi*  
*Humano Utilem*, & *longe majus inde Bonum*

*emergere, quam ex eo, quod sibi Homines proposuerant, palam censeat. Neque aliter AbenEzra, Deus, ait, dispersit illos, & hoc Bonum illis. Nam sic dictum erat, Implete terram. Confusio autem Labii nihil aliud, quam instrumentum erat potentiae divinae, quo adigebantur Noachidae ad accipiendum hoc secessionis, quam nimis averfabantur, beneficium a Deo sibi destinatum: ut sæpe etiam nunc Homines, commoda sua non intelligentes, ad ea arripienda etiam invitos adigi videas.*

Neutiquam tamen Noachidarum ego consilium vacuum prorsus aut immune pronunciaverim ab omni Peccato: quin immo nullum quidem in ipso eorum Facto, quippe quod plane fuit ἀδιάφορον, crimen extitisse, at ab eorum consilio aut animo nequaquam, vel diffidentiae cujusdam, vel potius contumaciae, culpam afuisse crediderim. Huc referre possis, quod Auctor Sapientiae x. 5. ait, *Ea* (Sapientia) ἐν ὁμοθυμίᾳ πονηρίας ἐδυνάμην συγχυθέντων, *quando in consensu malitiae confusae sunt Gentes, invenit justum & servavit intaminatum Deo, & super viscera Filii firmum custodivit.* Designat Abrahamum, quem Judæi inter aedificatores Turris vixisse volunt, rem istam in ultima Phalegi tempora rejicientes. Sequitur eos Hic Auctor, sed male, & errans



rans haud dubie, quoniam revera diu ante  
 natum Abrahamum Turris exstructio fuit  
 tentata. Tanto autem minoris refert, quid  
 ille ergo de Facto hoc primorum Homi-  
 num scripserit. Sed tamen, quin recte illis  
 adscribatur ὁμόνοια πονηρίας, *conspiratio in*  
*malo*, contumaciæ scil. adversus Deum,  
 nullus dubito. Nempe voluit Deus, id  
 quod ipso ex eventu liquet, ut Homines  
 jam ab se invicem abirent in varias veluti  
 Familiarum colonias, ne Pii isto cum Im-  
 probis vitæ & habitationis consortio cor-  
 rumperentur, æque ac Filii Dei, seu Se-  
 thitæ, ante diluvium, simulac se Filiis  
 Hominum a Caino ortis miscuerant, non  
 illi emendarunt hosce, sed ab his potius  
 corrupti, in quævis flagitia & scelera, ac  
 ita tandem in ferale sui generis exitium ac  
 interneccionem una cum His præcipites se  
 dederunt. Sed & idem plane voluit Deus,  
 quum Abrahamum in arctioris secum fœ-  
 deris gratiam recepturus esset. Nam & il-  
 lum jussit ante omnia *Ex Terra sua &*  
*Cognitione*, immo ex *Familia Patris sui*, in  
 aliam exire terram, Genes. XII. 1. haud  
 dubie, quia Majores & Cognati illius jam  
 erant idololatræ, ut non tantum ex Hi-  
 storia Labanis constat, sed & de Majori-  
 bus illius diserte traditur Josuæ XXIV. 2.  
 Quid quod nihil frequentius, nihil item  
 studio-

studiosius, ab eodem Deo per Moſen præcipitur Iſraëlitis, quam, ne ullum ineant foedus cum Cananæis, neu matrimonia cum iis jungant, ne ita illi forent *Iſraëlitis in laqueum*, & abducerent eos ad colendum Deos alienos? Vide Exod. xxxiv. 12. &c. Deuteron. vii. 2. &c.

Hanc vero ſuam voluntatem quin Deus quoquo modo, ſed maxime per Noachum, iſtis Hominibus declaraverit, nullum eſt dubium, non tam, quia Joſephus id diſerte affirmat I. 5 quam quia ex Natura rei, & perpetua Dei conſuetudine, id quaſi neceſſario ſequitur. Illi vero, quum nimis horrerent, naturali quodam ſolitudinis odio, iſtam Diſperſionem ſeu Seceſſionem, non fuerunt dicto audientes, nec Deo, nec Noacho, voluntatis divinæ apud ipſos interpreti haud dubio, ſed auſcultaverunt potius Rebelli contra Noachum, & *Rebellionis ἐπανάμω*, Nimrodo, atque ita pene omnes, licet non omnes rebellandi animo, ſed plerique diffidentia quadam, non tantum non obtemperarunt divinæ denunciatiōi, ſed & e contrario excitarunt ſibi Urbem & Turrim, ut tanto diutius & manerent conjuncti, & diſperſioni, quam metuebant, quaſi obviam irent. Nihil itaque mirum deſcendiſſe Deum, ut hoc eorum conſilium inhi-

inhiheret & disturbaret, suamque in iis  
 perficeret voluntatem, sicuti fecit immis-  
 sa in eos Labii Confusione, qua ad sece-  
 dendum volentes nolentes adigebantur. Sic  
 videmus rationem, quare Deus cœpta hæc  
 hominum discussit. Sed & ita videmus,  
 exstructionem illam Turris fuisse quidem  
 per se rem plane ἀδιάφορον, sed tamen  
 cum Contumaciæ Crimine conjunctam,  
 gravissimo sane, sed ex diffidentia potissi-  
 mum apud plerosque orto; prorsus uti  
 sæpe etiam Abrahamus ita peccavit, mo-  
 do ridens rejiciensque fidem sibi a Deo de  
 filio ex Sara orituro datam, modo Saram  
 fingens non tam Uxorem, quam Sororem,  
 suam esse.

At reponet quis; Neque hujus peccati  
 ulla apud Mosen exstat mentio. Fateor  
 equidem, sed tamen reperimus ejus vesti-  
 gia in appellatione *Nimrodi*, a *rebellionē*  
 sic dicti. Ejus enim Nominis nullam ex  
 S. Scriptura aliam possumus eruere ratio-  
 nem aut occasionem, quam quod Noacho  
 aliquid monenti vel denunciante non tan-  
 tum non auscultaverit, sed & aliis contra  
 Noachum *Rebellionis* se Ducem & Horta-  
 torem præbuerit, ut jam docuimus supra  
*Cap. 8.* Nihil autem magis in promptu  
 est, quod cogitemus Noachum monuisse  
 suos nepotes, & in quo Hi illius auctori-  
 tatem

tatem rejecerint, quam, quod ex re ipsa cognoscimus voluisse Deum, ut Homines isti ab se invicem in familias & separatos populos secederent, & consilium illud exstruendæ Urbis & Turris, contra hanc secessionem vel dispersionem initum, dimitterent. Quin & crediderim, ex hac denunciatione a Noacho facta, ut secederent secundum familias suas in diversas orbis terrarum plagas, ortam esse traditionem seu fabulam, quasi Noachus testamento diviserit tribus Filiis & eorum posteris omnem terrarum orbem. Vide Eusebium *Chron. Gr. p. 10.* Quod a Christianis Patribus ita receptum fuit & traditum confidenter, ut Philastrius Brixienfis Hæreticorum in ordinem retulerit *Hær. 118.* qui negent, *quod Beatus Noach Orbem terræ universum suis Filiis tribus diviserit, dederit, definierit, ac partierit ordine.*

Deinde evenit sæpe in Historiis, ut quædam earum circumstantiæ non tam ex Verbis Scriptoris, quam ex Facto ipso cognoscantur; sæpe etiam, istic, ubi res ex professo narratur, prætermissæ, postea demum per occasionem quandam obiter memorentur, id quod multis docui exemplis ex Scriptoribus rerum Romanarum in *Animadv. Historicis cap. 4.* Talia in Sacris quoque Literis reperiri, certum est. Ita

enim



enim I. Sam. v. refertur, quum Arca  
 Dei Israëlis a Palæstinis esset capta, &  
 abducta in Templum Dagonis Dei sui,  
 reperisse eos postridie Dagonem hunc pro-  
 lapsum & jacentem humi ante Arcam,  
 immo tandem fractum & mutilatum; sed  
 & cives oppidi istius, aliorumque, in quæ  
 dein translata est Arca, fuisse hæmorrhoi-  
 dibus gravissime afflictos. At cap. vi. ubi  
 jam exponitur, quomodo remiserint Ar-  
 cam ad Israëlitas cum donis piacularibus,  
 ibi vero deprehendimus demum, incu-  
 buisse iram Dei non tantum ipsis *Homini-*  
*bus*, neque tantum *Diis* eorum, sed &  
*Terræ* ipsorum, eamque a *Muribus* fuisse  
 quasi vastatam, atque idcirco Palæstinos  
 inter illa dona etiam *quinque mures aureos*  
 ad Deum Israëlis placandum Arcæ addi-  
 disse: cujus tamen Mali nulla omnino  
 mentio superiori in *Capite* fuerat facta.  
 Eodem plane modo I. Sam. viii. dicun-  
 tur Israëlitæ, rejectis Samuelis Filiis, pe-  
 tiisse sibi Regem, ejusque rei nulla istic  
 alia memoratur occasio vel causa, quam  
 quod ipse jam senuerit, & Filii ejus mu-  
 nera aucupentur, & ita jus pervertant §.  
 5. At xii. 12. potissima ejus rei occa-  
 sio, & causa haud dubie proxima, ex-  
 ponitur, quod nempe *viderent Nabasum,*  
*Regem Ammonitarum, sese bello petere.* Ergo  
 volue-

voluerunt tunc maxime belli ducem habere, & simul, quum Filii Samuelis jus non recte dicerent, domi Judicem, hoc est, voluerunt isto Belli metu excitati habere Regem, quoniam Regum apud antiquissimas Gentes proprium, & pene unicum erat munus, curare primum Bella, dein Judicia, aliquando etiam Sacra. Quin ipsa quoque facta integra, fatis licet notabilia, reperimus tamen aliquando tempore suo neglecta, ac postea demum per aliam occasionem leviter significata. Sic certe II. Samuelis **xxi.** legimus famem a Deo immissam in populum Israëliticum tempore Davidis per tres annos. Deum vero consultum respondisse, eam immissam propterea, quod Saulus Gibeonitas percussisset, quasi zelo quodam in eos inflammatus pro Israëlitis. At vero de tota hac re tam memorabili nullum usquam in Historia Sauli reperimus verbum. Quapropter multis ea quoque res conjecturis dedit locum ad investigandum, quæ ratio moverit & incenderit Saulum in Gibeonitas, quousque in eos sævierit, quæ denique causa fuerit, cur tunc demum Deus propterea famem immiserit Israëlitis, ac iniquam illam Sauli sævitiam in liberis ejus puniri voluerit.

Similiter vero reperimus sæpe in Histo-

ria & Eventu Facti, per se quidem minime mali, tamen aspersum id fuisse peccati alicujus contagio, licet illud in superioribus nusquam fuerit expressum aut designatum. Et ita huic nostræ Noachidarum per omnia pene congruit Davidis Historia populum Israëliticum Numerantis. II. Sam. xxiv. Nihil quippe neque in eo Facto mali, si simpliciter & separatim res consideretur: quin e contrario, quum illis temporibus bella gererentur & propulsa-  
rentur non per extrarios & conductos milites, sed per cujusque populi Cives, utile erat & consultum publico, in promptu & numerato habere illorum multitudinem. De Romanis notissimum est, singulis eos lustris plerumque censuisse & numerasse suos cives. Augusto etiam laudi ducitur, apud Sueton. *cap. ult.* quod confecerit & reliquerit libellum, quo complexus erat *breviarium totius imperii, quantum militum sub signis ubique esset.* Liquet ex hisce, Numerationem ipsam populi, jussu Regis factam, nihil habere vitii. Id vero etiam multo magis liquet, quando videmus sæpius ab ipso Mose jussu Dei, & postea etiam a Saulo profecturo ad Bellum sine ulla Dei reprehensione, numerum Populi fuisse initum. Præterea nihil, neque in mandato Davidis occurrit vel dictum vel factum,

Y

quod

quod aliquam peccati speciem præferat: tantum Joabus rogasse Regem dicitur, ut rem illam omitteret. Ast in sequentibus comperimus jam, Regem ipsum poenitentia facti ductum agnovisse culpam, & a Deo punitum. Multa itaque etiam hic Judæi & aliena commenti sunt, ut, in quo peccatum hoc constiterit, nos docerent, quæ videri possunt apud Abarbanelem, qui peculiarem de hoc Davidis peccato conscripsit Dissertationem. Sed si recte attendimus animum, manifestum satis est ex eventu, rem ipsam fuisse quidem per se innocuam, sed profectam ab animo elato & superbo, ut qui Dei auxilium vix amplius respiceret aut requireret, sed suis jam confideret viribus, ac Populi sui numero; inque eo igitur solo collocandum esse illud Davidis peccatum: tanto magis, quoniam hac ipsa ratione increpitum diserte prorsus & punitum a Deo reperimus quoque Asam Judææ Regem. II. *Chronic.* xvi. 7. &c.

Ejusdem porro generis exemplum in Mose habemus & Aharone, quos videmus accusatos a Deo *Numer.* xx. 12. quod *non satis sibi crediderint, ac debitam tribuerint gloriam coram Israëlitis ad aquas & petram Kadeschi, immo rebellaverint contra mandatum suum* §. 24. atque idcirco neque

ad-



admissos in Terram Israëli promissam, sed prius morte sublatos, quam in eam pervenirent, Aharonem, Num. xx. 24. Mo- sen, Deut. xxxii. 51. At nisi ea istic de- mum legeremus, nulla certe nobis in ipsa Historia, in initio illius *Capitis Numero- rum* relata, suspicio peccati fuisset oborta ab illis istic commissi. Traditur enim, po- pulum *conquestum cum Mose & Aharone de penuria aquæ, illos se contulisse ad imploran- dam Dei opem, jussumque Mo- sen sumere Virgam, congregare populum ad petram, eam alloqui, & sic aquam ex ea elicere. Ergo accepisse eum Virgam, advocasse populum, increpuisse eum, & dixisse, Audite, Rebel- les, an aquam vobis ex petra eliciemus? Tum porro bis illa virga percussisse petram, & sic effluxisse ex ea abundantem aquæ copiam. Quis in hisce aliquid reperisset Criminis, vel Mosi atque Aharoni adscripsisset, abs- que illis esset, quæ postea traduntur? Ve- rum ex iis dein, seu ex Increpatione Di- vina, colligimus liquido, eos cum hæsi- tatione quadam accessisse ad petram, nec credidisse satis, ad verba sua nomine Dei denunciata erupturas ex petra aquas, at- que ideo petram non tam allocutos, quam percussisse virga, & bis quidem, quasi unus non sufficeret ictus: Immo vero ef- fudisse etiam quædam ægritudinis, vel*

contumaciæ, vel certe increduli animi, verba contra Deum, id quod tamen non ex ipsa rei gestæ Historia, sed demum ex *Psal. cvi. 33.* discimus

Sicuti autem hoc ex Eventu, vel ex Consequentibus, aut postea demum traditis, jam liquido satis agnoscimus, licet ipsa Facti narratio nihil rebellionis aut peccati commemoret, immo contra ea diserte tradat, *Mosen accepisse virgam, sicut Deus ei præceperat*, sed & insuper, revera aquas eorum opera vel facto ex petra prorupisse, quæ nullam speciem criminis aliqujus in ea re admissi præ se ferunt: sicuti etiam illam Numerationem & Recensionem populi Israëlitici, non sine peccato jussam & institutam a Davide, eadem ratione jam scimus, licet in Historia mandatæ Recensionis nihil nobis occurrat criminis; sic plane exstructionem hanc Urbis & Turris ad cavendam dispersionem, licet per se prorsus indifferentem, & minime malam, licet etiam nulla Noachidarum Contumacia aut Diffidentia in rei gestæ narratione reperiatur, tamen non absque his vitiis agitatam & susceptam facile ac lubens crediderim, quum videam in Scriptura S. toties talia demum per eventum rerum declarari: quum *Nim-*

to demonstret: quum denique Deus hanc exstructionem tam extraordinaria ratione, immissa scilicet in eos *Labii Confusione*, ut alter alterum minime intelligeret, impediverit, & verisimile prorsus sit, Deum, antequam ita Labium Hominibus confunderet, suam iis voluntatem quoquo modo denunciavisse.

Illam tamen *Labii Confusionem* non tam habeo, ut dixi jam antea, pro Poena, quæ hominibus diu aut in perpetuum deinceps incubuerit, quam pro instrumento, quo Deus Opt. Maximus tunc voluerit uti ad disturbanda Hominum illorum consilia, eosque ad secessionem adigendos. Factum enim est per eam, *ut alter alterius sermonem non intelligeret*, & ut sic privati commercio Linguae, quod est Vinculum Societatis præcipuum, abirent ab se invicem in diversas, at nondum in remotas plane, terrarum oras. Longe aliter sentiunt plerique Judæorum, & Christianorum Patrum, qui Varietatem Linguarum, per quas dein divisæ exstiterunt Gentes, tunc maxime natam contendunt; & illi quidem earum numerum definiunt fuisse LXX. quia in superiori *Capite* tot Homines & Gentes ex tribus Noachi Filiis ortæ nominantur: at Christiani LXXII. tunc natas affirmant, quia in Græca ver-

sione tot Noachidæ, addito Elisa Japhetitis, & Kainane Semitis, memorantur. Recentiorum multi sequuntur sententiam hanc Varietatis Linguarum subito tunc & ante dispersionem ortæ, & per *Confusionem Labii* designatæ. Videatur Buxtorfii *Diff. Philol. Theol.* II. Sed ab ea recesserunt dudum Viri profecto Eruditissimi, inque iis Mericus Casaubonus una cum Patre Isaco, *Comm. de Lingua Hebraica* pag. 3. & seqq. tum Joh. Henr. Heideggerus in *Historia Patriarch. Exerc.* xx. denique & ex Judæis sapientissimus ille AbenEzra. Dignissima etiam sunt Philonis verba in *lib. de Confus. Linguae circa finem*, quæ hic exhibeantur. Sed longior est locus & ideo in compendium brevioris sententiæ eum contraham. Confusionem ait hanc rem appellari a Mose, at hunc, si voluisset Ortum Linguarum indicare, rectius dicturum fuisse Divisionem, quam Confusionem. Quæ enim in partes dividantur, non Confundi, sed Distingui. Confusionem enim esse corruptionem simplicium facultatum ad generationem Unius ex illis corruptis conflatæ, Divisionem vero esse Unius in plura distinctionem. Ut adeo si unam tunc Linguam voluisset in plurium dialectorum sectiones dividi, usus fuisset aptioribus & magis propriis hanc in rem vocabulis, Τεμνῶν, ἢ



Διανέμειν, ἢ Διάκρισιν, ἢ τι ὁμοίότροπον εἰπὼν, οὐ τὸ μαχόμενον αὐτοῖς, Σύγχυσιν, Sectionem, aut Divisionem, aut Distinctionem, aut aliquid Simile dicens, non Confusionem, quod illis est contrarium. Inane est, quod his reponit Pererius, *Confusionem non fuisse in Linguis, sed in Hominibus*, confusis scil. & perturbatis ex eo, quod subito alter alterum non intelligerent, & pristinae Linguae essent obliti. Nam Deus non dicitur *Filios Hominum*, aut *Omnem Terram*, sed *Labium Hominum* & *Labium Omnis Terrae*, confudisse, ut alter alterum non intelligeret. Hoc ergo memoratur istic, ut effectum *Confusionis Labii*, non ut *Causa Confusionis Hominum*, quod vult Pererius.

Existimant ergo illi omnes, quia *Confusio Labii*, & *Productio Novarum Linguarum*, sunt res diversissimae, & quia certo deprehenditur, antiquas quasque Linguas a Prima, solito in Linguis more, paulatim, & aliis plane modis alias, fuisse derivatas, quaecunque tandem fuerit illa *Confusio Labii*, quae varia esse potuit, Linguarum certe discrepantiam demum post *Dispersionem* vel *Secessionem* esse ortam. Et sane quum Moses neutiquam contrarium affirmet, multo hoc est non modo Naturae rerum seu Linguarum, sed & Historiae Sacrae convenientius.

Hanc ipsam enim qui negant, nihil sibi magis concedi expetunt, quam, sicuti volunt tot numero Gentes diversas non esse ortas ex Uno Homine, sic neque Linguas Gentium ex Una omnium Prima successu temporis esse formatas. Conjuncta quippe sunt illa & inter se connexa. Unde Diodorus Sic. *lib. I. init.* postquam exposuisset, Homines principio rerum e Terra adhuc recente & molli, ope Solis, productos per totum hujus universi orbem: atque ideo diversis in locis *Primas Hominum Societates habuisse* ἔχ' ὁμόφωνον τὴν διάλεκτον, *minime consonantem sermonem*, addit, διὸ καὶ παντοίως ὑπάρξαι χαρακτηῖρας διαλέκτων, *idcirco etiam varias exstitisse Linguarum Formas.* At si omnes Hominum Gentes per totum terrarum orbem, non ex diversis, sed ab Uno Progenitore sunt ortæ, ut S. nos Scriptura docet, consequitur, ut proinde omnes etiam Linguae ab Una illius Progenitoris, fuerint derivatae, variis licet mutationibus.

Sed ajunt, diserte hæc tamen Historia exponere videtur originem istius Varietatis Linguarum, siquidem procemium ejus sumitur ex hoc uno, quod *omnis Terra fuerit* adhucdum *unius Labii & Sermonis*, & dein memoratur *Confusum* istic *Labium*, *ut alter alterum non intelligeret.* Non equidem

dem id negaverim; nec meæ id repugnat sententiæ. Etenim refertur heic Historia Dispersionis seu Secessionis Hominum ex uno loco, in quo adhuc conjuncti vixerant, in varias terrarum oras, quam necessario, prout comparata est ingenii humani natura, paulatim sequi debuit, & secuta est, Varietas linguarum. Recte ergo præmittitur huic Historiæ, non tantum Homines una in Terra pariter habitasse, sed & una fuisse antea usos Lingua. At dices, *Confusio illa Labii*, per quam *alter alterum non intellexit*, evenit ante Dispersionem, quippe quæ Homines ad eam adegit. Verum quidem est & illud: sed & hoc Verum. Post factam jam Dispersionem proximis aliquot sæculis Homines potuisse tamen intelligere alios, diversissimarum licet familiarum & gentium.

Nempe ergo *Confusio Labii* nequaquam fuit subita complurium novarum Linguarum productio cum Veteris Oblivione, sed vera & propria Sermonis Confusio, quacunque tandem ratione illa exstiterit. Erasmus in *Dialogo de Pronunciatione Græci Latinique sermonis* <sup>a</sup> narrat, se præsentem

Y 5

Imp.

<sup>a</sup> Haud procul a fine. Quod hic dicitur eum, qui Oratori Gallo respondit, ex ultima Germania fuisse, non est in Erasmo, qui *Doctorem aulicum* (Juris Consultum e consilio Principis, opinor) fuisse

Imp. Maximilianum ab Oratore Gallo ex tractu Cenomanensi salutatum oratione bene Latina, sed quam is Legatus ita Gallice pronunciaverit, *ut Gallice, non Latine, dicere crederetur* ab Italis & Germanis. Ei dein, ut responderet ex more, oppositum Hominem ex ultima Germania, qui Latine quidem, sed *tanto spiritu, & tam Germanice*, omnia dixerit, ut minus etiam intellectus fuerit a Gallis. Retuli hoc, non quod velim tali prorsus modo

Con-

fuisse dicit, & principium Orationis illius hoc refert: *Cæsarea Maghestas pene caudet* (bene gaudet) *fidere fos, & horationem festram lipenter audifit*. Non dissimile est, quod de Jos. Scaligero circumfertur. Nam hunc ferunt ab Anglo quodam Latino sermone compellatum, quum propter insolentiam pronunciationis non adsequeretur, quæ dicebantur, respondisse, *Domine, non intelligo Hibernice*. Addam, quia ab hoc loco non alienum est, sententiam Erasmi de linguarum confusione ex eodem Dialogo pag. 51. *Edit. Froben. Aliquis, inquit, e longinquo petebat obsonium, alter adferebat lateres. Rursus alius inclamabat sitiens, adferte potum, alter deferebat bitumen: priusquam ille recurreret, hic fame sitive perierat. Rursus alius postulabat ignem, deferebatur aqua. Hic petebat trullam, ille ferebat cucurbitam*. Ex his adparet eum putasse nullam linguae mutationem factam, sed aures ac mentes hominum ita perturbatas fuisse, ut alii alios eodem sermone loquentes perperam intelligerent; perinde ac si ab iis, quibuscum loquebantur, non ea, quæ hi dixerant, sed alia verba audivissent. In eadem sententia alios quoque ante Erasmus fuisse lego.



*Confusionem Labii* factam, sed ut ostenderem, variis plane modis per infinitam illam Dei potentiam fieri potuisse, ut alter alterum, licet eadem utrique uterentur Lingua, non intelligeret, vitio potissimum turbatæ mentis, qua vel perperam pronunciabant, vel aliena prorsus loquebantur, vel nesciebant ipsi, quid dicerent, uti accidit plerumque Prophetis in *ἐκτάσει*.

Deinde non fuit hæc *Labii confusio* perpetua, sed ad tempus a Deo adhibita, tantum ut homines ad secedendum cogeret. Quo jam factō, loquebantur haud dubie iterum omnes, ut soliti erant, eademque Lingua, qua antea fuerant usi, sed quæ dein tractu temporis variis mutationibus per varias & separatas jam gentes majorem in modum adulterata fuit, & sic ex Una in Diversas abiit. Certe postquam ab se invicem secesserunt, quod denuo alter alterum, etiam Chamitæ Semitas, & contra, sic satis intellexerint, ex Historia Abrahami proficiscentis ex Chaldæa in Cananæam, inde in Ægyptum, postea mittentis Servum, ut Filio Isaaco arcesceret ex Mesopotamia uxorem, sed & ex compluribus aliis istius ævi exemplis, abunde liquet. Tempore Jacobi demum diversæ, non tam Linguae, quam Dialecti,

lecti, exstitisse aut ortæ videntur. Homines autem, quando post factam jam dispersionem ex illa Labii Confusione ad se quasi redierunt, ipsos stupuisse credo Manum illam Dei, qua admirandum adeo in modum mens eorum ita fuerat turbata, Labiumque Confusum. Plane ut Madiannitas, quum tempore Gideonis, ad clangorem buccinarum, & collisionem hydriarum ardentium, subito discurrerent, gladios adversus se invicem stringerent, & nescio quo terrore divinitus immisso fugerent, *Judicum* VII. 21. 22. domum reduces majorem in modum fuisse miratos, qui sibi id obtigerit, verisimile est. Neque aliter se res habuit haud dubie cum Palæstinis I. *Sam.* XIV. 13. & *seqq.* qui, quum Israëlitas dudum ad incitas jam reductos, & ferro omni atque armis spoliatos, contemnerent prorsus, ac Jonathane cum armigero solum ad se venientem risu & minis exciperent, subito tamen ab Jonathane cæsi, in similem fugam & mutuum cædem ruebant. Ita vero expeditas putem, & sublatas penitus difficultates, quæ interpretationi nostræ τῶν Σημ, *Signi*, adversari videbantur, remotasque simul ab ipso exstruendæ Turris factæ per se innocuo, graves adeo immanis aut horrendi criminis suspiciones.

## C A P. XIV.

Geneseos XI. Capitis novem priores Paragraphi de Turri & Dispersione Babylonica respiciunt proximum superius Caput, ubi Familia Noachi in varias Gentes, & Terras, & Linguas divisa traditur, ac rationem exponunt memoratæ istic Divisionis seu Dispersionis. Res ergo Cap. XI. narrata in ratione temporis prior fuit illis rebus, quæ Capite X. traduntur. Eadem est Divisio Terræ, Capitis X. & Dispersio Hominum, Capitis XI. Moses in utraque re iisdem utitur locutionibus. Marshamus Triplitem facit Secessionem vel Dispersionem. Homines ante Phalegum nondum fuerunt tanto numero, ut deberent aut vellent ab se invicem secedere. Noachica Terræ Divisio, a Patribus quibusdam tradita, orta est ex errore Versionis Græcæ, nec facultatem habuit, quum

*quum Terræ nondum essent nec Finibus nec Nominibus distinctæ. Nec tamen illi Secessionem tunc factam statuunt, sed tantum Designationem Terrarum, quas singulæ Familiæ postea incolerent. Ita sentiunt etiam Recentiores, qui Noachicam Divisionem admittunt. Sulpicius Severus turbat Historiam, dum simpliciter ordinem dictorum Caputum sequitur. Frid. Spanhemius Duplicem facit Secessionem. Multa Capite X. traduntur, quæ non potuerunt accidisse ante Dispersionem Hominum. Philastrii Brixiensis error ex eodem fonte, seu Ordine Caputum, ortus, dum ex Capite X. statuit plures Linguas jam exstitisse ante Confusionem Labii & Dispersionem Hominum. Sicuti hoc falsum est, sic & rejicienda Secessio Hominum, quæ iidem ex illo Capite ante Dispersionem Capitis XI. dicitur facta. Verbum נפלגה recte ad Occupationem divers-*

*sa-*



*sarum terrarum a diversis in Dispersione factam refertur. Duplex Secessio neque a Patribus Christianis, neque a Judæis, neque a Recentioribus Interpretibus agnoscitur. Ætas Hominum vix patitur, ut diu post Phalegicam Divisionem exstrui demum cæperit Turris sub Nimrodo, qui fuit tamen vel præcipuus in ea exstruenda. Omnes Homines, non Chamitæ soli, fuerunt in terra Sinear, quum fieret Dispersio. Dies Phalegi quomodo sint intelligendi. Dispersio facta non ultimo, nec medio, Phalegi tempore, sed circa natales ejus. Dispersio non facta in Magnas statim Gentes, nec in remotas regiones. Capite X. Genes. memorantur Gentes, quæ cæperunt ante Abrahamum, non ante Dispersionem. Nic Abrami sententia de Diebus Phalegi. Phalegus ita dictus, quia natus est tempore Dispersionis. Similia Nominum exempla. Facta itaque Dispersio paulo*

*paulo post centesimum a Diluvio  
annum ex Chronologia Hebraica,  
quæ præferenda Græcæ. Dispersio  
facta in regiones propinquas tan-  
tum. Nimrodus post Dispersionem  
demum regnavit Babylone, & re-  
liquit istic Successores. Parallelia  
Primæ & Veræ Babylonis, ac Ba-  
bylonis Figuratæ in temporibus  
Novi Test.*

**S**UPEREST unum fere in hoc argumen-  
to expediendum, ut, postquam vidi-  
mus jam vera hominum consilia in ex-  
struenda Turri, & rationem ac modum,  
quo Deus illa inhibuit & impedivit, eos-  
que ad Dispersionem vel Secessionem, cui  
obviam ire omnino studuerant, adegit,  
ut ergo nunc ostendamus, quantum fieri  
potest, quo tempore Dispersio vel Se-  
cessio hæc, a qua diversarum Gentium va-  
rietas primum est exorta, acciderit: utrum  
tempore Phalegi, an alio; & utrum in  
ejus Natalibus, an vero Adulta jam æta-  
te? Hic autem repetendum est omnino,  
quod diximus supra<sup>a</sup>, Laciniam hanc,  
quæ

<sup>a</sup> Cap. 8. pag. 160. Cap. 9. pag. 200. 211. Cap.  
10. pag. 230.

quæ *Capitis* XI. paragraphos priores, novem numero, seu istam *Dispersionis* Historiam, continet, prorsus respicere illas res, quæ *Capite* x. toto narrantur. Istic enim memoratur Noachi ex tribus Filiis posteritas, & in quas Terras ac Gentes divisa ea fuerit, *secundum Familias & Linguas suas*, vide §. 5. 20. & 31. Quin ultimus §. istius *Capitis* ita rem totam quasi absolvit: *Hæ sunt Familiæ Filiorum Noachi, secundum generationes eorum in Gentibus eorum; & ex illis separatæ*, seu per separationem ortæ sunt, *Gentes in Terra post Diluvium*. Tum vero subjicitur proxime Historia hæc, quæ jam tradit, quo modo *Separatio* isthæc & *Secessio* evenerit, ex qua ortæ tandem diversæ illæ *Gentes & Lingue*. Nempe ante istam Separationem omnes totius Terræ homines erant *unius labii* seu linguæ, & *unius sermonis* seu locutionis §. 1. immo **עם אחד ושפה אחת** *populus unus, & lingua erat una illis omnibus* §. 6. Et necessum hoc erat, quum omnes utique essent unius Familiæ, & adhucdum conjuncti habitarent. Illi ergo ad cavendam Dispersionem aut aberrationem cum pecoribus suis (ut vagari in pascendo longe lateque solitos Pastores jam supra diximus) in formidolosam & horridam solitudinem, consilium inierunt ex-

Z

struen-

struendæ Turris: sed Deus, qui volebat eos ab se invicem Secedere, & pios segregari ab impiorum multitudine & convictu, injecit invitis necessitatem secedendi ab se invicem in varias, sed in propinquas primum, terras. Qua re facta, exortæ tum demum sunt diversæ illæ *Gentes* quasi *Familie*, & diversæ paulatim *Linguae*, quæ illis jam tribuuntur *Cap. x.* Sic ergo Rationem & Modum atque Occasionem Separationis istius Noachidarum in varias *Gentes* & *Terras* & *Linguas* exponit hæc *Lacinia*, atque adeo optimo nexu cum superioribus cohæret. At in sequentibus *Capitis Undecimi* transitur continuo ad unum Abrahamum, atque ejus genus per majores singulos brevissime a Semo usque refertur, ut adeo nihil fere ea pertineant ad *Capitis Decimi* argumentum, aut hujus *Lacinie* Historiam. Adde jam his, quod & Josephus totam rem Historice exponat eo ordine, ut prius narret exstructionem Turris & Linguarum confusionem ex *Gen. cap. xi.* at dein demum Secessionem Hominum in diversas illas *Terras* & *Familias* Noachidarum, *Capite x.* Geneseos memoratas. Vide eum *libro i. cap. 5. 6. 7.* Disertius etiam Augustinus de *Civitate Dei lib. xvi. cap. 4.* Cum ergo, inquit, in suis *Linguis ista Gentes fuisse referantur* (scil.

Cap.



Cap. x. Genes.) *REDIT* (Cap. xi.) *tamen ad illud Tempus* (quod ergo jam fuit ante res Capite x. memoratas) *Narrator*, quando una *Lingua omnium fuit*, & inde tum exponit, quid acciderit, *UT Linguarum diversitas nasceretur*. Quum vero ipse dein ex illo xi. Capite retulisset *Historiam exstructæ Turris*, & immissæ a Deo *Confusionis in sermonem Hominum*, factæque ea de causa *Dispersionis*, subjicit, cap. 6. *Ex illis igitur tribus Hominibus, Noë Filiis, septuaginta tres, vel potius septuaginta duæ, Gentes, totidemque Linguae, per terras esse cæperunt, quæ crescendo & Insulas impleverunt*. Manifestum ex his, collocare & ipsum illam *Secessionem Hominum in diversas terras & familias post Dispersionem ex terra Sinear factam*. Adde Eundem de *Doctrina Christiana lib. iiii. cap. 36. ubi Regulas interpretandi præscribit, inque iis Hanc, quæ observanda sit, quum dicuntur quædam, quasi sequantur in ordine temporis, vel rerum continuatione narrentur, cum ad Priora, quæ prætermissa fuerant, latenter narratio Revocetur. Quod nisi ex hac Regula intelligatur, erratur. Sicut in Genesi &c. Subjicit enim verba & res horum Capitum, adjicitque, latenter narrationem REDIRE, Capite xi. ut diceretur, QUOMODO Factum sit, ut ex Una Omnium*

*Lingua fuerint DIVISI per Multas, Capite x. identidem memoratas. Sequitur hanc Augustini interpretationem in his rebus, non modo Interpres ejus, Leon. Coqueus, ad lib. xvi. c. 4. de Civ. Dei, sed & Pererius ad Caput xi. Geneseos, in initio.*

Quæ quum ita sint, non possum satis mirari, qui factum fuerit, ut nonnulli ex Viris Eruditissimis Duplicem hic nobis fingant Divisionem, vel Secessionem: priorem tempore Phalegi ab ipso Noacho factam & præscriptam, qua suos ipse posteros in varias jam dimiserit colonias & terras, eamque universam totius tunc Humani Generis, seu omnium Noachidarum, *Capite Decimo* designatam: at posteriorem per causam excitatæ Turris demum factam, eamque non omnium tunc Hominum, sed tantum Chamitarum, qui in terra Sinear habitaverint. Atqui nihil de hisce rebus scire possumus, nisi ex Scriptura S. quæ tamen nullum exhibet vel minimum vestigium Duplicis & diversæ istius Secessionis, quum utique *priore Capite* tantum exponatur, in quas Gentes & Terras Noachidæ secundum suas Familias & Linguas per Secessionem fuerint divisi aut separati, *posteriore* autem ipsa Occasio, Causa, Historia, istius Se-

ces-

cessionis & Linguarum inde ortarum tradatur. Sed & ipse Moses ideo in utroque Capite iisdem utitur locutionibus, ne quis nobis Duplicem istam diverſi generis, voluntariam & coactam, fingeret Seceſſionem. Nam ſicuti verbum פוץ in Seceſſione vel Diſperſione *Capitis Undecimi* identidem adhibet, ſic in *Cap. X.* de Cananæorum latiore Seceſſione vel Propagatione itidem illud adhibuit; ſed & *Cap. ix. §. 19.* de filiis Noachi, ex quibus ait *omnem Terram*, ſeu omne genus Humanum, *ab ſe invicem ſeceſſiſſe*, eodem verbo eſt uſus. Similiter ſicut *Capite x.* non modo de Chamitis §. 5. ſed & de omnibus Noachi Filiis §. ult. dicit, *ab illis Separationem Gentium ortam*, נפרדו הגוים / ſic *Deuter. xxxii. 8.* ubi manifeſte Hiſtoriam Diſperſionis ex terra Sinear reſpicit, בהפרדו בני אדם quum ſepararet ab ſe invicem, ſeu ad ſeceſſionem adigeret, *Filios Hominum*. Ut adeo etiam ex ipſa phraſi liqueat, eandem eſſe Moſi Seceſſionem Gentium ex Noachi Filiis ortarum *Cap. x.* & Diſperſionem vel Seceſſionem totius Terræ in ſuperficiem totius Terræ *Cap. xi.* niſi quod illic longior duratio Seceſſionis deſignetur, adeo ut etiam nominentur Populi, ex Jectane Phalegi Fratre, ſeu ejus Filiis, orti: at vero *Capite xi.*

initium Seceſſionis, & eorum tantum Seceſſio, qui jam tunc habebant idoneum familiæ numerum, ac Gentis ſpeciem, memoretur.

Non conquiram nunc omnes, qui in illam Duplicis Seceſſionis, vel Diſperſionis, ſententiam forte conceſſerint, verum duos tantum, ſed Celeberrimos, memorabo: id quod pene neceſſarium mihi eſt, quum iſthæc ſententia meæ interpretationi, atque ipſi, ut puto, Hiſtoriæ, prorſus adverſetur. Prior eſt Marſhamus, qui tamen diviſionem Terræ ab Noacho in ſuos Filios & Nepotes factam cenſet Priorem etiam eſſe illa, quæ in diebus Phalegi acciderit, & hanc Phalegicam de *peculiari aliqua diviſione inter Semi poſteros, vel Filios Eberi, ſeu Hebræos, facta* interpretatur. Vide eum pag. 23. Cauſa illi eſt id affirmandi, quod Menem primum Ægyptiorum Regem vult ipſum fuiſſe Chamum, Noachi Filium, eumque ipſum quoque proximis poſt Diluvium temporibus in Ægyptum migraviſſe, eamque inhabitaviſſe, ſecundum illam Noachi diviſionem: atque adeo factum hoc diu ante Phalegi tempora, qui *Noachi* fuerit demum *Trinepos*, ſeu ſextus ab eo, ſcilicet, ſi admittitur inter illius Poſteros ex Græca Verſione Cainanus. *Illius* autem Pha-



legi *ætate dubitari non posse* ait, *quin terrarum orbis pars magna dudum fuerit habitata*. Verum hæc ita jaçantur quidem, at nulla muniuntur idonea vel in speciem ratione. Nam quum omnes omnino Homines, qui exstiterunt ante Phalegi natales, ex tribus Noachi Filiis intra Centum, vel certe haud multo amplius, annos fuerint orti, nulla utique est causa statuendi, eos adeo interea temporis auctos, aut in tantum excrevisse numerum, ut non potuerint amplius nec voluerint manere in quantumvis amplo aut lato regionis tractu conjuncti, immo ut jam diu ante Phalegi ætatem in varias Orbis partes ab se invicem remotas secesserint, vel sua voluntate, vel necessitate adacti. Quam facile usque ad illud tempus *potuerint* manere conjuncti, vel ex Israëlitis liquet, qui plus quam Septuaginta numero exstiterunt, quum venissent in Ægyptum, & peculiari Dei providentia admirabilem itidem in modum fuerunt istic multiplicati, & manserunt tamen in terra Gosen, h. e. in una regione inferioris Ægypti, conjunctim habitantes per plus quam ducentos, immo plus quam quadringentos annos <sup>a</sup>. Quod autem

Z 4

non

<sup>a</sup> Hoc quid sit non intelligo, nec scio nunc quemquam rei Chronologicæ paullo peritior-  
rem

non ita lubenter *voluerint* ab se invicem, aut ab loco pristinae habitationis & conjunctionis, in horridas abire solitudines extra casum necessitatis, id vero ex eo factis patet, quod Homines totius terrae Urbem & Turrim, magno molimine, conatu, labore, exstruxisse traduntur, unice propterea, *ne dispergerentur*, h. e. ne ulla causa ab se invicem secederent, ne fortuito quidem errore. Nam Petavii<sup>a</sup> quoque & Aliorum Hypothesis, qua statuunt omnes Homines ab anno xvii. ineunte genuisse liberos, & quidem Octo, vanissimum est figmentum, nulla auctoritate subnixum. Quin alii plerique Interpretes adeo in contrarium hæsitant, ut putent eo tempore, quo natus est Phalegus, nondum exstare potuisse tantam Hominum multitudinem, ut ab se invicem secedere deberent, atque ideo in ultimos potius annos Phalegi illam dispersionem rejiciant. Vide Usserium *Chronol. Sacrae cap. 5.* & Buxtorfii *Dissert. Theol. Philol. ii. §. 61.* Incassum ergo ac temere prorsus talia affirmantur, quasi jam dudum ante  
Pha-

rem tradere, Israëlitas totos quadringentos annos, & plus eo, in Aegypto fuisse. *Pag. 192.* memorat *saecula minimum plus duo* servitutis in Aegypto, & erroris per deserta.

<sup>a</sup> *Lib. ix. de Doctrina Temporum, cap. 14.*

Phalegum terrarum Orbis pars magna a variis populis & dispersis familiis fuerit habitata.

Quod autem Epiphanius, Syncellus, & Philastrius Brixienfis, ad quos provocat Marshamus, Noachicam illam Divisionem nobis commemorent, id vero profectum unice vel primitus ex male intellecto & verso Gen. Cap. xi. loco, ubi Græci פֶּן נִפְרֵץ / *ne dispergamur*, pessime verterunt, πρὸ τῆ διασπαρῆναι, *antequam dispergamur*. Hoc itaque arripuerunt Patres, finxeruntque ex eo, Noachum non modo jussisse Familias ex se ortas ab se invicem secedere, sed & dedisse singulis certas Orbis Terrarum Partes, atque ideo Homines, antequam ita ex Noachi præcepto secederent, voluisse, quasi monumentum suæ conjunctæ adhucdum habitationis, Turrim altissimam excitare. Accessit dein aliud ex Græca item Versione, quæ Esajæ xxvii. 12. נַחַל מִצְרַיִם h. e. *Torrentem Ægypti*, vertit, Πύλον Ὀρῶν, quod est nomen Urbis in finibus Ægypti sitæ. Inde ergo tradiderunt quidam Patres, in eam Urbem Noachidas convenisse, & istic sortibus jactis divisisse inter se Orbem Terrarum, scilicet, quia Hebraica vox istius loci (נַחַל) significaverit *sortem*, quod ipsum tamen est falsum. Sed

tam frivola insuper & absona sunt omnia, ut tempus me, & meum, & Lectoris, putem perditurum, quod his confutandis impenderem; tanto magis, quoniam id jam præstitit Bochartus *Phalegi* I. 16. Sed & ipsa Noachica Terræ Divisio, non tantum Sortitio ista, satis est aliena ab rerum tunc statu, in quo *multo maxima pars Orbis nondum erat cognita*, ut itidem jam monuit *d. l.* Bochartus. Adde nondum fuisse Terram divisam in certas Regiones, Fines, Appellationes: Nulla adhuc Nomina habuisse Montes aut Fluvios, Regiones aut Maria. Non potuit ergo Noachus tot diversis Familiis, seu Familiarum Progenitoribus, qui *Capite x.* memorantur, diversos & suis finibus circumscriptos assignasse tunc terrarum tractus; quin immò ad summum & in universum potuit tantum monere Semitas, ut in *Orientem* secederent, Chamitas, in *Meridiem* & *Occidentem*, Japhetitas, in *Septentrionem* & *Occid.* quod Eum ante Dispersionem & in Ea fecisse, ut affirmare liquido non possumus, sic neque negare volumus. Verum id longe abest a Divisione singularem Regionum in Varias & Complures Familias seu Gentes. Sed tamen, si maxime fides in his habenda esset Patribus, quæ non est, vel sic non sequeretur inde,  
jam



jam ante Phalegum, aut illam Linguarum Confusionem, fuisse Homines in Colonias diversas re ipsa jam divisos, aut varias eos Orbis partes jam tunc incoluisse, quum ex Patrum illorum sententia Noachus tantum diviserit suis Jus aliquod in diversas Orbis Terras, easque illis non facto ipso jam tum dederit, sed destinaverit tantum & assignaverit: quam divisæ sic terræ Destinationem secuta dein demum fuerit illa Hominum Dispersio ex terra Sinear in totum terrarum orbem post impeditam a Deo Turris exstructionem. Et hoc ordine procedunt fere etiam reliqui Patres, qui Noachicam illam Divisionem tradiderunt. Vide omnino præter illos ipsos a Marshamo jam citatos, etiam Eusebii *Chronicon Græcum* Pag. 9. 10. 11. Sed & ex Recentioribus multi, eos secuti in recipienda Noachica Divisione, non aliter tamen eam receperunt, quam ut, quæ a Noacho facta est, fuerit tantum *verbo facta*, at, quæ in constructione *Babylonicæ Turris*, re ipsa fuerit facta. Ita certe Salianus in *Ann. Eccl.* ad Annum Phalegi primum, quo ille refert Noachicam Divisionem, sicuti demum ad annos Phalegi medios veram Secessionem, de utraque sic insuper ibi locutus: *Ita quæ nunc sub ortum Phalegi facta est Divisio, non nisi DIU POST,*  
occa-

*occasione divisionis Linguarum, IN REM deducta est.* Ferri ista possent, quippe quibus tantum Una agnoscitur vel admittitur Secessio, certe nulla Prior, quæ ante Confusionem Labii fuerit facta, ut illi volunt, contra quos hic disputamus.

Ex Veteribus tamen Sulpicius Severus *lib. I.* aliter, sed satis intricate & ambigue, hac de re loquitur. Nam ait, *Chami Filius Chus Nimbrod gigantem genuit, a quo Babylon Civitas constructa traditur. Pleraque etiam oppida ea tempestate condita memorantur. Sed cum multiplicaretur humanum genus, diversaque Loca atque Insulas mortales haberent, una tantum omnes Lingua utebantur, donec se in unum Dispergenda per totum orbem multitudo contraxit. His consilium fuit insigni aliquo opere famam quærere, PRIUSQUAM a se invicem diducerentur. Ita turrim &c. Sed Filiis Noë ita divisus Orbis fuit, ut Sem intra Orientem, Japhet Occidentem, Cham Mediis contineretur. Videtur in his velle, Homines adeo tunc multiplicatos, ut jam ante Turrim extrui cœptam varia condiderint oppida, atque in diversa LOCA & INSULAS ab se invicem abierint, sed inde, quasi ad tempus modo abiissent, futili plane de causa rediisse postea & se contraxisse in unum Locum, unde mox essent tamen in*  
per-

perpetuum denuo diducendi, seu dispergendi, sed secundum divisionem a Noacho antea factam. Verum si ad res, quas narrat, attenderimus, facile deprehendemus, illum, nulla prorsus temporis aut Chronologiæ habita ratione, secutum simpliciter atque imprudenter Ordinem rerum, quo in Genesi *Capit. x. & xi. eæ* traduntur, nec animadvertisse, Historiam Turris, qua ratio redditur priorum, seu causa & modus exponitur Dispersiōis & Separationis in prioribus jam memoratæ, fuisse, ut debuit, tempore Priorem. Nempe *Capite x. de Nimrodo* inter posteros Chami quum agitur, subjicitur continuo, tenuisse eum Babylona, aliaque oppida, sicuti Assur tenuerit Nineven &c. Sed & ibidem in Græca versione tribuuntur §. 5. & ult. posteris Noachi Νῆσοι τῶν ἰθῶν, *Insulæ gentium*. Inde ergo illa arripuit, quæ de *Babylone & plerisque oppidis*, ut & de *diversis locis ac Insulis*, quæ jam tunc habuerint Homines, temere adeo tradit. Sed dein, ut connectat tamen cum hisce Historiam *Capitis Undecimi*, fingit de suo, Homines ex illis diversis Locis & Insulis denuo *contraxisse se in Unum*, agnoscens ergo & ipse, quod verum erat, omnes omnino Homines in excitanda Turri fuisse conjunctos, & inde demum in perpe-

petuum dispersos, atque adeo neutiquam  
istic de Chamitis tantum, aut parte qua-  
dam generis Humani, sed de Univerſa agi  
Omnium multitudine, in perpetuum tunc  
dispergenda.

Longe rectius id quidem ille, quam  
Marshamus, qui ex Una Disperſione Tres  
nobis excudit: primum illam *Noachicam*,  
per quam, jam ante Phalegi tempora,  
magna pars orbis terrarum fuerit habita-  
ta; Dein illam *Phalegi diebus factam*, sed  
tantum inter Semi, aut Eberi, liberos;  
Tertiam vero ex *Capite xi. Genes.* quæ  
obvenerit Chamitis ſolis, in exſtruenda  
Turri occupatis, vel *infidelibus illis Filiis  
Hominum*, qui post Diluvium ab Oriente  
profecti in valle Sinear conſederint &c. sed  
qui architeſti in omnes terras ſint diſperſi:  
Sic loquitur pag. 478 <sup>a</sup>. ubi negat Baby-  
lonem ab illis conditam, quia irritum fuerit  
*tantæ molis πύργον*. Satis autem ex hiſce  
apparet, etiam Hanc Diſperſionem ipſum  
facere diverſam ab illa *Noachica*, immo &  
illa *Phalegica*, quæ tamen fuerunt omnes  
plane una eademque.

Alter, cujus ſententiam excutere hic  
debemus, eſt Eruditiffimus Vir, Frid.  
Spanhemius, Filius, Venerandus nuper  
noſtri Ordinis Collega. Is enim in no-  
viſſi-



vissimis *Chronologiæ* S. ut & *Historiæ Ecclesiasticæ* Editionibus diserte itidem distinguit inter non tam Divisionem, quam *Secessionem Noachidarum*, re ipsa jam factam diebus Phalegi, & *Dispersionem ædificantium Turrim* in terra Sinear, postea factam. *Præcessisse* enim *Colonias Noachidarum*, & *Divisionem Terræ* Gen. x. 21. quæ non sit confundenda cum nata post Confusione & *Dispersione* in ædificatione *Turris Babel*: Immo Hanc vix cœpisse, vel *Nimrodum* vix regnare cœpisse, nisi sesqui post sæculo, quando ex *Chusestana* regione fluvium superavit; eumque porro ait *Arabum* suorum copiis adjutum, ex Oriente trans *Tigrim* profectum, gradum sibi fecisse ad imperium, initio Regnandi facto in campestribus Sinear, &c. Vide *Eum. Hist. Eccles. col. 291. 292.* Rationes autem ibi nullas invenio, quibus sententiam Duplicis illius Divisionis vel Dispersionis confirmaverit. Similiter in *Chronol. Sacræ col. 165.* tradit Dispersionem ex terra Sinear factam annis compluribus post Colonias deduci cœptas, & istam Turrim extruxisse *Chami* potius, quam *Semi*, aut *Japheti* genus. Quin recte illos censere, qui Dispersionem Gentium ex Linguarum Confusione, negent accidisse eo tempore, quo natus sit *Phalegus*, quippe quo illæ  
Co-

*Coloniæ deduci cœperint, quæ deductio fuerit prius, at non simul & semel, sed successive facta per omnes Phalegi dies.* Verum neque istic rationes reperiess ullas, quibus hanc suam opinionem adstruxerit Vir Summus: ut adeo nihil in his habeam, nisi contrariam plane meæ interpretationi, cujus fundamenta nullam in partem subruta video, affirmationem. Ea tamen quia magnæ in his rebus est auctoritatis, ab illo quippe profecta, ac scripta dudum post superiora Hujus Dissertationis jam a me edita, cavendum ergo est, ne quid illa veritati noceat, h. e. ne a vero abducant imprudentes lectores.

Sed molestum mihi accidit, quod nesciam, quibus tandem argumentis ille in hanc sententiam fuerit delapsus, aut quibus Ego respondere debeam. Si Ordo narrationis in S. Scriptura, qui certe decepit, ut ostendimus, Sulpicium Severum, præcipui in hoc negotio argumenti vicem ipsi præstitit, satis liquido nos ejus rationem in contrarium paulo ante exposuisse reor. Sed & nihil frequentius in Historiis, quam ut per occasionem, & obiter, factum ipsum memoretur prius, ac dein causa & modus facti ex professo demum enarretur. Quin in ipsa S. Scriptura ferme, quoties litera *ו* *Vau* per *Nam* verti-

vertitur, repetitur utique Ratio rei jam expositæ ex facto aliquo priore, sed quod posterius & tunc demum narratur. Et ita hic (Genes. xi. 1.) quoque vertitur illa ab Junio, seu Tremellio. Vide & xxiv. 62. Porro autem agnoscit ipse Spanhemius *Linguarum* diversitatem ex hac demum Dispersione & Confusione Labii ortam. Nam diserte ait col. 165. eam inter illos ædificatores *Turris primum natam, nondum inter omnes Noachi posteros*. Atqui in Capite x. ut *Divisionis Terræ* ac Posteritatis Noachi in varias Familias & Gentes, sic & varietatis *Linguarum* sæpius fit jam mentio, dum Noachidæ istic divisi identidem dicuntur in varias Familias & Gentes *secundum suas Linguas*: eoque argumento persuasus Philastrius Brixienfis in *Catal. Hæres. cap. 106.* censuit jam ante ædificationem Babel multis sæculis magnam fuisse inter Homines *Linguarum varietatem*; quod vero dein dicantur, Omnes *Unius fuisse Labii*, eo sensu dictum id existimavit, quia, etsi varia erant *Linguarum genera*, Omnes tamen se invicem intelligebant, & sic Una erat omnibus *Lingua*, non quidem eorundem vocabulorum usu, sed eadem omnium loquentium & audientium intelligentia. Rejiciunt quidem Viri Eruditi hanc tam absonam interpretationem, & illam diversita-

tem Linguarum ante Confusionem Babelicam, sed deberent ergo rejicere etiam illam Seceffionem in varias colonias ante Disperffionem Babelicam, quum utriusque rei eadem prorsus fit ratio, & utraque sententia ex eodem *Capite* x. vel ordine *Capitum* x. & xi. fit petita. Quid igitur? Clariffimo hæc sunt indicio, Ordinem illum narrationis Mosaicæ, seu istorum *Capitum*, nihil obftare, quo minus ftatuamus confidenter, omnia istius *Divisionis* seu *Secesffionis Capite* x. memoratæ, eveniffe demum post illam *Capitis Undecimi Disperffionem*, & *Labii Confusionem*, unde demum *Linguarum* varietas cœpit.

Sed & quando *Cap.* x. fines Cananæorum definiuntur, a *Sidone Geraram*, & *Gazam usque*, & a *Gaza Sodomam*, & *Lefchabum usque*, an quisquam perfuadere fibi poterit, ante Turris exstructionem tentatam, isthæc & plura jam exftitiffe loca, iisque finibus jam tunc circumfcriptam Cananæam? Adde his tot alias Gentes vel Regiones remotiffimas, isto *Capite* x. jam memoratas, veluti Thraciam, Græciam, vel Infulas maris &c. Vide Bocharti *Phaleg.* I. 16. & maxime Salianum ad *Annum Mundi* 1931. & ex Veteribus Josephum I. *Antiquit.* 7. ac Eusebium *Chron. Gr.* p. 11. 12. Jam vero an credi-



credibile est cuiquam animum attendenti, in longinquas adeo terras circa Natales Phalegi, seu annum centesimum a Diluvio, secesfisse jam Noachidas? Quæ enim potuisset illis fuisse causa remotas adeo regiones statim petendi, quum utique in longe propioribus laxè satis habitare & pascere, ac alimenta abunde sibi pecoribusque suis invenire possent? Quin immo tempore Abrahami ipsa Palæstina etiamdum vacua magnam partem jacuit, ut liquet ex ejus verbis ad Lotum Genes. XIII. 9. 10. &c. *Nonne omnis terra hæc tibi patet?* ut scil. eligas, in quo ejus loco habitare velis. Et tamen Gentes ac Familiæ Noachicæ, quæ istas Remotas adeo Regiones tenuerint, illo *Decimo Capite* jam memorantur. Denique & Jectanis, qui Phalegi fuit frater, XIII. Filii istic quoque nominantur, tanquam Auctores Gentium, & Ductores Coloniarum. Quis vel ex eo non videat, tradi istic etiam res diu post Phalegi dies vel tempora gestas? Nam si maxime Jectan Phalego statuatur natu paulum major, quod multi sola istac difficultate moti temere faciunt, vel sic tamen non potuerunt utique illi XIII. ejus Filii quoque majores Phalego fuisse, neque Hujus diebus eam jam habuisse progeniem & familiam, ut singuli cum sua

in proprias secederent terras, & Gentem novam jam tunc conderent, licet *Capite x.* inter illos Progenitores Gentium, quæ secundum Familias suas & Linguas diversis habitarent in terris, ipsi quoque memorentur, & ab Interpretibus eodem in his loco, quo reliqui, habeantur ac recensentur. Quid multa? Certum satis ex istis omnibus, nihil argumenti situm in illo narrationis Ordine, ut ex *Cap. x.* novam & propriam fingamus Historiam, quæ acciderit ante Dispersiōem Hominum *Cap. xi.* memoratam, quum pæraque illius *Capitis x.* debeant necessario ad tempora longe posteriora referri.

An vero Verbum פלג *Divisit* (unde *Phalegus* nomen suum habuit, quia *in diebus ejus divisa* (נפלגה) dicitur Terra) movit Eruditos, ut putarint ea *Divisione* aliud quid, vel consultum quid, designari potius, quam fortuitam, & subitam illam Dispersiōem ex terra Sinear? Et sane fuisse Theologum Celebrem scio, qui Duplicem Seceffiōem tuebatur, & hoc vel maxime nitebatur fundamento. At lubricum id plane est & frivolum, ut nihil magis. Nam per & post illam *Dispersiōem* utique etiam *Divisio* quædam Terræ a Noachidis, quousque eam tunc occuparunt, re ipsa fuit facta, dum in hac  
ejus

ejus parte Hi, in alia Alii confederunt. Quapropter ipsi etiam Judæi, veluti Aben-Ezra ad *b. l.* tum Auctor *Seder Olam*, sed & omnes illi, qui Disperſionem hanc ad ultimos Phalegi annos referunt, ipsam illam Disperſionem, ex Confusione Labii ortam, vocant semper הפלגה *Divisionem*. Quin & in S. Scriptura verbum illud etiam de naturali Seceſſione Rerum ab se invicem, immo & coacta Disperſione unius in res plures & incertas, adhibetur. Sic David *Psalmo* LV. 10. ad Deum, פלג לשונם / *divide, sparge, confunde, Linguam eorum*, h. e. fac, ut illi inimici mei diversa loquantur, sicuti *divisa* tempore Phalegi dicitur Terra, dum Deus fecit, ut diversi Homines diversas ejus partes tunc occuparint. Similiter varii Rivi ex uno Fonte & Flumine profluentes dicuntur frequenter פלגי מים *Rivi aquarum*, quia scil. ex uno flumine ab se invicem seceſſerunt, sicuti Homines ex Una Terra Sinear in Varias alias se separarunt.

Sed forte auctoritas Patrum de Divisione Terræ ab Noacho facta, hanc opinionem duplicis Seceſſionis vel Disperſionis iniecit novissimis Interpretibus. At ostendimus, illam ipsam ex errore Græcæ versionis ortam, & forsan etiam ex denun-

ciatione Noachi ad suos Liberos nomine Dei facta, ut ab se invicem in diversas secederent terras: deinde vero Patres tamen ipsos non statuisse Duplicem Dispersiōnem, sed censuisse, Divisione Noachica destinatas tantum aut assignatas diversas posteris ejus terras; neque vero statim illos in earum possessionem missos: quin immo evenisse hoc demum post ædificationem Turris tentatam: eam autem ipsam susceptam tunc, *Antequam dispergerentur*, seu ab se invicem ex denunciatione Noachica secederent, quod proinde crediderint adhuc futurum. Nondum ergo facta tunc jam erat ex Patrum ipsorum sententia ulla prior Secesio, sed facta demum post Confusionem Labii. Sed & si qui ex Patribus qualemcunque Secesionem in latiores fines jam factam autumabant, illi solo narrationis Mosaicæ Ordine in eam opinionem temere sunt inducti: quod jam supra de Sulpicio Sev. & Philastrio Brix. probavimus. Et tamen vel sic illi eam quasi ad tempus, & tantum, ut paulo latius & commodius habitarent, factam statuisse videntur, & ideo Homines in universum omnes rediisse censent ex variis illis locis *contractos in unum*, ut pariter monumentum illud nominis sui excitarent, & famam sibi quærerent,



*PRIUS QUAM a se invicem diducerentur*, scil. in perpetuum ex præscripto Noachi. Ea certe Sulpicii fuit sententia. Vide supra pag. 364. &c.

Sed jam, Patribus relictis, videamus etiam, quid Judæi senserint. Illi vero diserte Phalegicam Divisionem, & Dispersionem Babylonicam, pro eadem re habent, ac Abrahamum in ipsa Phalegica Divisione tradunt jam annos fuisse XLVIII. natum, nec tamen ambulavisse in viis ædificantium Turrim. Vide Buxtorfium *Diff. Theol. Philol.* II. quæ agit de *Linguae Hebr. Confusione* §. 64. & seqq. ac Heideggerum *Histor. Patriarch. Exerc.* XXII. §. 3. Idem porro sensisse Græci quoque Interpretes videntur, dum nequaquam distinguunt suis locutionibus *Separationem* Capitis x. & *Dispersionem* Capitis xi. Nam sicuti verbum פֶּרַץ in illis, *ne dispergamur*, & *disperfit* eos Deus, vertunt per verbum Διασπαρῆναι, & Διέσπειρεν, Cap. xi. §. 4. 8. & 9. sic priore Capite verbum נִפְרְדּוּ *separata sunt*, itidem vertunt, modo per Ἀφωρίσθησαν §. 5. modo per Διεσπάρησαν §. ult. sed & ita §. 18. καὶ μετὰ τῆτο Διεσπάρησαν αἱ φυλαὶ τῶν Χαναναίων: ut adeo de utriusque Capitis *Seceffione*, tanquam eadem, eandem adhibuerint locutionem. Adde Deuteron. XXXII. 8. Quod si jam novissimorum

sæculorum Interpretes perlustremus, vix  
 reperiemus quenquam Duplici *Seceſſioni*  
 faventem, immo neque in illis, qui *Di-*  
*visionem Noachicam* arripiunt, & tempore  
 aliquanto priorem ſtatuunt *Diſperſione Ba-*  
*bylonica*. Nam & hi illam *Divisionem* in  
 ipſa *Diſperſione* demum in Rem deductam  
 cenſent, ut cenſuit vel maxime Saliſianus,  
 cujus Verba ſupra p. 363. exhibui, ut &  
 nuperi Obſervatores Halenſes *Tom. IV.*  
*Obſerv. XIII. §. 2.* Sed & diſerte Abramus  
 in *Pharo Vet. Teſtam. pag. 108.* Omnes ad  
 Unum, etiam ipſi illi, qui alias temporis in-  
 veſtigandi vias inierunt, fatentur, hæc (quod  
 ſcil. in Phalegi diebus diviſa ſit terra)  
 ad *Chronologiam Confuſionis Babylonice* per-  
 tinere. Immo adeo abſurdum credidit Hei-  
 deggerus, ſtatueret poſt miſſas jam Colo-  
 nias demum *Diſperſionem Babylonicam*,  
 ut eo abſurdo refutaverit quoque ſenten-  
 tiam illorum, qui *Divisionem* ſeu *Diſper-*  
*ſionem* ultimis annis Phalegi factam tradi-  
 derunt. *Faceſſat igitur*, inquit *Hiſtor.*  
*Patr. d. I. tam cruda opinio*, ex qua ſeque-  
 retur, poſt magnam partem τῆς οἰκουμένης jam  
 habitatam, demum *Diſperſionem factam* eſſe.  
 Et ſequuntur has partes Belgæ noſtri,  
 tum Uſſerius, Petavius, Coccejus, Na-  
 talis Alexander, atque alii innumeri.

Sed tamen ex iis, qui Græcam S.

Scri-

Scripturæ Chronologiam sequuntur, nonnulli Seceffionem quandam ex præcepto Noachi jam ante tempora vel dies Phalegi factam censent, quia longius illis videtur spatium inter Diluvium & Phalegi natales, quam ut Homines tamdiu manserint conjuncti, & quia Noachus secundum ipsorum Chronologiam jam ante Phalegi natales fuit mortuus, quippe quum, addito etiam, quod faciunt, Cainane ex Græca Versione, anni a Diluvio usque ad natum Phalegum sint 531. Noachus autem post Diluvium vixerit 350. tantum annis. Hinc ergo Pezronius in *Antiquitate Temporum*, cap. 13. p. 158. credere videtur, jam ante, quam exstrui cœpit Turris, Chamum in Ægyptum, & ceteros Noachi Filios in alias abiisse terras. Idem tamen cap. 5. p. 52. 53. *Dispersionem Populorum & Divisionem terræ* nato demum Phalego factam tradit.

Nihil ergo reperio, quo inductus fuisse potuerit Vir Eruditissimus, qui Hebraicam sequitur Chronologiam, ad statuendam Duplicem illam & diversi temporis Seceffionem, sententiam si non plane Novam, certe parum receptam: habeo multa in contrarium, quæ partim jam exposui, partim nunc explicabo. Nam si consideremus ætatem Hominum,

parum conveniens & eo nomine videbitur, res *Capitis* x. referre ad tempus longe antiquius exstructione Turris. Etenim vix est quisquam, qui dubitet, quin inter illos, qui Turrim excitare voluerunt, vel præcipuus fuerit Nimrodus. Diserte ita Josephus, & alii, immo ipse Spanhemius. Nec rationes desunt, si quis eas investigare velit. Nam primum, consilium hocce captum haud dubie fuit contra sententiam & præceptum Noachi, cui auscultare debuissent. Erat hæc species *Rebellionis*, a qua nomen habet apud Scriptorem Sacrum Nimrodus. Certe enim a *rebellione* fuit sic dictus; at nullius alterius Vestigium vel minimum reperiimus in S. Historia. Vide jam supra *Cap. 8. pag. 182. &c.* Deinde, *magnus* ille dicitur fuisse *Venator*, quo merito idoneus vel maxime fuit ad factionem sibi comparandam, & reliquos Homines ad id impellendos, ut Noacho, sicuti debuerant, minime obtemperarent. Denique diserte dicitur cap. x. *Principium Regni ejus fuisse Babylonem* ipsam, quæ tamen ex illis fundamentis Urbis & Turris condendæ demum fuit orta, & ab illa Linguae *Confusione* dicta. Jam vero Nimrodus hic fuit Pronepos, seu Tertius a Noacho, & haud dubie in flore ætatis potissimum *Venator* adeo



adeo *magnus* fuit, ac Auctor condendæ  
 istic Urbis, & Turris, & Regni. At  
 quomodo his jam cohæret, statuere Di-  
 visionem Terræ in Natalibus Phalegi cœ-  
 ptam, longe, seu *sesqui sæculo*, ut ajunt,  
 antiquiorem factò Nimrodi? quum Phale-  
 gus fuerit, si non Sextus, interposito ex  
 Græcis Interpretibus Cainane, certe  
 Quintus a Noacho, ultra quem gradum  
 excurrunt insuper XIII. Jectanis Filii in  
 eodem *Capite* x. memorati cum Finibus  
 suis, intra quos cum sua singuli familia  
 habitarint, verum haud dubie longe post  
 Dispersionem hominum ex terra Sinear.  
 Deinde a natalibus Phalegi usque ad Patrem  
 Abrahami, Therachum, non reperiens in  
 Scriptura Hebraica annos plures, quam  
 CXXI. atque ita *sesqui sæculum*, quod est  
 CL. annorum, post natum Phalegum,  
 adeoque ipsa illa Turris exstructio inci-  
 disse in adultam plane ætatem Therachi,  
 quod utique verisimilitudinis nihil habet,  
 quamvis non ignorem, Judæos eam die-  
 bus tamen Phalegi, sed extremis, factam  
 ad tempora usque Abrahami demittere,  
 sed quod certissimi est erroris.

Porro autem falsum est, & clarissime  
 jam a me confutatum in *Cap. 8. p. 161.*  
 & *seqq.* quod affirmant, *Solos Chamitas,*  
 vel *Nimrodum Arabum suorum copiis adju-*  
 tum,

tum, Turrim illam exstruere ausos, & ideo dispersos. Disertissime enim id fecisse dicitur *Omnis Terra, quæ adhucdum erat Linguae unius*, sed & *Deus confudisse tunc* *Et istic Linguam Totius Terræ*, quod utique nihil aliud notat, quam Turrim illam exstruxisse omnes Homines, qui tunc erant universa in terra, & qui omnes una eademque adhuc utebantur Lingua, sed quam Deus confudit per istam occasionem, sicuti ipsos Homines ita quoque ad secedendum ab se invicem tunc adegit, unde illa Linguarum diversitas deinde est exorta. Quin eodem plane sensu dicitur Gen. ix. 19. orta ex illis tribus Noë Filiis secessisse ab se invicem *Omnis Terra*, h. e. omne genus Hominum, quod dein existit per totum terrarum Orbem. Quin sicuti *una Lingua* erat omnibus omnino Hominibus, quod omnes agnoscunt, sic tunc omnes Homines unius Linguae erant quoque *אֶחָד עַם* *Populus unus*, h. e. ad instar Populi aut Civitatis conjunctim una in regione adhuc habitans. Sed & quod dicuntur identidem metuisse, *ne spargerentur*, & *sparsi a Deo*, *עַל פְּנֵי כָל הָאָרֶץ* *in superficiem Totius Terræ*, non designat id Dispersionem seu Secessionem unius Cætervæ vel Partis Hominum. Neque enim Chamitæ sparsi sunt in omnes terras, seu in

in terras quoque a Semitis ac Japhetitis possessas. Sed convenit ista locutio in totum Genus Humanum, quod & dein revera per universum terrarum orbem fuit Sparsum. Sic Act. xvii. 26. *Deus fecit ex uno sanguine* πᾶν ἔθνος ἀνθρώπων κατοικεῖν ἐπὶ πᾶν τὸ πρόσωπον τῆς γῆς, h. e. *omne genus Hominum habitare in omni Superficie Terræ*, ubi Græcis verbis hæc ipsa Hebraica phrasis exprimitur. Manet ergo certum & clarum, Dispersionem totius Generis Humani ex terra Sinear primum factam, ac per eam Posteris Noachi divisos dein in illas Familias, & Gentes, & Linguas, & Terras, quæ memorantur *Capite Decimo*.

Quocirca sicuti vix quisquam est, qui dubitet, quin Historia exstruendæ Turris in terra Sinear, seu Babylonica, & Historia Nimrodi *Capite Decimo* memorata, respiciant se invicem & illustrent, sic neutiquam dubitandum arbitror, quin Dispersio Generis Humani per superficiem totius Terræ in *Capite Undecimo*, & Divisio Terræ in diebus Phalegi facta in *Capite x.* respiciant quoque se invicem, atque adeo utroque loco eadem res designetur, ac ita Dispersio Hominum ex terra Sinear vere facta sit in illis *Phalegi Diebus*. Verum hic nova oritur difficultas,

tas, quo tempore Vitæ, seu *Dierum*, *Phalegi* acciderit. Spanhemius noster cœptam ipsis in Natalibus Phalegi putat Divisionem seu Secessionem in varias Colonias, sed continuatam *successive* per omne illius Vitæ spatium. At quæ, obsecro, ratio est coërcendi intra terminos vitæ illius istam in varias subinde Colonias Secessionem, seu istas *successivas* novorum Populorum origines, quum utique etiam post Phalegi tempora novi identidem Populi fuerint exorti, & ab reliquis in propria sibi loca abierint? Sumamus ipsum Abrahamum, ex quo utique per Isacum orti dein Israëlitæ & Idumæi & Amalekitæ, per Ismaëlem Ismaëlitæ, per filios ex Cethura Madianitæ, aliique. Vide Genes. Caput xxv. Quapropter nequaquam illo sensu videtur accipienda hæc *Phalegica Divisio*, sed ita, ut acciderit uno & certo tempore Phalegi ex peculiari tunc causa, & subito voluntatis divinæ effectū, quando scilicet immissa fuit in Homines *Labii* seu Linguae *Confusio*. At postquam ita tunc Homines, qui adhucdum conjuncti fuerant Omnes, secesserunt semel in diversa, sed proxima, Loca ex terra Sinear, tum vero deinceps multas etiam alias Secessiones fuisse in remotiora loca factas, etiam diu post Phalegi tempora, nullum mihi est dubium.

Alii



ORIGINES BABYLON. CAP. XIV. 383

Alii vero *dies Phalegi* accipiunt proprie de ejus vel Natalibus, vel ultimo anno, vel etiam medio vitæ tempore. Qui ultimum arripiunt annum, ut faciunt Judæi (Vide *Seder Olam Rabba* in ipso initio) & Christianorum quidam illos secuti, his maxime utuntur argumentis; quod fidem superet ex tribus Noachi Filiis circa natales Phalegi, h. e. centum annorum spatium, tantam prodiisse hominum multitudinem, ut tot in Gentes se dividerent, tot terras cis & ultra mare occuparent, & incolis implerent; deinde, quod certe Jetanis Filii xiii. quorum Patruus fuit Phalegus, intra illud tempus, h. e. ante natum Phalegum, ita se in posteros suos propagare minime potuerint, ut tanquam tot Gentium Capita & Auctores in Divisione Terræ tunc facta reliquis Gentium Progenitoribus annumerari debuerint, sicuti factum tamen videmus Gen. *Capite Decimo*. Sed res profecto mira, perverfis adeo modis accipi totum hoc negotium ab Interpretibus, ut implicent se variis difficultatibus, quæ nullæ sunt. Etenim satis ex ipso Mose patet, neutiquam existisse tunc, quum Dispersio fieret, tantam Hominum multitudinem, quin potuerint facile uno in loco vivere conjuncti. Immo illi ipsi studiose utique cavere voluc-

luerunt, *ne dispergerentur*, seu ab se invicem quoquo modo abirent aut aberrarent: satis eo ipso declarantes, existimasse ergo, se adhuc diu deinceps posse ita conjunctim habitare. Imperite igitur *Major* aliquis ab Interpretibus ad Secessionem tum vere factam requiritur *Numerus*, quum diserte nos Scriptura S. doceat, *omnem Terram* devenisse pariter in campestria Sinear, & istic voluisse Urbem sibi, in qua deinceps habitarent, exstruere tum maxime, quum inde a Deo in diversas secedere terras jam juberentur & cogerentur. Sed neque Indoles rei desiderat *Majorem* illum *Numerum*. Neque enim Secessio statim fuit facta, ut ostendemus postea, in multas & numerosas plane Gentes, neque per totum terrarum orbem in regiones valde remotas, sed in paucas tantum & exiguas adhucdum Familias, ac loca terræ Sinear proxima: verum unde dein Homines, numero aucti, longius paulatim secesserunt, & ita ex se majores etiam, sed posteris demum temporibus, reliquerunt Gentes. Sed caput & principium erroris est, quod existimant plerique, in Dispersione Babylonica, seu Divisione Phalegica, debere non modo jam exstitisse omnes illos, qui *Capite* x. tanquam Progenitores Familiarum & Gentium enumerantur, sed &

& habuisse ipsos jam tunc progeniem amplissimam, cum qua in coloniam separatam abire, & proprium sibi condere populum, etiam in longinquis regionibus istic itidem memoratis, potuerint. Hoc autem neutiquam convenire censent in natales Phalegi, seu in annum a Diluvio centesimum & primum, quando nequaquam tot Gentes jam potuerint exstitisse. Et recte id quidem: sed minime perspiciunt illi mentem Mosis, qui *Capite* toties dicto haudquaquam sibi propositum habuit commemorare Familias & Gentes, quæ statim in ipso Divisionis seu Dispersionis momento jam cœperint, sed potius omnes illas, quæ post Divisionem istam, seu Dispersionem tempore Phalegi cœptam, exinde usque ad Abrahamum, seu a Patriarchis ante Abrahamum, fuerint exortæ, quippe ad cujus Historiam proximo statim *Capite* post expositam Dispersionis causam & initium progreditur, & in qua dein variarum Gentium *Capite* x. memoratarum mentionem jam facit. Hæc si observentur, quæ certissima sunt, uti jam observavit Doctiss. Usserius *Chronol. Sacræ Cap. 5.* tum vero nulla in his supererit difficultas, neque ex Hominum numero tempore nati Phalegi, neque ex Jectanis Filiis, qui fa-

cile non quidem illo, sed Abrahami tempore, proprias ex se Gentes seu Civitates, verum exiguas, ut omnium Gentium prima initia fuerunt prorsus exigua, condidisse jam potuerunt, durantibus eoque, immo & longe post, Secessionibus Familiarum ab se invicem, quæ in natalibus Phalegi quidem cœperunt, at repetitæ dein sæpius, etiam post Abrahamum, sicuti ex Eo ipso, ejusque Liberis, immo & Fratribus & Agnatis, multas dein novas Gentes primam traxisse originem scimus. Neque vero opus tunc erit, Jectanem hac una de causa, quod cum XIII. Filiis *Capite* x. quoque memoratur, Phalego statuere majorem, quod illi itidem faciunt, sed male, ut diximus.

Sunt jam alii, inque iis Salianus, & Petavius ipse, *de Doctrina Temp.* ix. 13. qui in mediam Phalegi ætatem conjiciunt Dispersiōnem Babylonīcam, seu Secessionis initia, sed falso prorsus argumento. Nempe arripiunt ex Ctesia, & iis, qui eum sequuntur, longam illam durationem Monarchiæ Assyriacæ, secundum quam Abrahamus anno Nini regnantis XLIII. fuerit natus. Hos itaque Nini, & porro Beli patris ejus, quem Nimrodum fuisse volunt, annos ex Eusebio computant,



tant, eorumque initium in mediā fere Phalegi ætatem deferunt. Inde ergo Nimrodei Regni principium, inde Babelis originem, inde Seceſſionis ſeu Diſperſionis initia tunc repetunt. Sed falſum, Ninum Aſſyrium, atque ideo *Semitam*, Nimrodi *Chamitæ* fuiſſe Filium: falſum, tam antiquo tempore eum vixiſſe, quod liquido oſtendemus, ſi Deus vitam dederit, in *Aſſyriacis*, ſed & ultro jam agnoſcunt plerique Eruditiffimi Viri. Longe ſpecioſior eſt Abrami ſententia (Vide ejus *Pharum lib. iv. cap. 12, 13, 14.*) qui a Patribus diſcedere non auſus, Noachicam Diviſionem Diſperſioni Babylonicæ præmittentibus, ſatis argute auguratur, Diviſionem illam teſtamento Noachi fuiſſe factam, quum tantum quod natus eſſet Phalegus, at Diſperſionem ac Seceſſionem dein eveniſſe intra xxx. annos, qui inter ipſius Phalegi Natales, & illud tempus, quo ipſe jam genuit Filium Rehu, interceſſerint, & qui proprie ſint *Dies Phalegi*, ſiquidem ex iſtis unice annis Patriarcharum Chronologia S. conſtet, atque ideo in ea illud iſtius intervalli tempus, ſeu illi iſtorum anni, ſint proprii cujuſque Patriarchæ *Dies*. Arguti prorſus & concinni hoc eſt commenti, in quo nihil traditur abſonum aut a vero

valde abhorrens, si quo fundamento idoneo niteretur Noachica Divisio, seu testamento, seu forte, facta. Sed quum illa ex errore Græcæ Versionis apud Patres primitus sit orta, nulla idcirco talis Divisionis, cujus nullum reperimus in S. Scripturæ Historia vestigium, habenda hic nobis est ratio, nec causæ habemus quidpiam, quare a genuina Hebraici Textus simplicitate recedamus. Quapropter nullus dubito, quin *Divisio isthæc Terræ, & Dispersio per superficiem totius Terræ*, acciderit tempore eo, quo natus est Phalegus, sed paulo forsan latius sumpto. Etenim debuit aliquid in hac re proprium fuisse Phalego, quare ab ea ipse præ aliis omnibus Nomen acceperit. At si *Dies* ejus intelligimus de tota Hominis vita, sive ejus media, aut extrema parte, nihil tunc proprii Phalegus in ea Divisione habet, quippe quum eo sensu *in diebus* ipsius Heberi, & tot aliorum, æque ac Phalegi, acciderit ista Divisio. At proprium fuit Phalego in illa vel Heberi vel Semi familia, nasci ferme in ipso illo Divisionis ac Dispersionis tempore, & ideo inde Nomen hoc justissima ratione sibi impositum a Patre habuit. Sed & semper usitatum id fuit, ut Nomina a factis Historicis formata imponantur pueris eodem tempore natis.

natis. Sic I Sam. iv. 21. 22. quum cæsi  
essent a Palæstinis Isrælitæ, & capta Dei  
Arca, ac inter alios periissent Filii Eli,  
atque ipse Eli dein, summus Sacerdos,  
nuncio attonitus quoque concidisset, Nu-  
rus ejus mox peperit, & nato Filio no-  
men dedit *אֵי כבוד* h. e. *ubi gloria*, scili-  
cet, vel *Dei*, vel *Isrælis*, *nunc est?* id-  
que propterea, ut diserte additur, *quia*  
*capta Arca*, & *quia perierat Eli*, ac ejus  
Feminæ Maritus. Similiter I. *Chronic.*  
vii. 23. quum Ephraimi Filii occisi es-  
sent a Gathæis, proximo dein Filio sibi  
nato imposuisse Pater dicitur nomen *Be-*  
*ria*, h. e. *in malo*, addita hac ratione,  
*quia in malo fuit domus ejus*. Apud Græ-  
cos quoque *Euripides* ita appellatus tradi-  
tur, quod eo ipso die, quo natus est,  
Græci Xerxem ad Euripum vicerint, si  
fides Hesychio Illustrio in *Euripide*, cum  
quo conferendus est Suidas. At Romanis  
tempore primorum Cæsarum nihil fre-  
quentius. Octavianus Augustus infans  
*Thurini* cognomen accepit, quod in regio-  
ne *Thurina*, *Recens eo Nato*, Pater Octa-  
vius adversus fugitivos rem prospere gesserat,  
teste Suetonio in *Aug. Cap. 7*. Sic, quod  
tradit Servius ad *Virgil. Ecl. iv. v. 1*.  
*Asinius Pollio post captas Salonas, Dalma-*  
*ticiæ civitatem, eodem anno suscepit Filium,*

*quem a capta civitate Saloninum vocavit.* Denique de Imp. Claudio, quum de Britannia triumphasset, testatur Eutropius *eum Filio suo Britannici nomen tunc imposuisse*, qui & illo *Britannici* nomine, quasi prorsus sibi & unice dein proprio semper idcirco in Historiis insignitus occurrit. Sic illi infantibus: at Persæ posteriores itidem Filiis, sed tamen etiam adultis, a populis devictis Cognomen tribuebant, & constanti quidem consuetudine, quod docet nos Agathias *lib. iv. p. m. 130.* Habemus & in nostra Rep. Hominum exempla, qui etiam puellis, recens natis, a victoria tunc forte parta nomen, & *Victoriæ* quidem, indiderunt.

Idem itaque Phalego evenit, quia natus fuit circa tempus Dispersionis. Nam affirmare prorsus nolim, natum ipso illius temporis minimo momento. Sufficit enim, non alium tunc fuisse Hebero filium, cui Ille rectius hoc nomen imponeret. Debuit tamen vel unicus tunc fuisse filiulus Heberi, vel certe natus minimus, nec diu ante natus. Ceterum natus est anno primo & centesimo post diluvium, si Hebraicam sequimur Scripturam, quod faciendum censeo. Nam quum necessario fraus in tot Patriarcharum annis vel ab Judæis in Hebraico Textu ad minuen-



nuendam suæ Historiæ antiquitatem, vel a Græcis Interpretibus ad eam augendam, consulto prorsus consilio debuerit fuisse facta, exputare nequeo, nec reperio, quæ tanta res Judæos movisset, ut eam minuire adeo vellent, in primis quum finitimi illis populi, Chaldæi, Ægyptii, &c. ex antiquitate longa vel præcipuam suis originibus majestatem addere studuerint, & ipse Josephus pro Antiquitate rerum Judaicarum cum Apione quoque depugnaverit. Longe itaque verisimilius, Græcos Interpretes, quicumque tandem illi fuerunt, in Ægypto fraude hac usos, ne infra Ægyptiorum antiquitatem longe adeo subsiderent origines Judaicæ. Fateor tamen vicissim, nimis exiguum videri spatium totius intervalli, quod inter Diluvium & Abrahami ætatem in Hebraica Chronologia intercedit, sed quod alterius & longioris est disquisitionis.

Facta autem est Dispersio ex terra Sinear in regiones, ut supra dixi, non remotas valde, sed propinquas. Nec enim ulla illis Hominibus causa fuisse potuit, cur præteritis vel transitis terris prorsus fecundis & idoneis abunde ad ipsos alendos, abirent statim in longe remotas, imo ultra mare, ut volunt Viri Docti, qui Dispersionem & Secessionem Hominum

ex *Capite x.* potissimum nobis deducunt. Audiamus Salianum ad *Ann. Mundi* 1931. ubi disputat Athenienses antiquissimos fuisse *Jones* & proxime ab *Javane* ortos, quod in ea regione, ut ait, *Javan* Parentis (*Japheti*) missu confedisset, *Ægeo mari cum fratribus trajecto*. Hoc exempli sit loco; nam similiter de reliquis Noachi nepotibus loquitur, quasi jam ipsi in regionibus ab se postea denominatis confederint. Neque aliter *Bochartus Phalegi* I. 16. *Termini Dispersionis*, ait, a *Septentrione fuerunt Thracia, ubi Thiras; & Caucasus, ubi Magog: a Meridie Libya, ubi Phut; Arabia, ubi Jectan cum Liberis FIXIT SEDES.* &c. Manifestum ex his, sensisse eum, ipsos illos Noachidas, *Capite x.* memoratos, suas *Fixisse Sedes* in illis, etiam remotissimis, Regionibus, quæ ab ipsis nomen postea acceperunt, & in quibus, ut Ego quidem sentio, Eorum Posterii demum confederunt. Hinc ille *Terminos Dispersionis HUIUS* (nam quin postea etiam ultra hosce *Terminos* abierint nullum est dubium, nec de eo nunc agitur) in ipsam usque Europam, & Africam, ac littora Italiae, Galliae, Hispaniae extendit. At quid hisce absurdius affirmari potest? Sumamus solos nunc *Javanem & Thirasum*; inde Græcia seu *Jonia* Asiatica atque Eu-

ropæa, hinc *Thracia* nomen & originem suam traxit. Sed quis tandem animum sedulo attendens persuadere sibi poterit, illos ipsos transiisse statim in Europam? Quid movisse eos potuisset, ut id facerent? Neque enim tanta jam erat Hominum multitudo, ut propiorem sibi sedem, & commodam satis, capere saltem ad tempus non possent, quam dein eorum posterì, aucto omnium numero, in ulteriora paulatim promoverent: ut fecerunt, donec in eas pervenirent tandem terras, quas dein tenuerunt in perpetuum, & ab suo Progenitore, unde & ipsi suum habebant nomen, denominarunt: ubicunque autem prius hærebant, istic confidebat tunc Familia vel Gens *Javan & Thiras*. Nulla certe necessitas adigebat eos per tot terrarum tractus petendi statim remotissimas regiones, quum utique adhuc Omnes possent tunc & vellent conjuncti in Una Terra Sinear vivere, eoque animo istic Urbem sibi re ipsa exstruerent. Sed & aliquandiu postea tempore Abrahami & Jacobi propinqua Terræ Sinear loca, immo ipsa Syria, & Cananæa, paucos adhuc habuerunt incolas. Liquet id ex verbis Abrahami ad Lotum Genes. xiii. 9. &c. supra (Vide pag. 371.) jam allatis; sed & ex Historia Jacobi proficiscen-

tis in Mesopotamiam, & pernoctantis sub  
 dio, haud dubie, quia nulla istic reperi-  
 bat tecta aut domicilia Hominum, Ge-  
 nes. xxviii. 11. Adde quæ eandem in  
 rem observavit Heideggerus *Hist. Patr.*  
*Tom. 2. Exerc. xxiv. 9.* De Græcis vero  
 certum est, ipsos Gentis suæ primordia  
 repetere ab Inacho; Hunc autem ab  
 omnibus ante se referri ad tempora Mosis  
 ipse testatur Eusebius in *prooemio ad Chro-*  
*nic. Librum II<sup>a</sup>.* Et sane vix crediderim  
 diu ante istius ætatem Homines penetrasse  
 in Græciam, licet aliter nunc sentiant fe-  
 re omnes, Eusebium temere secuti. Scio  
 satis Sicyonii Regni in Peloponneso pri-  
 mordia, & Regem primum, Ægialea,  
 poni nunc vulgo ante Abrahamum, qua  
 in re Chronologi & Annalium Scriptores  
 itidem præeuntem sibi habent Eusebium.  
 Sed certissimus is est error, quum Ægia-  
 leus fuerit Frater Phoronei, ut docet nos  
 Apollodorus <sup>b</sup>, Phoroneus autem Filius  
 & Successor Inachi. Quid plura? Satis  
 liquere ex his puto, primos Noachidas  
 non exiisse ex Terra Sinear in regiones  
 adeo longinquas, quod ipsum etiam Hei-  
 deggerus sensit. Nam & ille in *Hist. Pa-*  
*tri-*

<sup>a</sup> Sive in *prooemio Libri*, qui inscribitur Χρ-  
 ονὸς Κανὼν, pag. 87.

<sup>b</sup> Lib. II. in princ.



*triarch. Tom. 1. Exercit XXII. 13. necessum fuisse affirmat, ut primum loca viciniora occuparent, procedenteque tempore, & crescente populi multitudine, ulterius progredierentur, atque in Remotioribus regionibus LONGO POST tempore sedes figere cogerentur.*

Ceterum sicut ergo reliqui in propinquis Terræ Sinear locis aliquandiu hæserunt, sic ipsum Nimrodum cum Sodali-  
bus & Agnatis in ipsa illa Terra mansisse, verisimile est. Primo enim palam id tradit Josephus I. 7. ὑπομείνας παρὰ Βαβυλωνί-  
οις ἐτυράννησε, *Manens post dispersionem apud Babylonios, h. e. in Nova Urbe Babylone, regnavit. Dein AbenEzra ad Genes. XI. Et rectum est in oculis meis, quod dispersi sunt Homines ex eo loco, & Postquam Dispersi sunt, regnavit Nimrod in Babel, & surrexerunt Reges alii, & post dies multos, quum mortua esset ætas prior, oblivioni data est Lingua prior. Sed & ipse Moses Genes. x. 10. Nimrodum Regem fuisse dicit Babelis, aliorumque oppidorum, in Terra Sinear. Hic vero mirari fati non possum, Viros Doctissimos, Abramum & Heideggerum, censere, oppida hæc & Regnum illud condita a Nimrodo jam ante Dispersionem. Disertissime sic loquitur Heideggerus Hist. Patr. Tom. 1. Exerc. XXIII. Sect. 2. §. 28. ubi, satis*  
ap-

*apparere, ait, Nimrodum ante Gentium dispersionem instituisse Regnum, & ejus custodiendi ac proferendi gratia in campo Sinear ædificasse civitates quatuor, quas, repetit dein, ante Dispersionem ab illo ædificatas, pro certo tenendum videri. Si jam quæras, quibus utatur rationibus, unam tantum eamque frivolam fatis invenies. Scilicet, quum Babel ædificari sit cœpta ante Dispersionem Gentium, sequitur, etiam Nimrodum civitates illas condidisse & principatum erexisse ante Dispersionem Gentium. At quæ ratio, quæ vis, istius consequentiæ? Sed & Babel tunc, ut ipse ait, COEPTA tantum ædificari. Ea ergo nondum perfecta, neutiquam videtur Nimrodus ad alia confestim oppida condenda tunc progressus. Nec perfecta fuit, nisi post Dispersionem, per quam, & per Confusionem Labii, impedita & interrupta utique fuit illa Urbis & Turris ædificatio. Deinde Homines ante Dispersionem diserte UNAM tantum Urbem & sedem stabilem sibi voluerunt condere, neque alia de causa, quam quia videbant terram esse valde opportunam suæ omnium habitationi. Et idcirco neque Urbs illa proprium habuit Nomen, nisi post Dispersionem, quando jam aliæ quoque Urbes exstrui & exsistere cœperunt, quum ante id tempus proprio No-*  
mi-

mine non indigeret, quia Una & sola adhuc erat in Orbe terrarum. Tantum ergo abest, ut jam ante Dispersiōem, & antequam Hæc Urbs fuit absoluta, aliæ quoque Urbes fuerint conditæ. Neque vero Nimrodus ipse ante hanc Dispersiōem *Rex*, nec totius Generis Humani, nec Partis alicujus, fuit, sed Rebellis, & Caput tantum factionis contra Noachum comparatæ, at post dispersiōem demum cum præcipuis suæ factionis & agnatis suis mansit Babele, & conditis aliis etiam oppidis *Rex* suæ familiæ & illarum Urbium evasit. At Heideggerus e contrario, Nimrodum in ista Dispersiōe, *æque ac ceteros, Babylone pulsum*, censet abiisse in Assyriam, atque ibi condidisse Nineven &c. At vero satis liquido hoc in superioribus cap. iv. jam refutavimus: sed & *Assyriam* ab *Assure* Semi Filio denominatam, atque adeo etiam occupatam, in illa gentium dispersiōe, ex rei natura, seu origine omnium tunc Gentium (vide me supra p. 54.) satis constat: quin ipse id fateatur *Señt. seq. §. 42. Assur*, inquit, *originem dedit Assyriis*, nulla istic mentione Nimrodi jam facta, tanquam inde itidem, & bello quidem, pulsi, ut debuisset, si prior occupasset Assyriam. Neque vero probabile est ulla ex parte, in illa prima Dispersiōe

ne

ne bella statim gesta inter paucas adhuc-  
dum familias de possessione terrarum, quæ  
omnes tunc vacuæ erant, & occupanti-  
bus, etiam postremis, satis laxæ & late  
patentes. Non debebant ergo talia illo  
jam tempore fingi aut statui bella, in pri-  
mis, quando nulla eorum in S. literis oc-  
currunt nobis vestigia, sicuti nulla pror-  
sus in hac Historia Assyriæ ab Assure or-  
tæ occurrunt. Præivit autem Heideg-  
gero Nic. Abramus, & in Regno quidem  
Nimrodi jam ante Dispersionem in Terra  
Sinear condito, *Phari lib. v. §. 9. & seqq.*  
auctoritate Theophili Antiocheni ad *Auto-  
lycum*<sup>a</sup> maxime subnixus, qui disertè ait  
Urbes illas conditas, *πρὸ τῆ τὰς διαλέκτες*  
*μερισθῆναι*, *antequam varietas Linguarum est*  
*exorta*. Sed bono huic Patri in Historia  
antiqua non multum est tribuendum,  
quippe qui turpi socordia errat etiam in  
iis, quæ ex ipsa Genesi certa satis sunt &  
manifesta. Nam mox, ut alia quamplu-  
rima omittam, in Terra Sinear inter Chal-  
dæos primum Regem ait fuisse Arioch, post  
illum Ellasar, post hunc Chodollagomor Re-  
gem Elami, denique post hunc Thargal Re-  
gem Gentium, quæ vocentur Assyriæ. Hos  
porro omnes mox vocat Assyriorum Reges.  
Qualia, quæso, ista sunt? nonne prorsus  
con-

<sup>a</sup> Lib. II. Cap. XLV. Ed. Wolf.



confusa & miris modis a vero abhorrentia?  
 quum *Ellasar* utique non Homo aut Rex  
 fuerit, sed ipsum Regnum, quod tene-  
 bat *Arioch*, neque Hi Reges sibi succeffe-  
 rint, sed eodem tempore diversorum Reg-  
 norum seu Oppidorum Reges fuerint,  
 Socii inter se & Amici. Vide Genesin  
*Cap. 14.* Prætermitto reliqua. Sed & de  
 altera illa sententia, qua Nimrodum Re-  
 gno suo & Babylone depulsum post di-  
 spersionem auguratur idem Abramus in alias  
 regiones concessisse, egimus jam supra *Cap.*  
*IV. p. 65.* Superest itaque, ut rejectis vanis-  
 simis conjecturis, unice inhæreamus Histo-  
 riæ Sacræ, quæ tradit, Homines omnes ad-  
 hucdum conjunctos, quum venissent in Ter-  
 ram Sinear, consilium cepisse communis istic  
 Urbis sibi exstruendæ simul cum Turri,  
 quæ eos longius aberrantes ad unam istam  
 Urbem quasi reduceret: sed Deo interve-  
 niente, qui volebat eos ex Una Sede &  
 Loco in Varias Sedes & Terras secedere,  
 interruptum fuisse hoc opus, adeo ut di-  
 serte dicantur *desisse* tunc Homines *ex-*  
*struere illam Urbem*, quæ deinde *Babel* fue-  
 rit dicta, sed propter rem tunc jam præ-  
 teritam, scilicet, *quod Deus ibi Confudisset*  
*Labium totius Terræ*. & ex eo Communi  
 Loco Homines *disperisset in superficiem to-*  
*tius Terræ*. Una ergo illa Communis omni-

um

um & Prima Urbs cœpta quidem ante Disperſionem, ſed per eam deſita & interrupta illius exſtructio; tantum abeſt, ut aliæ quoque Urbes jam tunc fuerint conditæ. Conſequitur itaque ex his omnibus, ut neceſſario poſt Diſperſionem demum Nimrodus in Terra Sinear *regnaverit*, atque adeo ibi in Diſperſione illa manſerit, quum & prima illa Urbs, *Principium Regni ejus*, tunc demum absoluta, & reliquæ in Terra Sinear Urbes, quarum ille itidem *Rex* fuiſſe dicitur, cœptæ demum poſt eam diſperſionem fuerint. Confirmantur ita vel maxime ex Scriptura Sacra Joſephus & Aben-Ezra, immo & Syncellus pag. 42. qui pariter Nimrodum manſiſſe in Terra Sinear, & Babelis Regnum ibi condidiſſe, ac reliquiſſe ſuis ſucceſſoribus, tradunt. Sed & hinc idem Syncellus *Chronographiæ* pag. 90. & 92. memorat nobis ex Africano, ut & ex Alex. Polyhiſtore (vide Syncell. p. 78.) primos poſt Diluvium Chaldæorum, h. e. Babyloniorum, Reges ſeptem numero, quorum princeps *Euechous*, ſed qui, ait, *παρ ἡμῶν Νευρώδ* vel *Νεμρωδ*, *apud Nos* (Chriſtianos) *Nimrod* dicitur. Quibus Septem dein ſucceſſerint in Chaldaico hoc Regno ſex Arabum Reges, quorum ultimus victus & principatu dejectus fuerit

rit a Nino Affyrio. Rejicit quidem omnes hosce Reges inter Nimrodum & Ninum interjectos Salianus ad *Ann. Mundi* 1931. pag. 207. b. sed nulla alia ratione, quam quia hæc non conveniunt in ipsius sententiam, Ninum statuentis Nimrodi Filium. At vero hoc non est veritati, sed Hypothesi, quæ tamen est falsissima, servire. Nam præterquam quod Eusebius & Syncellus tot Reges nominatim, & ordine, atque ipsis cum annis Regni singulos commemorant, ipse etiam Diodorus Siculus lib. II. init. Nini tempore non tantum Mediæ, Armeniæ, Arabiæ, sed & Babyloniciæ proprios Reges existisse nos docet, quorum ultimum ille vicerit, & occiderit cum liberis. Neutiquam ergo Ninus Rex Affyriæ Babylonicum Regnum a Patre, & Nimrodo quidem Babylonio, ut volunt, accepit Hereditarium, sed armis subegit, & ultimum ejus Regem Hostem habuit, ac bello domuit. Sed neque justam satis video rationem, quare If. Vossius de *Ætate Mundi* cap. 9. ita confidenter pronunciet, *perperam Euechoum credi esse Nimrodum*, nisi quod ex falsa Chronologia LXX. Interpretum, & ex vulgari de ætate Nini sententia, quæ itidem est falsa, denique & ex illorum Regum annis ab Eusebio & Syncello expressis, hunc Euechoum refert ad

sæculum integrum post Dispersionem, atque adeo infra Nimrodi ætatem. Sed neque ultima hæc ratio satis est idonea ad illud ita abjiciendum, quod Eusebius & Syncellus, qui facilius in numeris annorum errare potuissent, diserte affirmant, Euechoum fuisse Nimrodum. Neque vero diversitas Nominum diversos semper facit Homines, quum utique Scriptores Chaldæi seu Babylonii eosdem Homines aliis nominibus appellasse reperiantur, aliis Scriptura S. Ita Adamus illis est *Alorus*, Noachus *Xisuthrus*; quidni ergo & Nimrodus *Euechous*? Sed tamen neque ego asseverare prorsus velim, Euechoum fuisse revera ipsum Nimrodum. Nam, præterquam, quod Eusebius & Syncellus sæpe in hisce errent, ut qui etiam ex *Nabonassaro* Babylonio faciunt *Salmanassarem* Assyriæ Regem; ætas vera Nini requirit grandius spatium ab Nimrodo usque, quam illis Regibus ab Euechoo usque ad Ninum tribuitur. Accedit, quod neque Amraphel in iis Regibus memoretur, sed qui tamen alio nomine in hoc Catalogo possit fuisse designatus. Verum tamen, quia secundum Chaldæos ab Euechoo demum incipere veri Babyloniorum Reges videntur, quum superiores ab iis exhibeantur valde longævi & satis fabulosi, tanquam Dii quidam, aut

Semi-



Semidei, non ita temere abjiciendam putem illam Euechoi comparisonem cum Nimrodo. Facilius enim errari potuit siue ab Africano, siue ab Eusebio & Syncello, in numeris annorum, ut diximus, aut in quorundam Regum omissione vel ignoratione, quam in Primo omnium Regum recte designando. Ut adeo incertum mihi sit, utrum recte, an perperam, Euechous a Patribus dicatur fuisse Nimrodus, nec rejicere Ego illud penitus, nec etiam asseverare ausim.

Ceterum Arabibus illis debellatis Babylonem sibi subjecerunt Assyrii. Ast horum illa jugum rursus excussit, incertum quando. Certum illud ex Epocha Nabonassarea, habuisse eam Urbem, circa initia Olympiadum Chronologicarum, & Romæ conditæ, proprios iterum Reges, quod ipsum etiam liquet ex Merodacho Baladanis F. qui eodem fere tempore, seu tempore Ezechiaë, Judæi Regis, Legatos ad eum misit, ut in ejus valetudinem, quem ægrotavisse audiverat, inquireret, 11. Regum xx. 12. & Esa. xxxix. 1. Verum hi tamen Reges non adeo diu adversus invalescentem tunc maxime Assyriorum potentiam tueri se potuerunt. Nam jam tempore Manassis, qui Ezechiaë fuit Filius, Esarhaddon Rex Assyriorum Babylona ite-

rum occupavit. At mox Medis, qui tandem Assyrios debellarunt, & Nineven destruxerunt, junxere se Babylonii instinctu & ductu Nabopolassari, & sic non modo jugum Assyriorum denuo abjecerunt, sed & Imperium illorum cum Medis quasi diviserunt, & relicto His omni tractu Asiæ versus Orientem, ipsi omnia, quæ Assyrii tenuerant in Occidentali parte Asiæ, sibi vindicarunt. Ita vero ad Medos tunc & Babylonios validissima illa Assyriorum Monarchia transiit. Sed, ut Mundus non potest ferre duos Soles, ita neque duo illa imperia diu ferre potuit una Asia, quin inter se colliderentur. Tum vero Babylon expugnata a Medis & Persis, in horum dein potestate mansit, usque dum una cum iis in ditionem Alexandri M. concessit. Post quem a Seleuco, condita Seleucia, & spoliis Babylonis ornata, ac a Successoribus ejus, Syriæ Regibus, prorsus est neglecta, & exhausta, & sic deinceps in solitudinem ac vastitatem paulatim redacta, in qua ad hæc usque tempora mansit, ostentans tantum antiqui splendoris reliquias, rudera, & muros. Vide Bochartum *Phalegi* IV. 15. Nam quæ nunc vulgo *Babylon* dicitur, *Bagdad* est, ab Almanfore Arabum seu Saracenorum Principe condita anno Christianorum 762. Vide Abul-

Abulfarajum *pag.* 141. & 143. ac Elmacinum *pag.* 102.

Ita vero Babylonicas absolvimus Origines. Quod si nunc in hac Historia, ita, ut a me factum, exposita, indulgere aliquantulum velimus allegoricis seu parabolicis sensibus, reperiemus in ea manifestam Ecclesiæ Novi Testamenti figuram. Etenim sicuti Omnis Terra erat una tunc Noachi familia, unius labii & sermonis, & haud dubie in Noachi pariter reverentiam adhuc composita: sic Christiana Ecclesia primum erat prorsus Apostolica, pura, & sincera, atque unius doctrinæ, ad Christi & Apostolorum præscriptum formata. Illa vero Noachi Familia ex Oriente dein transiit in terram Sinear, atque istic consedit, quum deprehendisset prorsus fertilem, & hominibus ac pecoribus tuendis alendisque idoneam: sic Christiana Ecclesia ex Oriente, & ex Judæa, abiit in Occidentem potissimum, & in Europam, conseditque in imperio Romano, quod propagando Euangelio vel maxime deprehendit opportunum, quia per causam unius Imperii, ad gentes quamplurimas illi subjectas facillimus tunc dabatur aditus, & Euangelii passim prædicandi facultas. Ceterum exortus est in terra Sinear paulatim rebellis ille Nimrodus, qui

omnes fere Noachidas sibi adjunxit, & cum iis ab Noacho defecit, quin Urbem sibi & Regnum condidit, ac Turri excitanda signum omnibus erigere voluit, quo ad societatem Urbis & Regni ejus identidem retraherentur, ne facile alias in terras inde aberrarent: sic in Christiana Ecclesia & Imperio Romano paulatim exstitit Anti-Christus, qui ferme totum sibi Christianum Orbem subjecit, & ab vero Dei cultu abalienavit, sedem porro Romæ in metropoli istius imperii fixit, atque ibi Regnum Ecclesiasticum sibi condidit, ac quasi signum Decretorum suorum, & Conciliorum, sustulit, ne ab veneratione sui Regni & Urbis deflecterent ad alias quas-cunque ceremonias; adeo ut jam tempore Impp. Henrici IV. & V. Papa Paschalis II. ausus fuerit postulare jusjurandum hujus formulæ, *Anathematizo omnem hæresin, & præcipue illam, quæ statum præsentis Ecclesiæ conturbat, & docet Anathema* (scil. Romanæ Sedis) *contemnendum, ac Ecclesiæ ligamenta spernenda esse. Promitto autem obedientiam Apostolicæ Sedis Pontifici, ejusque Successoribus sub testimonio Christi & Ecclesiæ, affirmans, quod affirmat, & damnans, quod damnat Sancta & Universalis Ecclesia. Vide Append. ad Marianum Scotum Ann. 1099. & adde Aventinum Annal. Bojorum lib.*



ORIGINES BABYLON. CAP. XIV. 407  
*lib. VI. p. m. 485.* Verum ut Deus Nim-  
rodi & Hominum primorum consilia, con-  
tra Noachi præceptum capta, disturba-  
vit, & immittendo Labii confusionem ad  
secedendum eos adegit, ast ita, ut Nim-  
rodus Babele tamen manserit, ac regnum  
retinuerit, licet quamplurimi ab eo &  
Regno hoc Babelis secesserint in varias  
Terras & Gentes, Harum autem pleræ-  
que fuerint quidem ab recto Dei cultu alien-  
næ, verum una ex illis Familia & Gens  
dein exstiterit, quam sibi Deus elegit ve-  
luti propriam: sic etiam humana Romanæ  
Ecclesiæ consilia inhibuit tandem Deus,  
& similem fere Labii Confusionem in eam  
immisit ac Secessionem, sed ita quoque,  
ut Papa tamen suum Regnum Romæ qui-  
dem retinuerit, ast quamplurimi per Ger-  
maniam, Galliam, Britanniam, Daniam,  
Sueciam, Poloniam, Hungariam, Belgi-  
cam, Helvetiam, ab eo & ejus Regno ac  
Ecclesia secesserint in varias Sectas Enthu-  
siatarum, Anabaptistarum, Socinianorum,  
& maxime Lutheranorum, ac Zuingliano-  
rum, ex quibus quin Deus unam sibi ele-  
gerit, & habeat peculiarem ac fœderatam  
Ecclesiam, nullum nobis est dubium.

F I N I S.

# INDEX

## Rerum & Verborum.

### A.

**A**belis nomen non videtur infanti a parentibus impositum. pag. 185.

*Abenezra* laudatur. 293.

Abrahami majores coluerunt Deos alienos. 173. habitarunt in Mesopotamia, in oppido Vr. 139. 140.

*Acervus* ab Ἀγείρω derivatur. 271.

*Aegialeus* Rex Sicyonius nequitquam fuit antiquior Abrahamo. 394.

Aegyptii certarunt cum aliis Gentibus, & Babylonii maxime, de antiquitate sua. 71. 72.

Ἀγγαροὶ ab אַנְגָּרָא *Epistola*. 271.

Ἀγγελοὶ ab eadem origine. 272.

Ἀγείρω ex Hebr. Lingua derivatur. 270.

Ἀγέλη ab ἀγείρω. 272.

Ἀγορὰ ab ἀγείρω. 271.

Allegoriæ in usu apud antiquissimos Homines. 204. 205.

Allegoricæ interpretationes. 198. &c. 204. 208. 300.

Allegorica Historiæ primorum Hominum in Terra Sinear interpretatio. 405. 406. 407.

Ἀναξ, Ἀνακες, notat Gigantas, Deos, Reges, Dominos, derivatur ex Hebræa Lingua 275. 276.

Antiquissimi temporis res obscuræ. 1.

— recte tamen fit, si indagentur. 3.

*Anuck-*

# INDEX RERUM & VERBORUM.

*Anuchtha*, Urbs ubi olim Sedes Caini fuerat.  
48.

*Ἀνώνυμος* obscurus, ignotus. 287.

*Aracca* urbs diversa ab *Erech*. 78.

Arces conditæ in initiis ipsis Urbium. 151.

*Arrianus* in *Periplo* exponitur. 289. 290.

———— in *Dissertat. Epicæti*. 285.

*Ἀσπρος*, obscurus, ignobilis. 287.

*Affaradinus*. Vid. *Efarhaddon*.

*Affur* Semi F. condidit Niniven, non Nimrodus. 52. seqq. 397.

*Affyriorum* nomine designantur etiam Babylo-  
nii. 10 62.

## B.

**B***abylon* Beli F. 149.

*Babylon* Urbs antiquissima 5.6. 44. 50. Ejus  
Origo. 155. 157. &c. 399. quo consilio re-  
feratur a Mose. 160.

———— immensam antiquitatem jactat. 8. an ab  
Semiramide condita. 69. 70. 148. &c. an a  
Belo. 70. 149. &c.

———— capta ab Affyriorum Rege, Efarhad-  
done. 87. 88.

———— minus potens post tempora Nabopol-  
lassari. 87. seqq.

———— ejus fata & vicissitudines. 400. 401.

*Babylon* & *Nineve* sæpe junguntur. 59.

———— Ejus Regnum in S. Scriptura antiquis-  
simum. 50.

*Babylonia* an inundationibus obnoxia. 49.

———— ex ea navigabatur in Persicum mare.  
95.

———— fertilis valde fuit & pascua. 310.

———— plana & campestris. 316. 317.

# I N D E X

Babylonii observationes cœlestes habuerunt ab annis 1903. ante Alexandrum M. 6. quare ab Nabonassaro certiores demum incipiant. 20. &c. 30. &c.

— *Assyrii* vocantur. 10. 61. 62.

Babylonicæ vestes. 49.

Babylonici Reges antiquissimi ante Ninum. 401.

Babylonica Turris. Vid. Turris.

Babylonicæ *Myriades* annorum explicantur. 22. seqq.

Babylonii & Aegyptii de antiquitate suæ Gentis inter se certabant. 71. &c.

*Bagdad* a quo condita. 404.

*Belus* erat nomen Supremi Dei in Oriente apud diversas Gentes. 73. &c.

*Beli* fuerunt plures. 73. 152.

*Belus* Babylonius condidit Babylonem. 153. est Nimrodus. 153. 154.

*Belus* Aegyptius. 70. seqq.

*Berosus* Chaldæus, floruit tempore Alexandri M. 14. seqq.

— non videtur fuisse Auctor Epochæ Nabonassareæ. 20.

— explicatur in diversis, quas memorat, Annorum Myriadibus. 22. seqq.

— non videtur scripsisse de Nabonassaro, quæ Syncellus, vel Alexander Polyhistor, ei tribuit. 31. 32.

## C.

**C**acus antea alio nomine dictus. 185.

**Cadmus** cur in serpentem conversus dicatur. 47.

Caini urbs. 45. 48.

*Cal.*



## RERUM & VERBORUM.

*Callisthenes* observationes astrorum Babylonicas in Græciam misit. 6.

———— ejus fides in hac re defenditur. 9. 37.

Canticis debetur prima Historiæ origo. 2.

Chaldæi, qui & *Chasdim*, a Chesed Nachoris F. orti & dicti. 66. 139. 141.

———— habitarunt primum in Mesopotamia, in Ur Chasdim. 139. 140. 144.

———— translati inde, & collocati in Babylonia ab Assyriæ Rege, & forsan a Nino. 141. 142.

———— jam memorati in libro Jobi. 143.

Chamitæ an gesserint bellum cum Semitis. 168. 169.

Χεῖλος, pro *Lingua*. 214. 220.

*Chloris*, Niobes Filia, antea *Meliboea* dicta. 185.

Chronologia Judæorum a Deportatione Babylonica usque ad Reditum, confirmatur ex Babyloniorum & Tyrriorum annis. 118. *seqq.*

## D.

**D**ies *Phalegi* quo sensu dicantur. 382. &c. 387. &c.

*Diodorus Siculus* explicatur. 77.

Dispersio Hominum ex Terra Sinear non fuit malum aut pœna. 187. 188. 329.

Dispersionem cur cavere voluerint Homines. 247. 297. &c. 352. &c.

Dispergi Homines, seu ab se invicem secedere, quare Deus voluerit. 331. 332.

Dispersio vel secessio Hominum non fuit duplex. 356. &c. 369. 373. &c. 381.

Dispersio ex terra Sinear facta est tempore  
Pha-

# I N D E X

Phalegi. 381. *seqq.*

Dispersio non facta fuit in remotas valde regiones a Terra Sinear. 371. 384. 392. &c.

— Ejus Historia non est Parabola, aut Allegorice interpretanda. 199. &c. 229. &c. 246.

— quo consilio & nexu referatur a Mose. 160. 200. 201. 385.

Divisio Terræ Noachica nullo nititur idoneo fundamento, & ex errore est orta. 358. 361. 373.

— non fuit secundum Patres eventu firmata ante Dispersionem ex Sinear. 363. 374.

*Dofon* nomen Antigoni unde ortum. 184.

Dracones in Fabulis Græcis sunt Homines in speluncis habitantes. 47.

## E.

**E**lectra Agamemnonis Filia ante *Laodice* dicta. 184.

\*Επίσημα pro Nominibus. 289.

\*Επίσημόν τινος dicitur, quod ab aliquo denominatur. 290.

*Erech* in Terra Sinear, Græcis Ὀρχόν dicta, diversa est ab *Aracca*. 78.

*Esarhaddon* Rex Assyriæ est idem, qui *Assaradinus* in Canone Ptolem. 83. 87.

— cepit Babylona, & sub potestate Assyriorum redegit. 87, &c.

*non Esse* qui dicantur. v. *Non*.

*Euechous* an idem, qui *Nimrodus*. 400. &c.

*Eusebii* Chronicon Gr. tentatur. 15. 22.

## F.

# RERUM & VERBORUM.

## F.

**F**eræ olim, quum pauci adhuc essent Homines, maxime eos infestabant. 306. etiam in Cananæa. 306. 307.

— Earum cædes & venatio valde gloriosa. 303. 304.

*Filii Hominum* notat omnes Homines. 170.

## G.

**G**αῖα & Γῆ ex Hebræa Lingua derivatur. 273. — an *maxime* significet tractum campestrem & montibus oppositum. *Ibid.*

Γενόμενος etiam de Vita, non unice de Natalibus, dicitur. 14. 15. 16.

*Gigantes* cur ex Terra nati dicantur. 47. Fabula de *Gigantum* bello adversus Deos unde orta. 203. 327.

Gloriæ & Nominis studium alienum a Noachidis in exstruenda Turri. 234. &c.

Græca multa ex Hebraico sermone derivata. 270. 271. &c. 282. 283.

Græciæ origo neutiquam referenda ad tempora Dispersionis, aut proxima. 394

Græci pleraque Asiæ majoris ante Cyri tempora ignorarunt, & ideo destructionem Tyri Veteris a Nebucadnezare factam non memorant. 124.

## H.

**H**ebraica Chronologia præferenda Græcæ Lxx. Interpretum. 390.

Hebræa Veteris Test. Lingua an fuerit Noachi

# I N D E X.

- chi lingua. 175.  
in Hebræa Lingua multa occurrunt ἀπαξ λεγόμενα. 269. &c. & ideo ex aliis Linguis recte illustratur. 270. &c.  
Hebræarum vocum etyma non sunt derivanda a Græcis. 277. 278.  
Hebrææ voces exponuntur  
אגר *collegit*, אגרת *epistola*. 270. 271.  
בקעה *pro campo* 320. 321.  
מגור מגורה גור. μέγαρον 281.  
זמן 280.  
יד *pro statua, monumento*. 265. 266.  
לפני יהוה *Coram Domino*. 301.  
סמן 277. 278.  
עיר. 45. 46.  
פוז. 228.  
פלג *etiam de fortuita & de coacta dispersione dicitur*. 372.  
צ״ם 95.  
שם *Nomen & Signum*. 264. &c.  
שם *ibi* 264. 268.  
השם *quare Deus ita dicatur*. 267.  
שפה 212. &c. 216.  
שמע שפה 222. 223.  
ש & ש. *permutari inter se crebro solent*. 278. 279.  
Schin ש Sin *etiam promiscue videntur adhibita*. 268.  
Hevæi a Serpentibus dicti, habitabant olim maxime in speluncis. 47.  
Historici temporis initium in Oriente, Græcia, & Romæ. 3.  
in Hiitoriis sæpe circumstantia quædam suo loco & tempore prætermittitur, quæ dein demum



## RERUM & VERBORUM.

demum alio loco refertur. 334. &c.

*Homerus* allegorice expositus. 204. 205.

Homo ab natura ad convictum & societatem aliorum fertur, atque horret solitudinem. 297.

Homines omnes, qui exstabant tunc in Terra, habitarunt conjuncti adhuc in terra Sinear. 161. &c. 380.

Homines primi vitam egerunt Nomadicam. 310.

Hyperbolicæ locutiones in prophetiis usitatæ. 125. 126.

### I.

*Inachus* vixisse videtur tempore Moſis. 394.  
Initia omnium rerum fuerunt tenuia & rudia. 235.

*Jolans*. Vid. *Protesilaus*.

*Jobi* Libri Scriptor Hebraicus sæpe loquitur ex & pro ratione temporis, quo ipse vixit. 143.

*Josephus* tentatur & explicatur. 15. 101. 106--121. 129.

*Ithobalus* Rex Tyrriorum periit cum Tyro vetere. 106

Judices regionibus devictis a Nebucadnezare impositi. 102. 123.

### L.

**L** & *R*. inter se in derivationibus permutari solent. 272.

*Labii* vox quo sensu accipiatur a Mose. 211. &c.

*Labii* confusio non fuit poena, sed instrumentum,

# I N D E X

tum, quo Deus coegit Homines ab se invicem secedere. 330. 341. Variis modis potuit esse facta. 347. non fuit perpetua, sed cessavit post dispersionem. *Ibid.*

*Laodice.* Vid. *Electra.*

Lingua Hominum post dispersionem paulatim, & diversis modis in diversis gentibus, fuit mutata. 177. 342. 343. &c.

Linguae mutatio an pro poena possit haberi, & an aliae Gentes respectu Linguae deteriore fuerint loco, quam Hebraea. 178. &c.

*Livius* emendatus. 95.

*Luciani* locus. 134.

## M.

**M***anetho*, rerum Aegyptiacarum Scriptor, vixit & scripsit paulo post Berosum. 16. *Μέγαρον* unde derivetur. 281.

*Meliboea.* Vid. *Chloris.*

*Μεταξὺ* pro *μετὰ*, post. 114.

*Myrtale.* Vid. *Olympias.*

## N.

**N***abalis* nomen non videtur infanti a parentibus impositum. 185.

Nabonassareæ Epochæ initium & origo, &c. 20. 33. 34.

*Nabonassar* videtur publico in loco constituisse Album, vel instituisse Annales, in quibus observationes cœlestes annotarentur. 21. &c. 33. 34. Ab eo, & deinceps, diligentius, quam antea, videntur annotatae observationes cœlestes. 29. 34.

— non videtur delevisse priorum Regum memo-

## RERUM & VERBORUM.

memoriam. 32. 33. &c.

— non fuit Primus aut Novus Patriæ per se liberatæ Rex, neque excussit a Babylo-  
niis jugum Medorum aut Assyriorum. 34.  
35. 36.

*Nebucadnezar* regnavit annos 43. etiam ex Ju-  
dæorum Chronologia. 118--121.

— Successorum ejus anni. 119.

*Nimrodus* an idem, qui *Euechous*. 400. &c.

— fuit idem, qui Belus Babylonius. 153.  
154.

— præcipuus fuit in extruenda Turri. 182.  
186. 379.

— a rebellione est dictus. 183. 333. 378.

— venator fuit, & ea re sibi comparavit  
potentiam, & factionem, & Regnum. 299.  
&c. 309.

— Regnum tamen non habuit, nec Ur-  
bes condidit, ante Dispersionem. 396. &c.

— mansit post Dispersionem in Terra Si-  
near, & ibi Regnum condidit sibi. 395.  
399.

— non abiit in terram Assur. 51. &c.

— non exiisse, nec expulsus, videtur ex  
terra Sinear. 65. 66.

*Nineve* & Babylon sæpe junguntur, ut Ur-  
bes sibi invicem pares. 59.

ab ea *Ninyas* Nini F. videtur nomen habere.  
149.

*Ninus* non fuit Nimrodi F. 150. 387. & 401.

— ante Ninum Reges fuere Babylonis.  
400.

Noachidæ omnes habitaverunt conjuncti in Ter-  
ra Sinear. 162. &c.

pariter videntur extruxisse Turrim. 172.  
&c.

# I N D E X

- eorum consilium in exstruenda Turri. 225.  
 &c. 325. &c.  
 erant Nomades seu Pastores. 310. &c.  
*Noachus* monuit Homines, ut in Varias terras secederent. 332. 333.  
 Terram tamen non divisit certas in partes.  
 334.  
*Nomadum* vita fuit antiquissima. 309. 310. & vaga. 312. 313.  
*Nomen* pro qualicunque designatione Hominis. 263.  
*Nominis* etymon. 261.  
*sine Nomine* dicuntur, qui obscuri sunt & ignoti. 286.  
*Nomina* ex vocabulo quodam sæpius usurpato Hominibus indita. 183.  
*Nomina* ex facto adultis imposita sæpe prævaluerunt præ genuinis & primis. 185.  
*Nomina* ex factis publicis formata & imposita infantibus. 388. 389.  
*Nominatim* pro diserte quibuscumque de rebus dicitur. 264.  
*Non Esse Populus, Vir, Consul* &c. dicitur, qui id est quidem, sed non ita, ut ab aliis pro justo & vero habeatur. 92. 93. 94.  
*Nota* pro nomine proprio. 263.  
*Numeratio Populi* a Davide facta, per se non fuit mala. 337. 338.

## O.

- O**lympias antea *Myrtale* dicta. 185.  
*Olympiades* Chronologicæ quare initium ducant a xxviii. Olympiade. 28.  
*Olympasos, celebris*. 288.  
*Orchoë* Urbs Babylonix, quam *Erech S.* Scriptura



# RERUM & VERBORUM.

ptura dicit. 78.

*Ordo* narrationis inversus per ὕστερον πρότερον.  
55. 354. 355. 368. &c.

## P.

**P**agi olim fuerunt frequentes, & dicebantur tunc *Urbes*. 45.

*Parentheses* rerum aliarum sæpe narrationi Historiarum per occasionem interponuntur in S. Scriptura. 55. 56. 57. 98.

*Pastores* erant primi Homines, & habitabant in tentoriis, nec certam habebant sedem. 310. &c. Etiam homines opulenti, & ipsi Reges. 312. vagabantur longum latumque, etiam illi, qui jam certam sedem habebant. 312. &c.

*Phalegi diebus* facta dispersio. 382. &c. h. e. quando natus est. 388. &c.

*Phalegus* natus fuit tempore Dispersionis, & inde nomen habet. 388.

*Philastrius* Brixienfis notatur. 369.

*Philo* Judæus περὶ Συγχύσεως. 196. 197.

*Phoroneus* antiquissimus Græciæ Rex. 11.

*Plinius Nat. Hist.* emendatur & explicatur. 9. &c. 39. 40.

*Podarces*. v. *Priamus*.

*Priamus* antea *Podarces* dictus. 185.

*Proclus* Lycius. 205.

*Prolepsis* Scriptoribus Sacris & aliis usitata. 141.

*Prophetiæ* hyperbolicis gaudent locutionibus. 125. 126.

*Protesilaus* antea *Jolans* dictus. 184.

# I N D E X

## R.

**R.** & *L.* in derivationibus permutari inter se solent. 272.

## S.

**S***allustius* explicatus. 93.

*Sapientiae Salomonis* Auctor notatus. 330.

*Satrapæ* vel *Judices Regionibus* domitis impositi. 102.

in *Scriptura S.* sæpe circumstantia quædam suo loco & tempore prætermittitur, quæ dein demum alio loco refertur. 334. &c. *Parentheses* in *Scriptura S.* vid. *Parentheses*.

*Scriptura S.* exponitur

Genes. x. v. 9. 299. &c.

— x. v. 10. 42. 44. 59.

— x. v. 11. 51. &c.

— xi. v. 1. &c. 157. &c. utrum allegorice & figurate exponendum. 199. &c.

Josue VII. v. 21. 49.

2. Sam. IV. v. 4. 56.

Esaie XXIII. v. 13. 79. &c.

Ezechielis XXVI. v. 1. 110. v. 2. 99. 103. 115.

— XXIX. v. 18. 19. 102.

Danielis IV. v. 27. 70.

Michæ V. v. 6. 60. 62.

Galat. IV. v. 24. 209.

*Semiramis* non condidit *Babylonem*. vid. *Babylon*.

*Sepulchri* titulus olim solum *Nomen Sepulti* præferebat. 284. 286.

# RERUM & VERBORUM.

*Σῆμα* ex Hebr. **שם** quid notet. 283. 284.  
&c.

*Σῆμα* & *Τάφος* distinguuntur. 285.

*Signum* pro Nomine proprio. 262.

*Speluncæ* olim fuerunt pro Domibus, & Homines in iis habitabant. 46. 47.

*Stephanus* de Urbibus explicatur. 142. 146.  
149.

*Strabo* explicatur. 37. 77.

*Sulpicius Severus* explicatur. 364.

## T.

**T***atianus* explicatur. 14.  
*Τάφος*. v. *Σῆμα*.

*Terra omnis* notat omnes totius Terræ Homines. 162. 168.

*Theophilus* Antiochenus ad Autolyicum notatur. 398.

*Tostatus* Abulensis laudatur. 295.

*Troglodytæ*, in speluncis habitantes. 47.

*Turris* Babylonice & Dispersionis Historia,  
quo consilio referatur a Mose. 160. 195.  
200. 385.

non est Parabola, aut Allegorice interpretanda. 199. &c.

Eam exstruxerunt Omnes, qui tunc erant,  
Homines. 162. &c. 380.

Habuit usum Phari & Signi. 259. 260. 292.  
293. &c. 315. 316. 322.

non fuit in Valle, sed in æquabili campo  
exstructa. 320. 321.

in ea exstruenda nullum per se fuit crimen.  
325. &c.

sed accessit ex eo, quod non ausculta-  
D d 3 Noz

# I N D E X

- Noacho, vel Deo, jubenti eos secedere.  
 332. 333. 340.  
*Tyrus* antiqua (*Palatyrus*) in continenti sita.  
 99. 100.  
 obfessa non ante, sed post destructam Hierosolymam. 104. 105. 115. 116.  
 destructa vere a Nebucadnezare. 100. 122.  
 123. 130. &c.  
 accepit dein Judices & Regulos Babylone  
 usque ad tempora Cyri. 103. 123.  
*Tyrus* nova cœpit & exstitit demum post tempora Nebucadnezaris. 125. 126. sub Monarchia Persica. 126.  
*Tyrus* nulla fuit cognita Græcis tempore Homeri. 130.  
*Tyriorum* Chronologia post Urbem eorum destructam a Nebucadnezare. 117. &c.  
 121.

## V.

- V**alerius Maximus explicatus. 306.  
*Venatio* & cædes majorum Ferarum olim  
 vel maxime gloriosa. 303. 304.  
*Venatio* in ludis Romanorum. 314.  
*Verba* apud Hebræos etiam a Nominibus derivantur. 280. 281.  
*Vocabula* Diversa diversæ scripturæ, quæ olim  
 fuerunt Eadem. 279. 281.  
*Gerh. Joh. Vossii* Chronologia laudatur. 7.  
*Ur* oppidum Mesopotamiæ, ubi primum habitarunt Abrahami majores, & dein Chasdim, seu Chaldæi. 139. &c. 145.  
*Urbes* olim erant pagis & vicis similes. 45.  
*Urbs* (רע) pro uno domicilio & stabili sede  
 apud Hebræos ponitur. 45. 46.

*Urbs*



## RERUM & VERBORUM.

*Urbs* Caini fuit certa ejus sedes, vel domus, non vera *Urbs*, sed dedit originem veræ *Urbi*. 45. 48.

*Urbium* primi conditores fere tantum arces exstruebant. 151.

F I N I S.



ERRA-

# ERRATA.

*Pag. 325. v. 25. leg. sine Atroci injuria*  
*Ibid. v. 26. l. Horum Consiliorum*



